

12

I

LVIII

B

~~34~~

35

BIBLIOTECA NAZ.

Vittorio Emanuele III

LVIII

B

35

NAPOLI

XVIII. N. 14

286



CASPARI BARTHOLINI  
THOM. FIL.  
DE  
TIBIIS VETERVM  
& earum antiquo vsu  
LIBRI TRES,  
AD  
EMINENTISS. PRINCIPEM  
CARDINALEM  
SIGISMVNDVM  
CHIGI.



R O M Æ,  
Ex Typographia Pauli Monetæ. MDCLXXVII.

—  
SUPERIORVM PERMISSV.  
—  
Sumptibus Benedicti Carraræ ad Pedem Marmoreum.

THE  
LIBRARY  
OF THE  
MUSEUM  
OF THE  
CITY OF  
CHICAGO



THE  
LIBRARY  
OF THE  
MUSEUM  
OF THE  
CITY OF  
CHICAGO



EMINENTISSIMO PRINCIPI  
CARDINALI  
SIGISMUNDO  
CHIGI

CASPARVS BARTHOLINVS  
*Felicitatem.*

**I**N Antiquitate indaganda haud-  
quaquam par labori gloria Scri-  
ptorem sequitur. Etenim de  
rebus à nostra memoria remotis, quæ  
fugituo æuo se tacitè subdlexerunt, cõ-  
mentari, diuersa ab alijs artibus lege  
constat, in quibus proprium valet arbi-  
trium & suo cuiuslibet modo euagari licet.  
In Antiquitate adornanda tenor qui-  
dam obseruandus est, non tam libero &  
sibi

sibi relicto calamo, quàm multiscio & vetustati innixo. Præterea ad hunc scribendi laborem etiam rerum reperiendarum difficultas accedit, cum plerumque veluti in alta nocte lateant Antiquitatum vestigia, & si quæ nondum periè-re, in mutis librorum latibulis sepulta iaceant, vel ex tritis marmorum ruderibus ad lucem nouam reuocanda. Ita huic laborum generi non merita contingit gloria, cum in illo nihil nostrum sit præter meram explicationem rerum, quæ iam demum in lucem tanquam nouæ protrahuntur, cum tamen ipsis, qui se *παροισήνους* iactabant, Arcadibus interdum antiquiores sint. Earum rectam & veritati omnimodo conformem expositionem inuenire haud facile est, omnibus tamen placere longè difficilius. Nam cum sua cuilibet mens sit, ad cuius iudicium cuncta examinant, si quid illorum opinioni præiudicatæ conforme

112 afferat

affertur, laudant; contra, si ab ea rece-  
datur, ignorantia atque errore factum  
existimant. Nihilofeciùs omni quo An-  
tiquitatis non fuit cura postrema. Res  
multis retrò seculis obsoletas à vetusta-  
tis obliuione & ignobili morte vindica-  
re, & suos inuenit cultores, & Fautores  
habuit atque Protectores. Inter illos me,  
sed omnium minimum, profiteor, qui  
ad Antiquitatem haud exiguo semper  
studio & amore ductus sum. Inter hos,  
nempe eius Patronos ac Protectores, Te  
primo loco numerarem, *Eminentissime*  
*Princeps*, nisi iam tum simul & reliqua  
quæ sciri possunt, capaci pectore ample-  
xus esses, & ad omnes scientiarum ter-  
minos ex Eminentissimo fastigio animū  
cœlestem demisisses. Vt quicquid illæ  
solidi habeant, id ex aureo & purpureo  
ore Tuo hauriri possit. Nam vt alia  
omittam, magnum sanè amoris Tui in  
Naturale studiū, & fauoris in me docu-

mentum hoc interpretor, quod in Eminentissima & florentissima Aula Tua non semel locum mihi indigno dederis, & admiseris iam partem Anatomies demonstrantem, iam nouas circa eandem aliorum & proprias obseruationes referentem audiueris. Nec Antiquitatis indaginem displicere intellexi. Vnde quemadmodum Græci Veteres ad Cynosargen, & Psylli partus suos serpentibus dijudicandos obtulerunt, ita ego fœtum hunc meum ad limbum Purpuræ Tuæ in humo statutum depono, ex veteri Romanorum ritu, visurus, veluti Aquila dubios natos ad Solem examinat, an partus hic illos Tuos Solares radios ferre possit, & humo tolli atque suscipi dignus sit. Prima hæc fœtus mei supra terram constitutio, non Statinæ Dææ, vt apud Gentiles olim, sed Tibi, *Eminentissime Princeps*, sacra erit, nec aliam cum Ethnicis Leuanam Deam

&

& παιδοτροφίαν aduoco, quæ humo tollet.  
Natalis dies Libri mei hodie est, Lustri-  
cus erit, vbi Tu illum susceperis & no-  
men ab Eminentissimo Nomine Tuo  
acceperit. Ita mihi hunc ingenij mei  
partum tollendi, cum pauperibus olim  
educandis, ex *Plinio*, vna ratio erit, *Bo-  
nus Princeps*, qui sui fiducia procreatos  
augeat, foueat, amplectatur. Et Tibi  
ijsdem verbis acclamabo, quibus *Pli-  
nius* Traiano suo: *Super omnia est, quod  
talis es Traiane, ut sub Te liberos tollere,  
libeat, expediat.*

Vale, qui inter Purpuratos Patres emi-  
nes, *Eminentissime Princeps*, Senatus Ro-  
mani non vltimum decus, & diu, anti-  
qua & celeberrima stirpe tot virtuti-  
bus dignissime, perenna.

Romæ Kal. Februar. MDC. LXXVII.



CASPARVS BARTHOLINVS  
THOM. FIL.

LECTORI SVO S.

**S**I ad genium seculi currentis calamus  
instruendus esset, & ea solùm affe-  
renda, quæ publico palato sapiunt,  
iure, fateor, vilis hic meus censebi-  
tur labor. Is enim est tempore nostro laborum  
delectus, ut qui paulo diligentius in Antiquita-  
tem inquisiuit, operam quasi perdidisse videat-  
ur, cum Noua magis iam placeant, experi-  
mentis nouis in lucem protracta, antea ignota.  
Nec ex horum numero me esse diffitebor, qui  
antiquos ex Naturæ latebris errores nouis &  
veris experimentis proscribere nituntur; quan-  
quam etiam haud raro ad illorum partes tran-  
sierim, qui Antiquitatis multifariam eruditio-  
nem nouis studijs & laboribus illustrant. Ego  
sanè in hoc foro tacuissem potius, nec cum his  
lucubrationibus iam Romæ prodyssem, nisi ad  
id compulsus fuisssem à Clarissimo Amico Fran-  
cisco Nazario, Viro omnibus notissimo ob  
omnigenam eruditionem, quam etiã eius publi-  
cæ Ephemerides Literatorum hic indies loquun-  
tur,



tur , tantam librorum cuiuscunque scientiæ & linguæ varietatem tamq; distinctam notitiam complectentes , ut singularia eorundem quæ ipse laboriose solus perstringit , clarius & solidius ab ipsis seorsim auctoribus haberi nequeant. Illi postquam communicaueram ea, quæ de Tibijs Veterum & earum Antiquo usu , ex vtriusq; linguæ Auctoribus frequēti lectione opera non trāslaticia adnotaueram, Romano prælo non indigna iudicauit, & protinus me simul atque Typographum in vota sua faciles habuit. Non enim exigua hæc Antiquitatis pars est ad quam sic satis multa pertinere præsens Volumen ostendit. Feci verò ut solent peregrinantes , qui non promiscuè quæcunq; oculis subiiciuntur , sed elegantiora quædam admirantes, condunt , reponuntq; in memoriam . Ita ego quæ de hac materia , latè dispersis Auctorum variorum monumentis involuta habere potui , cum delectu & iusti ordinis necessaria ratione congeffi . Subtilem verborum singulorum crisin , nonnullis nimis familiarem, sponte subterfugi , nec præter rem & modum in alios sedulus, eos imitari studui, qui censoria virgula superbientes suis obeliscis omnes confodiunt , & reliquos præ se contemnunt . Mihi certè omnes applaudentes nec habiturus sum ,  
nec

nec opto, acquiescam si bonorum consensum  
meruerim. Hippomachus Tibicen, apud AElia-  
num, discipulo suo cum aberraret ab arte inter  
canendum, & nihilominus plausum auditorum  
assequeretur, feriens eum baculo, dixit, Perpe-  
ram cecinisti, nam aliàs hi tibi non applau-  
derent. Scilicet haud difficile est, communem  
populi auram captare; at non omnibus datum  
est ab ijs solùm approbari, qui rectum iudicium  
ferre possunt. Ita felicius, ex monitu Fabij,  
procedunt artes, si soli artifices de ipsis iudicant.  
Nec sanè alij in iudicium admittendi sunt, quàm  
qui incorruptè iudicare, vel norunt, vel ve-  
lint. Rectè Caius Lucillius olim dixit, neque  
se ab indoctissimis neque doctissimis legi velle,  
quod illi nihil intelligerent, hi plus fortasse  
quàm ipse. Tu Lector, qui me plus sapis, Vale  
& indulge.

---

*Imprimatur, si videbitur Reuerendiss. P. Mag.  
Sac. Pal. Apost.*

*I. de Angelis Archiep. Vrbin. Vicefg.*

---

*Imprimatur.*

*Fr. Raimundus Capisuccus Ord. Prædicat.  
Sac. Pal. Apost. Mag.*

ELEN-

# ELENCHVS CAPITVM.

## LIBRI PRIMI.

CAP. I. De Tibia, ad quam Musices partem apud  
Veteres pertinebat.

II. Nominis Tibiæ origo & Synonyma.

III. De Inuentoribus Tibiarum.

IV. De Materia Tibiarum.

V. Tibiarum Forma, earumque Partes.

VI. Tibiarum species & varia discrimina.

VII. De Arte Tibias inflandi.

VIII. Tibiarum sonus.

IX. De Modis Numerisque Tibiarum.

X. A quibus ars Tibias inflandi exercita &  
apud quos in vsu.

## LIBRI SECVNDI.

CAP. I. Tibiarum vis ad variè afficiendos animos;  
eosque vel concitandos vel molliendos.

II. Tibiæ vsus in Curatione Morborum.

III. Tibia in Regum Inauguratione.

IV. Tibia in Triumphis.

V. Tibia in Bello.

VI. Tibia in Hymnis & Deorum placationibus  
apud Paganos.

VII. Tibia in Sacris & Sacrificijs Gentilium.

VIII. Tibia in Sacris Magnæ Deum Matris.

IX. Tibia in Festis Publicis.

Tibia

- X. Tibia in Ludis, spectaculis, atq; Comœdijs .  
 XI. Tibia in Saltatione Pantomimi, Ludij, aliorumque .  
 XII. Tibia in Nuptijs & Choreis .  
 XIII. Tibia in Conuiuijs .  
 XIV. Ad Tibiam factæ Conciones ad populum, Carmina recitata, atque Heroum laudes in conuiuijs & funeribus decantatæ .  
 XV. Tibia in Funeribus & Luctu .  
 XVI. Tibia Nautica .  
 XVII. Tibiarum vis ad commouenda Bruta Animalia .  
 XVIII. De Tibijs Mira quædam ab Antiquis tradita, naturali ratione explicata .  
 XIX. De Assa Tibia, eiusque cum alijs instrumentis consonantia, Symphonia .

## LIBRI TERTII.

### CAP. I. De Tibicinibus.

- I I. Marfyæ Tibicinis Fabula .  
 II. I. De rebus quibus vsi Tibicines, Anulo, Tibiarum & lingularum theca, atque Capistro .  
 IV. De Vestitu Tibicinum & Scabello .  
 V. Tibiarum Fabri .  
 VI. De Tibiarum à reliquis instrumentis, quæ oris flatu animantur, differentia . Et primò de Fistula atque Pandurio .  
 VII. De Tuba, Concha, Buccina, Cornu, Tibia vtriculari & Pithaulica, organo, & hydraule. Eorumque omnium & Tibiæ in discrimine .

# AUTHORES

Qui in Opere citantur, nominantur  
& illustrantur.

## A

- |                         |                      |                    |
|-------------------------|----------------------|--------------------|
| <b>A</b> chilles Tatius | Athenaus.            | Charisius Gramma-  |
| Acron.                  | S. Augustinus.       | ticus.             |
| Paul. Aegineta.         | Ausenus.             | Valer. Chimentol-  |
| AElianus.               | Cal. Aurelianus.     | lius.              |
| AEschylus.              | Ausonius.            | Petr. Chrysologus. |
| Alexander ab Ale-       | B                    | Chrysostomus.      |
| xandro.                 | R. Baba Meissa.      | Chytræus.          |
| Ambrosius.              | Barthius.            | Ciacconius.        |
| Ammonius.               | Thom. Bartholinus    | Cicero.            |
| Car. Neap. Antipi-      | Pater.               | Claudianus.        |
| xes.                    | Basilus.             | Coldingus.         |
| Alex. Aphrodisæus       | Bellonius.           | Columella.         |
| Appianus Alexan-        | Io. Petr. Bellorius. | Coinus Smyrnæus.   |
| drinus.                 | Benjamin Tudelc-     | Cornelius Nepes.   |
| Apollodorus.            | sis.                 | Gisb. Cuperus.     |
| Apollonius Cary-        | Beroaldus.           | Curtius.           |
| sius.                   | Biblia Sacra.        | Cyprianus.         |
| Apollonius Citien-      | Boethius.            | D                  |
| sis, inter Veter.       | Boissardus.          | Dalecampius.       |
| Chirurgos MS.           | Boxhornius.          | Dempsterus.        |
| in Bibliotheca          | Brodæus.             | Diodorus Siculus.  |
| Medicæ.                 | Butengerus.          | Diomedes.          |
| Apuleius.               | C                    | Donatus.           |
| Artadius Gramma-        | Callimachus.         | Bapt. Donius.      |
| ticus.                  | Calphurnius.         | E                  |
| Aringhus.               | Capitolinus.         | Ennius.            |
| Aristænetus.            | Cartesius.           | Epistetus.         |
| Aristophanes.           | Io. Bapt. Casalius.  | Epigramm. Veter.   |
| Aristoteles.            | Casaubonus.          | Græc.              |
| Iosua Arndus.           | Cassiodorus.         | Erhardus.          |
| Arnobius.               | Catullus.            | Eugraphius.        |
| Artemidorus.            | Causinus.            | Euripedes.         |
| Asconius Padianus       | Censorinus.          | Eusebius.          |

Eustathius.

F

Felix Faber.

Petr. Faber.

Raphael Fabretius.

Olaus Falconerius.

Fauonius Eulogius.

Off. Ferrarius.

Festus.

Iul. Firmianus.

Fulgentius.

G

Iac. Gaffarellus.

Galenus.

Io. Galuanus.

Gellius.

Gesnerus.

Glossæ veteres.

Damian. a Goes.

Goltzius.

Gonzales.

Gothofredus.

Greunius.

Gronovius.

Gruterus.

Gutherius.

Gyraldus.

H

Dionys. Halicar.  
nassæus.

Heliodorus.

Heliodorus, inter  
Veteres Chi-  
rurg. MS. in Bi-  
blioth. Medicæ.

Heraclides.

Herodianus.

Herodotus.

Hesiodus.

Hesychius.

Hieronimus.

Hippocrates.

Homerus.

Horatius.

Horus Apollo.

Hyginus.

I

Iamblichus.

Iosephus.

Isidorus.

Isocrates.

Hadr. Iunius.

Iuvenalis.

K

Kircherus.

Kirchmannus.

L

Lactantius.

Dionys. Lambinus.

Lampridius.

Christoph. Landi-  
nus.

Langiu.

Petr. Lasena.

Constant. L'Empe-  
reur.

Fortun. Licetus.

Lighfootus.

Liuius.

Dionys. Longinus.

Lotichius.

Lucanus.

Lucianus.

Luilius.

Lucretius.

Luclatius Græmm.

Lycophron.

M

Macrobius.

Hier. Magius.

Antonius Maglia-  
bechius.

Manilius.

Manutianus Poeta.

Manutius Paul. F.

Ammian. Marcel-  
linus.

Marius Victorinus.

Martialis.

Martianus Capella.

Maximus Tyrius.

Barthol. Mayerus.

Meibomius.

Mersennus.

Mercurialis.

Meursius.

Anton. Mizaldus.

Muretus.

N

Nannius.

Franciscus Naza-  
rius.

Paul. Nolan.

Nonius Marcellus.

Nonnus.

O

Oppianus.

Oribasius.

Ouidius.

P

Palladius.

Palmerius.

Pancirollus.

Panvinus.

Papias.

Paschalius.

Passer.

Passeratius.  
Patritius.  
Pausanias.  
Petronius.  
Philostrophus.

Phoedrus.  
Pineda.  
Pighius.  
Pignorius.  
Pindarus.  
Platq.

Plautus.  
Plinius.  
Plutarchus.  
Politianus.  
Pollux.  
Polybius.

Porphyrus.  
Priscianus.  
Propertius.  
Prudentius.  
Car. Anton à Puteo.

Cassianus à Puteo.  
Iunius Philargyrus.  
Q

Quintilianus.

R  
Pascas. Ratbertus.  
Rhodiginus.  
Io. Rhodius.  
Ristherhusius.

Rosinus.  
Rubenius.  
Rufus Ephesius.

S

Sallustius.  
Salmasius.  
Salustianus.  
Alexand. Sardus.  
Saxo Grammat.

Fortun. Scacchius.  
Scaliger.  
Schefferus.  
Sehegkian.  
Scholiastes Aristo-

phanis.  
Euripidis.  
Horatij.  
Iuuenalis.  
Pindari.

Oasp. Schottus.  
Sculletus.  
Sedulius.  
Seneca.  
Seneca Tragicus.

Seruius.  
Sextus Empiricus.  
Sidonius. Apolli-  
nar.  
Silius Italicus.

Smetius.  
Solinus.  
Sophocles.  
Sorani MS. in Bi-  
bliotheca Medi-

ca.  
Aelius Spartianus.  
Iac. Spon.  
Statius.

Stephanus.  
Spobaeus.  
Strabo.  
Stuchius.  
Suetonius.  
Svidas.  
Sylvius Aduocatus.

T

Tacitus.  
Theocritus.  
Theophrastus.  
Terentius.  
Teriulianus.  
Tibullus.  
Tomasinus.  
Terrentius.  
Trebellius Pollio.  
Turnebus.  
Io. Tzetzer.

V

Varro.  
Valerius Flaccus.  
Valerius Maximus.  
Vegetius.  
M. Velferus.  
Polyd. Vergilius.  
S. Aurel. Victor.  
Petr. ViFlorius.  
Vitruvius.  
Virgilius.  
Flau. Vopiscus.  
Fulu. Vrsinus.

X

Xenophon.  
Xiphilinus.

# CASPARO BARTHOLINO

Patritio Hafniensi

*De Tibijs Veterum Scribenti.*

**C**Vr vates meminere lyram super astra locatam?  
Scilicet hic melius Tibia vestra foret.

*Petrus Andreas Trinchorius.  
Varro-Nicenus.*

**Ad Eundem.**

**T**Ibię origo, sonus, species, discrimen, & vsus,  
Quęque fuit virtus, edocet iste Liber.  
Cit mentes, Pęana canit, flet funera, morbos  
Depellit, placat numina, sacrat hymen;  
Regni aditū, mēsasq; hilarat. Quę non facit? omnis  
Te Auctore est veteri, Gaspere, Tibię honos,  
Illam vt pęniteat se proiecisse Mineruam,  
Et vereor posita sumat Apollo lyra.

*N. F. A.*





CASP. BARTHOLINI  
THOM. F. DANI

DE  
TIBIIS VETERVM  
LIBER PRIMVS.

C A P V T I.

*De TIBIA, ad quam Musices partem apud  
Veteres pertinebat.*



ON alte repetam regulas omnes Vete-  
rum musicas, nec leges illas vsitatas ex  
antiquis Musicorum Libris provoca-  
bo, id enim esset ex Leda: ovo ordiri  
bellum Troianum. Pauca de triplici

Musicae genere praemittam, quam in pulsu, voce, &  
flatu constare putabant. Musicae tria genera late di-  
stinguit Boethius de Music. lib. 1. c. 2. & primam  
quidem mundanam facit, secundam vero huma-  
nam, tertiam addit in quibusdam constitutam

A

instru-

instrumentis, ut in citharà vel in Tibijs, cœterisque; quæ cantilenæ famulantur. Vltimam illam quam ad certa instrumenta restringit, partitur secundum diuersitatem administrationis, quæ modo fit intentione ut neruis, modo spiritu, ut Tibijs.

Mundanam illam Musicam agnouit etiam Pythagoras, ut testatur *Maximus Tyrius*, qui illam ex doctrina Pythagoræ admittit, sed diuersam ab ea quam perficiunt instrumenta, nimirum quod cœlum etiam circuitu suo modulationem edat, non autem pulsetur ut lyra, vel infletur, ut tibia. Secunda illa Musices species, quæ humana appellatur *Boethio*, harmonica dicitur *Isidoro*, cuius pars est *κavovικη* apud *Gellium* Libr. 16. Capit. 18. quæ longitudines & altitudines vocis metitur, & ea Musicæ in fundamento artis suæ vtuntur. De hac harmonica Musices parte post *Mersennum* Harmon. Instrum. lib. 2. & *Kircherum* Musurgizæ Vniuers. lib. 6. P. 3. atque varios Autores Musicos veteres, in quos erudita multa congeffit *Meibomius*, nolo latius euagari & post tot Homeros Iliada scribere, ne noctuas Athenas inferam.

*Isidori* tantum mentem audire libet de Musica hac triplici, quæ vel ore, vel manu, vel spiritu editur. Ita ille Orig. lib. 2. cap. 18. *Ad omnem autem sonum, qui materies cantilenarum est triformem constat esse naturam. Prima est harmonica, quæ ex vocum cantibus constat. Secunda organica, quæ ex flatu. Tertia rythmica, quæ impulsu digitorum numeros recipit. Nam aut voce editur sonus, sicut per fauces, aut flatu sicut per tubam vel Tibiam: aut impulsu sicut citha-*

citharam: aut quodlibet aliud quod percutiendo sonorum est. Ab Isidoro non dissentit ipse Cicero, cum pro Roscio Comædo cantum nominat *vocum & nervorum & Tibiarum*; atque lib. 2. de Republ. non innuit aliud quam triplicem hanc Musicam: *In fidibus ac Tibijs atque cantu ipso ac vocibus concentus est quidam tenendus ex diuersis sonis*. Nec aliter interpretor Aelium Spartianum in Seuero: *Deinde ex altissimi montis vertice, orbem terrarum Romamque despexit, concinentibus provincijs lyra, voce, vel Tibia*. Quæ tria etiam eleganter coniuncta video à Philostrato in Aristocle: Ἡδονὰς δὲ ὁπῖσται λυρῶν τε καὶ αὐλῶν καὶ εὐφωνίας εἰσι πᾶσαι εἰσιργάζετο ἐπὶ τὴν διάταξιν; sic enim legendum præeunte magno Salmasio.

In organica tamen Musica adhuc strictior est Cassiodorus, qui lib. de Musica Instrumentorum, musicorum genera tria proponit: *Percussionale, Tensibile; Inflatile*. Ille rythmicam quam statuit Isidorus, ita confundit cum organica ut tria inde constituat: *Organorum*, inquit, aliud percutitur, aliud intenditur, aliud inflatur. Percutiuntur acetabula ænea, vel argentea, unde κρέματα dicta. Tenduntur fides, quæ plectro percussæ mulcent aurium sensum. Instantur Tuba, calami, organa, panduria, & cætera quæ spiritu agitata in sonum vocis animantur. Apud Pollucem lib. 4. cap. 1. tit. 5. Αὐλαὶ καὶ σύμφωνοι inter εὐφωνήματα ὄργανα recensentur, quippe talis organorum fuit olim differentia, uti apud Athenæum Lib. 4. Deipnos. ὄργανα alia sunt ἐντάτα, quæ tenduntur fidibus alia εὐφωναία quæ instantur.

Aristoxenus apud Athenæum instrumenta quæ

tenduntur ijs præfert, quæ implentur, ideo quod hæc tractantur facilius: multos enim absque magistro fistula canere, ludereque tibia veluti pastores. vnde Tibia canere quibusdam vile fuit, & *Arnobius* lib. 2. adu. Gent. cum omnia ad mundi perfectionē redire nec à finibus vtilitatis abscedere dicat, nescit quid de Mulicis, quid de Pantomimis, de cantoribus, tuba, tibia, calamoque statantibus dicat. Cum tamen *Lactantius* de Fals. Sap. lib. 3. cap. 25. musicam cum Philosophia affinitatem habere contendat. Atque Ephori dictum quo Musicam ad fraudem & deceptionem inter homines inductam probat, damnat *Polybius* lib. 4. & ex eo *Athenæus* lib. 14. Vnde etiam inter Musicas artes alias Tibia emerfit, & apud *Corn. Nepotem* in Epaminondæ virtutibus commemorabatur, saltasse cum commodè, scienterque Tibijs cantasse. Et pretium artis inde elucet, quod Ismenias ille Tibicen, qui sibi suisque canere solitus erat, vt ait *Hieronymus*, vel, vt *Cicero*, sibi & Musis, Corinthi Tibias septem Talentis emerit, si credimus *Luciano*.

Aliter Romanæ Stoæ Princeps Epist. 90. Sapientia, inquit, altius sedet, nec manus edocet, animorum magistra est. Vis scire quid illa eruerit quidne effecerit? Non indecoros corporis motus, nec varios pertubam ac Tibiam cantus, quibus exceptus spiritus aut in exitu aut in transitu formatur in vocem. Sed hic nodus alibi vindice dignus erit. Nos properamus ad nostra ἡμῶν organa, quæ ab *Isidoro* recensentur lib. 2. cap. 21. Tuba, calami, fistule, organa, pandoria & ijs similia instrumenta, Maximum

verò

vero nobis argumentum præbebunt *Tibiæ Veterum*, ex quibus occasione sumpta, his affinia organa reliqua quæ flatu animantur, postea recensēbimus, ut illorum & Tibiæ nostræ pateat differentia.

*Tibias* vero *Veterum* eò tractabimus vberius; quod *Meursius* Filius, qui per hoc argumentum breuibus lineis progressus est, minus Lectorum expectationi satisfecerit. Nam *Bulengerum de Theatro*, *Scaligerum de Arte Poet.* aliosq. qui *Tibias* non nisi aliud agendo quasi ex occasione examinarunt, non rectè ad hanc lineam vocaueris.

Eruditus quidem *Stephanus* in *Saxonis* lib. 6. in Commentario suo Tractatum de *Tibijs* promisit quem inter schedas certis de causis se asseruare dixit, sed nimium in mora periculum dolemus, quod in medium nondum processerit. De *Tibijs* autem plurimos veterum scripsisse facillè constat ex frequenti multorum mentione quæ passim occurrit apud *Athenæum* aliosque, quod suis locis videbitur; hic nonnullos ex *Athenæi* lib. 14. afferam, qui vbi de *Magadi* *Tibia* loquitur: *Aristarchus*, inquit, grammaticus *tibiæ* genus esse dicit, contra iudiciū *Aristoxeni in libris de Tibicinibus*, ac in libris de *Tibijs* & musicis instrumentis: contra sententiam & *Archestrati* qui libros duos composuit de *tibicinibus*, & *Pyllidis Delij*, qui etiam de *tibicinibus* librum edidit, & *Euphranoris*. Et ex eodem *Athenæo* lib. 4. *Euphranor de tibijs librum conscripsit* & itidem *Archytas*.

## CAPVT II.

## Nominis TIBIAE origo &amp; synonyma.

**T**ibia organum musicū *αὐσμητικὸν* vel *ἔμπνευσον*, à prima sua materia denominationem traxit, si fides sit *Isidoro* Origen. lib. 2. cap. 20. qui Tibias appellatas fuisse notat, quod primum de ceruinis tibijs cruribusque hinnulorum fierent: deinde per abusum ita etiam vocatas eas, quæ non de cruribus ossibusque fierent. Aliam vocis originem ex veteribus Gloss. repetit *Coldingus* in Etymolog. Lat. *Tibia*, inquit, propriè de instrumento musico à *Tybin*, id est, *Iuncus*, ut innuit *Vetus Gloss.* ex cuius generibus primum fiebat. Vtrique denominationi non repugnabo, quia vtramque illam Tibiarum materiam familiarem deprehendo. Non tamen nescius sum ad alias res tractum Tibiarum Nomen. Vt Tibiæ os quod pedi adaptatur apud *Macrobiu* lib. 1. Somn. Scip. cap. 6. & apud *Isidoru* lib. 2. tibiæ humani corporis dicuntur quasi tubæ; sunt enim longitudine & specie similes. Sed ut illa præteream, quæ vbertim ex Anatomicorum & Medicorum monumentis hauriuntur, non me latet Tibiam pro plantæ nomine vsurpari apud *Plutarchu* de Effluv. & Mont. Nominibus, si Latinæ *Turnebi* versionis fides habenda sit, ubi ita: *Nascitur in hoc fluuio [Marſya] herba Tibia nomine, quæ ad ventum agitata musicam edit harmoniam, teste Dercyllo lib. 1. Satyr.* Forsan ibi Tibia dicitur pro arundine tibiali ex qua

Tibiæ

Tibiæ compactę sunt, de qua nos postea.

Imo Tibicen ipse, qui apud *Isidorum* dicitur quasi *Tibiarum cantor*, non eiusdem semper est significationis. In *Fragmentis Festi* Tibicines etiam hi appellantur, qui sacerdotes, viri religiosi publice sacra faciunt. Et alibi *Sextus Pomp.* aliam ijs significationem tribuit; quod *Tibicines* etiam in ædificijs dici existimentur à similitudine tibijs canentium, qui ut canentes sustineant ita illi ædificia. Quo sensu commodè explico *Iuvenalem* Sat. 3. v. 194.

*Nos urbem colimus tenui Tibicine fultam.*

Sed Tibiam pro instrumento Musico exprimendo vsurpant passim Autores Latini. Id tamen noto apud Grammaticos Veteres modo masculula modo fœminina significatione nomē Tibię vsurpatum, id quod innuit *Nonius Marcellus* de Propr. Serm. cap. 3. *Tibia* gen. fem. Masc. *Varrō* Modio: *Quare meas lubidines ac Tibias bilinguos.* Non tamen semper ad vnum hoc tibiæ nomen restringebantur, sed ut alia, quæ suo loco occurrunt, præteream, quia è loto arbore interdum facta est, lotos dicitur apud *Ovidium* de *Tibia* lib. 4. Fast.

. . . . Sed me sonus æris acuti

*Terret, & borrendo lotos adunca sono.*

Ita quæ ex buxo fuit *Tibia*, *Buxum* nominarunt, non addita denominatione Tibiæ. *Claudianus* de Rapt. Proserp. v. 209.

*Non buxus, non æra sonant . . .*

*Ovid.* lib. 14. Metam.

. . . . tinnitibus æra pulsi.

*Æris, & inflati complevit murmure buxi.*



Atque hæc appellatio Tibiæ ipsis familiaris, qui sacra Cybeles describunt. *Valer. Flaccus* lib. 1.

*Obruit Ideam quantum Tuba martia Buxum.*  
*Virgilius* lib. 19. *Aeneid.*

*Tympana vox buxusq; vocat Berecynthia matris*  
*Ideæ. . . . .*

Buxus hic pro Tibia, quia alijs Berecynthia Tibia, inter quos *Onidius* lib. 11. *Meram.*

*. . . . inflato Berecynthia Tibia cornu.*

De Buxo adhuc *Statius* lib. 9. *Theb.* v. 479.

*----- cum Bacchica mugit*

*Buxus. . . .*

*Eustatius* in hunc locum Tibiam exponit.

Græcis αὐλός Tibia dicitur, cuius etymon nos optimè edocebit *Eustathius*, qui in *Iliad.* lib. 17. in hæc verba,

— Αὐλὸς φόρμιγγός τε βοὴν ἔχον

notat αὐλὸν dici ab αὔω, vel αῶ, idest clamo. Exinde varios artis terminos recenset *Pollux* Lib. 4. cap. 9. tit. 5. Ἀπὸ μὲν αὐλῶν, αὐλῆν, ὑπαυλῆν, κα-  
ταυλῆσαι, παραυλῆν, αὐλημα, ἑναυλον, ἑξαυλον, ἑξήκοντα.  
Aliquando Tibia ludentes à Græcis κωρίζειν dice-  
bantur, anserum more clangere. Imo tam late in  
Tibiæ denominatione euagarunt Græci, vt à *Suida*  
Tibiæ φυσαλίδες vocentur, quod spiritu inflentur.  
Nam quare *Pratinas* πινυδὼνα tibiam dixit, non  
ignoro, & rationem dabo vbi de Nænia & vsu Tibiæ  
in funere prolixiùs commentabor. Nec semper  
αὐλὸν de sola dici Tibia *Polluci* crediderim, apud  
quem lib. 5. cap. 3. etiam cuspidis pars prope hasti-  
le αὐλός dicitur.



## CAPVT III.

## De Inuentoribus TIBIARVM.

**T**antus de Inuentore Tibiarum & inuentionis modo inter Autores dissensus, vt facilius inter horologia, quam illos conueniat. Nos alijs primam inuentionem tribuimus & alijs artis perfectionem sensim cultiorem. Inuentores plurimos nominat *Scaliger* de Art. Poët. lib. I. cap. 19. & 20. Et de ijs apud *Athenæum* passim Iliada reperies. Non in prima Musices incunabula diligentius inquiram, quandoquidem ex *Mose* notum *Genes. 4. v. 21.* illam ante diluuium fuisse, cum trinepos *Adami* *Iubal* cithara & *Tibia* canendi artem inuenerit. Quod autem prius ore cecinerint quam organis, multis videri potest *Vossius* lib. de Nat. & Constit. Poët. & de præstantia Musices antiquæ legi meretur *Io. Bapt. Donius* libris tribus editis.

Quod ad Tibiarum attinet inuentores, neutiquam illam laudem sibi Græciam vindicare posse contendit *Scaliger* Poët. lib. I. cap. 19, sed frustra simul ac temere Græcam garrulitatem atque superbiam sibi inuentionem arrogare, cum non solum *Σηπίτιν* è *Libya* tibijs canendi primum autorem extitisse velit, sed etiam alios pro se adducat, qui in *Phrygia* primas tibia agnoscunt, vt *Myso*rum gentem, quæ tibiæ fuerit peritissima, & *Alcmana* Poëtam, qui tibicines barbaro nec alio nomine designarit. Casui

B

potius

potius fortuito inuentionem hanc adscribit *Lucretius* lib. 5. calamos nempe à ventis agitados prius sibilum emisisse ; ac postea in locis paludosis id à pastoribus obseruatum dedisse occasionem inuentioni ; Ita enim ille :

*Vt Zephyri caua per calamorum sibila primum  
Agrestes docuere cauas inflare cicutas.*

*Inde minutatim dulces didicisse querelas  
Tibia quas fundit digitis pulsata canentum  
Ania per nemora ac syluas, saltusque reperta ,  
Per loca Pastorum deserta atque otia dia .*

Sunt qui in Libya primura repertas volunt . Sic *Athenæus* Seiriten , è gente Nomadum Libycorum , tibicinum artis inuentorem , primumq, tibia cerealiū hymnorum cantorem dicit, lib. 14. Consentit *Eustathius* : Αὐλὸς λιβύς , ὅτι λιβύς τις νομάς αὐλητικὴν πρῶτος ἔρε . Nec aliter *Hesychius* , qui eadem ferè verba habet . *Eustathius* tamen *Iliad.* 17. à Thebis Aegyptijs illas profectas vult : Αὐλοὶ Θεβαίων ἥσαν εὐρημα τῶν κατ' ἄγυπτον : *Tibiae Thebanorum erāt repertum in Aegypto* . Et rursus alibi *Iliad.* 1. *Cretæ repertam Tibiam tradit* .

Alij ad Deos ipsos inuentionem referunt , vt *Plutarchus* lib. de Music. Apollinem omnis musicae repertorem iudicat , quæ tibia & fidibus constat . Nec desunt qui Ardalum Vulcani filium autorem opinantur, referente *Cæl. Rhodigino* lib. 27. cap. 16. Idem *Le& Ant.* lib. 7. cap. 4. Euterpen inuentricem iudicat. Iuxta *Pollucem* lib. 4. Marsyas & Olympus inuenerunt Tibiam , sed Sirites expoliuit . *Strabo* in inuentione addit Silenum, *Geogr.* lib. 10. Σελήνῳ

καὶ Μαρσύαν καὶ Ολυμπόν συγκύοντες εἰς εὐν καὶ εὐρητάς  
αὐτῶν ἰσχυρῶντες.

Solius Marſyę meminit Hyginus : *Quas tibiaſ* ,  
inquit, *Marſyas Ocagri filius vnus ex ſatyris inuenit* ,  
*quibus aſſidue commeletando ſonum ſuauioreſ indies*  
*faciebat* . De Marſya hoc diſcrimen addit Suidas ,  
quod illum Tibiaſ ex calamis & ære primum con-  
feciffe dicat . Sed vt de Marſya , quem autorem  
Tibiae clament , quid rei ſit aperiainus . Ille qui-  
dem Tibiaſ reperit , ſed à Minerua ante inuentas &  
abiectas , quam ſolam nos veram illarum iudica-  
mus inuentricem . Hoc ſenſu facile erit *Claudianum*  
explicare lib. 2. in Eutrop.

*Hic cecidit Lybiciſ iactata paludibus olim*

*Tibia, ſædatam cum reddidit umbra Mineruam .*

Et Propertium lib. 2. El. 23 :

*Hic locus eſt in quo Tibia doſta ſones :*

*Quæ non iure vado Mæandri iacta nataſti*

*Turpia quum faceret Palladiſ ora tumor .*

Eleganter idem perſequitur Ouidiuſ Faſtor. lib. 6.  
de Minerua :

*Prima terebrato per rara foramina buxo*

*Vt daret effeci tibia longa ſonos .*

*Vox placuit, faciem liquidis referentibus undis :*

*Vidi & virgineas intumuiſſe genas .*

*Ars mihi non tanti eſt valeaſ mea tibia dixi ,*

*Excipit abiectam ceſpite ripa ſuo .*

*Inuentam Satyrus primum miratur & uſum*

*Nescit, & aſſlatam ſenſit habere ſonum .*

Nimirum excogitauit prima Pallaſ Tibiarum  
uſum , ſed cum oris deformitatem inflataſque in-

palude vidisset buccas, offensa Tibias abiecit in flumen, quas deinde Marsyas reperit. Sic enim *Fulgentius* lib. 3. *Mythol.* totam persequitur historiam Id etiam voluit *Eustathius* in *Iliad.* 6, qui inuentum quidem Palladis esse Tibiam concedit ex *Philostrato*; sed propter deformitatem oris ex inflatis tibijs, illas abieciſſe. Idem feciſſe Alcibiadem credimus *Plutarcho* in *Alcib.* *Gellio* lib. 9. cap. 17. & *Hygino* *Fab.* 165. A Minerva tamen, non tantum ob oris deformitatem, abiectas Tibias, sed quod ad cognitionem animi & scientiæ, quæ Minervæ attributa est, nihil facerent, coniectura est *Aristotelis* lib. 8. *Polit.* cap. 6.

Minerva igitur passim pro inuentrice prima Tibiarum habetur, & sic salutatur in Epigrammate Veteri Græco lib. 1. cap. 11. Atque de eadem *Diodorus Siculus*: Εὐραῖν δὲ καὶ τὴν τῶν αὐλῶν κατασκευὴν καὶ τὴν διὰ τέτων συντεταγμένην μουσικὴν. Quæ & Tibias primum fabricavit, & Musicam, quæ inspiratione harum perficitur. Nec quæ huic inuentioni occasio fuerit ignoro. Scilicet quum Perseus Medusæ caput ope Palladis abscidisset, sorores eius Steno & Euryalis ipsam lugebant: Ex capite lugentium, quod serpentibus erat opertum, sibili erumpebant speciem lugentium exprimentes, quod Pallas animaduertens excogitavit ut eundem sonum Tibijs redderet. Omnia fusè à *Pindaro* decantantur *Pythior.* *Od.* 12. ubi artem tibiam insiandi, dicit τέχνην

ταῦν ποτε  
Παλλὰς ἐφεύρε θρακσιᾶν Γοργόων  
ἔλιον θρήνον διαπλέξασ' Ἀθάνα. i. c:

Quam olim Minerva vibratrix hastæ excogitavit, ac-  
daciunt

dacium Gorgonum gemitum perniciosum contexens ,  
Et mox :

— Παρθενος αν-  
λαν τευχων παμφορον μελος .  
ἔφρα της Ευρυαλας  
ἐκ καρπαλιμαν γεντων  
χρημαθεντα συν εντεσι μι-  
μισασι· ἐρικλάγκταν γδον . i. e.

*Virgo (Pallas) tibiarum fabricata est omnisonum me-  
los , ut Euryale ex rapacibus genis profusum luctum  
imitaretur cum organis . Atque illuc eleganter allu-  
dentem reperio Nonnum Dionys. lib. 24.*

Μη' δ' ὀνακας φλέξεις ὅθεν σέο γείτονες αὐλοὶ .

Μη' ποτ' ἐσοι μέμφοιτο τῷ φιλόμολπος Ἀθήνη·

Ἡ ποτὲ Γοργείων ἐλοσπρὸν μίμημα καρῶν ,

Φθεγγομένων , Λίβυν εὗρεν ὁμοζυγίων τύπον αὐλῶν . i. e.

*Ne calamos comburas , unde tue vicina Tibie*

*Ne olim te reprehendat tua cantus amans Minerua :*

*Quæ olim Gorgonei terribile simulacrum capitis*

*Dicæi , libycum inuenit coniunctarum figuram ti-  
biarum .*

Cæterum quemadmodum plurimæ erant species,  
quæ postea suo loco occurrent , & alius aliam  
reperit , ita unicuique sua inuentionis laus debe-  
tur . Sic *Plinius* lib. 7. capit. 56. testis est *Mar-  
syam* geminas Tibias , & *Midam* in Phrygia obli-  
quam inuenisse . Alij à *Pane* plagraulon seu cur-  
uam tibiam repertam aiunt , à *Minerua* rectam .  
Apud *Athenæum* lib. 4. fistulæ , cui vnicus & sim-  
plex calamus est , inuentor *Mercurius* dicitur : eius  
verò , quæ multis est compacta calamis , *Silenus* :  
illi denique quæ cera glutinatur , *Marfyas* . Cæ-  
terum

terum ab alijs Pani tribuitur calamus. *Virgil. Ecl. 8.*

*Panaque qui primus calamos non passus inertes.*

*Propertius lib. 8. Eleg. 2.*

*Et Calami, Pan Tegeæ, tui.*

Præterea quoniam omnibus hæc communis artibus fors, quod ex obscuris exilibusque initijs in melius quotidie crescant, non mirum est si qui rudem & indoctam huius artis infantiam paulatim ad perfectionem maiorem deduxerint, & aliquid inuentis addiderint, si, inquam, illi etiam aliquid sibi deberi velint & inuentores audiri. Ita elegantissime de Hyagni *Apuleius Floridor. lib. 1. Hyagnis fuit, ut fando accepimus, Marsyæ tibicinis pater & magister, rudibus adhuc Musicæ seculis, solus ante alios cantus canere nondum quidem tam flexanimo sono, nec tam pluriformi modo, nec tam multisoratili tibia; quippe adhuc ars ista repertu noua commodum oriebatur. Prorsus igitur ante Hyagnim nihil aliud pleriq; callebant, quam Virgilianus opilio seu bubsequa*

*Stridenti miserum stipula disperdere carmen.*

*Quod si quis videbatur paulo largius in arte promouisse, ei quoque tamen mos fuit una tibia velut una tuba personare. Primus Hyagnis in canendo manus discapedinauit: primus duas tibias uno spiritu animauit: primus leuis & dextris foraminibus, acuto tinitu, grâui bombo concentum musicum miscuit. De Pronomo Thebano, qui primus tibias inuenit, quæ ad omnimodam modulationem versarentur, idem refert Pausanias in Bœoticis. Quippe ante illum cum tibicen à Phrygio transire vellet ad Lydium, aut à Lydio ad Dorium, tibias mutare opus fuit, ijs sumptis*



ptis, quæ unicuique modorum accommodatæ fuere, quod pluribus monet ibidem *Pausanias*, & *Athenæus* lib. 4. De his plura vide apud *Salmasium* *Plin. Exerc. p. 119*. Cum Tibijs canere voce Træzenius Dardanus instituit, referente *Plinio* lib. 7. cap. 56. Et, secundum *Plutarchum* lib. de Mus. Lasus Hermioneus rythmos transferens ad dithyrambicam institutionem, & varios adiungens Tibiarum sonos, magnam in Musica induxit mutationem.

## CAP V T I V.

## De Materia TIBIARVM.

**H**Odieque nonnulli illud instrumentum ad vsum reuocant, sed ex ligno tantum. At iam olim ex auro, aurichalco, ceruorum, asinorumque cruribus parabatur, vt legitur apud *Philostратum* lib. 5. de Vit. Apoll. quærente Apollonio à Tibicine, an à materia ex qua Tibia compacta est, sonum habeat: *An igitur præterea cani efficit hæc tibia, quod ex auro, aurichalco, aut ceruorum, aut asinorum cruribus compacta sit?* Plures ad tibiā materias addit *Iul. Polux* lib. 4. cap. 9. tit. 6. Η δὲ ὕλη τῶν αὐλῶν, κάλαμος, ἢ χαλκός, ἢ λωτός, ἢ πύξος, ἢ κέρας, ἢ ὄσπρην ἐλαίρω, ἢ δάφνης τῆς χαμαὶ ξηλῆς κλάδος, τῶν ἐντεριόνην ἀφιημένων. i. e. Tibiarū autē materia, arūdo, ferrū, lotus, buxus, cornu, aut os elephāti, aut lauri humilioris ramus excavatus. Primo loco nominat κάλαμον velut antiquissimā Tibiarum materiā, quod etiam faciles concedimus ex plurimis veterum edocti, apud quos hæc mate-

materiam frequentem obseruamus. In Orchumenij lacus harundinetis calamus nascitur tibijs vtilissimus auleticus ideo dictus referente *Plinio Natural. Hist. lib. 16. cap. 36. Calamus alius totus concavus, quem syringiam vocant, utilissimus fistulis, quoniam nihil est ei cartilaginis aut carnis. Orchumenius est continuo foramine peruius, quem auleticum vocant: hic tibijs utilior, fistulis ille. Ante Plinium Theophrastus postquam de calami huius Tibialis generatione tradidit, formam eius describit, in vniuersum differre ab alijs harundinibus asserens τῇ ἀτροφίᾳ τῆς φύσεως, ἀπληγέρον γὰρ εἶναι καὶ ἀσπαρκότερον. Huius calami duo genera, ζῳίτης, & βομβυκίας. Ex eius vno internodio binæ Tibiæ, dextræ & sinistræ formabantur, vnum quippe internodium in duas partes æqualiter cæsum duas Tibias subministravit æquales, de quibus vide *Theophrastum*. Calamus autem ille ζῳίτης ex quo hæc Tibiarum paria facta, vt aptus esse posset πρὸς ζῳοποιᾶν crassior esse debuit inundatione locus per biennium manente, quemadmodum ex *Plinio* ad *Solinum* notat *Salmasius*. Sin autem aqua minoris temporis spatio mansisset, calamus inde minus grandiscebatur, minusque propterea idoneus existeret paribus faciendis. Ex eo calamo igitur factitari solitæ bombyces tibiæ, longissimæ, ad inflandum difficiles. *Plinius lib. 16. cap. 36. de lacus Orchumenij aquaticis calamis: Tertia harundo est tibialis calami, quem auleticum dicebant: nono hic anno nascebatur. Cum igitur anno permansit inundatio, proficiunt in aucupatoriam quoque amplitudinem. vocabantur Zengitæ: contra Bom-**



*Bombycia* maturius reciproco, graciles: fœminarum latiore folio atque candidiore; modica lanugine, aut omnino nulla, spadonum nomine insignibus: hinc erant armamenta ad inclusos cantus: nam silendo & reliquo curâ miraculo, ut venia sit, argento iam potius cani. De eodem Orchomenio lacu calamum Tibijs administrante Strabo lib. 9. hic per interpretem: Ferunt etiam apud Orchomenum terram hiatu diductam recepisse Melanem, fluvium, qui per agrum Haliarciû fluens, paludem ibi facit, quæ calamum tibijs aptum ibi producit. Et alibi: Sita fuit in arcto loco, inter montem imminemtem & Copaidem paludem, prope Permessum, Olmion & Cacus, qui tibijs aptum calamum edit. In Cephesidis fluviij luco prope Orchomenium calamos pro tibijs crescere innuit Pindarus Pythiorum Ode. 12. ubi de sono Tibiæ:

λεπτὴ διαπυσόμενον  
χαλκῷ δ' ὄμα καὶ δοῦλον,  
τοὶ παρὰ καλλυχόρῳ,  
νόοισι πῶλεν χαρίτων,  
Καρηΐδος ἐν τεμένει. i. e.

Tenue transcurrentem per æs, pariter & calamos, qui exstant apud urbem Charitum, pulchro in loco fundatam Cephesidis in luco. Huc alludit Apuleius, cum arundinem, quæ Psychem alloquitur, Musicæ nutriculam appellat, Metam. lib. 6. Sed inde de fluvio Musicæ suavis nutricula, leni crepitu dulcis aure divinitus inspirata, sic vaticinatur arundo viridis. Quippe ex arundine factam tibiā ostendit Eustathius Iliad. lib. 17. *παλαῖον δὲ δ' ἀνὰ καὶ πρηνεὶς, καὶ αἶ*

ἐπὶ πολὺ καλαμίνης . παρα' Γούν ἀλεξανδρεῦσιν ἦν μόνταυλος  
καλάμω , Ὅσιριδὸς φασιν εὔρημα . *Olim tibia multiformis ,*  
*Et ut plurimum arundinea . Apud Alexandrinos erat ca-*  
*lamus monaulos , Osiroidis inuentum . Vbi videmus il-*  
*lum hanc Tibijs materiam communissimam afsig-*  
*gnare . Vnde passim apud Græcos calamus pro*  
*Tibia vsurpatur . Pindarus , σὺν καλάμῳ δὲ βοᾷ δέ-*  
*χονται , cum tibie cantu excipiuntur . Coint . Smyrnus .*  
*Derelict . lib . 6 .*

Αυλοὶ τε , λυγυρῶσιν ἀρηράμενοι καλάμῳσιν .

*Tibieque stridulis compactæ calamis .*

*Theocritus Idyll . 6 .*

— τὸ γὰρ ποτε ἐκτάσω συρίγλα

ἐκ ἀρκῆ τοι καλάμας αὐλὸν ποσπύζδων ἔχοντι . ἱ . α

... *An unquam fistulam possedisti ?*

*Non satis est tibi culmo , quæ tua tibia est , sibilare .*

Græci aliquid interesse volūt inter δόνακας & καλάμῳν  
νε λεπτότατος , idest tenuissimus sit ὁ δόναξ , αὐτὸς δὲ κα-  
λάμω , calamus verò confertus & densus . δόναξ μὲν  
συρικταῖς χρήσιμος , καλάμω δὲ αὐληταῖς , ait *Eustathius*  
*Iliados 6 . Ad rem nostram eleganter Theocritus*  
*Idyl . 20 .*

— καὶν σύριγλι μελίζδω ,

Καὶν αὐλῷ λαλέω , καὶν δόνακι , καὶν πλαγιάδω .

... *Et si fistula canam*

*Aut tibia , aut calamo , aut tibia curua .*

Vbi aliquid inter hæc omnia admittit discriminis .

Apud Latinos nihil vulgatus , quam sola cala-  
mi denominatione tibiam significare . *Calphurnius*  
*Eclog . 8 .*

*Incipe si quid habes gracili sub arundine carmen*

*Com .*

*Compositum . Nam te calamos inflare labello  
Pan docuit . . . . .*

*Propert. lib.2. Ecl. 25.*

*Tu canis umbrosi subter pineta Galeſi  
Thyrſin & attritis Daphnin arundinibus .*

*Denique ipſe Maro Eclog. 6.*

*... Hos tibi dant calamos , en accipe, Muſe ,  
Aſcræo quos ante ſeni quibus Ille ſolebat  
Cantando rigidos deducere montibus ornos .*

Calamus , definiente *Iſidoro* , proprium nomen eſt arboris, *Orig. lib.2. cap. 20. Calamus, nomen eſt arboris proprium , à calendo ideſt fundendo voces vocatum .* Apud *Plinium* arundinibus tribuitur , de quibus etiam ex eodem *Natur. hiſt. lib.16. cap.36.* notandum tempus quo cædi ſolebant , quæ tibijs deſtinabantur , nimirum tempeſtiuè ſub *Arcturo* , uſque ad *Antigenidem Tibicinem* , cum adhuc ſimplici muſica vterentur . Atque ſic præparatæ aliquot poſt annos vtilis eſſe incipiebant , tunc quoque multa domandæ exercitatione, ut ait *Plinius* , & canere ipſe tibiæ docendæ, comprimantibus ſe lingulis, quod erat illis theatrorum moribus vtilius . Poſtquam verò varietas acceſſit & cantus quoque luxuria , cædi ante ſolſtitia cœptæ . Addit ibidem *Plinius*, olim ex ſua quanq; tantum harundine congruere perſuaſum fuiſſe : & eam quæ radicem antecederat , læui tibiæ couenire: quæ cacumen dextræ . Apud *Dores Italicos* καλαμῶνος αὐλὴς tibia ex calamis , τιτύρινος tityrinus dicebatur , ſi credimus *Athenæo* lib.4.

Et ſane poſteriori tempore, florente luxu Muſicæ & Tibia ex auro, argento, ebore &c. apud alios vi-

gente, calamos pastoribus relictos credibile est, quæ  
ad illos carminibus passim certauere. Calphurnius  
Eclog. 8.

*Viximus & versus calamis cantauimus olim.*  
Virgilius Eclog. 5.

.... Boni quoniam conuenimus ambo,  
Tu calamos inflare leues, ego dicere versus.  
Et Eclog. 6.

*Agrestem tenui meditabor arundine musam.*  
At rudi adhuc musicæ seculo non mirum est si Pa-  
stores etiã è culmo & stipula sibi Tibias parauerint.  
Vnde de Virgiliano opilione.

*Stridenti miserum, stipula disperdere carmen.*  
Calphurnius Eclog. 1.

... Teretique sonum modulemur auena.  
Et Eclog. 3.

*Vox & carmen inops, & acerbæ stridor auena.*  
Catullus lib. 3. Eclog. 4.

*Sed perlucenti cantus meditabor auena.*  
Tibullus lib. 3. Ecl. 1.

*Et satur arenti primum est modulatus auena  
Carmen.*

Denique Maro ipse Eclog. 10.

*Carmina Pastoris Siculi modulabor auena.*  
Auena autem, inquit Seruius, Culmo, stipula: un-  
de rustici cantare consueuerunt,  
Alij cicutam eligerunt, de qua Virgilius Ecl. 5.

*Hac nos te fragili donabimus ante cicuta.*  
Præter has tibiæ materias alias frequentes  
apud Antiquos reperio. Ex auro & orichalco me-  
minit Philostratus lib. 8. de Vit. Apollon. *Αυρὸς τῆς*  
*οὐκ*

φιλοῦσθαι ἐνθεώτερον ἐργάζεται, ἔστι δὲ χρυσοῦ τε καὶ  
 ὀρεχαλλῶς (ὀρχηΐδα). *Tibia* est qui libenter sacris opera-  
 tur facit diuiniore, non quod ex auro aut orichaleho fiat.  
 Ex argēto Tibias apud *Plinium* reperio lib. 16. c. 36.  
 Quod ex ære fuerint patebit ex sacris Berecynthiæ,  
 vbi de illis dicemus. Eburna *Tibia* apud *Propertium*  
 occurrit lib. 4. Ecl. 6.

*Spargite me lymphis carmenque recentibus aris*

*Tibia Mygdonijs libet eburna Cadis.*

Ab *Eustathio* Phœnicibus tribuuntur ἐλαφύντιο  
 αὐλοῖ eburneæ tibiæ, & illas primum à Phœnicibus  
 perfusas fuisse, testem etiam habeo *Athenæum* lib. 4.  
 De eburneis *Magius* lib. 1. Miscell. cap. 13. quo sensu  
 etiam interpretor illud *Virgilij* Georg. 2.

*Inflavit cum pinguis ebur Tyrrhenus ad aras.*

Pro tibicine qui in sacrificijs eburnam Tibiam in-  
 flavit. Aliàs sacrificas Tuscorum tibiæ è buxo  
 tradit *Plinius*. Et hoc tibiæ genus apud alios etiam  
 authores frequens obseruo. *Statius* Thebaid lib. 8.  
 vers. 221.

... *Gemina æra sonant, Idæaque terga,*  
*Et moderata sonum vario spiramine buxus.*  
 Et lib. 4. v. 94.

... *Cum sacra vocant, Idæaque suadet*  
*Buxus* ....

Scilicet Buxum pro tibia dicunt, quæ in sacris  
 sonabat.

*Valer. Flaccus* Argonaut lib. 2.

... *Sacris hinc ignibus Ida*

*Vibrat, & horrifone respondent Gargara buxo.*

*Sidon. Apollin. Carm.* 19. v. 202.

Non

*Non hic Dincyna, nec crepante buxo.*

*Curetas Berecynthiam sonantes.*

*Sc. tius lib. 2. Theb. v. 663.*

*.... Celenea committere proelia buxo*

*Idem Achilleid. lib. 2.*

*..... Ismenia buxus*

*Signa dedit .*

*De tibia hæc omnia intelligi debere, persuadet Seneca qui in Agamemn .*

*Multifora buxo Tibia .*

*Et ipse Virgilius in Matris Deum sacris buxum pro tibia agnoscit, Aen. lib. 9.*

*Tympana vos Buxusque vocat Berecynthia Matris.*

*Idea . . . . .*

*Atque idem Athenæus libro 4. Etiam in sacris Bacchi buxum receptam loquitur Statius, & Lucretius exponit Tibiam ad versum 480. libro 9. Thebaid .*

*Ex ramo Ἰδόμε χαμαῖ ἦκε, lauri humi serpentis, cui medulla exempta, tibiam factam memorat Pollux lib. 4. Et ea Afros Nomades cecinisse in Equorum pascuis, autor est Scaliger Poet. lib. 1. cap. 4.*

*Ex loto ludicras Tibias recenset Plinius lib. 16. cap. 36. Et idem confirmat lib. 13. cap. 17. ubi de loto arbore : Ligno colos niger, ad Tibiarum cantum expetitur . Eandem Tibiarum materiam agnoscit Festus : Lotos, arboris genus, ex cuius materia frequenter tibiæ fiebant . Et dictæ ille Tibiæ πατρίσσις & πατρίσια si credimus Eustathio, qui eas ab Alexandrinis factas memorat è ligno Libyco, cui loto nomen .*

De Tibia ex Sambuca ligno differentem habeo *Isidorum* lib. 2. cap. 20. *Sambuca in musicis species est symphoniarum. Est enim genus ligni fragilis, unde & tibia componuntur.*

Denique ex cornu Tibias fuisse, confirmant *Ceraule*, qui dicebantur *Tibicines*, ita enim apud *Apuleium* lib. 1. Flor. legendum: *monumentarij ceraule*. Et apud *Orosium* lib. 6. de Nerone: *ceraulas, citharistas, tragædos, & aurigas sæpe sibi superasse visus est*. Cornua pro tibiæ materia habentur à *Nonno Dionys.* lib. 3.

— δυασάσεις ἑβραίων αὐλοῖ

Αζυγῆς, οὗς κρινὶ καρατοζόμε εὐρατο τέχνη

... *Tbyasum olentes fremebant Tibiæ*

*Non iuncta, quas antiqua cornua ex poliens inuenit ars.*  
In alijs tamen cornu non totam tibiæ constituebat, sed tantum partem, de qua capite sequenti.

Agmen claudent ossæ Tibiæ, quam materiam familiarem obseruo. Et quidem ossa illa varia. E tibijs gruum fuere, authore *Plinio* lib. 16. cap. 37. Ex ceruinis ossibus factam tibiæ refert *Barthius Adu.* lib. 33. cap. 21. Et sic etiam *Aristophanes* citatus à *Suida* in voce ἰσινός. *Eustathio* teste Thebanī Aegyptij ex hinnulorum ossibus tibiæ fecerunt, qui etiam reliquos Græcos docuerunt perhibente, *Athenæo* lib. 14. In Græcis *Epigramm.* lib. 4. cap. 26. num. 13.

Νεβρείων ὁ πόσον σάλπιγξ ὑπερίσκειν αὐλῶν.

*Ossæ quantum Tuba superat Tibias.*

Et huc allussisse credo *Aristophanem* in *Acharnens.*

Τοῖς ἑσίοις φουσάτε τὸν πρὸς τὸν κυρτός

*Ossis*



*Offeis tibijs inspirate podicem canis .*

Ad rem admodum *Callimachus* perforari ossa hinnulorum dicit in Hymno Dianæ :

Οὐ γὰρ πω νέβρεα δι' ὅσέα τετρήνοντο ,

Εργων Ἀθηναίας ἐλάφῳ κακόν . i. e.

*Nondum hinnulorum ossa perforata erant*

*Opus Minervæ ex quo Cervis pernities .*

Vbi *Minervæ* hoc opus tribuit , cui etiam tibijs inuentio debetur , vt alibi docuimus . Miror autem quod superstitioni forsitan affine , quod non omnia hinnulorum ossa tibijs conuenire putauerint , nam eorum qui casto spina confixi erant ossa tibijs inutilia iudicata sunt . Quod ex *Hesychio* capio : κατὸς αἰκάνδα , ὅρ' ἥς ἐὰν πλήρη νεβρὲς , ἄχρεια ἔχῃ τὰ ὅσ' αἰκίς αὐλοῦς . i. e. *Castus spina , quæ hinnulus confixus eius ossa utilia tibijs non sunt . Et Philetas :*

Χαρύσαστο δὲ νέβρο' ἀπὸ λυγρῆς ἐλάσας

Οξίης κακτοῦ , τύμμα φυλαξαμένη . i. e.

*Hinnulus mortuus qui acuta casto confixus non fuerit , sonitum in tibia edat .*

Nonnunquam tamen ceruinis his Tibijs prælatæ illæ quæ ex Asininis ossibus factæ sunt , quales ludicras fuisse asserit *Plinius* lib. 16. cap. 36. Probatas has magis quam ceruinas innuit *Plutarchus* in Symposio : προίμενοι τὰ νέβρεα , χρώμενοι τοῖς ἐνέλοις . i. e. *abiectis hinnulorum tibijs , vsi sunt asininis .* Causam ipse addit , quia scilicet ὄνος λεπτότατον , καὶ μεσικώτατον ὅσ' ἐόν παρέχεται , asinus tenuissimum & maxime sonorum os præbet . Et hoc est , quod ipse ibidem miratur , asinum animal stolidissimum & à Musica alienissimum , ossa tenuissima & maxime sonora suppeditare .

## CAPVT V.

## TIBIARVM Forma, earumque Partes.

**F**ortunatus Schacchius Myrothec. 3. cap. 57. Tibiam describit quæ Italicè *pifaro* dicitur, hispanicè *mestril*, & phrygiam tibiam apud Græcos fuisse suspicatur ex vi ipsius vocabuli Hebraici. Nam Hebraicè instrumentum hoc à pluralitate foraminum appellatur: quia præter foramina septena, quæ digitis ad vocem eleuandam, grauandam, aut acuendam aperiuntur vel clauduntur, medium illius singulari quodam cortice, vel ligneo, vel ex aliqua alia materia minutissimis foraminibus perforato, circumdatur: vt vox grauior, ex foramine quodam maiori sub illo cortice clauso resonet; dum tactu cuiusdam ligulæ metallicæ extendentis se vsque ad manus illius, qui tibia canit, aperiatur: Et quò manus pulsantis pertingere nequit, ligula accedat, ac recedat: aperiat vel claudat foramen, & vox grauetur, vel eleuetur, vt videre licet in Tab. I. fig. 1. quam adumbrauit Schacchius. Ad alias Tibiarum formas nos digrediemur. *Plagianulos* fuit diuersa à Tibia Phrygia, quæ tamen & ipsa curua seu obliqua. Græcè *ῥαυλός* dicebatur, vt *Pollux*, qui refert tam *plagialo* quàm *Elymo* additū *ῥεπας ἀπὸ τοῦ ῥαυλός*. Inde est, quod cornu appellant Poëtæ cum de Phrygia Tibia loquuntur. *Quidius* Metam. lib. 3:

— *Pentheus ait: Aerane tantum*

D

Aere

*Aere repulsa valent, & adunco Tibia cornu.*  
Idem Pont. lib. 1. Ep. 1.

*Ante Deum Matrem cornu Tibicen adunco.*  
*Cum canit.*

Ideoq; expresse *Tibullus* Tibiæ curuæ phrygium sonum adaptat lib. 3. El. 1.

... Sed turba iocosa

*Obstrepiat & Phrygio tibia curua sono.*

Et apud *Virgilium* Aen. 11, curua illa tibia occurrit:

*Aut ubi curua chorus induxit Tibia Bacchi.*

*Phrygium cornum* hanc tibiam vocat *Varro* apud *Nonium* hoc versu:

*Phrygius per ossa cornus liquida canit anima.*

Pro *Phrygium cornu*, sic *Lucano*: cornus sinister. Tibiæ hoc cornu inflexum dicitur *Ouidio* Fast. lib. 4.

*Protinus inflexo Berecynthia tibia cornu*

*Flabit; & Idæ festa parentis erunt.*

In quem *Car. Neapolis* *Antipyxes* dextræ & sinistræ tibiæ tale schema exhibet, uti Tab. I. fig. 2.

Quia in *Phrygia* codon solum è cornu annexum, reliquum buxeum aut osseum erat teste *Polluce*: idque in harmonia *Phrygia* tantum erat in sinistra tibia, non in dextra, quæ recta erat, referente *Hesychio*. Ad hoc eleganter alludit *Nonnus* *Dionys.* lib. 8.

Καὶ νόμιον κερύοντος ἀμβρομένῳ κτύπον αὐλῆς.

*Et pastorali cornuta respondens Tibia.*

Nonnunquam *Vituli* hoc cornu fuisse, quod in fine adiectum est Tibiæ, obseruo in *Græcis Epigrammat.* lib. 6. cap. 5. num. 1.

— βαρυβέλων τ' ἀλλήτῃν

Αυλῶν, ὅς μοιχε λοξὸν ἔκαμψε κέρας.

-- *Graviter sonantium strepitum*

*Tibiarum, quas vituli curvum incurvant cornu.*

Certe Tibia Phrygia Tubæ Tyrrenicæ quantum ad formam similis apud *Eustathium*, τὸν κώδωνα κεκλασμένον ἔχουσα. Et de hoc cornu quod Tibiarū pars est videatur *Parens* meus venerandus in *Observationibus* de Vnicornu. De hoc ipso accipio *Athenæum* lib. 15. vbi de Phrygio rythmo: Τὸ κέρας αὐτῶ προ-  
*ζάπτει*, ἀνάλογον τῷ τῶν *Καλπίδων* κώδωνι. Κώδων  
 propriè esse volunt cymbalum, vel parvam potius ex ære nolam. Hinc & Tubarum orificia, quæ spiritus emittitur, quod eam referant formam, sensimque sese in exitu dilatantia repandis per ambitum labris aperiantur, κώδωνες etiam appellati. κεκλασμένον κώδωνα vocat *Eustathius*, quod labra in ambitu repanda, & replicata haberet. Et huiusmodi κώδωνες ex cornu facti tibijs Phrygijs addebantur. Hoc apparet in Tibijs illis implexis quas in antiquis monumentis videntur, vbi sacra Deum Matris insculpta habentur. Ita apud *Gruterum* *Inscript.* p. 27. citatur ara marmorea, quæ exstat Romæ in atrio domus Cardinalis Cæsij, & in cuius latere sinistro eleganter insculptæ visuntur tibiz implexæ, de quibus modo diximus vna cum fistula; quas ex *Boissardo* hic exhibeo Tab. I. Fig. 3. Ad hoc alludit *Epigramma* vetus lib. 3. De Cybele

Ἡ λῶτῳ κερῶντι φερουμένη.

*Quæ ferebatur ad lotum, idest tibiam corou inflexam.*

Sed cornua illa, quæ tibijs adaptata memoravimus,

ad sonus grauitatem faciebant, si credimus *Athenæo* de Phrygio rythmo. Iudice *Aristotele* de ijs quæ sub auditum cadunt, cornua ad clariorem sonum faciunt: *Nam ut aramenta & cornua resonando instrumentorum sonos reddunt clariores.*

*Tyrrhenæ* tibiæ formam describit *Pollux* quam inuersæ syringi similem dicit lib. 4. cap. 9. tit. 5. ibidemque ait *Platonem* etiam tibiā multis chordis præditam nominare: αὐλὴν πολυχόρδον. Et simile apud *Iuvenalem* Sat. 3. vers. 63.

*Iam pridem Syrus in Tiberim defluxit Orontes ,  
Et linguam & mores & cum tibicine chordas  
Obliquas, necnon gentilia tympana secum  
Vexit . . . .*

Vetus *Scholiastes* chordas obliquas interpretatur, rusticos tibicines, qui in obliquum tangent. Alij significari putant, non solum tibiae sed etiam citharas à Barbaris introductas. Controuersiam de tibia cum chordis dirimet *Magadis Tibia*, de qua proximo agemus Capite.

De geminis Tibijs quas simul inflabant nihil dicam quia de ijs postea. Illud hic adducam me in antiquis monumentis obseruasse peculiare genus Tibiæ ex duabus compositum, sed cuius vnica tantum pars erat quæ ori admouebatur, in medio in duas alias fissa binos voci exitus dedit, ut expressè talis sit quæ apud *Poetam*.

— *Biforem dat tibia cantum.*

Illam eandem intelligit *Statius* Thebaid. lib. 4. de *Orgijs Bacchi*:

*Aeraque, tympanaque & biforem reticere tumultum.*  
Impe-

*Imperat ;*

Apte hanc adumbrat Nonnus , sed in sacris Idææ Matris, quippe qui Dionys. lib. 13.

*Καὶ διδύμοι Βερέκυντες ὁμοζύγες ἔκλαγον αὐλοῖ·*

*Et gemini Berecynthes coniuncte clangebant tibiæ ?*

Apud Boissardum in Antiquitatibus Romanis extat Priapi sacrificium, Romæ positum , quod à fœminis celebrabatur, ex quo hic dabo solam Tibiam, Tab. I. Fig. 4. nam totum illud sacrificium in Antiquitatibus Puerperæ Veteris locum inueniet :

Nec absimilem Tibicina cornicen inflare videtur, in Sacris Idææ Matris , quæ ex ædibus Mazarinis edidit Petr. Bellorius . Et hanc Tibiam expressit Nonnus Dionys. lib. 10.

*Τρεῖς ἐπιθήσαν διδυμέθρον αὐλὸν Ἀθάνα·*

*Perforatam premens duplicem sonitum edentem tibiam Minervæ .*

Et lib. 8. *κτύπος διζύγος αὐλῆς*, sonitus hujus tibiæ . Eandem lib. 15. *διθρον αὐλὸν* dicit , & lib. 3. *διτύπος αὐλὸς ἑμελπε*. Bino sonitu Tibia canebat . Denique lib. 18. *ἔσρων αὐλοὶ συμπλεκέες* fremebant tibiæ coniuncte .

Ad Partes Tibiarum iam transco quas recenset Pollux lib. 4. cap. 9. tit. 5. *Τῶν δὲ ἄλλων αὐλῶν τὰ μέρη , γλῶττα , τρυπήματα καὶ βόμβυκα ; ὅλμοι , καὶ ὑπόλμια ;* Aliarum tibiæ partes sunt, lingula, foramina, bombyces , ὅλμοι , ὑπόλμια . In Initio cum adhuc in cunis vagiret Artis musicæ infantia , pauca admodum tibijs fuere foramina , nec ultra tria vel quatuor, ut Acron in artem Poetic. Horat. Pluta postea addita foramina . Si credimus Polluci lib. 4. cap. 10. tit. 3.

qua-



quatuor primum foramina tibia habuit, donec Diodorus Thebanus multis perforaret, Πλαγίας ἀνῶτας τῷ πνεύματι τὰς ὀδούς, *Obliquos spiritui meatus aperiens*. A foraminibus & flatu definit tibiam Papias in onomastico: *Tibia est instrumentum musicæ cum diversis foraminibus, quæ ore inflatur*.

Foramina Tibiarum cauernas vocat Fauonius Eulogius, Rhetor Carthaginienſis, de sonitu cœlestium orbium: *Si tibiam*, inquit, *cuiuslibet longitudinis sumens octaua eius portione deducta, cauernam imprimas, tonus auditur: si sextamdecimam ex reliqua metiaris, hemitonium consequitur*. Itaque cauernis harmoniæ lege dispositis edentur symphonie, quas docui per numerorum intervalla congruere. Ex quo loco patet plurimum referre quomodo perforata sit tibia, unde bene perforata tibia laudatur Nonno Dionys. lib. 42.

— Ὀτρῖτε μέλος αὐλῆς.

*Benè perforatæ cantilena tibiæ.*

Foramina Tibiarum πόροι, vel canales dicuntur eidem Nonno Dionys. lib. 45.

Fissam tibiam Statius dicit pro perforatam, Sylvar. lib. 5.

— Nec fissa gauisam Pallada buxo.

De Tibiarum foraminibus Aristoxenus librum scripsit, quem citat Textor in Theatro Philosophico lib. 1. cap. 2. Et Tibiarum perforator Polluci lib. 7. cap. 33. & lib. 4. cap. 9. αὐλοτρύπης nominatur, diuersus ab illo, qui Tibias conficit, quem αὐλοποιὸν nominat, quemadmodum lingularum opificem Γλωσσοπαιόν.

Rara



Rara olim Tibiarum fuisse foramina, *Ovidius* ait lib. 6. *Fastor.*

*Prima terebrato per rara foramina buxo,*

*Vt daret, effeci, tibia longa sonos.*

Et primis temporibus pauca foramina Tibiæ tribuuntur ab *Horatio* lib. 1. de Art. Poet.

*Tibia non ut nunc orichalco vincta tubeque*

*Aemula, sed tenuis, simplexque, foramine paucò*

Inter Commentatores sunt, qui, quod *Horatius* tibiam orichalco vinctam dixerit, significare hoc putant tibiam magnitudinem tantam, ut ex duobus lignis fieri necesse fuerit, ac in medio orichalco vinciri. Alij, ceu bracteam auream, tibijs ornamenti, non necessitatis causa adiectum volunt. *Septiforis* Tibia dicitur *Sidonio* lib. 1. *Epistolarum.* Plura illi tribuit *Auienus*:

*Quodque foraminibus Tibia mille sonat.*

Multiforam tibiam reperio apud *Senecam* in *Agamemnone*:

*Tibi multifora Tibia Buxo*

*Solenne canit.*

Et Multiforatilem vocat *Sidonius* lib. 9. *Epist.* 8. Atque *Apuleius* *Florid.* 1. hoc enim quam multiforabilis mavult *Petr. Cornius*.

Ipse *Ovidius* de multifora Tibia loquitur *Metamorph.* lib. 12.

*Non illos cithare, non illos carmina vocum*

*Longaque multifori delectat Tibia Buxi.*

Sic etiam *Græci* ad rem nostrum. *Nonnus* *Dionys.* lib. 15.

πλυσσητερον βοη δεδονμενος αυλη,

Mult-

*Multiforaminis sonitu agitatus tibiae.*

Hac foraminum multitudine efficiebatur, ut quoties mutanda esset modulationis forma, alijs obturatis, alijs apertis foraminibus, id facile procederet, quod in antiquis tibijs fieri non licuit, quæ non plura habuere foramina, quam quibus apertis opus esset, ad vnum aliquem ex tribus modis efficiendum.

His foraminibus nonnulli *repara* quædam adaptabant, ut, cum vellent, aperirent atque clauderent, quod ex *Arcadio Grammatico*, apud *Salmasium*, in *Pliniani* exercitationibus percipio, qui hæc *repara* quorum usum in claudendis, & aperendis tiliarum foraminibus modo diximus, comparat notis illis quibus aspirationes in vocibus designantur. De illis nuper *Oblato Falconerius* in Dissertat. de Pyramide C. Cestij, Italico idiomate: *Nelle Tibie, le quali tiene nelle mani la terza figura, si veggono alcuni piccoli pinoli, i quali seruivano, secondo me, ad uso di tasti, come nelle Sordelline, ed i forti onde si formava il suono, assai distanti l'uno dall'altro.* Videntur esse Paxilli cornei, etiam ex mente *Cl. Salmasij*, quibus immixtis foramina Tibiarum obturbantur, iisdemque exemptis aperiebantur: Nam, ut *Quintilianus*, Tibiæ eodem spiritu accepto, alium apertis foraminibus, alium satis purgate sonitum reddunt. Et sine his paxillis apertas tibiās dictas arbitror, ut idem *Quintilianus*: illa verò iam penè apertis, ut aiunt, Tibiis. Quippe acutius sonabant quæ apertis, grauius, quæ clausis foraminibus inflabantur. Paxillos autem corneos, de quibus nuper di-

xi, videor mihi videre tùm passim alibi tùm in tibijs apud *Gruterum* p. 27. in aræ cuiusdam latere, dextro, ex ædícula S. Michaelis Romæ in Vaticano, hac forma, qualis exhibetur TABVLA I. Fig. 5. Et similes in aræ cuiusdam latere sinistro, ad porticum Palatij Cardinalis Trivultij, quæ apud *Gruterum* exstant, Inscriptionum antiqu. pag. 27. Nec multum abluunt binæ Tibiæ quæ in manu aræ conspiciuntur inter alia antiquitatis monumenta, quæ ad Magnæ Matris & Attidis sacra spectant, Tornaci Neruiorum eruta, & à *Pignorio* commentario illustrata.

Sed ad Tibiarum foramina reuertar, per quæ vicina ori sonus acutus edebatur, de longinquis & remotioribus grauior. *Seruius* ex *Varrone* obseruat dextram Tibiam vnum foramen habuisse, sinistram duo. Ideoque *Apuleius* Florid. lib. 1. *Lenis & dextris foraminibus, acuto tinnitu, graui bombo concentum musicum miscuit.*

Foramen tibiæ pro ipsa Tibia dixit *Ouidius* lib. 1. de Pont. Ep. 1.

*En ego pro sistro Phrygiæque foramine buxi  
Gentis Iuleæ nomina sancta fero.*

*Idem* lib. 4. Metam.

*Concanaque ara sonant, longoque foramine buxus.* Inter Tibiarum partes recenset *Pollux*, γλωττα. Erant autem γλωττιδæ secundum *Hesychium*, lingulæ in ore Tibiæ, quæ flatu canentis agitabantur. Hanc in Tibijs lingulam optime nobis explicat *Festus*: *Lingula per diminutionem lingue dicta, aliàs à similitudine lingue exerta ut in calceis: aliàs inserta, idest infra*  
E dente

dente coercita, ut in Tibijs. Apud Gellium lib. 10. cap. 25. lingula dicitur pro gladio oblongo in speciem linguæ factio. Lingula autem illa in Tibijs erat summè necessaria, utpote sine qua inutilem Tibiam iudicat Chrysostomus Homil. 43. *Quaquam si à tibia lingulas abstuleris inutile deinceps iacet instrumentum.* Ideoque Scholiastes Pindari pro miraculo de quodam Tibicine refert, eum in agone, cum excidissent tibiales lingulæ, solis arundinibus tantum peregrisse. Apud Pollucem lib. 4. cap. 9. Vilis tibia describitur, ἀλωήτος, ἄφθογος, ἀραιός, διαβροχός, ἔξαιλος, lingulae expers, insonora, tenuis, madida, inepta. Euripides lingulam Tibiarum Ἀνδρόνα metaphoricè dixit teste Hesychio: Ἀνδρόνα, γλωσσίδα μεταφορικῶς, Εὐριπίδης οἰδίσσας, καὶ τὰς αὐλὰς, λωτῖνας ἀνδρόνας πρὶ ἔρῃ. Ad sonos flectendos multum has lingulas fecisse iudico ex Plinio lib. 36. *Arundo apertioribus lingulis ad flectendos sonos.* Nonnulli volūt Pollucem prodidisse aliarū tibiatarum partes esse lingulas & foramina, bombycis verò Tibiæ ὄλμοι, & ὑφόλμια. Quasi in bombyce præterea fuerint ὄλμοι, & ὑφόλμια. Alij hic βόμβυκες sumunt pro arundinis fœminæ specie, ex qua fiebant tibiatarum lingulæ. Cæterum ὄλμοι in Bombyce tibia, videtur esse τὸ σῶμα. Vnde Polluci laudatur εὐστομος αὐλὸς lib. 2. cap. 4. tit. 23. Εὐστομος ἵππος, καὶ αὐλὸς, καὶ ἄλμια. καὶ ἄστομος ἵππος, αὐλὸς, ὃ ἄλωήτος, Pulchrum os habens equus, & tibia, & cantilena. Indecoro ore præditus equus, sic & tibia, quæ aliàs elinguis dicitur. Hæc pars etiā κατατομὴ Hesychio dicitur: Κατατομὴ μέρος τι τοῦ αὐλοῦ, τὸ ἐν ὀλίγῳ, Pars tibiæ quæ ad os admove-

τις . ὑπόμινον pars erat Tibiæ sub lingulis, imo ipsæ lingulæ teste *Hesychio* : τρόμιον μέρος τι τοῦ ἀνθρώπου παρὰ τῷ σώματι , ἢ αἱ ἰατρικαὶ . Primam verò Tibiæ partem vnde lingulæ pendent , elymum vocat *Hesychius* : ἔλυμοι τὰ πρῶτα τῶν ἀνθρώπων ἀφ' ὧν ἡ γλῶσσις . Quod pro ipsa tibia Phrygia apud *Pollucem* est, atque *Athenæum* .

## CAPUT VI.

## TIBIARVM Species &amp; Varia Discrimina :

**T**Am diuersa Tibiarum genera apud Veteres occurrunt , vt earum discrimina paucis indicari non possint . Si enim diligentius Antiquorum monumenta inspiciamus, tot earum differentias reperiemus quot vel inuentores diuersi inferre possint , vel regiones vbi vigeat vsus , vel sonus , vel materia, numerus, figura & vsus varij postulabant. De differentijs ab Inuentoribus diuersis desumendis edocemur abunde à *Iul. Polluce* , vt alios taceam ex quibus mox varias Tibiarum species profereamus . Apud illum lib. 4. cap. 10. tit. 1. Tibiarum species occurrunt , πλαγίος , λώτιος , obliqua , lotinea , Lybicornum inuentum, qui hanc πλαγίαυλον nominât . ἔλυμος , cuius materia è buxo , & inuentores Phryges . ἱπποφάρβες , quam Libiæ tuguria habitantes inuenerunt . Hac enim, eodem teste , apud equorum pascua vtuntur , eiusque materia decorticata laurus est , atque acutissimum dat sonum, & equorum acrimoniæ convenientem . Μόραυλος ,

Aegyptiorum inuentum, qua maximè nuptiale carmen canitur. *Θρηνητικοῦ* enim seu lugubrem tibiam Phryges inuenerunt, qua ab ipsis accepta Cares vsi sunt, apud quos tibiæ cantus lugubris erat. Præterea apud eundem *Pollucem*, *Θήριος αὐλὰς*, *ferina tibia*, quam Thebani ex hinnuli membris compegerunt, & huius exter ior pars ære inducta erat. *Γίγγρας*, lugubrem & flebilem vocem fundens tibia, quoad inuentionem Phœnicea. Nam Phœnicum lingua Adonin Gigram vocant, vnde tibia nomen desumpsit. *Σύριξ ἐκ καλᾶμων*, *Arun-dinea syrinx* Gallis maxime competebat & Oceani insulani, sed apud Aegyptios, vt pergit *Pollux*, *Παλύφθογγος αὐλὰς*, *multisonans tibia*, Osiridis inuentum est. De hac *Claudianus* de 4. Honor. Consul.

— *Variosque modos Agyptia ducit Tibia.*

*Ἀθηναῖ*, Athenæ tibiæ genus, quo Nicopheles Thebanus ad Mineræ hymnum inprimis vsus. Cornu Tyrreni caneant. Scythæ autem & inter hos maximè Anthropophagi, Melanchlæni & Arimaspi, aquilarum vulturumque ossa Tibiæ in morem inflabant. Has ex gentibus species varias recenset *Pollux*, sed illas fusius post eum persequitur eruditissimus *Scaliger* de Arte Poetica lib. 1. cap. 10. quò Lectorem remittimus, modo nominatas & alias insuper Tibiarum differentias ibi inuenturum.

Apud *Athenum* non minorem numerum reperies à gentibus varijs desumptum. Gigras tibiæ, quibus ex *Xenophonte* Phœnices vsos refert, describit lib. 4. Deipnos. palmum longas, stridulum sonum & lugubrem edentes, quibus etiam Cares

mor-



mortuos lugere cum *Polluce* consentit, sed anne-  
 Caria Phœnice vocata sit, dubitat ex autoritate  
*Corinnae* & *Bacchylides*. Adonin autem Phœnices  
 Gingren nuncupasse ex *Aristophane*, *Menandro* &  
 alijs euincit; Atque γῆσπαντα luctuosa carmina &  
 grande aliquod malum significasse ex *Axionico*. De  
 origine & vsu harum tibiaram paria tradit *Eusta-  
 thius* qui in lib. 17. *Iliad.* ex *Xenophonte* ait γῆσπα-  
 ντες αὐλὴς (πιταμαίης εἶναι, palmi seu dodrantis longitu-  
 dine esse apud Phœnices, acutum & luctuosum so-  
 nantes, quibus *Cares* utebantur. Vsum autem ea-  
 rum à luctu Adonidis fluxisse, quem *Gingrin* Phœ-  
 nices vocant. In Vet. autem Glossis γῆσπον φωνὴ κινῶς  
 gingron vox anseris. Et apud *Festum*: *Gingriunt*  
*anseris*. Itaque ex soni forsan similitudine etiam  
 dici ita posset tibia hæc, quæ paruula & tyronibus  
 artis accommodata describitur ab *Hesychio*: τρυ-  
 γρία αὐλοὶ μικροὶ, ἐν οἷς πρῶτον μανθάνουσι. Inde apud Ve-  
 teres Tibicen *gingriator* dictus. Affini voce apud  
 Aegyptios *Ginglarus* habita est, pusilla tibiola sono  
 acuto, ad monodias, teste *Scaligero* & ante eum *Pol-  
 luce*. Eorūdem Aegyptiorū inuētum fuisse *μοναυλον* ex  
*Polluce* vidimus, & quidem *Osiridi* eius inuentione  
 adscribit *Athenæus* lib. 4. vbi etiam *Hymenæum*  
*monaulo* accini dicitur, & suauissimi concentus  
 summissa voce monaulo meditari & cantillari. Vn-  
 de *Apuleius* de puero *Critia monaulo*:

Quod si aulum inspiras dona & iam c armina nostra  
 Cedant victa tuo dulciloquo calamo.

In conuiujs autem frequentem fuisse ex *Athenæo*  
 liquet lib. 15. quibus *photingia* & *monaulia* comessa-  
 tionis



tionis instrumenta, non belli addiderant. Et hoc sensu *Martialis* lib. 14.

*Ebria nos madidis rumpit tibicina buccis,*

*Sæpe duas pariter, sæpe monaulon habet.*

Erat autem *μόναυλος* tibia singularis ad differentiam τοῦ ζεύγους cum binæ simul inflarentur. Alio nomine monaulon *Tiutyri*nen appellari innuit ibidem *Athenæus*, & *Dores* Italicos ita vocitasse tibiam è calamis factam refert ex *Artemidoro* & *Aristophanio*. *Hesychius* τίτυρον calamus esse vult. Et alibi: τυρίκυλοι dicuntur αὐλοὶ καλᾶμνοι. Vbi lege, potius τιτυρινοί: Ita enim *Eustathius*: Μόναυλος καλᾶμος καλᾶμενός τιτυρινός τοῖς ἐν Ἰταλίᾳ θεωρεῖται, ἃ τὸν σατυρινόν· ὁ δὲ μόναυλος, καὶ καλαμάλης φασὶ, καὶ ῥαπαύλης ἐλέγετο. Quod de arundinea tibia ille prodit confirmatur ab *Athenæo*, apud quem *Deipnos*, lib. 4. καλαμάλην monaulon quondam fuisse patet ex *Hedylo* in *Epigramm.* apertè ita disferente, sed apud nos hic per Interpretem:

*Hoc Theon monaulos sub tumultu festinus situs est*

*Tibicen, mimorum etiam in pulpitis ipsa gratia,*  
Et mox: — At *Theoni*

*Calamaulite iam dicite, Vale Theon.*

Et quemadmodum, illos qui calamo cecinere καλαμάulas vocarunt, sic & ῥαπαύλας illos qui stipulam inflarunt, vt ex *Glossis Veterib.* colligit *Athenæus* lib. 4. ῥαπαύλη enim calami species apud *Hesychium*, & qui illo caneant ῥαπαυλοί. Calami primum videntur fuisse quales ab *Aristotele* describuntur lib. de *Respir.* cap. 9. Cicada attritu, qui fit ad pelliculam bombum edunt, qualem pueri per calamos perfo-

perforatos, cum tenuem pelliculam imposuerint. Af-  
finis denominatio illius Tibiæ fuisse videtur, quæ  
δράκωνες dicta apud Lacones, qua Draconem Mi-  
neruam cantu deliniuit apud *Hesychium*.

Quas obliquas & lotinas tibiae dicit *Pollux* à  
Libycis inuentas, *Athenæus* lib. 4. Osiridi Aegypto  
tribuit, & φώτιγλα πλαγίαυλον vocat, innuit enim alibi  
Lotinas tibiae Alexandrinis Photinges nominatas,  
& è loti ligno, quod in Africa nascitur, confectas.  
Vnde λωτός pro tibia Græcis Latinisque Poetis. *He-  
sych.* Λίβυς δὲ λωτός, ὃ ἀπὸ τῆς Λιβύης αὐλός. *Seruius*,  
quam Græci πλαγίαυλον vocant, Latinis esse  
vascam tibiā obseruat in locū *Virgil.* *Aeneid.* 11.

Aut ubi curua choros indixit Tibia Bacchi,  
hanc tibiā Græci vocant πλαγίαυλον Latini vascā  
tibiā. De hac autem vasca tibia accipiendus est  
*Solinus* cap. 11. Sine vascas quæ foraminum numero  
præcentorias antecedunt. Nisi plus largiamur lectio-  
ni *SchegKij*, qui Præmiss. Epist. 11. ita: Non tamen  
dissimulo scripturam nostri libri: Aestas, quæ si proba,  
intelligit assas tibiae, quæ sine voce, sine, ut *Seruius*  
alicubi ait, quibus canitur sine chori voce. Assa au-  
tem & Asta eadem, ut assare & astare. *Ennius* apud  
*Varronem*: Subulo finitimas propter astatat aquas.  
Vascæ Tibiæ præcentorias foraminum numero an-  
tecedebant, si credimus *Plinio* lib. 8. cap. 55. Ex quo  
sine dubio *Solinus*. In veterib. Gloss. vasca μελετη-  
τικὸς αὐλός i. e. tibia qua tyrocinia artis tibicine peri-  
clitantur. Quibusdam esse videntur phonscæ vel  
phonsciæ, quibus phonsci modos vocis rege-  
bant. *Tonarium* vocat *Fabius* lib. 1. capit. 10.

Πλαγιάυλος à figura autem & obliquitate nomen accepit, quia apud *Aelianum* πλάγιος αὐλὸς distinctis & separatis verbis dicitur lib. 6. de Animal. cap. 19. Η κίττα δὲ ὡς καὶ τῶν ἄλλων φωνιμάτων μιμοῖσάτατον ἔστι, τοῦ δὲ ἀνθρώπου πλέον. καὶ ὁ μὲν ἄνθρωπος ὑποτίθεται χρεμίσμα ἴσπερ. τῷ σάλπιγγα δὲ ἢ ὁμῶς, καὶ τὸν πλάγιον ἢ ὑγξ αὐλόν, i. e. *Pica autem cum aliàs voces tum maxime humanam imitatur. Florus Equi binnitum: Salpinx Tubæ sonitum & Torquilla obliquam tibiam representat.*

Ab hac diuersa erat Phrygia Tibia quæ tamen ipsa cūrua & obliqua erat. Græcè Ελυμος dicebatur, vt apud *Pollucem*. *Athençus* etiam Ελύμμι interpretatur φρυγίως αὐλούς, lib. 4. At *Elymos*, quorum meminit *Sophocles* in *Nyobe & Tympanistis*, non alias esse re-putatur tibias, quàm Phrygias, quarum usum *Alexandrini* quoque non ignorant, velut & δύοπων & τὸν μουσολέ-πων, & earum quas ὑπετρέτους nominant. *Elymorum* meminit *Callias* in *Vinctis*. Iuba tradit à Phrygiis repertas fuisse, vocarique etiam *Scytalias* ob earum crassitiem parem *scytalis* *Laconicis*. Illos in usu quoque *Cypriis* esse *Cratinus* iunior in *Theramene* scribit. Di&ta etiam eadem est *Berecynthia* Tibia, quia *Berecynthus* nomen erat montis & oppidi in Phrygia. De Phrygijs Tibijs *Nonius Marcellus* de *Prop. Serm. cap. 2.* *Cymbatissare, cymbala quaterere. Cassius Hémia* lib. 3. *Mulier cantabat Tibijs Phrygijs & altera cymbalissabat.* Teste *Polluce* tam *Plagiaulo* quam *Elymo* additum est κέρασ ἀναγεῖν, cornu ad- nutans, de quo nos cap. 5. pluribus. Vnde etiam Græci κέρασ tibiam Phrygiam appellarunt, & κέρασ λα

κεραῦλαι tibicines, qui ea canerent. *Hesychius*: ἐσ-  
κεραυλῆσαι, τὸ αὐτὸ προσκειμένου γὰρ τοῦ κέρατος τοῦς αὐ-  
λοῦς ἥδον ὁδὲν καὶ ἐγκεράυλῃς.

Ad Phrygiam harmoniam erat adaptata tibia,  
Mygdonia, de qua *Theocrit.* Eldyll. 19. Et *Nonnus*  
*Dionys.* lib. 15.

Καὶ τις ἀπειρήτους ἐνὶ χεῖλεσι λατὼν ἐρείσας

Δίθρον ἀρμονίην ἐμελίζετο Μυγδονος αὐλῶ.

*Et quispiam immensis in labijs lotum firmiter tenēs*  
*Duplicem harmoniam cantabat Mygdonis tibiæ.*

*Illius videtur meminisse Catullus:*

*Tibia Mygdonijs libet eburna cadis.*

A vario Tibiarum usu & sono varias earundem  
species recenset *Solinus* Polyhistor. cap. 5. Thermi-  
tarum locis insula est harundinum ferax, quæ ac-  
commodatissimæ sunt in omnem sonum *tibiarum*,  
seu *præcentorias* facias, quarum locus est ad pulvi-  
naria præcinendi, seu *Vascas*, quæ foraminum nu-  
meris *præcentorias* antecedunt: seu *puellatorias*  
quibus à sono clariore vocamen datur: siue *gin-  
grinas*, quæ breuiores licet subtilioribus tamen mo-  
dis insonant, aut *miluinas*, quæ in accentus exeunt  
acutissimos: aut *Lydias*, quas & *thurarias* dicunt:  
vel *Corinthias*, vel *Aegyptias*, aliasque à Musicis per  
diuersas officiorum ac nominum species separatas. De  
miluinis consentit *Festus*: *Miluina*, genus *tibiæ*  
*acutissimi soni*. De præcentorijs & thurarijs hanc  
animaduertit differentiam *Turnebus* Aduers. lib. 17.  
cap. 20. *Præcentoriæ*, inquit, dicebantur *Tibiæ*, qui-  
bus ad puluinaria præcinebatur, & *thurariæ*, quæ  
eēdem *Lydiæ*, quibus cum thus in aram indebant

nec immolabant hostias, utebantur. Plurima alia Tibiarum genera secundum plurimos eorundem, vsus occurrunt apud *Iul. Pollucem* in *Onomast.* lib. 4. cap. 10. tit. 3. Ad hymnos autem idoneæ erant *Spondiæ*, ad Pænes *Pythicæ*, quas & *perfectas* nominabant, canebant autem ineptum illud carmen *Pythicum*. *Choricæ* vero *Dithyræbis* conueniunt. Et ad *parthenias* Tibias saltabant virgines. *Puerilibus* verò pueri accinebant. Tibiæ autem *perfectissimæ* Virorum choris competeabant. Quæ autem *Citharistricæ* dicuntur citharæ accinunt. *Paratretæ*, *παράτρητοι*, luctui conueniebant acutè & lentè infiatæ. Et mox: Nonnulli etiam *ἐμβατηρίους αὐλὰς*, Tibias *gradarias*, vocarunt eas quibus in itineribus vtuntur, & *dactylicas*, *δακτυλικούς*, quæ ad saltationes spectant. Alij verò hæc non tibiæ, sed modulationum & carminum species esse aiunt. Tibias verò *subtheatricas*, *ὑποθεάτρους*, ad modos Tibicinum retulerunt. Sed Syrij asperum quiddam & forte flare videntur. *Ginglarus* autem (*γῆγλαρος*) parua quædam Aegyptia Tibia est, simplici melodiæ conueniens. Et *scytalia* paruarum tibiæ nomina sunt. Hactenus *Pollux*. De Virginalibus, puerilibus, & virilibus consentit *Athenæus* lib. 4. ubi de Alexandrinis loquitur: *verum etiam in tibiærum lusu, quem præcipuè callent, non earum solum quas Virginales & Pueriles nuncupant, sed illarum etiam quas Viriles nominant, & citharisterias & Dactylicas: Virilias autem Perfectas alias vocant, alias plusquam perfectas.* De Citharisterijs *Atheneus* lib. 4. *Haud me latet esse quoque alia genera tibiærum, nempe Tragicas,*

gicas, *Lysiodas*, *citharisterias*, quarum meminit *Euphorus* libro de Inventis, & *Euphranor* *Pythagoricus* de tibijs libro. *Citharisteriam* *Magadin* vocat *Hesychius*, μαγάδες αὐτοὶ κιθαριστίαι. *Magadis* autem & *Palæomagadis* Tibiæ erant, quæ acutum & grauem sonum efficiebant. Vnde apud *Athenæum* lib. 14. Vetus verbum: μαγάδες λαλήσω μετὸν ἄμασι καὶ μέγα, loquar, ut *Magadis*, acuta & gravi voce. De hac verò apud eundem dubitatur cithara ne fuerit an *Tibia*, cum *Anacreon* alicubi dixerit,

ἄλλω δὲ εἴχῃ χροδαῖσι μαγάδι ἔχον  
*Magadin* habens viginti fidibus cano.

*Ion* verò *Chius* in *Omphale* quasi de *Tibia* sic ait:

Λυδὸς τε μάσαδ' αὐλὸς ἢ εἶδ' αὖ βοῆς:

*Lydia* *Magadis* *Tibia* voci preeat.

Cæterum ea de re lege vberrius differentem *Athenæum* libro citato, & *Eustathium* in lib. 17. *Iliad*.

Ex hoc tibiæ genere apparet, quod quædam fuerint quæ modo acutum modo grauem sonum ediderint, prout vel variè inflatæ vel in inflatis sonus variè moderatus est. Et hos qui flexibili Tibiæ cantu vtuntur *Camptaulas* interpretatur *Rhodiginus* lib. 12. cap. 5. at *Donatus* in *Vopiscum* exponit, qui obliquis seu flexis concinunt, siquidem αὐλὴ *Tibia*, & καμπτὸς flexibile. Cæterum alij καμπταύλην volunt esse tibicinem inflexe modulationis artificem: nam κάμπτειν *Hesychius* interpretatur κάμπας ἐν τῇ δισσῇ ποιεῖν. Vt enim assa vox in cantu cum flectitur varietatem facit modulationis (quod qui faciunt eos *Aristophanes* in *Nubib.* Act. 1. Sc. 1. ἀσφατοκάμπτας, canis sic

xores , vocat , & apud Tibullum : *Voces inflectere cantu*) ita in tibiæ cantu spiritus artificis vertitur , vt varios edat sonos . Ad quam rem apprimè Plantus Mercator. Act. 1. Sc. 2.

Peri, animam nequeo vertere, nimis nihili tibiæ siem. Anima , spiritus est quo calamus inflatur . Varro : *Phrygio per ossa cornu liquida canit anima* . Alij hic , *Phrygius cornus* , legunt . Inde πολυκάμπτῃς αὐλὸς de qua Apuleius in Floridis dicit , veterem tibiæ musicam non tam flexanimo sono cani solitam . Nonnulli hic legunt : *Nondum quidem tam infessa animæ sono , nec tam pluriformi modo , nec tam multiforabili Tibia* . Ad hos in Tibijs varios modos flectendos non solum numerus foraminum , multum contulit , sed etiam lingulæ apertiores , vt ex Theophrasto liquet , de harundinum ad tibiæ sectione , & Plinio : *apertioribus earum lingulis ad flectendos sonos* . Tales igitur Camptaulæ dicti sunt , quos centum habuisse Carinum Imperatorem Flavius Vopiscus prodit , in quem consule Salmasiū . Nescio autem quo iure Turnebus Advers. lib. 11. cap. 25. Camptaulæ vocem planè græcam à Græcis ipsis non agnoscere dixerit , & ideo tanquam irrepitiam non accipit , sed eius loco, Ascaulæ, ponit , vt sint qui instrumentum musicum vtriculum imitarentur .

Erant etiam aliæ Tibiarum breues , aliæ longiores , aliæ mediæ . De vltimis Hesychius : μέσσοι αὐλὸι οἱ ὑπερείτεροι τῶν τελείων , μέσοι , Tibiæ mediæ breuiores perfectis & longis . Breues erant puellatorię & pueriles , quæ etiam ἡμιόμοι dicuntur Athe-  
neo



neo lib. 4. Erant autem *semitenae* hae Tibiæ minores *plenis & perfectis*. *Hesychius*: ἡμίτεροι αὐτοὶ οἱ μὴ τέλει οὐ ποτε τασμῖνοι τοῖς τελείοις. *Callimachus* illas *graciles* vocat in *Diana*.

*Longae* Tibiæ erant *turariae & praeentoriae*. De ijs *proverbium* illud apud *Xiphilinum* in *Othone*: *quid opus erat me longis tibijs canere*, vbi quis aliquid parum ad rem facit. Βόμβυκας autem erat longissimæ genus Tibiæ, vt ex *Aristotele* colligo, lib. de *Audit*. omnes enim impicnt *Bombycas*, idque cum magna intensione ob longitudinem. Earum meminit *Pollux* lib. 4. cap. 10.

Tibiæ longæ apud *Marium Victorinum* sunt, quibus supplicantes utebantur in templis, ita enim ille de *Spondæo*: *Dictus à tractu cantus eius qui per longas Tibias in templis à supplicantibus editur. Vnde Spondaulæ appellantur, qui huiusmodi Tibias inflare assueverunt*. *Spondiales* nominat *Isidorus* Orig. lib. 1. cap. 16. vnde *Ciceroni* lib. 2. de *Orator*. *Spondialia carmina*. Et σπονδιαῖοι, & σπονδιακοὶ αὐτοὶ *Polluci* Latinis autem *Spondaulæ*.

Vt à *spondiacis* tibijs *Spondaulæ*, ita qui cum choro tibijs cecinerunt *Choraulæ* dicti. Olim quippe in comædijs quando chorus canebat, chorici tibijs artifex concinebat, atque is *choraules* dicebatur, vt refert *Diomedes* lib. 3. postea *choraulæ* à comædia sese segregarunt, & res suas partesq; seorsim in scena agere cœperunt, vt chorum etiam suum habuerint, quem septem cantoribus constitisse liquet ex *Hygino*: *Pythaulæ* qui *Pythia* cantauerat, septem habuit *palliatos*, qui voce cantauerunt, unde

unde postea appellatus est *choraules*. Apud *Flanimum Vopiscum* memoratur *Carinus Imperator* exhibuisse centum *salpistas* vno crepitu concinentes & centum *camptaulas*, *choraulas* centum. *Choraulas* autem magna in æstimatione fuisse constat ex illo, qui à *Galba* eximium præmium reportauit, cum illum in scena delectasset, quod me edocet *Suetonius* in *Galba* cap.<sup>o</sup> 12. *Cano Choraulæ* mirè placenti *denarios quinque* donauit prolatis manu sua è peculiaribus loculis suis. *Ismeniam* celebrem *Tibiarum* cantorem *Choraulem* vocat *Plinius* lib. 37. cap. 1.

Marmor in *Via Appica* repertum, & *Choraulæ* cum *Inscriptione Græca* dicatū, hic exhibeo *TAB. I. Fig. 6.* conspiciendum, quod in *Libro Fuluij Vrsini* manu exarato, qui in *Bibliotheca Vaticana* asseruatur, ita delineatum inueni. Infra *Inscriptionē* corona cernitur, quæ ipsum in cettaminibus victorem fuisse denotat, à latere duplices *Tibiæ*. Ex eodē *Ful. Vrsini* Libro, elegantem *Choraulæ* statuam hic dabo *TAB. II. Fig. 1.* in *Via Appia* itidem repertam cum hac *Epigraphe*:

Θ. Κ.

ΜΥΡΙΠΝΩ ΝΑΝΩ

ΧΟΡΑΥΛΗ

De *Choraule* non prætereunda est, quæ apud *Gruterum* legitur, *Inscriptio Antiqua*, Pag. 1035. quam parum diuersam & magis emendatam mihi *Romæ Lugduno* in *Gallijs* transmisit *Cl. Iacobus Spon*, in his rebus versatissimus:

HE-

HERIAE THISBE  
 MONODIARIAE  
 T. CLAVDI GLAPHYRI  
 CHORAVLAE  
 ACTIONICAE  
 ET SEBASTIONICAE  
 TERRENVN SACRVN  
 LONGVM P. X. LAT. P. X.  
 IN QVO CONDITA EST  
 FODERE NOLINE  
 SACRILEGIVM COMMITTAS.

Dicti vero primò erant quod in choro Tibia canerent, at interdum video ad alia etiam vocatos esse. In conuiuijs cecinisse, autor mihi erit *Martialis* qui lib. 9. cap. 79. conuiuium laudat quod sine choraule fit, forsan propter sonum obstrepentem auribus infestum:

*Quod optimum sit queritis conuiuium?*

*In quod Choraules non venit.*

In sacra Barbarorum choraulas inducere videtur *Apuleius* de Deo Socratis: *Vti Aegyptia Numina ferme plangoribus, Græca plerumque choreis, Barbara autem strepitu cymbalistarum, tympanistarum, & choraularum.* Vbi tamen *Salmasius* mavult, Ceraulae, cum, vt supra etiam notauimus, Choraulae ad choros & choreas pertinerent, quæ Græcorum sacris conuenerunt, non Barbarorum; at ceraulae cum cymbalists & tympanists sacris Phrygijs & Barbaris rectius inferantur. Cæterum ab his in sacris non abstinuit alibi *Apuleius* *Metam.* lib. 8: *Erat quidam iuuenis fatis corpulentus, Choraula doctissimus,*  
 colla-

*collatitia sipe de mensa paratus: Qui foris quidem circumgestantibus Deam cornu canens adambulabat - Vbi videmus choraulam expressè nominari, qui tamen cornu canens inducitur, quasi idem esset, choraula & ceraula, nisi & huic loco vsitata Autori vocula restituenda sit, nempe ceraula, ex Florid. lib. 1.*

Sed vt ad varias Tibiarum species reuertamur, Tibias, longas, quibus in sacris vsi sunt, iam vidimus, de symphoniacis tibijs nos alibi, quas minimas vocat *Petronius* in *Satyrico*: *Quum ergo adferretur, ad caput eius cum minimis symphoniacis tibijs accessit, & tanquam in aurem aliquid diceret, toto itinere cantauit.*

Alias ab acuto & stridente sono Latini *Serranas* Tibias appellauere ab, acuto serræ stridore aut ferrante sono, vt opinatur *Turnebus* *Aduers.* lib. 28. cap. 34. Quamuis alij malint *Sarranas* à gente ita dictas, vt à *Phrygibus phrygias*, nimirum à *Sarro*, eo enim nomine *Tyros* olim vocabatur. Vnde *Pœnos Sarra* oriundos *Ennius* dixit, si *Probo* credimus. Hæ pares erant & æqualia obtinebant foramina, alias autem Tibias impares numero foraminum discernit *Festus*. Quæ autem pares aut impares Tibiæ fuerint inter eruditos non conuenit. Alij existimant ab æquidistantibus aut inæqualibus foraminibus, vel interuallis dictas esse. Alij, inter quos *Scaliger*, pares Tibias dictas volunt, cum duæ eiusdem magnitudinis & toni inflarentur: impares cum vnica tantum caneret.

Erant etiam etiam aliæ Tibiæ dextræ, aliæ sinistræ

stræ , siue à manu , qua tenebantur , diuersæ , siue à sono , quem alij sinistra acutum & dextræ grauem , alij autē sinistra grauiorem & dextræ acutiore tribunt. De illis Brodus Misc. lib. 1. c. 2. Varro de R. R. lib. 1. c. 1. *incentiuā & succentiūā* vocat: Certè inquit Fudanius, aliud *pastio* & aliud *agricultura*, sed *affinis*. Et ut dextera Tibia alia quàm sinistra , ita ut tamen sit quodammodo coniuncta , quod est altera eiusdem carminis modorum *incentiua*, altera *succentiua*. Iudice Petr. Vissorio Var. Lect. lib. 38. cap. 22. vocabantur Tibiæ dextræ quæ dextra parte oris manuque dextra tenebantur, eodemque pacto sinistra , quæ contraria parte oris & manus : dextris verò sinistrisque dicebatur is vti tibicen , qui simul ambas inflaret . Ex Aldo Manutio Pauli F. lib. 3. de Quæsit. per Epist. Epist. 4. dextræ Tibiæ erant , quæ dextra histriones spectabant, sinistra scilicet spectatores. Sinistræ contra quæ sinistra histriones, dextra spectatores . De  
 „ vtrisque eundem differentem huc aduocabo : Opinor, inquit, sinistras grauem sonum reddidisse,  
 „ dexteras acutum. Sinistræ enim ex ea arundinis  
 „ parte fiebant, quæ proxima terræ nascitur , quæ  
 „ cum crassior sit & foramen latius habeat , quam  
 „ quæ longinquior à radice est , grauiorem sonum  
 „ reddat: necesse est : dextræ autem ex superiore  
 „ arundinis parte fiebant . Testis Plin. lib. 16 c. 36.  
 „ Hinc legas , Acta est tibijs dextris & sinistris ,  
 „ idest sono acuto & graui , tibijs vtrunque constitutis . Vbi autem legitur, Paribus dextris & sinistris , Sarrana significat dextrorsum sinistrorsumque positas, quæ pares vocabantur, quod foraminis

„ raminis cauerna, vt ait *Seruius*, par erat; ideoq;  
 „ sonum parem reddebant, vt Phrygiæ impares,  
 „ quod cauernam imparē habebant, ex quo sonū  
 „ reddebant imparē: acutum scilicet partim,  
 „ & partim grauem. Ex quo *Seruius* interpretans  
 „ illud *Virgilij* lib. 9. *biforem dat Tibia cantum*, ex-  
 „ planat biformem, dissonum, imparē, & dissimi-  
 „ lem, iuxta Phrygiarum tibiārum naturam, quæ  
 „ hoc à Sarranis distabant, quod, vt ait *Seruius*,  
 „ cauernā foraminis imparē habebant, vt Phry-  
 „ giæ distabant, quod dextræ vnicū foramen,  
 „ habebant, vt sonitu vniformi sonarent: sinistræ  
 „ verò duo, quorum vnum grauem alterum acutū  
 „ sonum reddebant. Pergit postea idem *Manutius*:  
 „ Si Sarranæ pares sunt & Phrygiæ impares ob fo-  
 „ raminis æqualitatem, inæqualitatemque, quod  
 „ ait *Seruius*, manifesto patet Sarranas tam dextras  
 „ quam sinistras esse posse: quales in Andria *Te-*  
 „ *rentij* fuisse existimo, ideoque in inscriptione le-  
 „ gitur, Tibijs paribus dextris & sinistris, id est,  
 „ Sarranis. Et in Adelphis, vbi legitur, Tibijs  
 „ Sarranis, easdem opinor fuisse cum paribus dex-  
 „ tris & sinistris. Et in Phormione, Tibijs impa-  
 „ ribus, explano, Tibijs Phrygijs dextris, & fini-  
 „ stris. Hanc opinionem meam id confirmat, quod  
 „ nunquam reperi Phrygias & Sarranas nomina-  
 „ tas, vna cum paribus aut imparibus, quod indi-  
 „ cio est paribus ad indicandas Sarranas, & impa-  
 „ ribus ad Phrygias satis fuisse.

„ Alias Tibias non nisi nomine tenus recensuere  
 „ auctores, de quibus præter nomen nihil proditum



reperire licuit, tales ἰσοῦσαι, quæ etiā inter Tibiarum species recensentur à Polluce lib. 4. cap. 10.

Sed nos paulo fusius per Tibiarum genera varia euagati sumus, alia adhuc addituri, nisi ea ex Gyraldo Poet. Dialog. 6. Bulingero lib. de Theatro, Scalligero in Poet. Aristotele Polit. lib. 8. Alexandro ab Alexand. Gen. Dier. lib. 4. cap. 17. Polluce, Athenæo & passim alijs abundè peti possent.

## CAPUT VII.

## De Arte TIBIAS inflandi.

**T**ibicinum officium in flando existit, vnde Festo: Flator, Tibicen. Et apud Arnobium lib. 2. Adu. Gent. Tibia calamoque flatantes, pro tibi-  
cinibus. Sic Tibias inflare dixere Latini, vbi vsus Tibiarum exprimendus fuit. Tertullianus aduers. Marcionem lib. 2. Nec tu enim si in Tibiam flaueris, hominem Tibiam feceris, quanquam de anima tua flaueris, sicut & Deus de spiritu suo. Non ab simili loquendi modo Apuleius lib. 6. Vt Musæ quidem chororum canerent, Tibias inflaret Satyrus, & Paniscus ad fistulam diceret. Arnobius lib. 2. ut inflandis bucculas distenderent Tibijs. Atque eleganter Claudianus Panegy. de Consul. Manl. Theod.

*Qui nutu manibusque loquax, cui Tibia flatu,  
Cui plectro pulsanda chelys.*

Ita etiam Græci. Euripides Phœniss.

ἄνθρωποι κατὰ πνεύματα μέλαιν.

*Tibia per flatus suauiter canis.*



Interdum tamen pro inflare, ad Tibias dicere Latini usurpant, ita *Lampridius* in *Heliogabalo* : *Ipse saltavit, cantavit, ad Tibias dixit, tuba cecinit, pandurizavit, organo modulatus est*. Sic *Apuleius* : *ad flulam dicere*. Eidem Tibia iungere dicitur lib. 5. *Metā*. *Iubet citharā loqui, psallitur : Tibias iungere, sonatur : choros canere, cantatur*. Quis nullo presēte cūctos dulcissimis modulis animos audiētium remulcebant. Interdū etiā canere dicitur is qui Tibias inflat. *Cic. lib. 2. de Orat.* *Quemadmodum Tibicen sine Tibijs canere, sic orator sine multitudine audiente eloquens esse non potest*. *Gellius lib. 5. cap. 1.* *Tum scias & qui dicit & qui audit frustra esse, neque ibi Philosophum dicere, sed Tibicinem canere* ; Et cantus Tibiarum, *Solin. cap. 24. alijsque*. Vnde tibicines ὀρχήστριον αὐτῶν dicitur apud *Plutar. lib. de Aud.* Et idem ex *Corn. Nepote* liquet in *Præf. scienterque tibijs cantasse*. Atque hinc etiam colligo artem fuisse Tibiarum cantum, quam quidam scienter, quidam verò indoctè callebant. Non obscure illud innuere videtur *Lucianus Dialog. Adu. Indoct.* ubi quærit, si quis Tibia canendi artis prorsus ignarus forte nactus sit *Timothei Tibias*, aut quas *Ismenias* septem talentis *Corinthi* emit, an-ne arte inflabit ? vel nullus vsus huic rei erit, quia scitè uti nequit, Ita etiam *Calphurnius* :

— *Docili calamorum Nyctilus arte.*

Quam in sententiam eleganter differentem audiamus *Max. Tyrium Dissert. 16.* sed hic per interpretem : *Scientiæ namque successionem disciplina efficit : ipse verò artis vsus non est ut ab arte ars fiat, sed ut*  
ampho-

amphora à figulo, Tibij cantus à Tibicine, ab imperatore efficiatur victoria. Ideoq; Tibicines ab Ouidio Artifices dicuntur Fastor. lib. 6.

*Adde quod Aedilis, pompa qui funeris irent,  
Artifices solos iusserat esse decem.*

Græcis τεχνῖται commune nomē muficis, thymelicis, & hiftrionibus. Ita apud *Gellium* lib. 20. cap. 4. Comædi, Tragredi, Tibicines & id genus artifices appellantur Græcè, εἰ περὶ Διόνυσον τεχνῖται. Præclare Timotheus, tibiçen ille nobilissimus, duplicem ab ijs mercedem exigere solitus erat, quos antea ab illius artis magistris institutos recepisset, ac simplicem ab ijs qui rudes ei traderentur. Nam vt hi docendi, sic illi prius dedocendi quam erudiendi videbantur.

Explerunt autem Artis huius munus omne Tibicines, spiritu inflato & apto digitorum regimine, quo spiritus varie moderatus est in apertis vel clausis Tibiarum foraminibus. Et non vnā modo Tibiam, sed & duas eodem flatu inspirarunt, cuius rei indicium dat *Augustin.* tract. 19. in Ioan. Si vnus flatus inflat duas Tibias, non potest vnus spiritus implere duo corda, si vno flatu Tibiæ duæ consonant. *Iul. Pollux* lib. 4. cap. 9. Εἰ δὲ Κύριλλος εἰποῖς ὅτι, παράγειν ἐκ αὐτῶν τὸ πνεῦμα διὰ τὴν σόματος, καὶ παραφέρειν, καὶ διασπείρειν τὸ πνεῦμα, De syringe autem dices, deducere in eam ab ore spiritum, deferre, dispergere anhelitum. Auram Tibialem hunc tibicinum spiritum nominat eleganter *Sidonius* lib. 19. Epist. 13.

*Date rāvulos Choranlas*

*Qui*

*Quibus antra per palati  
Crepulis reflanda buccis  
Gemit aura Tibialis .*

Et quia ex flatu sonitum emittit, flamen Tibiæ dicit  
*Horatius lib 3. Od. 19.*

.... *Cur Berecynthia*

*Cessant flamina Tibiæ .*

*Susurrus Tibiarum Claudiano in Fescenn. v. 53.*

*Calamisque flexuosus*

*Lenè Mincius susurret .*

*Spiramen Tibiæ tribuit Statius Thebaid lib. 8.*

— *Gemina æra sonant, idæaque terga*

*Et moderata sonum vario spiramine buxus .*

Totam in inflandis Tibijs actionem tibicinum aptè adumbrat *Iul. Pollux Onom. lib. 4. cap. 9. lib. 5.* cuius verba ita interpretes reddidit : *De Tibijs verò inspirare & inflare dices ; aut deflare & spiritum in Tibiam transmittere . Impletis maxillis, tumidis, inflatis, elevatis, parulis, adherentibus, spiritu repletis, aut ocioso vultu, improbo, ignoranti descensum spiritus . Ex illis recensitis nonnulla etiam inter canendum Tibijs occurrentia habet Heliodorus lib. 2. Aethiop. Ea de causa quod illi intumescere genas inter canendum Tibijs ( εν τοῖς ἀυλίσμασι ) videbat, & vehementer inflando præter decorum ad nares exurgere, oculis incensis ac sua sede excedentibus . Quippe, quia magno nisu spiritus inflari debuit, buccæ, & genæ intumuerunt . Ita apud *Aristenetum lib. 2. Epist. 6. ὡς ἀυλητρίδος υἱὸς ἐξαίρει τὰς γνάβας, Velut tibicine filius inflas buccas .* Ideoque in Veterum sacrificijs, & alijs passim marmoribus tibicines semper*

per obseruantur inflatis buccis. Quæ quia deformitatem nonnunquam inferebant, à Mineruæ abiectæ Tibiæ memorantur. *Plautus Stichus* Act. 4. Sc. 6.

*Age Tibicen quando bibisti, refer ad labias Tibias, Suffla celeriter tibi buccas quasi proserpens bestia.*  
In laudem Tibicinis apud *Pollucem* lib. 4. cap. 9. tit. 6. dicitur ἔμπνευς, εὐπνεύς, μέγα πνεῶν, μέγα πνέων, *benè spirans, inflatus, magnum spirans, valde inflans, solidū spirans.* Quemadmodum vilis Tibicen ἀπνεύς, ἀδυνάμεις, *spiritu carens, infirmus.*

Non autem satis erat magno visu inflasse, nisi sonus debita proportionē spiritus temperaretur. Quemadmodum apud *Athenæum* lib. 14. non ineptè *Caphesias* tibicen, cuidam ex discipulis suis altissimo sono Tibiam inflare conanti dixit manu ferrens, in ea soni magnitudine sitam non esse artis bonitatem, sed vt rectè sonus in magnitudinem attollatur. Ideoque *Pollux* Tibicinem laudat pleno vtentem spiritu in magnitudine, sono, & robore, non immediatè conturbantem vultum. Spiritus etiam alteratio varia varios sonos effecit, si credimus *Aristoteli*, qui lib. 5. de *Generat. Anim.* putat spiritum calidum crassitudine sua grauitatem vocis efficere, frigidum verò pro sua tenuitate contrarium facere, illudque maximè in Tibijs patere, qui enim calido vtuntur spiritu, illi talem emittunt, qualem *Siticines* & lamentantes grauiorem sonum inspirant Tibijs, ex eiusdem sententia.

Spiritus, quo inflata est Tibia, iuuabatur sæpe lingua atque labro. Ideoque *Lucretius* lib. 4.

*Vnco sepe labro calamos percurrit hiantes .  
Et eodem sensu Virgil. Eclog.2.*

*Nec te pœniteat calamo triuisse labellum .*  
Sic etiam apud Theocrit. 24. Eidyll. χείρα λαβὲν .  
*Pollux* : Plura etiam horum communia ad tibicinem pertinent, hic enim non modo ἀγῆς, bene spirans, sed ὁ ἄλωτος, ἄσματος, πυκνός, συνεχὴς, lingua facilis, ore probatus, densus, continuus .

Maximè autem agili manuum ministerio spiritus moderabatur vnde in Tibiæ inflatione & oris & manuum artificium coniungit Ovidius Fast.6. de Tibiæ à Minerva abiecta :

*Inuentam Satyrus primum miratur , & vsum*

*Nescit, & afflatam sensit habere sonum.*

*Et modo dimittit digitos, modo concipit auras,*

*Iamque inter Nymphas arte superbus erat.*

*Ammian. Marcellinus lib. 30. Cumque apponerentur exquisita cupedia, & aede pulsu nervorum, articulado flatilique sonitu resonarent . Totam hanc artem Cyprianus mirè expressit in lib. de Spectac. si aliàs hic liber ipsi iure adscribendus sit, vbi de Choraula in hanc loquitur sententiam: Alter cum choro & cum hominis canora voce contendens spiritu suo, quem de visceribus suis superioribus nitens hauserat , Tibiarũ foramina modulās, nunc effuso, & nũc intus recluso, ac represso, nunc certis foraminibus emissio, atque in aërem profuso. Item in articulos sonum frangens loqui digitis laborat, ingratus artifice, qui linguã dedit. Non elegantius manuum in Tibijs pulsandis ministerium exprimi potuit , & inde non difficile erit concipere quid per loquaces manus intelligit Petronius in Fragn .*

*Tin-*

*Tinctus colore noctis*

*Manu puer loquaci.*

Aegyptium nempe tibicinē de quo *Iuvenal.* Sat. 15.

— *Inde Virorum*

*Saltatus nigro Tibicine.*

Nec aliam ob causam digiti saltare dicuntur apud

*Nonnum Dionysiac.* lib. 3.

ΕΡ. δὲ πολυτρίστοι πόρου (χειρῶν)

Σύνδρον ἐκρούσαντο μέλος μυκίτερος αὐλοῦ

Δάκτυλοι ὄρχησῆρες ἐπιδύοντες αἰοδύν. i. e.

*Ex multum perforato transitu verò, saltatione manuum.*

*Concordem pulsabant cantum mugientis Tibie*

*Digiti saltantes, stringentes cantilenam.*

*Iul. Pollux* lib. 4. Απόδεξαι καὶ τῷ αὐλητοῦ ἀνχερίαν, καὶ τῷ ταχυχειρίαν, καὶ τῷ ἀχειρίαν, Nota etiam Tibicinis manuum agilitatem, & celeritatem, & facilitatem. Totum artificium constitit in facili digitorum contractione & porrectione, iuxta effatum *Ciceronis* de Nat. Deor. lib. 2. Digitorum contractio facilis, facilisque porrectio, propter molles commissuras & artus, nullo in motu laborat: Itaque ad pingendum, ad figendum, ad sculpendum, ad nervorum eliciendos sonos ac Tibiarum, apta manus est admotione digitorum. Vnde Tibijs lyricisque tractatis sibi obtritas manus conqueritur ille apud *Aristophanem* in Conuiuiatoribus, teste *Athenaeo*. Et hoc idem est quod argutis digitorum significant, & ad numerum articulus cadens apud *Ciceronem* in Oratore. Non aptius illa omnia describi possunt, quam à *S. Paul. Nolan.* qui, *Bisengero* citatus, in nat. 9. quē



in honorem S. Fœlicis cecinit, de aduentu Nicetæ  
cuiusdam Episcopi, deque modulationibus ita:

— *Vel qui perflantia textis*

*Labra terit calamis, licet vnum carmen ab vno  
Ore fluat, non vna sonat, variosque magistra  
Temperat arte sonos, arguta foramina flatu  
Mobilibusque regit digitis, clauditque aperitque.  
Ut rapida vice dulcis eat, redeatque cauernis  
Currens Acolios modulabilis aura meatus  
Explicit . . . . .*

*Aristophanes* in *Veneris* proſapia apud *Athenæum*  
lib. 14. qua lege capiendum ſit poculum oſtendens;  
*μουσικῶς* tibicinum modo, *curuandos eſſe digitos* di-  
cit. Et quia condylus dictus articulus, nodus, iun-  
ctura vel incuruatura qua digitus ſlectitur, vt ex  
*Martiano Capella* lib. 1. *Cæl. Rhodigino* lib. 4. cap. 3.  
alijsque patet, ideo ſunt qui ita interpretantur illud  
*Martialis* lib. 5. Ep. 80.

*Parui Tibia condyli ſonabit*, quaſi condylus di-  
ceretur in Muſicis digitorum curvatura vſq; ad di-  
midiū orbem. Alij in arte muſica peritiores, inter ca-  
nendum Tibijs, manus certum in modū direxerunt,  
quod *diſcapedinare* dixere, vt ex *Apuleio* percipio  
*Florid.* lib. 1. *Primus Hyagnis manus in canendo di-*  
*ſcapedinauit*.





## CAPVT VIII.

## TIBIARVM Sonus.

**E**X *Cicerone* lib. 2. de Nat. Deor. aurium est admirabile quoddam artificiosumque iudicium, quo iudicatur & in vocis & in Tibiarum neruorumque cantibus varietas sonorum, interualla, distinctio, & vocis genera permulta, canorum, fuscum; læue, asperum; graue, acutum; flexibile, durum; quæ hominum solum auribus iudicantur. Itaque cum aurium voluptati ut plurimum dicatæ fuerint Tibiæ, sonus gratia, quem redderent diuersum, inflatæ sunt, sine hoc inutiles & abijciendæ, quemadmodum *Cicero* in *Bruto*: Ita se res habet, ut si Tibiæ inflatæ non referant sonum, abijciendas eas sibi tibicen putet. Quomodo autem ex inflatis Tibijs sonus eliceretur, leges certas præscripsisse *Olympum* *Marlyæ* discipulum *Plato* testatur, ex relatione *Alexand. Sardi* de Ret. Inuent. lib. 1.

Spiritus verò quem inflatum & acceptum reddiderunt sonus vel sonitus dicebatur interdum etiam vox, licet frequentius vox propriè hominum sit seu brutorum, ut monet *Isidorus* lib. 2. cap. 19. & in alijs abusuè, non propriè, sonitus vox vocatur: Ut, vox tubæ infremuit, fractasque ad littora voces. Nam proprium est ut littore resonent scopuli; & at tuba terribilem sonitum procul ære canoro. Ideo sonatores pro tibicinibus & id genus artificibus *Senecæ* in *Claudij* funere. Et *Apuleius* lib. 5. Met. Iubet Ti-

*bias ingere, sonatur.* Per similitudinem etiam Tibijs concessam esse vocem, consentit *Aristoteles* de Anima lib. 2. cap. 8. *Vox autem est sonus quidam animati, nullum enim inanimatum vocem emittit: sed per similitudinem dicitur vocem edere, ut Tibia & lyra.* Murmur sonum Tibiæ vocat *Ovidius*, *Metam.* lib. 14. vers. 537.

— *Et inflati complevit murmure buxi.*

Dicitur etiam mugitus, strepitus, modulamen, flatus, &c. scilicet secundum diuersitatem modorum Tibiæ quos eleganter persequitur *Prudentius* lib. Apotheos.

*Adde & distinctum quem musica Tibia flatum  
Concipit, aut ille est presso modulamine parcus,  
Aut tumidum largo sublimat flamine bombum,  
Aut raucos frangit modulos, aut lene susurrat,  
Aut exile trabens sonitus producit acutos,  
Aut murmur tenerum sublidit voce minuta.*

Fuit itaque varius earundem sonus, prout varijs modorum differentijs adhibitæ sunt, quas plurimas apud plurimos vsurpatos prolixius recensebimus capite sequenti. Hic tantum sonorum illorum varietatem necessariam ad varios vsus, quibus Tibiæ olim destinatae sunt, asseremus ex *Diuino Paulo* Epist. 1. ad Corinth. cap. 14. vers. 7. *Atqui anime expertia quæ sonum edunt, & Tibia, & cithara, nisi distinctionem sonis dederint, quomodo cognoscetur quod Tibia canitur aut cithara? Etenim si incertum sonum tuba dederit quis apparabitur ad bellum. Et eam præcipuè ob causam Polluci tales laudantur Tibiæ;*  
*πολύβουλον & αὐλὸς, πάλιν καὶ πῆς, πολυκαμπῆς, πολύφωνος,*

πολυμελής, πολυμελής, multifonans Tibia, iactabunda, flexilis, scilicet in cantu ad sonum variandum, varie sonans, canora, varios concentus habens.

Pulchrè apud Ciceronem lib. 3. de Oratore, omnis motus animi suum quendam à natura habet vultum & sonum & gestum: totumq; corpus hominis, & omnes eius vultus, omnesque voces, ut nervi in fidibus ita sonant ut à motu animæ sunt pulsæ. Nam voces, inquit Tullius, ut chordæ sunt intentæ, quæ ad quemque tactum respondeant, acuta, gravis, cita, tarda, magna, parva; quas tamen inter omnes est suo quæque in genere mediocris. Atque etiam illa sunt ab his delapsa plura genera, lenæ, asperum; contractum, diffusum; continenti spiritu, intermisso; fractum, scissum flexo sono; attenuatum, inflatum. Nullum enim est horum similium generum quod non arte & moderatione, tractetur: hi sunt actori, ut pictori, expositi ad variandos colores. Quicquid de humanæ vocis varietate refert Cicero id omne ferè Tibiarum cantibus accommodat & adaptat Pollux, qui plurimos & diuersos sonos Tibiarum recenset, ex rebus petitos, quibus varijs earum cantus competeabant. Hæ enim Onomast. lib. 4. c. 9. tit. 6. ipsi sũt cantus differentia: ἄλκιμα ὄρθιν, σερῆδν, πῆρες, ἑμιᾶλες, μονόκλονον, μονόκωρον, παλύτροπον, προταχυρόν, εὐκαμπνῆς, πολύκαμπτον, θρηνητικόν, γοῶδες, εὐλύγιστον, πομπικόν, παραξυντικόν, ἐνέπλιον, σπυδαῖον, σπονδαῖον, τροχαῖον, χαμηλόν, παρίον, Tibiæ cantus rectus, firmus, plenus, concinnus, simplex, unimēbris, varius, illecebrosus, mollis, flexilis, lachrymabilis, lugubris, acutus, stridulus, fastuosus, irritatorius, militaris, tripudiatorius, spondiacus, trocheus, nuptialis, inter pocula sonans,

Interdum enim Tibiæ sonum gratissimum fuisse auribus & suauissimum obseruo, interdum stridulū & inconditum. Prius manifestum est ex illo Philippi lib. 1. Florileg. Epigr. num 1.

Ἰμερον δολήσαντι πάλυτρήτων διὰ λώτων .

*Suauiter canenti per foraminatas lotos .*

& *Virgilio :*

*Dulciloquis calamos Euterpe flatibus urget .*

Quibus accinit Tibullus lib. 1. Ecl. 8.

*Et Tyriæ vestes, & dulcis Tibia cantu.*

Vnde facta comparatione cum summa dulcedine ; Tibiarum sono utitur *Augustinus*, Serm. 246. de tempore : Nullus , inquit , quamlibet chordarum & Tibiarum sonus , nulli amplexus , pulchritudini , inspirationi , dulcedini & amplexibus sapientiæ conferuntur . Ideoq; non immerito apud *Ouidium* *Metamor.* 12.

*Longaue multifori delectat Tibia buxi .*

Imo ipse funebris Tibiæ cantus tristis & querulus dulce quiddam & delectabile habuit quod ex *Apuleio* constat Florid. 3. *Tibia* , inquit , questu delectabilior , & fistula susurrū iucundior , & buccina significatu longinquior . Et idem per dulces querelas indicat *Lucretius* lib. 4.

*Tibia quas fundit digitis pulsata canentum.*

*Horat.* lib. 3. Od. 7.

*Sub cantum querule despice Tibiæ .*

Et quia cōquerendo raucescimus, nonnulli *Rauicam* Tibiam dictam volunt *Propertio* lib. 3. Ecl. 10.

E contrario interdum horridum, & stridulū quid sonabat, cuius rei indicium dat *Catullus* Epigr. 65.

*Bar-*

*Barbaraque horribili stridebat Tibia cantu .*

*Nec diuersum sentit Valer. Flaccus Argonaut. lib. 2.*

— *Sacris hinc ignibus Ida*

*Vibrat & horrifone respondent Gargara Buxo .*

*Talem Tibiam , βαρύβρομον αὐλὴν vocat Euripides in*

*Helena . Apuleius lib. 10. Ac ponè tergum tibicen*

*orthium canebat bellicosum : & permiscens bombis*

*granibus tinnitus acutos . Vnde Tibiæ modos incon-*

*ditos vocat Maximus Tyrius Dissert. 27. αὐλημα ἄσημον*

*Et perstrepere vt Tibia dicitur cor eorum, qui valde*

*trepidant , quemadmodum sancta oracula explicari*

*debent Ierem. 48. Propterea cor meum ad Moab quasi*

*Tibia resonabit : Et cor meum ad viros muri fictilis*

*dabit sonitum Tibiarum : quia plus fecit quam po-*

*tuit , idcirco perierunt . Ad rem nostram Homero*

*Hymn. in Matr. Deor. τρόμος αὐλῶν, tremor Tibiarum,*

*dicitur . Hunc tamen Tibiarum strepitum, amabilem*

*idem prædicat in Hymn. Mercur.*

Tanta sonorum varietas orta est à varietate Ti-

biarum de qua nos suo loco , vnde παρθένοι αὐλαὶ

erant clarissimi & acutissimi soni , ex Aristotele lib.

8. cap. 1. Hunc autem acutum sonum in Tibijs fieri

idem probl. 39. sect. 19. putat , quia exiguus aër

citò feratur Tibia inclusus .

Diuersitas etiam foraminum in iisdem Tibijs va-

rios sonos effecit . Ita de Tibiarum foraminibus

vicinis ori instantis sonus acutus emittebatur : de

longinquis autem & termino proximis grauior . Itē

acutior per patentiora foramina , grauior per an-

gusta, si credimus Macrobio lib. 2. in Somn. Scipion.

cap. 4. qui vtriusque causæ rationem vnā addit ,

*quia*

quia spiritus ubi incipit fortior est, remissior ubi definit. Et quia maiorem impetum per maius foramen impellit, contra autem in angustis contingit & eminus positus. *Galenus* autem, quia grauem sonum sine latitudine, acutum sine angustia fieri posse negat, dicit lib. 3. De symptom. Caus. viæ, qua spiritus intrat, latitudinem, sonum efficere grauiorem, in Tibijs quas Siticines inflabant, quæ etiã ob materiã, ex qua constabant, purum sonum odere non potuere, ex mente eiusdem.

Ipsa quoque eadem foramina modò aperta modò clausa diuersum sonum ediderunt, quod *Quintiliano* asserenti crediderim, qui lib. 2. cap. 3. ita: Tibiæ eodem spiritu accepto alium clausis, alium apertis foraminibus, alium satis purgatæ, alium quassæ sonum edunt. Ideoque apertas Tibias alibi vocat, quæ apertis omnibus foraminibus sonant clarius, etenim Tibias, præclusis, quibus clarescunt, foraminibus, recto exitu grauiorem spiritum reddere monet idem *Fabius* lib. 1. Inst. Orat. cap. 11.

Lingularum conformatio non parum contulit ad soni varietatem, quod ex *Aristotele* probabo, cuius verba ex lib. de ijs quæ sub auditum cadunt, hic latinè afferam: Quod & perspicitur in Tibijs, nam quæ secundarum lingulas habent obliquas, molliorem quidem ille vocem edunt, verum minus tamen clarã, labens enim aer protinus in spaciosam laxitatem incidit, neque vlla contentione rapitur, neque collectus fertur, sed dispersus. In lingulis autem duriusculis, vox & durior & clavior excitatur, si quis eas magis labris premat, quod violentiore impetu spiritus feratur.

tur. Ex eodem *Aristotele* cornua in Tibijs plus vel minus inflata, spiritus inflatus violentior vel mollior, & erumpens creber atq. contentus sonum variare plurimum possunt.

Ex tot distinctis sonis in Tibijs erat concentus quidam tenendus, ut *Tullius* loquitur lib. 2. de Re-publ. symphonia dicta, quam definit *Isidorus* lib. 2. cap. 19. moderationis temperamentum ex graui & acuto concordantibus sonis, siue in voce, siue in flatu, siue in pulsu. De quibus nos alibi, hic enim properamus ad modos Tibiarum ex diuersis sonis ortos explicandos.

## C A P V T. I X.

*De Modis Numerisque TIBIARVM.*

**T**ibicines non modo varios percussionum modos habent, ut loquitur *Cicero* lib. 1. De Orat. sed etiam varios cantus, nec pauciores nomos. Frequentamenta numeris modisque addit *Gellius* lib. 1. cap. 2. si numeros & modos & frequentamenta quædam incineret. Nos de singulis breuiter pauca dicturi sumus. *Tibinos* à *Tibijs* modos dixerunt, ut *Varro* apud *Non. Marcellum* de Propriet. Serm. C. 1. Eosque varios reperio ex discrimine Tibiarum & diuersitate cantus, ut immeritò *Propertius* lib. 2. El. 22.

*Sine aliquis molli deducit candida gestu*

*Brachia, seu varios incinit ore modos.*

Modos enim incinere verbum est proprium tibici-



rum, quod pluribus cum possem ostendere, ex solo Gellio probabo, qui lib. 4. cap. 13. *Si modulis leuibus Tibicen incinat*, & ibidem: *Incentiones Tibiarum*. Vnde *incentiue Tibiæ Varroni*, & *Apuleius lib. 10. in varios modulos lasciuia concinente Tibia*.

Tantum differunt atque distant inter se harmoniarum naturæ, vt qui audiunt aliter atque aliter afficiantur, neque eodem modo ad vnamquamque earum moueantur, quod de Republ. lib. 8. c. 5. monet *Aristoteles*. Idque satis inferius patebit vbi Tibiarum ad commouendos animos vsus tradetur. Interim exinde facile intelligo quo sensu dixerit *Cicero lib. 2. de Leg. Cernices & oculos torquere ad modos Tibicinis*. Isti modi pro seria vel iocosa Comœdia ita attemperabantur, vt argumentum fabulæ ostenderent. Illud patet ex inscriptionibus omnium Comœdiarum *Terentij*, vt in *Andria: Modos fecit Flaccus Claudij F. Tibijs paribus dextris & sinistris*. Sed hoc passim apud Autores deprehendo interdum hos cum illis confundi. Vtrosque tanquam diuersos recitat *Horatius de Art. Poët.*

*Accessit numerisq; modisq; licentia maior.*

Sed euidentiore differentiam constituit *Cicero in Orat. Quicquid*, inquit, *sub aurium mensuram cadit id numerus dicitur, etiã si absit à versu. Modus aestimatur sono & intervallo vocum & concentu*. Ab alijs autem modos numerosque non pro diuersis haberi passim occurrit. Ita harmonia vel concentus Phrygius modò per modos modò per numeros exprimitur. De numeris Phrygijs *Lucretius lib. 2. Et Phrygio stimulat numero cava Tibia mentes.*

Sic

Sic huic accinens Propertius lib. 2. El. 22.

*Es Phrygis insanos ceditur ad numeros.*

Qui Tibullo modi dicuntur lib. 1. El. 4.

*Et secet ad Phrygios vilia membra modos.*

Vti & Onidio Fast. lib. 4.

*Tibia dat Phrygios, ut dedit ante, modos.*

Græcis *νόμοι* dicti sunt, quos *Suidas* ita interpretatur: *μουσικὰ νόμοι καὶ ἄς τὰς ἀδούμην*, modi musici secundum quos canimus. Erat autem certa quædam modulatio legibus deuincta, ita ut de alia in aliam transire nefas esset, quod *Plato* docet lib. 3. de Leg. Mus. Ex *Plutarcho* lib. de Music. nomini dicti sunt, quod sicuti leges infringere ac violare, ita & legitimam modulationum formam in quoque genere transire nefas sit. Altius vocis originem repetit *Aristoteles*, qui *Probl. sect. 19. q. 28.* querens cur nomini vocentur *ἄς ἀδούμην*, quos canunt, quia, inquit, antequam leges sciret leges cantabant, ne eas obliuioni traderent. Quod de Cretensum pueris testatur *Aelianus* Var. Hist. lib. 2. cap. 39. qui iuebantur cum quodam concentu & melodia *τὸν νόμον* perdiscere, ut ex Musica voluptatem caperent, & facilius eas leges memoria complecterentur.

Modi, ut & numeri, & qui Græcis *νόμοι* vocabantur, diuersi à diuersis recensentur. A *Suida* ad septem referuntur à *Terpandro* repositos, qui erant, *orthius*, *retradius*, *acutus*, *Dorius*, *Ionius*, *Phrygius*, *Lydius*. Primis temporibus tria tantum fuerunt *ἀυλημάτων* genera, referente *Pausania* pag. 291. *Lydium*, *Phrygium*, *Dorium*, Tibijs singularibus. Pronomus autem prius Tibias, quæ commodè ad

omnem harmoniam se haberent, inuenit, cum prius alijs Tibijs ad Lydium, alijs ad Dorium, alijs ad Phrygium vterentur. Nos omnium modorum, quorum apud Authores indicia reperimus, diuersitatem commodè considerabimus, vel quatenus à varijs autoribus aut regionibus vbi reperti sunt, vel à varijs vsibus & effectibus quos præstiterunt, ortam. De modorum diuersitate à diuersis prouincijs, sic *Cassiodorus* lib. 2. Epist. 40. Hoc totum inter homines quinque tonis agitur; qui singuli prouinciarum vbi reperti sunt nominibus vocitantur. *Dorius* pudicitiae largitor & castitatis effector est. *Phrygius* pugnas excitat & votum furoris inflamat. *Aeolius* animi tempestates tranquillat, sonumque iam placidis attribuit, *Iasius* intellectum obtusis acuit, & terreno desiderio granatis coelestium appetentiâ bonorum operatur, indulget. *Lydius* contra nimias curas animæque tædia repertus, remissione reparat, & oblectatione corroborat. De his vide *Vossium* de 4. Artib. Popul. cap. 4. Eleganter eorundem varietatem omnem paucis adumbrat *Apuleius* Florid. lib. 1. de Antigenida tibicine: seu tu velles, inquit, *Aeolium simplex*, seu *Asium varium*, seu *Lydium querulum*, seu *Phrygium religiosum*, seu *Dorium bellicosum*. Ab his diuersus est *Heraclides Ponticus* apud *Athenæum* lib. 14. qui negat Phrygiam vel Lydiam vocari posse harmoniam, cum illas tantum tres dicat, quemadmodum etiam tres Græcorum nationes, Doras, Aeonas, Ionas. *Dorius* modus, qui grauissimus erat, duabus dextris Tibijs incinebatur: *Lydius*, qui acutissimus, duabus sinistris;

Phri-

Phrygius qui Dorio acutior, Lydio grauior, grauitate simul & acumine temperatus, dextra & sinistra Tibia modulabatur, quod à *Salmasio* in *Plinianis Exercitationibus* annotatum. De cantu Phrygiæ Tibiæ, qui ad insaniam concitabat, videri potest *Fabius* lib. 1. cap. 17. Atque præter *Aristotelem* qui lib. 8. *Polit.* & *Platonem*, qui de *Republ.* lib. 3. hoc expresse confirmant, huc etiam respexit *Apuleius* cum ita lib. 8. *Metam.* *Incitantes Tibiæ cantu lympaticum tripudium.* De Damone Milesio narratur, quod, cum Tibicinam accessisset, quæ Phrygijs modis adolescentes quosdam temulentos ad furorem vsque incenderat, iusserit ad Doricas leges tonum demittere; quo illi demulsi quiescere. Vnde vtrique modi, alter altero frequenter temperabatur, quod non obscurè apud *Horatium*prehenditur *Epod. Od. 9.*

*Sonante mistum Tibijs carmen lyra,*

*Hac Dorium, illis barbarum.*

Quippe Barbarum idem quod Phrygium est. Lydiorum modorum suauitatem ex *Apuleio* deprehendimus lib. 10. *Iam Tibiæ multiforatile cantus Lydios dulciter consonant, quibus spectatorum pectora suauem mulcentibus, &c.* Phrygios & Lydios modos Olympi & Marsyæ fuisse memorat *Pollux*, qui etiã Lydiæ harmoniæ inuentionem *Antippo* tribuit lib. 4. cap. 10. tit. 2. vbi inter harmonias Tibicinum hæ recensentur, *Dorica, Phrygia, Lydia, Ionica, & c.* quod interpretes reddidit *continua.*

Atque hi modi ab inuentionis loco denominationem traxere. Alios reperio qui vsui, cui adhibiti

biti sunt, & effectui quem præstiterunt, nominis originem debent. Eorum nonnullos breuibns comprehendit *Maximus Tyrinus Orat. 7. Nec enim in musicis unus est modus aut unum tempus. Pulchrum in bello id quod orthium* (ὄρθιον) *nominant: pulchrum in conuiuio id quod parænon* (παρόνιον) *vocatur. Ac Lacedæmonij pulchrum quod ἀμπατήριον appellatur. Atheniensibus verò quod κύκλιον dicitur. Pulchrum insequenti hosti quod ἐγκλειστικόν, pulchrum fugienti quod ἀνεκλειστικόν nuncupatur. Modum τὸ ὄρθιον μελοδίας inuenisse Terpandrum Methymnæum docet Plutarchus lib. de Mulic. Ille autem modus tibicinum apud Scholiasten Aristophanis ita dictus est quia erat εὐτενος, & sonum sublatum effecit, quod confirmat Gellius lib. 16. cap. 19. Stansque, inquit, in summe puppis foro carmen quod orthium dicitur, voce sublatissima cantauit. Vnde ille modus ad prælium excitandum aptior erat & ἐς πόλεμον ἐριστικὸς dicitur Eustathio in lib. 2. Iliad. Et de eodem Suidas tradit, Timotheum Tibicinem Mineræ orthium modum canentem, in tantum affecisse Alexandrum modulatione, vt is audiens ad arma exsilierit. Dictus quippe orthius Mineræ nomen est, quod vt ex alijs, tum ex Pindaro constat Pyth. vlt. Plures alij fuisse Tibicinum modi, quos latè recensent Pollux lib. 4. cap. 10. tit. 2. Eustathius, Hesychius, & Athenæus lib. 14. atque in eum eruditissimus Casaubonus. Ex quibus plurima congesta videri possunt apud Scaligerum de Arte Poët. lib. 1. cap. 19. & 20. & Bulingerum de Theatro lib. 2.*

c. 17. De Tibiarum cantu selectissima habet *P. Faber in Agonist. lib. 1. cap. 4.*

Propter hanc modorum diuersitatem non immerito *Pindarus* *Pyth. od. ult.* cantum Tibiæ vocat *κεφαλῶν πολλῶν νόμον*, quia multiplex & quasi diuersorum corporum Tibijs est sonus. Eodem iure pro Tibiarum cantu *Plinius* lib. 8. c. 42. Symphonix cantum substituit. *Polluci* varix sunt symphonix seu cantus Tibiarum species, lib. 4. cap. 16. tit. 4. Porro, inquit, modi Tibiarum cantus sunt *κρέματα*, *συρίγματα*, *τερετισμοί*, *τερετίσματα*, *νγλάροι*, *pulsationes*, *sibilationes* *fremitus*, *niglarī*. Prima verò Tibicinū *μαθήματα*, *exercitamenta*, *παῖρα*, *καὶ γρόνθον*, *experimentum*, *rudimentum*. Athenis verò *συναυλία* quædam erat, *συμφωνία*, *concertus*, Tibicinum in Panathenæis concinentium. Nonnulli verò *συναυλίαν* *προστυλίσσεαι* speciem esse putant, sicut & Tibiæ cantum.

In Tibiarum modis *προαύλιαν*, seu præcentio quædam fuit, quæ in Tibiarum cantu idem erat ac in Poesi prologus & præmium quod est initium sermonis, quemadmodum *Aristoteles* lib. 3. Rhetor. Et illud idem indicat *Plato* *Cratylo* ὡς περ τῷ Ἰῷς ἀθηναίῳ νόμῳ προαύλιον σημαυῖσαι ὡς canere præcentrationem nomi *Minervæ*. Sed cum exeundum esset è Theatro, funere aut sacrificio, ἐξόδοι νόμοι caneantur. *Hesych.* ἐξόδοι νόμοι δι' ὧν πάντες ἐξελδίσσονται.

In illis nomis imprimis cautum est, ne dissonum quid aut colonomus fieret, cuius meminit *Ausonius* *Epist. 11. ad Paulum*: Denique dissonum, inquit, quem colonomum existimo propriè à Philosophis appellatum, adcreni. κέλος νόμος, idest mutilus, ut *Scaliger* in *Ausonium*. CA-



## CAPUT X.

*A quibus ars TIBIAS inflandi exercita, & apud quos in usu.*

**O**lim in Græcia Tibijs canendi artem non discabant ingenui, tanquam fordidam, sed hanc sola mancipia exercebant, quæ plerumque ex Arabia perducebantur, teste *Suida*. Deinde ingenuis usque adeo placere cœpit, ut indoctus haberetur quisquis huius rudis: Donec Alcibiades Tibias abijceret oris deformitate conspecta ad speculum.

Constat itaque inter summas olim virtutes numeratum, Tibia canere, quod non alibi clarius quam apud *Cornel. Nepotem* exstat in Præfatione: *Cum relatum legent quis Musicam docuerit Epaminondam, aut in eius virtutibus commemorari saltasse eum commodè scienterque Tibijs cantasse*. Quæ ille idem in *Epaminond.* monet ad Romanam consuetudinē leuia fuisse & potius contemnenda; at in Græcia magnæ utique laudi. Ideoque *Corinthi Ismeniam* Tibias septem talentis emisse constat ex *Luciano Dialog. adu. Indoctos*. Nihilominus tamen apud Romanos hæc ars ab ipsis Regibus atque Principibus interdum exercita est, uti de *Heliogabalo* & *Seuero* *Lampridius*, & de *Nerone* *Suetonius*, de *Gallieno* *Trebell. Pollio*, quippe quam etiam *Dijis Gentiliuin* attributam legimus, quod Deos induxerint alios fabros, alios medicos, alios lanarios,



nautas, citharistas, aulædos, venatores, pastores, rusticos, quemadmodum horum numinum contumeliam Paganis obijcit *Arnobius* adu. Gent. lib. 3.

Ab alijs autē ars Tibicinum parui pēdebatur, qui vel Philosophiam vel alias artes prætulerunt, quemadmodum Philiscus Milesius, qui primo Tibicen fuit, deinde Rhetor, quem *Isocrates* ideo αὐλοτρύπην vocat. De Satyro Tibicine perhibet *Aelianus* Var. Hist. lib. 3. cap. 33. quod, cum persæpe Aristonis Philosophi disputationibus interfuisset, his quæ docebantur mire affectus, dixerit: Cur ergo non igni trado hoc nihil vtile telum? Insinuans Tibiam & quoddammodo suam artem ad Philosophiæ studiū extenuans, & nihili æstimans. Marcus Octavius Herennius prima adolescentia Tibicen, postquam arti suæ diffusus est, instituit mercaturam & bene gesta, decimam Herculi profanauit, quam historiam ex Mascurio Albino prosequitur *Macrobius* lib. 3. Saturn. cap. 6. Nimirum eleganter *Apuleius* de Deo Socratis rationem bene viuendi omnibus æque necessariam dicit, non autem rationem pingendi & psallendi; quam quiuis bonus vir sine turpitudine, sine labe contempserit. Ideoque merito subiungit: *Nescio, ut Ismenias Tibijs canere, sed non pudet me Tibicinem non esse: nescio ut Apelles coloribus pingere, ut Lysippus, fingere, sed non pudet me non esse significem.*

Viguit hic Tibiarum vsus apud omnes gentes, quarum nonnullas hic potius indicare quam omnes recensere placet, quia passim in textu reliquo operis earum plenior sit mentio. Romanos taceo apud

quos non infrequens earum usus passim lib. 2. docetur. Apud Græcos Tibicinum ars multum commendabatur, quod pluribus astruit *Atbenæus* lib. 4. Ac primum ex Chamæleonte Heracleota refert Lacedæmonios ac Thebanos omnes, Tibiæ cantui operam nauasse: item Heracleotas Ponti accolæ, Atheniensium quoque Clarissimos, ut Calliam Hipponici filium, & Critiam Callæschri. Etiam Pythagorici idem fecere, ut Euphranor, qui de Tibijs Librum reliquit, & clarissimus ille Archytas Tarentinus, necnon Philolaus. Thebanos cæteras Græciæ vrbes Tibiæ cantu superasse Dio Chrysost. testatur in *Cyneg.* Ideoque Incertus quidam in *Florileg. Epigr. lib. 3. cap. 8*

Ελλὰς μὲν Θέβας προτέρας ἀρέκρινεν ἐν αὐλῇ.

Θῆβα δὲ πρόνομον, παῖδα τὸν Οἰνιάδην, i. e.

*Græcia quidem Thebas priores iudicauit in Tibijs  
Thebe verò Pronomum, filium Oeniadae.*

*Max. Tyrius Dissert. 19.* ὁ Θυκυῖδης ἐρᾷ αὐλῶν, ὁ ἰων χορῶν, *Thebanus Tibijs afficitur, Ionicus choris.* Sed idem *Dissert. 7.* non solum Thebanos Tibiarum cantu delectari, at illum Bœotis quasi vernaculum asserit. Etiam Dardanis huius artis gloria debetur, cum ex Dardania Tibicinas commendari videam apud *Aristophanis Scholiastem*, in hæc verba. *δοιτερὲς δαρδανίς ἐκ τῆς δαρδανίας εὐκλειδὲς εὐδοκίμων.* i. e. *Tibicina Dardanis, quia è Dardania Tibicine commendantur.* Et hanc Musices partem à Dardanis excultam, author est *Strabo* lib. 7.

Apud Syros & Arabas non neglectam artem Tibicinum probat *Capitolinus* in *vero*; *Adduxerat secum,*

secum, inquit, & fidicines, & Tibicines, bistriones, scurrasque, mimarios & prestigiatores, & omnia mancipiorum genera, quorum Syria & Alexandria pascitur voluptate. Et hac mente non difficulter intelligitur Iuvenalis Sat. 3. vers. 63.

*Iampridem Syrus in Tiberim defluxit Orontes,  
Et linguam & mores & cum Tibicine chordas  
Obliquas, nec non gentilia tympana secum.  
Vexit.*

Syros Tibicines intelligit ex Syria, ubi Orontes fluvius est, Romam peruenientes ad Tiberim sitam, Papias in Onomastico: *Ambubaia, mulieres Syricæ.* De quibus nos alibi. In Arabia autem non infrequenter Tibiarum vsum indicat illud apud Suidam Prouerbiū: ἀράβιος αὐλητής, de ijs qui aliquid desinere nequeūt. Vnde & illud, *Vt Tibia canat drachma una ei datur, vt desinat autem quatuor numerari oportet.*

Apud Carmanos, qui Indis contermini sunt, tibiæ vsum testatur *Damianus à Goës* Eques Lusitanus de Diensis vrbis Carmaniæ oppugnatione; & ipsis Turcis familiarem esse ex *Bellonio* colligo, qui etiam singul. lib. 3. cap. 48. Turcas uti Tibijs dicit, ijs ferè similibus, quæ apud Germanos sunt, & sex foramina ex ordine posita habentibus, sed duos cubitos longitudine superantibus. Cum difficultate etiam inflari posse, nam os habent ab omni Tibiarum Europæarum genere diuersum; supremum enim foramen ipsam fistulam penetrare refert, atque inflari per amplum extimumque foramen, sed exigua admodum harmonia. Nolo pluribus ea hic extendere quæ in toto Opere vbique ferè

patent, dummodo constet plerisque, si non omnibus, gentibus iam inde ab antiquis temporibus usitatas Tibias. Illud hic solum adiungam quo tempore apud Græcos earum usus cœperit, quo maxime viguerit, quoque desierit,

Tibiarum cōsuetudo cœpisse videtur post Medicas victorias, cum Græci iam de se magnificè sentirent, quod à *Cœl. Rhodigino* annotatum Lect. Antiq. lib. 9. cap. 4. sed ante eum pluribus ab *Aristotele* confirmatum reperio, cuius verba ex lib. 8. de Republ. cap. 6. hic latina afferam, ne Græca alijs fastidium pariant nimia prolixitate. Ita autem ille; *Quocirca rectè veteres eius usum in pueris ac liberis hominibus improbarunt cum antea eo usi essent: ocius enim uberius ex omnium rerum copia nacti, maioresq; animos ad virtutem consequuti, tum superioribus temporibus & post bellum Persicum ex rebus feliciter & præclare gestis ferociores & elatiores effecti, omne discipline genus attigerunt, nullum delectum adhibentes, sed aliam atque aliam insuper indagantes. Quapropter etiam artem Tibia canendi ad disciplinarum numerum aggregarunt. Etenim Lacedamone quidam, qui ludorum sumptus suppeditabat (χαρτὴς Græcis) ipse choro Tibiam inflauit; Et Athenis ita increbuit ut fere plerique liberi & ingenui homines Tibia canerēt.*

Desijt verò Athenis disciplina illa, Alcibiade, authore, cum percrebuiſſet ab ipso abiectas inflatasque Tibias, ut ita post eius tempora res habitæ sic sordida & illiberalis. Nimirum Alcibiades quum apud auunculū Periclen puer artibus & disciplinis liberalibus erudiretur; & accersi Pericles Antig-

nidam,

nidam Tibicinem iussisset, ut eum canere Tibijs, quod honestissimum tum visum est doceret; traditas sibi Tibias quum ori insertas inflasset, deformitate oris tali pudore affectus dicitur, ut infra illas abiecerit. Ea res cum percerebuisse, omnium tum Atheniensium consensu disciplina Tibijs canendi desita est, quemadmodum ex Commentario Paphilæ nono & vicesimo totam historiam refert Gellius lib. 13. cap. 17. Et hanc ob causam Alcibiadem Socrates apud Platonem sic alloquitur, *Quantum enim memini, didicisti legere, scribereque, & citharam canere: nam Tibia canere noluisse.*

Apud omnes autem gentes in varijs actionibus adhibitus est Tibiarum usus. Cuius causam indagare non difficile est ubi ad varias affectiones & passiones attendimus, quas varij Tibiarum modi, prout variè usurpati sunt, produxere, de quibus pulchrè Cicero lib. 2. de Legibus: *Affentior enim Platoni nihil tam facile in animos teneros ac molles influere, quam varios canendi modos, quorum dici vix potest, quanta sit vis in utramque partem; & incitat languentes, & languefacit excitatos, & tum remittit animos, tum contrahit.* Vnde diuersus emerfit earundem apud Veteres usus; In bello ad animos excitandos, vel moderatiores reddendos; In sacris, ne quid infausti exaudiretur; In ludis publicis & Divum honore, ut luxus & lætitiæ sensu imbuerent animos suaves modulationes; Inde etiam Coniuvales Tibiæ. Nec sine iisdem comœdiæ actæ, nec spectacula. In concionibus etiam Tibiæ concionatoriarum varijs modis tum animum demulcerent, tum actio-

actionem loquentis intenderent. In funeribus signum luctus Tibia daret, & funereos modos cantu lachrymante ferrent tibicines. Sed Zygia Tibia latos Hymenæi modos conderet, quemadmodum alia nocturnis dicata choreis. Ad Tibicinum cantum Ludij & histriones motum congruentem moderarentur. Fuit & Tibicen nauticus, qui in triremibus animos remigum mulceret, ad tolerandos facilius labores. Quare etiam Tyrrheni ad Tibiam seruos flagellis cædunt, ad excitandam tolerantiam. Agmen claudunt bruta Animalia, quæ olim Tibiarum varietate & dulcedine delectata non ignoro, sed his omnibus Tibiarum vñibus explicandis sequentem huius Tractatus Librum impendo. Vbi euidenter patebit, non immeritò decantatas esse, *Maximo Tyrio* tot Musices vires; apud quem Disserit. 21. talis est Musica, quæ facillimè luctum leuat, facillimè iram cohibet, optimè cupiditates temperat, dolores mitigat, amores solatur, aduersam subleuat fortunam. Optima hæc in sacrificijs comes, in epulis conuictrix, imperatrix in bello. Hæc est quæ maximè in festis reficit, Bacchanalibus salutat, in mysterijs afflat homines; Huius præcipuum quoque opus est modulatione sua rempublicam temperare. Ita planè omnis habitus animæ cantibus gubernatur, fatente *Macrobio*, vt & ad bellum progressui & item receptui canatur cantu, & excitante & rursus sedante virtutem; Dat somnos, adimitque: nec non curas & immittit & retrahit: Iram suggerit, clementiam suadet; corporum quoque morbis medetur.



# LIBER SECVNDVS.

## C A P V T I.

*T I B I A E Vis ad variè afficiendos animos ,  
eosque vel concitandos vel  
molliendos .*



**D**E Platone testatur Cicero lib.3. de Leg. quod musicorum cantibus mutatis, mutari mores ciuitatis dixerit. Nec sane immeritò, cum Pythagoram confessum esse, plus posse Tibicines ad corrigendos mores, quam Philosophos, constet ex *Sexto Empirico* adu. Mathem. lib.6. Nimirum Pythagorei ferociam animi Tibijs ac fidibus mollientes, docuerunt cum corporibus adhærere nexum fœdus animarû, quod de illis testimonium perhibet *Martian. Capella* lib.9. Et hanc ob causam multi persuasi sunt ideo in hac vita omnem animam musicis sonis capi, quia in corpus defert memoriam musicæ, cuius in cœlo fuit conscia : & ita delinimentis canticis occupari, vt nullum sit tam immitte, tam asperum pectus, quod non oblectamentorum talium te-  
neatur



neatur affectu. Hinc *Macrobius* lib. 2. in *Somni* Scip. cap. 3. existimat & *Orphei* & *Amphionis* fabulam sumpsisse principium: quorum alter animalia ratione carentia, alter saxa quoque trahere cantibus ferebatur; quia fortè gentes, vel sine rationis cultu barbaras, vel saxi instar nullo affectu mobiles, primi illi ad sensum voluptatis canendo traxerunt. Videmus enim Tibiam, quæ ex testimonio *Plutarchi* Symp. 7. cap. 8. in aures se insinuat infundens vocem iucundam vsque ad animam, modo mores asperos lenire animosque demulcere, modò eosdem lymphatico cantu incitare atque furorem allicere.

De posteriori effectu Tibiarum, tot apud Autores sunt indicia, ut, qui omnia congereret, prius temporis atque chartæ, quam materiæ defectum haberet. Tibiam hoc habere institutioni ac doctrinæ aduersarium, quod eius cantus prohibet ratione uti, effatum est *Aristotelis* de Republ. lib. 8. c. 6. Quocirca, quemadmodum Veteres rectè eius usum in pueris ac liberis hominibus improbarunt, ita neque Tibiam in puerorum institutionem introducendam iudicat, quippe quam organum dicit non ad mores mitiores ingenerandos aptum, sed potius ad animos furore Bacchico stimulandos accommodatum. Quare talibus temporibus eo utendum suadet, quibus eius usus valet ad animos expiandos potius ac lustrandos seu purgandos, quàm ad erudiendos. Apud *Plutarchum* lib. 2. de Fort. *Alexandr.* Antigenide Tibijs canente, vsq; adeo, velut lymphatico impetu, exarsisse dicitur *Alexander Magnus*,

ghus, vt concussis armis proripiens è medijs epulis, manus in astantes intenderet, illectus sono bellico. Similia de Erico Rege Daniæ referenti credò *Saxoni Grammatico*, patriæ nostræ Historiæ conditori optimo, qui lib. 12. Hist. Dan. ita: *Sed tristioris fortune quod sequitur. Reuersus namque Ericus, cum more Regio domi in proparulo cœnitaret, inter alios quendam Musicæ rationis Professore adesse contigit. Qui cum multa super artis suæ laudibus disputasset, inter cætera quoque sonorum modis homines in amentiam furorẽque pertrahi posse affirmabat. Quin etiam tantas fidibus vires dicebat, vt perceptis earum modulationibus astantes mente constatueros negaret.* Ille ubi tum, precibus Regijs, tum minis effectum præsentare cõpellitur, ita animorum eorum habitus qui audierant, modorum varietas inflectebat, vt Rex, colluctantium robore victo, arreptoque ense, quatuor militum, continendi eius gratia propius accedentium, eadem peregerit. Hanc ad concitandos animos vim Tibiarum non ignorauit Theon Pictor, de quo *Aelianns Var. Hist. lib. 2. cap. 44.* quippe qui imaginem quandam populo videndam exhibiturus, non prius eam congregatis ad spectandum proposuit, quam Tibicinem iuxta collocasset, quem iussit carmen incitativum canere, penetrans ac clamorifera quam fieri posset maxime & quod ad prælium animaret. Simulac igitur auditum est carmen asperum & horrendum, & tuba quasi armatorum eruptionem sonante, picturam ostendit, & miles conspectus est, erat enim miles, quem pinxerat in armis, iam iam quasi erupturus. Ergo non im-

merito à Philosopho Tibia ὀρχήστρῃ salutatur seu concitatrix, & ad rem nostram Cicero de Divin. lib. 1. Multisque rebus, inquit, inflammantur tales animi, qui corporibus non inhaerent, ut ij qui sono quodam vocum, & Phrygijs cantibus incitantur. Per Phrygios cantus Tibiarum modulationes intelligendæ sunt, quæ in Matris Deum sacrificijs in Phrygia adhibitæ, quemadmodum Apuleius Metam. lib. 8. virum quendam Cantus Phrygij mulcentibus modulis excitum dicit, & paulo ante illum cantum Tibiarum esse declarat: Quidam tunicas albas in modum lanciolarum quoquoversum fluentes purpura depictas cingulo subligati, pedes luteis induti calceis, Deamque serico contectam amiculo mihi gerendam imponunt: Brachijsque suis humero tenus renudatis attollentes immanes gladios ac secures onantes exsiliunt, incinente Tibiæ cantu lymphaticum tripudium. Exquò Apuleij loco non parum lucis mutuo pro explicando Valer. Flacco lib. 3.

— At barbara Buxus

Si vocet, & motis ululantia Dyndima sacris,  
Tunc ensis placeatque furor.

Sed de his nos plura proferemus alibi, vbi de Tibia in sacris Deum Matris sermo erit, hic tantum tractandus erit furor ille & nefarius spiritus quem in audientibus concitavit, eleganter expressus à Seneca Epist. 108. Quidam ad magnificas voces excitantur, & transeunt in affectum dicentium, alacres vultu ac animo: nec aliter concitantur, quam solent Phrygij Tibicinis sono semiuiri, & ex imperio furentes. Semiuiros Sacerdotes Phrygios vocat, quos  
ideq

ideo *Firmicus* de Err. profan. Relig. dicit, cum se alienos à viris fecerint, adimpletos Tibiarum cantu vocare Deam suam, vt nefario repleti spiritu vanis hominibus quasi futura prædicent. Idem de Corybantibus ab alijs dictum, quo sensu *Max. Tyrius* Dissert. 22. Sicut vulgo eos aiunt, quos corybantiare dicimus, si Tibiam audiant, è priori mentis statu deuolui, diuinoque subito furore corripì. Erant autem Corybantes iidem cum Curetibus de quibus prolixè *Strabo* lib. 10. Nimirum qui Cretenses res tradunt Phrygiasque, ij quibusdam sacris ministerijs implicant Curetes, cum arcanis, tum aliàs Iouis in Creta educationi puerili, & Matris Deum sacrificijs in Phrygia, ac locis circa Idam Troiæ montem. Ingentem istarum narrationum diuersitatem *Strabo* monet. Dum alij eosdem cum Curetibus ponunt Corybantas, Cabiros, Idæos, Dactylos, Telchines: Alij cognatos inter se & exilibus distinctos differentijs. Illi ab omnibus furore quodam Diuino correpti & bacchantes describuntur, qui armata saltatione cum tumultu & strepitu, tintinnabulis, tympanis, armis, Tibia & clamore in sacrificijs perterreant homines sub administratorum specie. Horum rituum originem ordine exponit *Iul. Firmicus*, inde ortum, quod Cretenses, vt Iouis furentis propter filij Bacchi cædem, sænitiam mitigarent, festos funeris dies statuentes, & annum sacrum triëtericâ consecratione componentes, omnia per ordinem, facere vellent quæ puer moriens aut fecit aut passus est: Ideoque, vt memorat *Firmicus*, vivum laniant dentibus taurum, crudeles epulas annuis

commemorationibus excitantes, & per secreta sylvarum clamoribus dissonis eiulantes fingunt animi furentis insaniam. Præfertur cista in qua soror cor latenter absconderat, *Tibiarum cantu*, & cymbalorum tinnitu crepundia quibus puer deceptus fuit mentiuntur.

Aliam, sed contrariam prorsus, vim Tibiarum, reperio, quæ excitati furores compositi sunt atque animus molliter affectus. Eoque consilio apud *Stobæum* de Republ. Serm. 41. illis qui ebrietate & crapula inducti aliquid mali perpetrabant, Tibias & accentum accommodarunt, ut ingenia his modis irrigata honestiores maturescendo mores acquirerent. Hunc effectum Tibiarum à priori plane diuersum mirari licet, cum Pythagoras ebrium, Adolescentem Taurominitanum, sub Phrygij modi sono incitatum, Tibicine spondæum succinente reddiderit mitiorem & sui compotem, cuius rei testes sunt *Fabius* lib. 1. cap. 10. *Patritius* de Republ. lib. 2. tit. 2. *Boëthius* Musices lib. 1. cap. 1. Nimirum cum scortum in riuallis domo esset clausum, atque Adolefcens ille furens domum vellet comburere, cumque Pythagoras stellarum cursus, ut illi mos erat, inspiceret, ubi intellexit sono Phrygij modi incitatum, multis amicorum admonitionibus à facinore noluisse desistere, mutari modum præcepit, atque ita furentis animum ad statum mentis pacatissimum reduxit. Idem de Pythagora tradit *Basilus* de Legendis Græcorum siue Gentilium Libris, uti & *Ammonius* in Porphyrij Isagogen, qui inde comprobatur, Musicen animi affectiones sopire, dirigere.

gereque ad virtutes. Præceptoris ductum sequutus est Clinias apud *Aelianum* Var. Hist. lib. 15. c. 23. Is sapientiæ studio Pythagoreus, quando ad iracundiam se præcipitem ferri sensisset, confestim prinsquã prorsus inuaderetur ab ira & elucesceret in ipso mētis affectus, chordis adaptatis citharã pulsauit. Et eundẽ huius facti causam rogatum, *Athenæus* lib. lib. 14. refert respondisse: *Ἠραύραται. mitesco.* Atq. ideo Pythagoræ & Sectatoribus eius receptus mos fuit, vt lyræ cantu animum tum ad laborem accenderet, tum ad tranquillitatem reducerent, vt testantur, *Plutarchus* lib. de Isid. & Osir. *Porphyrus* in vita Pythagoræ, *Iamblichus* in eiusdem vita cap. 25. & 32. Ex quibus varia apud *Vossium* vide de 4. Art. Popul. cap. 4. Quibus hic solum *Tullium* addam quĩ Tuscul. Quæst. lib. 4. *Vestigia autem, ait, Pythagoreorum quanquam multa colligi possunt, paucis tamen utemur: quoniam non id agitur hoc tempore; nam cum carminibus soliti illi esse dicantur, & præcepta quedam occultius tradere, & mentes suas à cogitationum intensiõne cantu fidibusq; ad tranquillitatem reducere.*

Sanè eandem ob causam ijsdem Pythagoreis moris fuit, quemadmodum de ijs testatur *Quintilianus* Instit. Or. lib. 9. cap. 4. cum euigilassent, animos ad lyram excitare, quo essent ad agendum erectiores: & cum somnum peterent, ad eandem prius lenire mentes, vt si quid fuisset turbidiorum cogitationum, componerent. Huic affinis mos fuit Indorum, qui Tibiarum cantibus Regem admonuere, quoties dormitum pergebat, vt bonis yteretur somnijs, atque benignus erga subditos, & illis

illis bene consulens surgeret, quemadmodum referenti *Philostrato* credimus, de vita *Apollon.* lib. 2. Ad conciliandum somnum adhibitam symphoniam, monet *Seneca* lib. de *Provid.* cap. 3. ubi *Mæcenatem* tradit in diuturna ægritudine insomniorum varijs ex rebus remedia quæsuissse; *Feliciorem*, inquit, ergo tu *Mæcenatem* putas, cui amoribus anxio, & morose uxoris quotidiana repudia deflenti somnus per symphoniarum cantum, ex longinquo lene sonantium, queritur. Tales Tibiarum præcentiones Gentiles Dijs suis obtulisse, eosdemque matutinis etiam horis Tibiarum cantibus Deos suos salutare solitos testis est *Arnobius*, quamvis non approbet huiusmodi Deorum fictitiorum cultum, *Adu. Gent.* lib. lib. 7. Quid sibi volunt excitationes illæ, quas canitis matutini, collatis ad Tibiam vocibus? Condormiscunt enim superi remeare ad vigilias ut debeant? quid dormitiones illæ, quibus bene ut valeant auspicabili salutatione mandatis. Somni enim quiete solvuntur, occuparique ut possint lenes audiendæ sunt nenie.

Ad Tibiam expergefactos esse alios videtur ex *Seneca* colligi posse *Epist.* 15. Quidni malit, inquit, quisquis vir est, somnum suum classico quâ symphonia rūpi. Ex fonte medico remedia hæc tangit *Paulus Aegineta* lib. 1. cap. 98. ubi de sanorum vigilia agit, siquidem igitur, ait, aut ex mærore, aut ob curam, aut animi affectum quempiam vigilijs torqueantur: primum quidem id quod mærorem facit, si fieri queat, præscindemus. Deinde etiam incundiorum sonorum auditu, cogitationem ab illis abducemus. *Lacedæmonij* literarum omnino rudes erant, sed si aliquando doctrinarum



narum auxilio & ope, vel delirantes vel ægrotantes, aut alioqui publica calamitate affecti, indigerent, accersebant homines peregrinos, vt medicos, aut vaticinium Apollinis. Accersuerunt autem Terpandrum, Thalerem, Tyrtæum, Cydoniatam, Nymphæum, & Alcmanem, qui Tibicen erat, sicuti prodidit *Aelianus* Var. Hist. lib. 12. cap. 50. Ex *Plutarcho* lib. de Music. & *Suida* Prouerbio: *μὴ τὰ λέσβιον φῶδῳ*, constat eosdem Lacedæmonios, cum seditione laborarent, iussisse cantorem Lesbium accersere: cumque Terpandrum in *συσίτισι*, canentem audiissent ex discordia in gratiam rediisse. Ideoque Pythagoras, vt sæpius audiuius, perturbationes animi lyra composuit, quis enim ignorat, lituos & tubas concitamenta esse, sicut quosdam cantus blandimenta quibus mens resoluatur? Confusis oculis profunt virentia, & quibusdam coloribus infirma acies acquiescit, quorundā splendore perstringitur: sic mentes agras studia læta permulcent, quemadmodū pulchre loquitur Romanæ Stoæ Princeps lib. 3. de ira cap. 9. *Aristoteles* in vtriusque Tibiarum vsus, tam excitandi quam sopiendi animos, causam inquit *Prob. Sect. 19. Cur tam in laborando quam in fruendo solatio Tibiam adhibere solemus? An ut laborantes minus angamur, fruantes magis oblectemur.*

Nec aliam ob causam, credo, nonnullæ gentes Tibiarum cantum adhibuerunt cum fontes flagris cæderent, quam vt aliquam pœnæ partem fontibus minuerent, qui supplicia, his cantibus deliniti, æquiori animo ferrent, quanquam hoc Tuscorum propensione ad voluptatem tribuat *Alcinous*, qui  
illis

illis hunc Tibiarum vsum familiarem tradit apud *Athenæum* lib. 12. Viguit sane apud nonnullos hic mos, quemadmodum suo ævo flagellari seruos ad Tibiam solere *Aristoteles* tradit, quod apud *Plutarchum* legimus lib. de Cohib. Ira. Tyrrenis hunc ritum ex eodem *Aristotele* tribuit *Pollux* lib. 4. cap. 8. *Τυρρῆνοι δὲ τῷ Ἀριστοτέλει λόγῳ οὐ πικρῶν ὄντων ὑπὸ αὐλῶν μόνον, ἀλλὰ καὶ μαστιγῶσι καὶ ὀψτρομοῦσι*. Tyrreni verò ut *Aristoteles* tradit non solum pugnant ad Tibiam, sed etiam flagellis cedunt, & coquunt.

Affinem originis causam habuit, quod non pauci olim in Triremibus Tibiarum cantu animum remigum demulcerent ad tolerandos facilius labores, de quibus nos postea singulari capite, nimirum cum ita certus Tibiarum cantus animos emolliret, ut non immeritò *Ouidius* de Remedio Amoris, hoc de eo testimonium perhibuerit,

*Eneruant animos citharæ, lotosque, lyraque.*

Sic Polycratem Samijs mitiorē reddidit Anacreon apud *Max. Tyrium* Dissert. 21. cum eius Tyrannidi Smerdiæ amorem, Cleoboli comam, Tibiasque *Bazhylli*, & ionicos cantus immisceret. Vnde hoc quasi mirum affertur à *Saxone Grammatico* lib. 6. de Ingello Rege Daniæ, cum Regina tibicinem de industria modulari iussisset, quò indignationis Regis perseuerantia flecteretur, & artificialis soni ministerium naturales inclementiæ nervos elideret, quod Tibiæ & chordarum lenocinium parum efficax in hebetanda Regis pertinacia fuisset. Getarum Legati, si pacis vel induciarum causa mitterentur, ubi pacato opus esset animo citharam pulsantes adueniebant,

bant, quod ex Theopompi historia refert *Athenæus*, & hinc alibi colligit Musicen, & mores componere, & iratos mentisque parum compotes lenire ac demulcere. Quid enim Tibia ad corrigendos mores valuerit ex *Maximo Tyrio* constat, qui agrestes Boëtorum mores Tibiæ studium, Tibiæque apratum Pindari carmen mitigasse tradit, *Dissert.* 21. Vt adeo non immeritò per Musicam nos certo quodam modo moratos fieri voluerit *Aristoteles Polit.* lib. 58. cui huiusmodi cantica, quibus animi à motibus purgarentur, dicuntur, μέλη κατὰρτικὰ. Sed de his cōsule *Saresberiensis* lib. 1. *Polycrat.* cap. 6.

A Prophetis olim adhibita instrumenta musica. Rabbini volunt, animos suos recreandi exhilarandique gratia, quod Spiritus Domini requirat animum lætum ac hilarem: mœstum autem & tristem fugiat. Apud Prophetam fidelium gaudium, quo sunt affieendi propter Assyriorum cladem, Tibiarū cantui simile habetur, sic *Esaie* cap. 31. vers. 29. *Illud canticum futurum est vobis ut noctis qua sanctificatur festum: & lætitia animi, qualis est euntis cum Tibia.* Ita de Babylone, quia in delicijs diu vixerat, *Apocalyps.* 18. vers. 21. *Cum impetu projicietur Babylon urbs illa magna: nec amplius inuenietur. Et vox citharoedorum & musicorum & Tibia atque tuba canentium non audietur in te amplius.* Scilicet magnam huius Musices suauitatem fuisse oportet, cum plurimi hac vsi sint ad vitæ austeritatem modulorum dulcedine temperandam, quapropter ab alijs propter suauitatem soni commēdata est Tibia. Imo *Max. Tyrius* *Dissert.* 15. in Homeri Hesiodique

carminibus non magis narrationes, numerorum, suauitatem, & harmoniæ elegantiam quàm in Tibia aliqua aut cithara miratur, atque Dissert. 12. quodammodo cum Tibiæ suauitate, & cantu Sirenum comparationem instituere videtur. Sed Dissert. 33. clariùs indicat quantam ad animos penetrandos atque afficiendos vim habeat: *Non enim corpori diffido quin ab igne calere, nec oculis quin à sole illustrari, nec auribus quin Tibiæ modis affici possint.* Vbi elegantissimè eandem vim Tibijs ad aures demulcendas concedit, quæ corpori afficiendo ab igne, & oculis, radiorum luce perstringendis, à Sole emanat.

Ego eiusmodi plura apud Authores varios repèriens vestigia, nō possum quin fatear cum *Tull. lib. 3. de Oratore*: Nihil est tam cognatum mentibus nostris, quam numeri ac voces; quibus & excitamur & incendimur, & lenimur, & languescimus, & ad hilaritatem & ad tristitiam sæpe deducimur.

## C A P V T I I.

### *TIBIÆ usus in curatione Morborum.*

**P**Eculiarem apud veteres morbos curandi rationem aggredior, haud ignarus antiquis ab hinc temporibus, medicamentis alijs non infimum locum datum. Assèuerant hoc varia tum à saxis vetustis, tum literarum monumentis petita testimonia, quibus Medicis suis non denegatur honos, *Aras Pæoniam meruit Medicina per artem.*

Apud

Apud Romanos sanè haud infimum dignitatis locū obtinuerunt Medici. Vti apud *Tacitum* lib. 4. *Annal.* Endemus amicus ac Medicus *Liuiæ* dicitur, & de *Charicle* idem lib. 6. *Annal.* *Erat, inquit, Medicus arte insignis nomine Charicles, omnes quidem valetudines regere Principis solitus, consilij tamen copiā præbere.* Statuas habebant publicas qualis apud *Vrsinum* P. Pupij; idque non immerito, cum eleganter *Seneca* de Benef. aduersarijs respondet, quædam pluris esse quam emuntur: *Emis à Medico rem inestimabilem vitam, & valetudinem.* Missas facio hic aliorum controuersias de Medicis apud Romanos vel seruis vel ciuitate prohibitis, cum distinctione, tamen admittendas, quas ad alium forum relegabo, Volumini Antiquitatum Medicarum eas referuaturus. Non enim hic loquor vel de ijs, qui olim certis quibusdam corporis partibus addicti artem ignobilem exercuere, vel de *Pharmacopolis*, qui olim *Circumforanci*, ex mente *Ciceronis* in *Orat.* pro *Cluent.* & *Horatij* *Serm.* lib. 1. *Sat.* 2. Quibus suum addit calculum ætate posterior *Gellius*, lib. 1. cap. 15. apud quem ita *Cato*: *Itaque auditis, non auscultatis, tanquam Pharmacopolam, nam eius verba audiuntur: verum ei se nemo committit si æger est.* Hæc & talia pluribus prosequi præter instituti rationem est.

Noui Tibiarum cantum, quem hic propono, non in morbis omnibus curandis vtramque paginam, fecisse, sed alia aduocata medicamenta non difficere possum, eaque diuersa. Nonnulla à se inuenta, *Prometheus* apud *Aeschylum* in *Prometh. Vinc.*



gloriatur, quod primus monstrauerit *misturas leniū medicamentorum*, quibus omnes profligarent morbos. Sunt tamen huius ætatis quidam, qui, moleste nimis seduli, *misturas medicamentorum*, quæ iam apud Præcticos non infimi subsellij felici & laudabili usu passim increbuere, irrisui habent, forsan propter nominis simplicitatem, à qua nihilominus non abstinuit; Romanæ linguæ non vltimum decus, *Quintilianus*, qui 1. Orat. 10. Medicamenta quæ morbis & vulneribus medentur, ex multis atque interrim contrarijs inter se effectibus componi videmus, quorum ex diuersis fit illa *mistura vna*, quæ nulli earum similis est, quibus constat, sed proprias vires ex omnibus sumit. Præter illa vsitata, & communia medicamentorum genera, veteribus etiam fuere quædā quæ minus vel vulgata vel ad communem medendi methodum accommodata, Illud de Antonio Musa testatur *Suetonius* in Octau. cap. 59. qui statuum meruit iuxta signum Aesculapij, ob seruatum lactuca Augustum, quod pluribus ex *Plinio*, & *Suetonio* illustrat *Ant. Mizaldus* de Secret. Hort. lib. 2. in Præfat. De Radicula quæ sola Ptolomæum in prælio telo venenato ictum sanauit, *Cicero* lib. 2. de Natur. Deor. Hic ex multis vnā peculiarem veteribus medendi methodum demonstrabimus, quæ in solo Tibiarum cantu constitit.

Nouimus varios Musices modos variè animum afficere, ideoque non immerito à veteribus Musicamentibus nostris cognatam dictam. Nimirum quemadmodum ad affectiones animi Tibias adhibere, ita easdem ad morbos corporis profligandos

dos introducere. Refert Democritus apud Gellium, libro qui inscribitur de pestibus, aut rationalium regula, plurimis hominum morbis medicinam fuisse inentiones Tibiarum. Tanta prorsus est affinitas corporibus hominum mentibusque, & propterea quoque vitijs aut medelis animorum & corporum. Quod morbis medeatur Musica vide Langium Epist. Medic. lib. 3. cap. 6. Brodeum Miscell. lib. 4. cap. 31. Stuchium Antiquit. Conuiui. lib. 3. cap. 20. Sed & ante hos non pauci idem memoriae prodidere. Apud Iamblichum in Vit. Pythag. cap. 28. Musica creditur multum conferre ad sanitatem, si quis ea, quomodo conuenit, utatur. Ergo iure Musicen ita loquentem introducit Martianus Capella lib. 9. Quid? Afflictionibus corporum nonne assidua meditatione succurri? Febrem curabant vulneraque veteres cantione. Asclepiades etiam tuba surdissimis medebatur; Ischiadas quis nesciat expelli aulica (αὐλῆ, seu Tibiali) suauitate? Xenocrates organicis modulis lymphaticos liberabat. De dolore Ischiadico consentiunt alij. Athenæus lib. 14. Morbis auxiliari Musicen, Theophrastus Libro de Enthusiasmo scripsit, & qui vexantur coxendico, eo cruciatu liberari, si quis, dum dolor urget, Tibijs Phrygiam modorum harmoniam canat. Paria ex Eodem refert Apollonius Carystius in historijs mirabilibus, Musicen multis animi corporisque affectibus mederi: ut animi defectui, metui, diuturnis mentis alienationibus. Sanare etiam cantum Tibiæ ischiadem & morbum comitalem, Subiungit deinde sua ætate multos ac potissimum Thebanos Tibiæ cantu mederi morbis consueuisse.

Ad



Ad prius confirmandum concurrit euidens *Gellij* testimonium, qui lib. 4. cap. 13. *Creditum*, inquit, hoc à plerisque est, & memorię mandatum: *Ischiaci* cum maximè doleant, tum si modulis lenibus *Tibicen* incinat, minui dolores. Ego nuperrimè in libro *Theophrasti* scriptum inueni: *viperarum* morfibus *Tibicinem* scitè modulateque adhibitum mederi. Hunc *Gellij* locum corrigit *Muretus* Var. Lect. lib. 14. cap. 6. qui *Theophrastum* scripsisse putat, non lenibus modulis *Tibiarum* *Ischiacos* leuari, sed harmonia, *Phrygia*, quæ omnium vehementissima est & aptissima ad animos diuino quodam furore incitandos: Cui animaduersioni planè fauet *Athenæus*, qui loco à nobis supra adducto, expressè in hoc casu *Phrygiam* modorum harmoniam, *Tibijs* cantatam, ex *Theophrasto* laudat. Deinde quod de morfu viperarum, *tibicine* canente curato, superius subiicit *Gellius*, pro fabuloso habet *Hier. Mercurialis* de Morb. Venen. lib. 2. cap. 3. Aptius tamen *Muretus* arbitratur *Theophrastum* non de *Viperis* scripsisse, sed de ijs *Phalangijs* qui *Tarantulæ* vocantur, quarum morsus Romę plerumque innoxius, in *Apulia*, si negligatur, lethalis. Quippe ibi earum morsus saltationem inducit, quę convulsionis quædam est species & Musicæ tono *Phrygio* aut *hyperdorio*, à *Kirkero* in *Arte Magnet. descripto*, curatur, sudore nempe per saltum excitato, quo humor noxius expellitur, ita explicante *Parente* meo in *Quæst. Nupt.* 7. Cœterum *Tarantulæ* morfibus *Tibicines* subuenire experimento infallibili se comperisse testatur *Alexander ab Alexandro* *Genial. Dier.* lib. 2. cap.

cap. 17. vbi totam hanc rem late describit, quomodo à tarantula, idest Phalangio, percussi, quos vulgo *Tarantatos* dicunt, non aliter ex ancipiti morbo conualescunt, quam si Tibicen vel citharista iuxta eos diuersos modulos incinat. Veritatem euentus oculari testimonio confirmat, cum enim per loca illa diutino situ squallida & ardore solis feruentia, cum aliquot comitibus iter intenderet, vndique oppida, & vicos, alia tympanis, nonnulla fistulis, pleraque Tibicine consonantia audiuit: Cuius rei causam quærentibus relatum est, Tarantulæ morbo affectos vndique per oppida curari.

*Plutarchus* ex Pratina commemorat, *Thaletem* Cretensem forte quadam à Pythio edita adiisse *Lacedæmonios*, & vtentem ope Musica eos à Pestilentia liberasse. Cuius facti meminit etiam *Martianus Capella* lib. 9. Sed *Mercurialis* de Pestilent. cap. 22. nihil aliud fuisse existimat musicam illam *Thaletæ*, & eorum militum qui apud *Homerum* cantu pestem fugarunt, nisi spem, gaudium, & lætitiā: quibus fit vt animi & corpora valentiùs pugnent aduersus morbum pestiferum. Equos lymphatos desperata rabie correptos, solo Tibiarum cantu mitescere, proditum est ab *Aristotele*. Easdem Tibiarum modulationes conferre hominibus furore & mania correptis tradit *Cal. Aurelianus* Chronic. lib. 1. cap. 5.

Ex illo Tibiarum in medicina morborum usu ortum crediderim, quod olim remedia ægris præstantes, *præcinere* dicerentur, ex *Macrobio* lib. 2. in Somn. Scip. cap. 3. Nam alij ægrorum venas rhy-

thmo-

thmorum collatione pensabant, vt de Herophilo testatur *Martianus Capella*. Non ineptè, loca dolentia decantare, *Cælius* dixit, quod à fistulatore quodam factum legimus, id quod *Galenus*, καταυλῆν τῆ τίπυ dixit, super loco affecto Tibia canere.

## C A P V T I I I.

### T I B I A in Regum Inauguratione.

**Q**Uod tubis, buccinis, & Tibijs apud Israelitas Regi iam inaugurato, cum à populo esset acclamandus, & ab inaugurationis loco deducendus, præcineretur, suspicatur *Fortun. Scacchius* Myroth. 3. cap. 57. Atque hanc præcentionem comprobare credit 1. Reg. 1. vbi de prima Salomonis inauguratione agitur. Postquam enim sacer textus adorationis ad sonum buccinæ meminisset, de Præcentione, quæ tunc personabat, cum Rex ad thronum deducebatur, his loquitur verbis: *Et ascendit vniuersa multitudo post eum, & populus canentium Tibijs, & lætantium gaudio magno, & insonuit terra à clamore eorum*. Apud *Boxhornium* in Historia vniuersali hunc morem de Iudeis qui Bagdadin incolabant refert *Beniamin Tudelensis*, natione Hispanus, religione Iudæus, cuius exstat Itinerarium, secunda editione à *Constantino L'Empereur* illustratum. Is autem de Iudeorum horum Capituli Exulum, vt vocant, tanquam Regis, inauguratione ita: *Ceterum quo tempore Exulum Caput creare solent,*

Solent, ingentem pecunie vim cum Regi tum Principibus, & magistratibus erogat: idque eo die quo ipsi Rex manuum impositione potestatem confert. Tum in curru Regis secundo collocatum, ab aula Regis magni domum propriam cum tympanis, & fistulis deducunt, ubi deinde Academicis manum imponit.

## CAPUT IV.

## TIBIA in Triumphis.

Cum Tibicine, priscis temporibus, triumphum actum esse, testimonium Censorini probat de die Natal. cap. 12. Eiusque rei exemplum habet Appian. Alexandrinus, apud quem in Scipionis triumpho, Imperatorem lictores præbant, purpureis amicti vestibus; tum citharcedorum & tibicinum turba ad Hetruscæ similitudinem pompæ: Hi succincti, coronisque aureis redimiti suo quisque ordine canentes, psallentesque prodibant. De quibus consule Panuinium lib. de Triumphis. Hinc C. Duillius, qui primus naualem Triumphum ex Pœnis retulit, quotiescunque epulaturus erat, ad funalem cereum præeunte Tibicine, à cœna domum reuerti solitus est, insignem bellicæ rei successum, nocturna celebratione testando, ut Valer. Maximus lib. 3. cap. 6. Factum id ut triumphi quondam acti commemorationem cottidie repræsentaret, si credimus L. Floro lib. 2. cap. 2. Victor ergo apud Liparas, mersa & fugata hostium classe, primum illum maritimum egit triumphum. Cuius quod gaudium fuit? Cum

N

Duil-

Duillius Imperator, non contentus unius diei triumpho, per vitam omnem, ubi à cæna rediret, præluere funalia, præcinere sibi Tibias iussit, quasi quotidie triumpharet. De Duillio idem testatur S. Aurelius Victor de Vir. Illustrib. Et de eodem Silius Italicus lib. 6.

Cui nocturnus honos, funalia clara, sacerque  
Post epulas Tibicen adest.

Hunc autem honorem soli sibi concessum toto vitæ tempore cōservauit. Cicero de senectute: C. Duillium, M. filium, qui Pænos primus classe deuicerat, redeuntem è cæna senem sæpe videbam puer. Delectabatur cereo funali & tibicine: quæ sibi nullo exemplo priuatus sumpterat. Bulengerus de Triumph. cap. 28. vsum hunc Tibiæ ita dispescit, vt illam in ouatione, tubam in triumpho adhibitam velit, quod confirmat ex Plutarcho de ouatione Marcelli.

## C A P V T V.

### T I B I A in Bello.

**A**D milites congregandos, & exercitum, instructa acie, excitandum transijt Tibiarum apud veteres vsus, quem intento digito monstrat Nonnus Dionys. lib. 28.

— ἀλλίζον δὲ μαχητὰς  
Βάρβαρος ἐσπαράσσων ἀγέρας αὐλὸς Εὐνοῦς

— Congregans verò milites

Barbara resonabat exercitū excitans Tibia Bellonæ.  
Idemque non vno in loco apud eum reperio, Dionys. lib. 14. & 20. atque 39. Præcipue verò fortissimi

mi

mi Lacedæmonij cum Tibia sub signis erant, ex Athenæo lib. 14. Cui inter alios adstipulatur Stobæus Serm. 42. Mittuntur autem una cum Rege vates, medici & tibicines. Tibijs enim ad pugnas pro tubis semper utuntur. De Lacedæmonijs hoc refert expeditionem in externam regionē parantibus, quippe illi pro tubis, quarum vsus apud alios in bello viguit; Tibias elegerunt, non sine ratione, si credimus Polybio lib. 4. Neque existimandum, veteres Cretenses & Lacedæmonios, loco tube Tibiam & rhythmum [ἀυλὸν καὶ ῥυθμόν] ad bellum sine causa usurpasse. Paulo aliter de Cretensibus Martianus Capella lib. 9. Cretenses dinicabant ad citharam, Lacedæmonij ad Tibias. Idem de his confirmat Gellius, & autorem Thucydidem laudat lib. 1. cap. 11. Auctor historie græcæ grauiissimus Thucydides Lacedæmonios summos bellatores, non cornuum tubarumque signis, sed Tibiarum modulis in prælijs usos esse refert. Et mox: Cum procinctę igitur classes erant & instructę acies, cæptumque in hostem progredi, tibicines inter exercitum positi, canere inceptabant. Ea ibi præcensione tranquilla & venerabili ad quandam quasi militaris musicę disciplinam, vis & impetus militum, ne sparsi dispalatique proruere, cohibebant. Solonis hoc admonitionibus factum est, ut ad Tibiam acie instruerent, si verus est Sextus Empiricus Adu. Math. lib. 6. Sed Max. Tyrinus Dissert. 21. perhibet apud Spartiatis suos hoc excogitasse Lycurgum, qui Tibiam pro Duce militari iuventuti in prælijs præire voluit. Illi postea sequebantur & tripudiantes hostem inuadebant. In bello contra Messenios,



vt annotat *Patritius* de Republ. lib. 2. tit. 2. cum iam penè succumberent in acie Lacedæmonij, hoc animaduertens Tyrtæus tibicen peregregius mutatis Tibiæ modulis adeo militum animos in pugnam concitauit, acrioresque reddidit, vt Mellenios iam penè victores Lacedæmonijs subiecerit. Quippe morem illum ingrediendi ad Tibicinum modulos in prælio institutum à Lacedæmonijs, refert ex *Aristotele Gellius*, quò manifestior fieret exploratioque militum securitas & alacritas. Nam diffidentia, vt ait, & timori cum ingressione huiusmodi minimè conuenit, & mæsti atque formidantes ab hac tam intrepida ac tam decora incedendi modulatione alieni sunt. Vnde Agiselaus querenti cuiquam, quare ad Tibias dimicarent Spartiæ? Respondit: Vt cum ad modos incedunt, ignaui & fortes elucescant, ex *Plutarch.* in Apoph. Contrarium autem existimat *Thucydides* apud *Gellium* loco supra allato, Tibijs in re militari progressui atque recessui signum datum, non prorsus ex aliquo ritu religionum, neque rei diuinæ gratia, neque etiam vt excitarentur atque vibrarentur animi, quod cornua & litui moliuntur, sed contra, vt moderatiores fierent, quod tibicinis numeris temperatur. Nihil enim adeo in congregiendis hostibus, atque in principijs præliorum ad salutem virtutemque aptius esse, quam si permulcti sonis mitioribus, non immodicè ferocirent. Hinc *Plutarchus* lib. de Cohib. Iracund. Lacedæmonijs pugnaturis concentu Tibiarum iram ademptam testatur. Ideoque ex barbaris multi Legatos ad hostes cum Tibijs & ci-

thara



thara miserunt vt eorum infestas mentes emollirét ;  
quēadmodum *Atbenæus* lib. 14. vbi etiam ex *Hero-*  
*doto* refert Lydos in exercitu concinentes habuisse  
fistulatores & fidicines atque fœminas Tibicinas, id  
quod ex eodem apud *Gellium* legitur lib. 1. cap. 2.  
Tyrrhenos ad Tibiam pugnare , ex *Aristotele* tradit  
*Pollux* lib. 4. cap. 7. De Thebanis *Statius* Thebaid.  
lib. 8.

*Thebaniq; vrunt sonitus , & amara laceffit*

*Tibia . . . . .*

Ad Tibiam Amazones arma tractarunt, vt ex *Mar-*  
*tiano Capella* probo qui lib. 9. *Quid Amazones ?*  
*Nonne ad calamos arma tractabant ? Quarum una ,*  
*quę concipiendi studio venerat, cum Alexandrum salu-*  
*taret , donata Tibicine , vt magno munere , gratulata*  
*decessit .* In castris quoque Romanis Tibiarum vsus  
fuit, vel cum ad concionem vocarent, vel cum Glen-  
tium dicerent , quod notat *Scaliger* de Art. Poët.  
lib. 1. cap. 20. Imo quot in Romanorum exercitu  
fuerint Tibicines, inde elucet, quod *Seruius Tullius*  
apud *Linium* lib. 1. Tibicines Cornicinesque in tres  
centurias distribuerit : *Quinta classis aucta , centu-*  
*rię triginta facte : fundas , lapidesque missiles hi secū*  
*gerebant .* In his accensi , cornicines , tibicinesque in  
tres centurias destributi . Vndecim millibus hac classis  
censebatur . Ita etiam *Martian. Capella* lib. 9. In  
Italia *Sibaritas* tibicines ad prælia præire quis nescit ?  
Turcæ etiam Tibiarum concentum cum tympani  
sonitu coniungunt , edocti ab Arabibus , si fides  
erit *Bellonio*, ita referenti lib. 3. singul. c. 18.

## CAPVT VI.

*TIBIA in Hymnis , & Deorum placationibus  
apud Paganos .*

**A**D Hymnos & Deorum venerationes vsitata est Tibia, nec male cum Dijs suis actum putarunt gentiles , si tantum in hymnis , eorum honori dicatis , hoc volupratis genus ad eos demulcendos adderent . Non infrequentem hunc morem fuisse , plurimi testantur . *Isidorus* lib. 2. cap. 15. *Vt enim,* inquit, *in veneratione Diuina Hymni, ita in Nuptijs Hymenæi, in funeribus threni & lamenta ad Tibias canebantur .* Cybeles hymnos , quos *Matroa* vocarunt, primus Tibia cecinit *Sirites* , vt ex *Athenæi* lib. 14. constat , cum quo in eandem conspirat sententiam *Pollux* lib. 4. c. 10. περιττικη καθύλησε τὰ ματρῶα πρώτος . *Dalecampius* ματρῶα vertit *Cereales hymnos*. Apud *Apuleium* de Deo *Socrat.* numina *Barbara* strepitu cymbalistarum , & tympanistarum , & choraularum gaudent, contra *Aegyptia* numina plangoribus , *Græca choreis* . In *Mineræ* hymniis vsum Tibiarum probat *Cæl. Rhodiginus* Lect. Antiq. lib. 9. cap. 7. Eundemque ad hymnos *Apollinis* in ludis *Pythicis* accommodatum, ante *Natal. Comitæ* *Mythol.* lib. 5. cap. 2. testantur abunde *Euripedes* in *Troadibus* , & *Sophocles* *Trachin.* Neino autem clariùs *Statio* has ad Tibiam placationes in Hymnis Deorum refert, qui *Thebaid.* lib. 8.

— *Gemina æra sonant, Ideaque terga*

*Et*

*Et moderata sonum vario spiramine buxus.*

*Tunc dulces superos atq; omne ex ordine alumnū*

*Numen, ubiq; sacri resonant Pæanes, ubique*

*Serta, coronatumque merum.*

Introductus autem in hymnis est hic Tibiarum vsus propter miseram superstitionem, qua occæcati crediderunt Pagani, hoc Deos suos iratos mitescere & ad tranquillitatem feruentes animos componi, quod eleganter prosequitur *Arnobius*, quem ita lib. 7. locutum accepimus: *Etiāne Dī eris tinnitibus, & quassationibus cymbalorum (afficiuntur?) Etiāne symphonijs? Quid efficiunt crepitus Scabillorum? ut cum eos audierint Numina honorificè secum existiment actum, & feruentes animos irarum obliuione deponant. An numquid ut paruuli pusiones ab ineptis vagitibus crepitaculis exterrētur auditis, eadem ratione omnipotentia Numina Tibiarum stridore mulcentur? Detestanda hæc Gentilium conditio fuit, qui non iudicarunt indignum eas Dijs tribui voluptates, quibus corpora terrena delectantur & quas expetunt aures, enervati pectoris dissolutione mollitæ, quem ipsorum errorem, non minus eleganter quam piè ipsis iterum obiectum ex *Arnobio* referam, qui *Aduers. Gent.* lib. 7. Vos, inquit, eris tinnitibus & Tibiarum sonis, vos equorum curriculis & theatralibus ludis, persuasum habetis Deos & delectari, & affici, irasque aliquando conceptas eorum satisfactione molli: nos inconveniens ducimus, quinimo incredibile iudicamus, eos qui gradibus mille genus omne virtutum perfectionis transierint summitate, in voluptatibus habere atque in delicijs esse res eas, quas*

quas homo sapiens rideat , & quæ non alijs videantur  
continere aliquid gratiæ, quam infantibus parvulis &  
trivialiter & populariter institutis .

## C A P V T V I I .

### *TIBIA in Sacris & Sacrificijs Gentilium .*

**I**N sacris etiam , quæ Dijs suis soluebant Genti-  
les, Tibia introducta est, ut ideo *Sacrifica Tibia* ,  
*Senecæ* , in *Agamemn.* Et *Ovidius Fast.* lib.6.

*Cantabat fanis , cantabat Tibia ludis .*

Eadem mente aris assignat carmen, ad Tibiam can-  
tatum, *Propertius* lib.4. El.6.

*Spargite me lymphis , carmenque recentibus aris*

*Tibia Mygdonijs libet eburna cadis .*

Quam hic intelligat Tibiam alibi disputamus, nunc  
propositi ratio exigit tantum singula considerare,  
quæ usum Tibiarum spectant in sacris & sacrificijs  
Veterum .

A funeribus ad sacrificia Tibiarum usus transijt ,  
quod ex *Isidoro* confirmo , qui *Orig.* lib.2. cap.20.  
*Tibias* , inquit , excogitatas in *Phrygia* ferunt : has  
quidem diu funeribus adhibitas , mox & sacris Genti-  
lium . Primus hunc usum ad sacrificia transtulisse  
creditur *Midas* cū Matrem suam inter Deos repo-  
neret , perhibente *Eustathio* lib.17. *Illiad.* Nec in  
omnibus sacrificijs adhibitas esse constat ex *Plutar-  
cho* , qui *Sorias* interdum esse ἀχόπος καὶ ἀνάυλος osten-  
dit . Abidi *Osiris* colebatur sed in eius templo , te-  
ste *Strabone* lib. 17. non licebat , nec Tibicini , nec

citharæ

citharædo sacrificium auspicari, quemadmodum, mos erat alijs Dijs. Apud Tenedios lex fuit, si credimus *Diodoro Siculo* lib. 5. ne Tibicinum quisquam templum ingrederetur, propterea quod noueræ calumnijs tibicen quidam falso testimonio adstipulatus fuisset. De Nerone etiam perhibet *Suetonius*, quod, quo primum die post excessum Augusti curiã intrauit, quasi pietati simul & religioni satisfactorus, thure quidem ac vîno, verum sine Tibicine supplicaret, Minois exemplo, qui paria in morte filij olim fecerat. Frequentior tamen mos viguit non, sine Tibicine sacrificia peragere, quem receptum, plerisque memorat *Macrobius* libr. 2. in Somn. Scipion. cap. 3. *Ideo canere cælum etiam Theologi comprobantes, sonos muscos sacrificijs adhibuerunt, qui apud alijs lyra vel cithara, apud nonnullos Tibijs, alijsne musicis instrumentis fieri solebant.*

De Tibicinibus Romanis qui sacris publicis præsto erant, illustrem plane *Gruterus* suggerit Inscriptionem Pag. 269. Cuius partem hic adducam, quæ ad rem nostram facit:

TIBICINES. ROMANI

QVI. SACRIS

PUBLIC. PRAEST. SVNT.

Ex hac Inscriptione aliam commodè explico, quam affert *Gruterus* Inscript. Pag. 175. quæ in hunc modum se habet:

COLLEGIO. TIBICINVM

ET. FIDICINVM. ROMANORVM

QVI. S.P.P.S.

TI. IVLIVS. TYRANNVS.

O

MV-

MVNIS. PERPETVVS. ET  
VLIVS. TYRANNVS. F.  
H. C. D. D.

DEDICATVM. K. MART.

RSO. SERVIANO. II. L. FABIO. IVSTO. COS.  
Vbi S.P.P.S. ex inscriptione superius prolata interpretor: *Qui Sacris Publicis Presto Sunt*.

Ideoque *Templorum Tibicines* dicuntur apud *Iul. Firmicum* lib. 4. cap. 7. Et *Tibicines sacrorum* apud *Gellium* lib. 1. cap. 12. Inter ministros Sacerdotum, numerantur à *Rosino* Antiq. Rom. lib. 3. cap. 31. Inò ipsos Sacerdotes pro Tibicinibus sumptos non obscure elici posse videtur ex eleganti apud *Gruterum* Inscriptione, pag. 30. vbi *Sacerdotis Tibicinis Albij Verini* mentio fit.

Cum Tibicines ab vno sacrificante ad alium, qui etiam rem diuinam faceret, transirent, prouerbiū ortum est: *Transire Tibicinis Latini modo*, quo *Cicero* utitur pro *Muræna*. Nam Romani in suis sacrificijs Latinis plerumque Tibicinibus vsi sunt. Græci tamen meminit *Varro* lib. 3. de R.R. *Sed non in Italia quos tibi sacrificanti ad tibicinem Græcum gregatim venisse dicebas ad extremum litus*.

Prisca religione obseruatum ius fuit Tibicinum in æde vescendi, eorum nempe, qui sacris inseruiunt. De qua re insignis apud *Liuium* historia legitur lib. 9. quod Tibicines prohibiti in æde Iouis vesci, hoc ius, antiquitās traditum, sibi ereptum ægre ferentes, Tibur vno agmine abierint, adeo vt nemo in vrbe esset, qui sacrificijs præcineret. Eius rei religio tenuit Senatum legatosque Tibur misit, qui darent



darent operā vt hi homines Romanis restituerentur. Tiburtini benigne polliciti, totam rem ita referente *Linio*, primum accitos in curiam hortati sunt, vt reuerterentur Romam: Postquam perpelli nequibāt, consilio haud abhorrente ingenijs hominum eos aggrediuntur. Die festo alij alios, per speciem, celebrandarum cantu epularum causa inuitant, & vino oneratos sopiunt: atque ita in plaustra somno victos conijciunt ac Romam deportant. Nec prius sensere, quā plaustris in foro relictis plenos crapulæ eos lux oppressit. Tunc concursus populi factus, impetratoque vt manerent, datum, vt triduum quotannis ornati cum cantu per urbem vagarentur: restitutumque in æde vescendi ius ijs, qui sacris præcinerent. Hoc eorum ius in Capitolio publice vescendi confirmat *Censorinus* de Die Nat. cap. 12. Et hinc Tibicines pingues passim ab Autoribus appellantur. Quo sensu explicandus est *Virgilius* lib. 2. *Georg.*

*Inflanit cum pinguis ebur Tyrrhenus ad aras.*  
Pro tibicine qui in sacrificijs eburneis Tibijs præcinit, & *Seruius* pinguem notat, scilicet victimarum carnibus. A quo vix diuersus est *Plautus* *Aulul.* Act. 2. Sc. 5.

*At nunc tibi dabitur pinguior Tibicina,*  
Quippe cum Tibicinæ etiam frequenter conuiujs interessent, vt non potuerint non hoc nomine iure signari. Vnde Tibicinis vitam viuere, erat lautè quidem, sed alieno sumptu, de quo *Casaubonus* ad *Athenæum* lib. 1. cap. 8. Ita *Plautus* *Mollellar.* Act. 3. Scen. 2.



*Musicè hercle agitis etatem, ita ut vos deceat.*

*Vino, & victu, piscatu probo & electili*

*Vitam colitis.*

Cur autem in sacrificijs suis Tibiarum incentiones tam necessarias crediderunt Pagani, non obscurum est meliores Autores peruoluenti, miserasque illorum superstitiones perlustranti, qui hanc aurium voluptatem Dijs suis gratam putarunt. Vnus ex varijs hoc illustrat *Censorinus* de die Natal. cap. 12. vbi de Musica sermo est: *Nam nisi grata esset, inquit, immortalibus Dijs, qui constant ex anima Divina, profecto ludi Scenici placandorum Deorum causa instituti non essent: Nec Tibicen omnibus supplicationibus in sacris adibus adhiberetur; nec cum Tibicine triumphus ageretur, non Apollini cithara, non Musis Tibie, cæteraque id genus essent attributa. Non Tibicinibus, per quos Numina placantur, esset permixtum aut ludos publicè facere, aut vesci in Capitolio. Præterea Tibicinem canere oportuit in sacrificijs ne quid infausi exaudiretur, quod à Rosino annotatum lib. 3. Antiq. cap. 39. sed ante eum ex Plinio idem mihi constat lib. 28. cap. 2. Cuius moris origo forsitan ex eo deduci poterit, quod ex Plutarcho de superstitione refert *Cassius* Symbol. Aegypt. Sapient. lib. 2. Hierogl. 74. Nimirum Carthaginenses Saturno filios immolabant, & qui nullos habebant, à pauperibus miserabiles victimas emere cogebantur. Adstabat autem in ipso sacrificio Mater rigida, & absque gemitu: Si enim ingemisset iacturam faciebat & honoris & filij. Interim autè statuat omnia Tibiarum cantu, & tympanorum pulsu*

pulsu personabant, ne quis clamor exaudiretur.

Non solum in ipsis sacrificijs, opere suo fungente Sacerdote cum alijs sacrificij ministris, Tibiæ præcinuerunt, sed eadem ad sacra conuocarunt Ethnicos, & à Tibicinibus sacrificium auspicatum, quod apud Strabonem observo lib. 17. Et clara eiusdem ritus vestigia deprehendo apud Heliodorum Aethiop. lib. 3. quem ita interpretes reddidit: *Subsequēbatur hos aliarum victimarum diuersa multitudo. Cuiuslibet autem animantis genus, seorsim & ordine ducebatur, cum Tibia & fistula initiatoriam quandam & denuntiaticem sacrificij partem inciperet.* Sic Statius Thebaid. lib. 5. vers. 94.

— Cum sacra vocant, Ideaque suadet

*Buxus . . . . .*

Et has, quibus præuijs victimas obtulerunt, eas fuisse credo, quas *Præcentorias tibia*s vocarunt, quemadmodum *Tiberrarias*, quibus vsi sunt cum thus in aram inderent nec immolarent hostias. Quippe non solum Thus apud Romanos, sed etiam hostiæ ad præconem & tibicinem immolari solitæ. De his elegans occurrit Ciceronis locus in Orat. contra Rullum: *Erant hostiæ maiores in foro constitutæ, quæ illis prætoribus de tribunali, sicut à nobis Consulibus de consilij sententia probatæ ad præconem & Tibicinem immolabantur.* Nec aliter intelligendus est Catullus lib. 4. El. 1.

*Parua saginati lustrabant compita porci,*

*Pastor & ad calamos exta litabat ovis.*

Ex marmoribus & saxis, ubi sacrificia veterum conspiciuntur expressa, hæc non parum lucis mutua-

tuantur. Apud *Gruterum* pag. 1007. saxum exstat delineatum quod sacrificij actum exhibet, sacerdoti adstante Tibicine, qui geminas Tibias ori inflat; adest etiam victima quæ ultimam necem expectat, quemadmodum apud *Gruterum* eius icon demonstrat.

Syluani etiam sacrificium non sine Tibiarum præsentione peractum euincit Tabula marmorea à *Grutero* descripta, cuius delineatio graphica à *Tomasino* exhibetur lib. de Donar. qui eam *Io. Bapt. Casalio* debuit. Ipsam illam Tabulam Marmoream nuper Romæ contemplatus sum in Musæo Amicissimi *Io. Petri Bellorij*, qui Antiquitatis Vestigia æterna cum fama ab obliuione vindicat. Stat ibi Siluanus inter quercum & palmam, altera manu falcem habens, alteram ramum, à sinistris duo adstant, quorum alter porcum, Syluano sacrum, litandum tenet. A dextris inter duos rusticos adest agrestis puer, qui pone quadratam aram distentis buccis geminam Tibiam inflat. Quippe, quod notandum, nullibi sacrificium expressum videre est, quin ibidem aliquis duplicem Tibiam inflans conspiciatur. Is sensus est *Virgilij* lib. 9. *Aeneid.*

— Ire per alta

*Dyndima, ubi assuetis biforem dat Tibia cantum.*  
Quod idem manifestissime deprehenditur in nummis æreis Domitiani, ubi in ludis sæcularibus sacrificium exprimitur, quales duos hic referendos censui, TABULA I. Figur. 7. conspiciendos.

In Columna Traiana secundum explicationem *Giacconij* num. 187. Traianus cum Dacis congressurus,

rus, Deos sacrificio prius placandos censeat. Sacrificat autem ibi Traianus velato capite, ut mos est Sacerdotibus, vinum vel sanguinem mactatæ victimæ patera super aram igne flammantem infundens. Adstant; signa, sacerdotes, & Tibicines lauro coronati. *Fortunius Licetus* in Gemm. Annular. Antiq. Schemat. 32. Gemmæ imaginem exhibet sacrificium suis representantis adstante Tibicine, & simul alius gemmularum figuram ex Musæo Io. Galvani Patavij, quæ duas Tibias rectas inflantem hominem, ad altare sacrificij exprimit. Totus ordo solemnis sacrificij elegantissimè quoad omnes partes adumbratur in figura marmoris antiquissimi *Bapt. Casallio* transmissa ab Illustr. *Cassiano à Puteo*, quam de Splend. Urb. Rom. partis 3. capiti 1. inseruit. In hoc sacrificio primò tres deferunt Canistrum ad sacrificij necessaria. Sequuntur *quatuor Tibicines coronati, longas Tibias inflantes*, atque alij quinque iuvenes cum galeis & scutis. Præterea sex alij iuvenes, seu Camilli, sacrificio ministrantes ferunt duo magna candelabra ad suffraginandum odora-menta sacrificij. Subsequuntur alij duo, quorum alter senior plectrum sonat, alter iunior distentis buccis geminam Tibiam inflat. His proximi conspiciuntur tres, qui longum aliquod lignum portant, & alij duo senes cum fascibus & securibus: tres autem adsistunt Popæ, quorum vnus cum acerra deferat ollam magnam ad coquendas carnes sacrificij, & alij duo tenent bouem mactandum; ex his vnus fert supra caput cistam repletam cultris ad sacrificium necessarijs: Demum exstat sacerdos capite cooper-

cooperto supra flexilem tripodem sacrificans, cum tibicine, qui Tibiam inflat, qua in aurem Sacerdotis cani solebat, ut loquitur Sernius in Georg. lib. 2.

Exinde commodè intelligimus longis Tibijs vsos sacrificantes, quod & prouerbiū indicat de ijs qui inutilia faciunt, ut apud Xiphilinum in Othone: *Itaque cepit eum subito facti pænitere, dixitque: Quid me oportebat longis Tibijs canere* (μακροῖς ἀνλῶς ἀνλῆν) Quod prouerbiū familiare ipsi fuisse tradit Suetonius in Othon. In eos enim dicitur qui aliquid parum ad rem faciunt, nimirum, quia paruas Tibias cum aliquis commodè tractare possit, longas sumit ad quas minus est idoneus, de quo adi Turræbium Adu. lib. 5. cap. 1. Qui has longas Tibias, quibus supplicantes utebantur, inflarunt, Spondaulæ dicti sunt ex mente M. Victorini de Spondæo: *Dictus à tractu tantus, qui per longas Tibias in templis à supplicantibus editur: unde Spondaulæ dicebantur, qui huiusmodi Tibias inflare consueverunt. Parum diuersè Spondiales vocantur Isidoro Orig. lib. 1. cap. 16. Spondens tractus quidam dicitur circa aures sacrificantium, unde qui Tibijs caneant in sacris gentiliū spondiales dicebantur.*

Nonnunquam Tubas in sacrificijs adhibitas obseruo, uti inde probō, quod apud Festum, *Armilustrum* dicatur festū quo armati res diuinas faciebāt & dum sacrificabāt, *Tubis* caneant. Apud Varronē *Tubilustrum* dicitur, quod eo die sacrorū *Tubæ* lustrantur.

Præterea in consecratione præsentem Tibicinem testatur Cicero in Orat. pro domo sua: *An consecratio, inquit, nullum habet ius, dedicatio est religio-*

sa? Quid ergo illa tua tum obtestatio Tibicinis? qui l  
foculus? quid preces? quid prisca verba voluerunt?  
Sic Xiphilinus in Augusto, de consecratione post  
mortem Augusti, thus adhibitum in sacrificio re-  
fert, Tibicinem autem adesse prohibitum.

Phryges in Dyndimenes sacris choreas ad Tibiā  
agebant atque ad Phrygium modum saltabant, te-  
ste Seneca in Troad.

*Non inter aras mobili velox pede  
Renocante flexo concitos cornu modos  
Barbarica pristis templis saltatu coles.*

Huius moris vestigia non obscura deprehendes in  
Euripede in Troad. Herodiano Hist. sui Temp. lib. 5.  
atque Heliodoro Aethiop. lib. 7. Nos autem hinc  
transibimus ad sacra Magnæ Deūm Matris explicā-  
da, in quibus Tibiarum præcentrationem frequentissi-  
mam demonstrabimus.

## C A P V T V I I I.

### T I B I A in sacris Magnæ Deūm Matris.

**A**lmo fluvius erat Urbis Romæ vicinus, apud  
quem Romani sacra olim Cybeles faciebant  
eodem ritu, quo Galli sacerdotes in Phrygia, simu-  
lachrum Deæ, cultusque victimarios facientes, ad-  
hibitis Tibiarum cantibus. Totam rem Ovidius il-  
lustrat lib. 4. Fastor.

*Est locus, in Tiberim qua lubricus influit Almo,  
Et nomen magno perdit ab æmne minor.  
Illic purpurea canus cum veste Sacerdos*

*Almonis Dominam sacraque lauit aquis.*

*Exululant comites furiosaque Tibia flatur.*

Quod pariter in Phrygia cum Tibiarum inentione  
cultā sit Deūm Mater, ex multis id probantibus  
vnum afferam *Claudianum* de Rapt. Proserp. v. 266.

*Mater, id, seu te Phrygys in vallibus Idę*

*Mygdonio Buxus circumsonat horrida cantu,*

*Seu tu sanguineis ululantia Dyndima Gallis*

*Incolis, & strictos Curetum respicis enses.*

Dicebantur enim eius sacerdotes Curetes, unde  
*Sidon.* *Apollinarius Carm.* 9. vers. 202.

*Non hic Dyndima, nec crepante Buxo*

*Curetas Bercynthiam sonantes.*

Iidem alijs Corybantes sunt, de quibus nos lib. 2.  
cap. 1. De vtrisque hic elegantem *Claudiani* locum  
afferam, qui lib. 2. in *Eurrop.* vers. 279.

*Interea gelida secretis rupibus Idę*

*Dum sedet, & thiasos spectat de more Cybelle,*

*Curetumque alacres ad Tympana suscitāt enses;*

*Aurea sanctarum decus immortale comarum*

*Defluxit capiti turris, summoque volutus*

*Vertice crinalis violatur pulvere murus.*

*Obstupere truces omen Corybantes & vno*

*Fixa metu tacitos presserunt orgia Buxos.*

Vbi commodè omnem Cybeles in sacris his appa-  
ratum indicat, quem fusius hic explicare instituti  
ratio non exigit. De eo fusius egerunt, *Pignorius*,  
*Rosinus*, & *Sylvius* Comment. ad Leg. 12. Tab. c. 17.  
quos consulat cui volupe. Sufficit mihi ex condi-  
cto demonstrasse, vt in alijs Veterum sacris Tibiarū  
vsū adhibitum, ita & in Cybeles sacris eundem

non



non omnino neglectum. Luculentior cunctis mihi  
testis est Catullus Carm. 64.

—Cybelles Phrygia ad nemora Deæ

*Vbi cymbalum sonat vox, vbi tympana reboant,*

*Tibicen vbi canit Phryx curuo graue calamo.*

*Vbi capita Menades vi iaciunt hederigere,*

*Vbi sacra sancta acutis ululatibus agitant.*

De ululatibus illis in sacris Deum Matris hic non  
multis agam, nec Attinis luctum fusiùs explicabo,  
ex quo hunc ululatum ortum constat ex Seneca in  
Agamemn. vers. 686.

*Non si molles imitata viros*

*Tristis laceret brachia tecum;*

*Quæ turrita turba Parenti*

*Pectora rauco concita buxo*

*Ferit, ut Phrygium lugeat Attyn.*

Ideoque Ouidius Art. Amar. lib. 1.

*Ista iube faciant, quorum Cybeleia Mater*

*Concinitur Phrygijs exululata modis.*

Quippe hanc Phrygij modi, qui Tibijs canebatur,  
proprietaem libri huius cap. 1. docui, ut mentes  
audientium ad furorem & insaniam exagitaret, &  
hinc omnes ad Phrygia Cybeles sacra, vbi Phry-  
gio numero Tibia mentes stimulabat, admissi, quasi  
furore correpti describuntur. Virgilius in Ceiri  
vers. 166.

*Sæpe velut gelidis Ciconum Bistonis in oris,*

*Islane barbarica Cybeles antistita buxo,*

*Infelix virgo tota bacchatur in Vrbe.*

Nimirum talem insaniam & furorem ratio sacrorū  
exigebat, ut Attinis planctus imitarentur, & alia

quæ hic prosequi animus non est.

Propterea quod tam necessarium in cultu Cybeles Tibiæ locum habuere, ideo illam cum Tibijs semper finxerunt, ex *Arnobio* lib. 6. Adu. Gent. non repugnantibus antiquis marmoribus. De choraula, qui Matrem Idæam circumgestantibus cornu canens adambulabat, *Apuleius* *Metam.* lib. 8. & paulo post hunc cum Tibijs Matris Idææ cultum euidentissime confirmat, ubi inquit: *Inibi Vir principalis, & aliàs religiosus, & eximiè Deum reuerens, tinnitu cymbalorum & sonitu tympanorum, cantusq; Phrygi mulcentibus modulis* (ita Tibiarum cantum exprimit) *excitus, percurrit obuiam, Deamque (Idæā Matrem) votiuo suscipiens hospitio, nos omnes intra conseptum domus amplissima constituit: numenque summa veneratione atque hostijs optimis placare constituit.*

Sacerdotibus, sacris Phrygiæ Deæ initiatis, etiam stipem ad Tibiam colligere concessum fuit, quod apud *Ouidium* animaduerto, qui lib. 1. de Pont, El. 1.

*Ante Deum Matrem cornu Tibicen adunco*

*Cum canit, exigua quis stipis ara neget?*

Et talis Dionysius ille fuit apud *Aelianum* Var. Hist. lib. 9. cap. 8. qui Corinthi multas variasque vitæ vicissitudines expertus, ob extremam paupertatem tandem stipem ab hominibus cogendo, tympanaque pulsando, & Tibijs modulando vitam transegit. Prohibitum autem erat, ut apud *Ciceronem* lib. 2. de Leg. ne, præter Idææ Matris famulos, eosque iustis diebus, quis stipem cogeret, Illis autem hæc  
licen-

licentia stipem poscendi concessa est Lege à Metello  
lata, cuius causam *Ovidius* aperit loco supra citato:

.. *Dic, inquam, cur hic stipe quærat opes?*

*Contulit æs populus, de quo delubra Metellus*

*Fecit, ait, dande mos stipis inde manet.*

Hanc stipem respexit *Seneca* de Benef. lib. 7. cap. 4.

*Omnia, inquit, Deorum sunt, tamen Dijs posuimus  
donum & stipem iecimus.*

## C A P V T I X.

### T I B I A in Festis publicis :

**Q**Vinquatrus minuscule appellabantur Idus Iu-  
niæ, qui dies festus erat Tibicinum, cum fe-  
riari per urbem vagarentur, & convenirent in ædem  
Minervæ. Huius verò festi ulteriorem explicationem  
reservabimus aptiori loco, ubi singula de Tibicinū  
ritibus olim notanda vbertim tractamus. Alias so-  
lemnitates cum Tibiarum cantu celebratas nemo  
diffiteri potest, nisi qui Veterum monumentis omnē  
fidem debitam derogare velit. Non temere *Seneca*  
in *Agamemnone*:

*Tibi multifora Tibia Buxo*

*Solemne canit.*

Inter diei festi requisita cantuque numerat *Ovidius*  
*Amor. lib. 3. Ecl. 10.*

*Festa dies, Veneremque vocat, cantusq; merumque.*  
Hunc autem festi diei cantum varia componebant  
instrumenta musica, inter quæ non ultimus locus  
Tibiæ nostræ fuit. *Prudentius* *Apotheos. Hymn. 2.*

*Hæc*

*Hæc ait & varios iubet obmutescere cantus .  
 Organa , sambucas , citharas , calamosque , tubasque .  
 Stulta superstitio tacuit , vox festa quieuit ,  
 Quæ malè conspicuæ celebrabat imaginis aurum .*

In Iunonis festo solemnem Tibiæ cantum intro-  
 ducit *Ovidius* Amor. lib. 3. El. 13.

*Casti sacerdotes Iunoni festa parabant ,  
 Per celebres ludos , indigenamque bonem .*

Et mox:

*Accipit ara preces votinaq; thura piorum ,  
 Ara per antiquas facta sine arte manus .*

*Hic ubi personuit solemni Tibia cantu*

*It per velatas annua pompa vias .*

Pridie Nonas Aprilis, dies erant ludorum Magnæ  
 Deæ Matris, qui Megalesia dicebantur, siue ludi  
 Megalenses. Nec illa festa sine Tibiarum præcen-  
 tione celebrata, quemadmodum luculento *Ovidij*  
 testimonio confirmo, qui lib. 4. Fast.

*Protinus inflexo Berecynthia Tibia cornu*

*Flabit, & Idææ festa parentis erunt .*

*Ibunt semimares & inania tympana tudent ,*

*Aeraque tinnitus ære repulsa dabunt .*

Mineræ geminum apud Athenienses festum  
 erat; Παγαθνήσια dicebantur, erant enim minora,  
 & maiora; illa quotannis, ista quinto solum anno  
 agitata. In minoribus triplex certamen fuit, eque-  
 stre, gymnium, & musicum. Musicum certamen  
 cum Tibijs interdum agi solitum atque à Pericle  
 institutum memorat *Plutarchus* in eius vita. Tibici-  
 num in his festis præcinentium concentus, Συναυλία  
 appellatur *Polluci* lib. 4. cap. 10.

Por-.



Porro in Festis Bacchi notabilem Tibiarum vsum deprehendo. Hunc arguit *Ovidius* *Metam.* lib. 3. vers. 528.

*Liber adest. Festisque fremunt ululatus agri,  
Turba ruunt. Mistæque viris Matresq; nurusque;  
Valgusque, procuresque, ignota ad sacra feruntur.  
Quis furor, anguigenæ, proles Mauortia, vestras  
Attonuit mentes? Pentheus ait; Aerane tantum  
Aere repulsa valent? Et adunco Tibia cornu?  
Non aliter Ovidius lib. 4. Metam. hæc Bacchi festa  
cum Tibijs describit:*

— *Et adhuc Minyeia proles  
Urget opus, spernitq; Deum, festumq; profanat.  
Tympana cum subito non apparentia raucis  
Obstrepuere sonis, & adunco Tibia cornu,  
Tinnulaq; æra sonant.*  
*Iuvenalis Sat. 6. vers. 313.*

*Nota Bonæ secreta Deæ cum Tibia lumbos  
Incitat, & cornu pariter vinoq; feruntur  
Attonitæ, crinemque rotant ululantque Priapi  
Menades . . . . .*

*Mænas* est furiosus Bacchi Sacerdos. Huc respexit *Persius* *Sat. 1. vers. 99.* Hinc *Euripides* in Bacchis inter triplex Bacchi officium recenset vers. 378. μετ' αὐλῆς γελᾶσαι. Apud *Max. Tyrium* *Dissert. 33.* in sacris Bacchi, nocturni discursus, choreæ, Tibiæq; & cantus nihil aliud sunt quam diuersæ voluptates Bacchicæ, quæ repræsentantur in mysterijs. De festis Bacchi *Aristophanes* in *Nubibus Act. 1. Sc. 4.* quæ tertio quoque anno celebrabantur. *Trieterica* dicuntur *Ouidio* *Metam. lib. 6. & Statio Thebaid. lib.*

2 Aliàs *Orgia* nuncupantur, quæ *obscura* vocantur *Catullo*, quia occulta erant & mystica: Quorum omnem apparatus & ordinem eleganter atq; exactè adumbrat *Catellus* El. 65. ubi reliquis etiam adiungit horribilem stridentis barbaræ *Tibiæ cantū*. Huc respexit *Herodianus*, qui Hist. sui Temp. lib. 5. de Antonino: *Procedens identidem ad Tibias & tympana, velut orgia numinis celebraret.*

## CAP V T X.

*TIBIA in Ludis, Spectaculis,  
atq; Comædijs.*

**P**Veros suos iam inde a teneris ludos exercere ad Tibiam nonnulli voluerunt. Hoc de Cretensium pueris tradit *Heraclides* in Polit. quod, cum inter se pugnarent, adessent artifices qui Tibias accinerent. Quomodo Arcades pueros ad Tibiam ludicra sua agitare assuefecerint, refert *Polybius* Megal. Hist. lib. 4. Et ex eo *Athenæus* lib. 14. in theatro etiam scenicis,que auctorum ludis olim vsus Tibiarum permagnus fuit, qui in omni fere ludorum genere concessus apud *Ciceronem* lib. 2. de Legibus: *Iam ludi publici cum sint cauea circumq; diuisi; sint corporum certationes, cursu & pugillatione, luctatione, curriculisq; equorum vsq; ad certam victoriam circo constitutis: cauea, cantu, voce, ac fidi- bus & Tibijs. Dummodo ea moderata sint uti lege prescribitur.* Ab antiquis iam inde temporibus hunc Tibiarum in spectaculis vsu repetit *Horatius* de Art. Poetic.

*Tibia*

*Tibia non ut nunc orichalco vincla, Tubæque  
Aemula, sed tenuis simplexque foramine pauco,  
Aspirare & adesse choris erat utilis, atque  
Nondum spissa nimis complere sedilia flatu.*

Coss. enim M. Metello & M. Scauro, Censores artem ludicram ex vrbe remouerunt, præter Latinum Tibicinem cum cantore, & ludum talorum, ita perhibente *Aurel. Cassiodoro* in *Chronic.* Illustrem de Tibicinis in ludis publicis officio locum suggerit *Phædrus* lib. 5.

*Princeps Tibicen notior paulo fuit,  
Operam Bathyllo solitus in scena dare.  
Is forte ludis, non satis memini quibus  
Dum pecunia rapitur, concidit casu graui,  
Nec opinans sinistram fregit Tibiam,  
Duas cum dextras maluisset perdere.*

Inter alias res atque ritus in ludis publicis olim seruatos & sine quibus vix ritè peragebātur, Tibiam adiungit *Cicero* de *Harusp.* Respons. *An si ludius*, inquit, *constitit aut tibicen repente conticuit, aut puer ille patrimus & matrimus si terram non tenuit, aut tensam aut lorum omisit, aut si adilis verbo aut simpulo aberrauit, ludi sunt non rite facti, eaque errata expiantur, & mentes Deorum immortalium ludorum instauratione placantur.* Eadem ferè verba refert *Arnobius* *Adu. Gent.* lib. 4. iterum lib. 7. repetita.

In certaminibus etiam Pythicis in honorem *Apollinis* celebratis qui *Pythonem* serpentem occiderat, præcinuit Tibicen. Cuius rei admonemur ab *Horatio*, qui de *Arte Poët.*



## — Qui Pythia cantat

*Tibicen didicit prius extimuitque Magistrum.*

Pythius dictus est ille tibiçē apud *Propertium* lib. 2. El. 8. Huc alludit *Pindarus*, qui Pythior. Od. 12. Tibiçē hoc encomium tribuit:

διλέα λαοσίων μασὴρ ἀγώνων.

*Illustrem admonitricem certaminum populū scientiū.*  
Vbi refert etiam Midam in Pythijs pro Tibiæ cantu coronam ex Pythone reportasse. Secundis tamen Pythicis, si credimus *Pausania*, Tibiarum cantum respuerunt, quasi non esset auditu faustus, & auspiciatus.

In Ludis Circensibus Tibicines adhibitos fuisse notissimum est ex *Dionys. Halicarn.* lib. 7. qui in pompa Circensium ludorum post saltatores, armatos satyros ponit, qui Græco habitu Silenos representantes incedebant, deinde agmen citharistarum, & Tibicinum, eos autem sequi, qui acerras aureas argenteasque gestantes sustitum faciebant. De loco Tibicinum in Circensibus consule *Bulengerum* atque *Panninium*, apud quos & eum graphice depictum reperies.

In orchestra theatri, in qua chorus fuit Tibijs caneant, ad tribunal siue aram, quæ *Θυμῆλος* Polluci, à quo loco Theatri *Thymelici* dicti, de quibus *Salutianus* 6. de Gubernatione Dei: *Quis locus maiores Christianorum copias habeat, caue-ne ludi publici, an atrium Dei? Et Templum omnes magis sectentur an Theatrum? Dicta Evangelicorum magis diligant an Thymelicorum?* Ideoque in Græcis Epigramm. pag. 521. extat Theonis Tibicinis Epitaphium, qui mi-

mo & Orchestræ voluptati inseruierat. Hanc autem theatri partem pulpitum nominat *Isidorus* lib. 18. cap. 44. Cum quo consentit *Seneca*, qui ex pulpito in theatris olim omne Tibiarum genus organorūque consonuisse dicit *Epist.* 84. ubi eleganter etiam chorum, cui interponebantur Tibiæ, describit: *Non vides, inquit, quam multorum vocibus chorus constet? Vnus tamen ex omnibus sonus redditur; aliqua gravis, aliqua media. Accedunt viri, fœminæ: interponuntur Tibiæ: singulorum illic latent voces omnium apparêt.*

In spectaculis igitur scenicis valdè familiaris erat Tibia, quod vel ex solo *Apuleio* deprehendi potest, qui lib. 10. omnem spectaculi scenici ordinem adūbrat. Itaque post primitias spectaculi, ludicris scenicorum choreis dedicatas, & deinde aulæo subducto & complicitis siparijs Paridis scenam dispositā, insuper inducit singulas Deas, Paridi oblatas, saltantes & cum Tibijs introeuntes. Adhibitam in Comœdijs Tibiarum præcentrationem nō aliud clarius demonstrat, quam inscriptiones omnes Comœdiarū *Terentij*. Ut in Inscriptione *Andriæ*: *Acta ludis Megalensibus, M. Fulvio & M. Glabrione edilibus curulibus. Egerunt L. Ambinius Turpio, L. Atilius Prænестinus. Modos fecit Flaccus, Claudij F. Tibijs paribus dextris & sinistris. Et est tota Græca. Edita M. Marcello C. Sulpitio Coss.* Et idem ex reliquis colligitur. Ita in *Eunucho*, modulauit *Flavus Claudij Tibijs duabus dextra & sinistra*: In *Hevutontima* modos fecit *Flaccus Claudij*, & acta primum *Tibys imparibus*, deinde *duabus dextris*: In *Adelpho*, modos fecit *Flaccus Claudij Tibijs Serranis*: In *Phor-*

mione, *Tibijs imparibus*: In Hecyra, *Tibijs paribus*. Vnde patet antiquum musicæ huius morem in theatris vsitatum, & carmina canticorum in veteribus Comædijs ad Tibiam facta, mōdos autem attemperatos ab aliquo artis Musicę perito. Sed quęnam ratio & differentia Tibiarum apud Veteres in fabulis fuerit, consule *Aldum Manutium* de Quęsit. per Epist. lib.3. Epist. 4. Ab antiquis iam inde temporibus hanc consuetudinem repetit *Dionemedes* lib.3. *Primis autem temporibus*, inquit, *ut asserit Tranquillus*, omnia quę in scena versantur in comædia agebantur. Nam *Pantomimus* & *Pithaulus* & *Choraules* in comædia caneant. Vbi duplicem Tibiā in comædia agnoscit, dum non choraulem solum sed & pithaulē introducit, & vtriusque vsum subiungit, aiens: Cuius rei indicia produnt nobis antiquę Comædię, in quibus inuenimus, acta *Tibijs paribus*, aut *imparibus*, aut *ferranis*. Quādo enim chorus canebat, choricis *Tibijs*, id est *choraulicis*, artifex concinebat in canticis autē *pithaulicis* respōsabat. Sed quod *paribus Tibijs* aut *imparibus* inuenimus scriptū, hoc significat, quod si quādo monodio agebat, vnā Tibiā inflabat, si quando synodio, vtrāque. Non minus in *Tragædijs* quam *Comædijs* hoc genus musices, quod Tibiarum inentione constabat, vsitatum esse, præter *Philostratum* lib.6. de *Vit. Apollon.* arguit *Maximus Tyrius* Dissert. 38. Plane quemadmodum *Tibias* (διούκαρα) ac *citharas*, aut si quę præterea *Dionysius* in *Tragædijs* & *Comædijs* adhibentur instrumenta, omnes laudant, nemo imitatur. Hanc tamen constituit differentiam *Eugraphius* in *Andr. Terent*  
quod

quod Lydiæ Tibiæ Comœdijs adhibitæ , Ioniæ Tragœdijs . *Nannius* Miscellan. lib. 5. cap.6. tres olim partes Comœdiæ facit , *Canticum*, quod duabus Tibijs , vna persona & ad summum altera constabat ; *Chorum* , qui incerto numero personarum , sed omnium vocibus in vnum sonum confusis utebatur ; *Diuerbium* , quod colloquio trium aut ad summum quatuor personarum confertum erat , Chori induci sunt post singulos actus , ac tum adhibitum esse Tibiarum cantum dubitari non potest . Non solum autem moduli variati sunt , cum comœdia in scenâ reduceretur , sed aliquando per singulas scenas pro eius loci conditione Tibiæ mutatae sunt . Illi modi Tibiarum ad fabulæ ingenium temperabantur, vsq; adeo vt auditis Tibijs populus sciret quæ fabula danda esset . Ita apud *Ciceronem* Academ. Quæst.6.

*Qui primo inflatu Tibicinis Antiopam esse aiunt .* Postea choro sublato explebat officiū Tibicen, qui in fine cuiusq. actus dari solitus est . Id quod satis constat ex *Pseudolo Plauti* :

*Concedere aliquantisper hinc me intro libet ,*

*Tibicen hic interea vos oblectauerit .*

Vbi sic tacentibus omnibus intus concinebat Tibicen , *Diaulion* dicebatur , quod annotatum à *Rhodigino* Lect. Antiq. lib.9. c.7.

Moris etiam erat vt in vijs Tibicen personis choricis præiret , quod ex veteri Scholiaste animaduertit *Bulengerus*, & quemadmodum inducebatur chorus à tibicine , ita & reuocabatur & mittebatur , vnde modi Tibicinum, quibus receptui canitur, dicuntur ἐξόδιον ἤμιν *Hesychio* , οἱ δὲ πάντες ἐξελδονται.

de quibus *Aristophanes* in *Vespis*.

Vsum hunc Tibiarum illustrat antiquum & elegans Comœdiæ schema, quod ex *Fulvii Vrsini* libro manu exarato, qui in Bibliotheca Vaticana asseruatur, mihi communicavit Illustrissimus Eques *Car. Antonius à Pnteo*, quale hic exhibeo TABVLAE III. Figura 1.

## C A P V T X I.

*TIBIA in Saltatione Pantomimi, Ludii, aliorumque.*

**P**antomimis, ioculatoribus, & saltatoribus Tibijs præcinere olim moris fuit. Primis autem temporibus histriones hi atque mimi, & cantabant ipsi & saltabant, postea taciti saltabant & ad Tibias ab alijs inflatas gestus moderabantur. *Pylades Cilix Pantomimus*, ex *Hieronymo* in *Chronico*, quum Veteres ipsi canerent & saltarent, primus Romæ chorum sibi & fistulas præcinere fecit, animaduertente *Cl. Salmasio*. Ideoque, quia ferebatur mutasse rudis illius saltationis ritum, qui apud maiores viguit & venustam induxisse nouitatem, vt *Macrob.* lib. 2. *Saturn.* cap. 7. interrogatus ab *Augusto* quid saltationi contulisset, respondit:

Αὐλῶν ὑπὲρ τὴν τ' ἐν πῆν, ὁμαδὸν τ' ἀνδράσων.

Ita etiam de *Liui* Poëta *Valerius Maximus* lib. 2. cap. 4. *Isque sui operis actor, cum sapius à populo reuocatus vocem obtudisset, adhibito pueri & Tibicinis concentu gesticulationem tacitus peregit.* Apud *Ciceronem*

ronem de Orat. lib. 1. Roscius Comædus, histrio & Saltator dicere solebat, se quò plus sibi ætatis accederet, eò tardiores Tibicinis modos & cātus remissiores esse facturum. Cui addit *Tullius*: *Quod si ille astrictus certa quadam numerorum moderatione ac pedum, tamen aliquid ad requiem senectutis excogitat: quanto facilius nos non laxare modos, sed totos mutare possumus. Sic Ammian. Marcellinus lib. 34. Tibiaque, & histrionici gestus instrumenta non leuia.*

Non solum autem saltantibus Pantomimis canebant, sed etiam ad incentivum pede pulpitem percutiebant, & quo clarior sonus esset & ab omnibus melius intelligeretur, ligneas soleas sub pedibus habebant, ad hunc usum factas, interdum etiam ferreas, quo maiorem strepitum crepitumque ederent, ut *Lucianus* describit Pantomimum, qui in *Aiace* Furente prodierat. Huiusmodi lignea sandalia Græci *κρηπέδια*, Latini videntur appellasse scabellam, de quibus nos lib. 3. prolixè. Huc respexit sine dubio *Arnobius*, qui de Pantomimis alijsque huius fori locutus lib. 2. aduersus Gentes solita sua elegantia quatit, anne Rex mundi, Deus, animas huc  
 „ miserit, ut res, nempe animæ humanæ, sancti &  
 „ augustissimi nominis symphonicas hic agerent  
 „ & fistulatorias artes, ut inflandis bucculas distē-  
 „ derent Tibijs, cantionibus ut præirent obscœnis,  
 „ numerosos iterarent scabillorum crepitationi-  
 „ bus sonores, quibus animarum alia lasciuiens  
 „ multitudo inecompositos corporum dissolueretur  
 „ in motus, saltitaret, & cantaret, orbes saltato-  
 „ rios verteret, & ad ultimum clunibus & coxenis  
 „ dici-

„ dicibus subleuatis lumborum crispitudine flu-  
 „ etuaret .

Interdum Tibicines ipsi inter canendum gesticu-  
 lari sunt, vt more pantomimorum res quasque imi-  
 tarentur, quod ex *Aristotele* patet Probl. 9. cap. 48.  
 & ex *Xenophonte* in Symposio de Tibicina.

In conuiujs Saltatrices mulierculæ pro conuiujs  
 delectandis ad Tibiam saltabant, quemadmodum  
 cuius *Xenophontis* Symposium peruoluenti abunde  
 constat .

Fuere etiam Ludij, à Lydis profecti & appellati,  
 vt vult *Herodotus* lib. 1. qui in numerū ad Tibicinis  
 modos saltarunt. Id quod optimè illustrat *Linus*  
 lib. 8. de Ludorum scenicorum institutione agens,  
 quorum initio parua, vt ferme omnia, principia re-  
 „ fert . Quippe, ex ipsius confessione, sine carmi-  
 „ ne vlllo, sine imitandorum carminum actu, Lu-  
 „ diones ex Etruria acciti ad Tibicinis modos sal-  
 „ tantes hand indecoros motus, more Tusco, da-  
 „ bant . Imitari deinde eos iuventus, simul incon-  
 „ ditis inter se iocularia fundentes versibus, cœpe-  
 „ re; Nec absconi à voce motus erant . Accepta  
 „ itaque res sæpiusque vsitando excitata, verna-  
 „ culis artificibus, quia hister Tusco verbo Ludio  
 „ vocabatur; qui non sicut ante, Fescennino versu  
 „ similem incompositum temerè ac rudem alternis  
 „ iaciebant, sed impletas modis satyras, descripto  
 „ iam ad Tibicinem cantu motuq; congruenti, pe-  
 ragebant . De rudi horum saltatione primis tem-  
 poribus, ad Tibiæ cantum *Ouidius* lib. 1. Art. Amad.  
 describens raptum virginum Sabinarum & specta-  
 culum



cūlum quod Romulus parauerat :

*Tunc neq; marmoreo pendebant vela theatro ,  
Nec fuerant liquido pulpita rubra croco.*

Et mox :

*Dumque rudem præbente modum tibicine Tusco  
Ludius æquatam ter pede pulsat humum .*

Planipedes etiam , qui dicti quod in plano agerent & pedibus nudis , saltus suos ad decantatos Tibiarum modos accommodarunt, quemadmodum facile credo Gellio asserēti lib. 1. cap. 11. *Quod enim foret ista re ineptius, si vt Planipedi saltanti, ita Graccho concionanti , numeros & modos & frequentamēta quādam varia tibicen incineret .*

His affines erant *Fabulones* , qui obscœna dixerunt atque impudica verba , vt *Macrob.* lib. 2. Sat. cap. 1. *Vicem Planipedis & Fabulonis impudica & prætexta verba iacientis.* Quod etiam ad Tibiam factum est, quemadmodum apud *Xenophontem* in *Symposio* *Nicostratus* histrio *τετράμετρα πρὸς τὸν αὐλὸν κατέλεγεν* , ad Tibiam tetrametra recitabat.

## C A P V T X I I.

### T I B I A in Nuptiis & Choreis.

**P**Ræter alia instrumenta musica , Tibia olim maximè nuptiale erat . Adeo vt omnis sanctimonia nuptiarum vno signo Tibiarum intelligeretur , vt ait Auctor ad Herren. lib. 4. Integrā nuptiarum solemnitatē suo ordine describit *Heliodorus Aethiop.* lib. 10. cum Tibiarum & fistularum concen-

R

tu,

tu, & vix vllum apud veteres de nuptijs sermonem institutum reperies, quin Tibias adiunctas deprehēdas. *Claudianus* de Nupt. Honor. & Mar. v. 195.

*Tibia pro lituis & pro clangore tubarum*

*Molle lyre faustumque canant.*

Et mox:

*Tu festas, Hymenæe, faces; tu, Gratia, flores.*

*Elige . . . . .*

Idem in Fescenninin. vers. 128.

*Ducant peruigiles carmina Tibia,*

*Permissisque iocis turba licentior*

*Exsultet tetricis libera legibus.*

Paulo post:

*Hæc vox per populos, per mare transeat,*

*Formosus Mariam ducit Honorius.*

Inter Nuptiarū apparatū Tibiarū clāgor apud *Acbil. Tatum* de Clitoph. & Leucip. Amor. lib. 1. atque easdem ad nuptias celebrandas laudat *Euripedes* in *Hercule*. Vnde in thalamis *Nicippidis* dulce resonabat *Tibia*, quemadmodum in *Veter. Epigramm.* lib. 3. cap. 12. Epigr. 6. Et sane nihil hoc Tibiarum vsu frequentius occurrit. Ita *Nonnus* *Dionysiac.* lib. 7.

*Οἶδα μὲν ὡς ἐρόεις πέλεται γάμος, ἢ χι λυγαίνει*

*Πανιάδος σύργγος ὁμόθροος αὐλὸς Ἀθήνης, i. e.*

*Scio quidem quod amabiles sint nuptiae, ubi stridet*

*Panice fistulæ consonans Tibia Minervæ.*

Facta hæc Tibiarum incentio in nuptijs ad summā festi diei lætitiā repræsentandā, & ingens illud gaudium manifestandum, quo sensu *Onidius* *Metamorph.* lib. 4.

— *Tēdas Hymenæus Amorque*

*Præcutiunt: largis satiantur odoribus ignes:*

*Sertaque dependunt tellis: lotique, lyraque,*

*Tibiaque, & cantus, animi felicia læti*

*Argumenta sonant . . . . .*

An sine Musica Nuptiarum solennia ritè celebrentur vide differentem venerandum Parentem meum Quæst. Nupt. 3. De nuptijs Mercurij & Philologiæ *Martianus Capella* lib. 2. *Ecce autem*, inquit, ante fores quidam dulcis sonus multifidis suauitatibus suscitatur, quem Musarum conuenientium chorus impendens nuptialibus sacramentis modulationis doctæ tinnitibus concinebat, nam nec Tibiarum mela, nec ex fidibus sonus, nec hydraularum harmonica deerat plenitudo. Vnde Nuptialis hæc Tibia antiquitus dicta est. Et *Suida*, *λωτοι ἐπιδάλαμοι*, idest Tibie nuptiales. Quippe cantus nuptialis duabus Tibijs canebatur, quarum altera maior erat, si credimus *Polluci* lib. 4. cap. 10. tit. 3. Alij nuptiales Tibias *monaulos* fuisse scribunt, ad quas canerent hymenæos: Alij binas aiunt, iunctas & impares. Posteriorum omen, coniugij specie, placet *Scaligero* de Art. Poët. lib. 1. cap. 20. Ideoque *Apulcio* nuptiales Tibiæ, *Zygie* dicuntur, *Metam.* lib. 4. Hæc Tibia apud *Nonnum* *Dionys.* lib. 24. *βιοσσοῦς αὐλὸς ἐρώτων*, nominatur, vitam seruans Tibia amorum. Et tales etiam videntur in Antiquis marmoribus vbi Nuptiarum solennia exprimuntur. Romæ in Templo D. Laurentij extra muros in Marimore, cuius figuram in Admirandis Romanarum Antiquitatum Vestigijs edidit *Iac. de Rubéis*, cernuntur, secundum breuem, sed eru-

ditam, *Bellorij* explicationem, sponsus & sponsa inuicem dextras iungentes, & Iuno vtrumque complexa. Adest Hymenæus genialem præferens facē, ad aram Camillus cum acerra & *Tibicen molle festumque canit*. In eodem Antiquitat. Volumine exhibetur Epithalamium, vbi sedent hinc sponsus, inde sponsa, & ad vtrumque ex choro conuersæ virgines laudes canunt, faustum felixque ominantur. Adsunt *Tibicina* & *Lyristes* & alia, quæ Poetria carmina describit, & modulata cedro notat, vt suspicatur *Bellorius*.

Simul itaq. ac Nuptiarum solennia indicta sunt, Tibicines quærebantur, sine quibus hæc festa vix vnquam peragebantur. *Plautus* Aul. Act. 2. Sc. 6.

— *STA. Quid vis? STR. Hos vt accipias cocos,*

*Tibicinamq; obsoniumq; in nuptias.*

Patet hoc etiam ex *Solino* qui cap. 9. vbi Amyntæ filium Philippum captum esse oculo dextro apud Mothonam dixit, huius debilitatis omen præcessisse refert: nam cum nuptias ageret, acciti Tibicines carmen *Cyclopium* quasi de concludio concinuisse dicuntur. Nuptialibus enim gaudijs Tibiæ interponebantur, vt ad illas Hymenæi canerentur in Nuptijs, quemadmodum hymni in Diuina veneratione, & threni atque lamenta in funeribus, teste *Isidoro* Orig. lib. 2. cap. 15. De carmine hoc nuptiali *Nonnus* Dionys. lib. 7. Et aptè hoc ad Tibiam cantatum indicat *Terentius*:

— *Verum hoc mihi moræ est,*  
*Tibicina & hymenæum qui cantent;*

Et paulo post :

— *Missa hæc face*

*Hymnenæum, turbas, lampadas, Tibicinas .*

Carmina hæc socialia nuncupat , & per Tibiam effundi dicit *Ovidius* Ep. Med.

*At subito nostras ut hymen cantatus ad aures*

*Venit, & accenso lampades igne micant.*

*Tibiaque effundit socialia carmina vobis,*

*At mihi funesta flebiliora tuba .*

CUR ἰσπέρτοι λωτοί, vespertini loti, hæ Tibiæ dictæ sint *Suide*, edocebimur à *Scaligero* , qui in *Propertij* locū lib. 2. El. 6.

*Aut mea quum tales caneret tibi Cynthia somnos*

*Tibia, funesta tristior illa tuba .*

Tibiam intelligi nuptialem arbitratur , qua nouam nuptam mariti domum deducebant cum iam concubia nox esset . Huc forsan trahi posset *Plautus* *Casina* Act. 4. Sc. 4.

*Age Tibicen , dum illam educunt huc nouam nuptam foras ,*

*Suavi cantu concelebra hanc plateam hymenæo.*

Cæterum locum illum *Propertij* non de Tibia nuptiali exponit *Passeratius* , sed de Tibia amatorū, qua sub noctem transeuntes ante amicarum domos, suas misérias deflebant . Quod carmen à fletu ad ianuam , παρακλαυσίδιον vocat *Plutarchus* , qui de amantium moribus varijs differens, hunc etiam innuit de carmine flebili ad ianuam adamatæ mulieris & de Tibicina canente per vicum transeunte . Nec aliud voluit *Horatius* lib. 3. Od. 7. ad *Asterien* :

*Prima*

*Prima nocte domum claude : neque in vias  
Sub cantum querulę despice Tibię :*

*Et te sepe vocanti*

*Duram difficilis mane .*

Ideoque minus circumspectę *Dempsterus* in *Rosin.* lib. 3. cap. 31. illud putat à *Palmerio* solo annotatū esse , amantes ante dominarum suarum foras noctu Tibijs canere consueuisse . De hac amatoria cantilena *Ovidius* *Fast.* lib. 5.

*Primus amans carmen vigilatum nocte negata*

*Dicitur ad clausas concinnisse fores .*

Et ibidem :

*Ebrius ad durum formosę limen amica*

*Cantat . . . . .*

Hunc communem Adolescentum & Amatorum morem accedendi ad meretrices vel amicas suas media nocte cum Tibijs, declarat *Aelianus* *Var. Hist.* lib. 13. cap. 1. de Adolescentulis duobus qui audaces amatores & insigniter lasciuientes , media nocte ad *Athalantam* meretricem aduenerant : *Vtebantur autem in suo amatorio discursu non Tibicini- bus , neque ijs, quibus adolescentes in ciuitate uti consueuerant, sed tędis, quibus incensis & flagrantibus ad primum ignis conspectum vniuersus populus , nedum vna puella exhorruisset.* Verūm nos ad Tibiam nuptialem reuertamur , ad quam, choreis etiam destinatam , in nuptijs saltabant, ut ex *Euripede* patet in *Aulide* .

Quomodo in festiuitate nuptiali singula ad Tibiam acta, ad quam alij commensabantur, alij ridentes & ludentes saltabant, vide pluribus explicantem

*Hesio-*



*Hesiodum* in Scuto *Herculis* vers. 272. & seqq. *Tibiarum* hunc usum priscis *Græcis* vernaculum indicat *Homerus*, cum alibi sæpè, tum in cœlatura clypei, *Achilli* à *Vulcano* donati. Fingens enim in eo duas ciuitates, alteram pace florentem, alteram, bello vexatam, feliciorẽ illam describit festos dies agentem, vacantemque nuptijs & hilaritatibus, de quibus carmen *Interpretis* sic habet:

*In gyrum saltat pubes, quos flatilis inter*

*Tibia cum citharam modulamina dulcia fundunt.*

*Stant in vestibulis nuptæ spectantque choreas:*

Cœterum non ad solas choreas nuptiales restringebatur *Tibia*, ad alias etiam transijt quacunque occasione natas. Vt ille apud *Aristophanem* in *Vespis*, vbi *Tibiam* audiuerat, saltare tota nocte non desijt. Ita *Iuuenalis* Sat. 15.

— *Inde virorum*

*Saltatus nigro Tibicine.*

Vt adeo non inconuenienter de *Tibicinibus* *Phædrus* lib. 5.

— *Lepidum genus*

*Desiderari cœpit, cuius flatibus*

*Solebat excitari saltantis vigor.*

Et *Plautus* Stich. Act. 4. Sc. 7.

*Siquidem mihi saltandum est tum vos date, bibat, Tibicini.*

Quoniam choreas in conuiujs receptas excitauit *Tibia*, quod satis notum ex *Xenophonte* in *Symposio*. Manifestè rem declarauit *Propertius* lib. 3. El. 10.

*Sit mensæ ratio, noxque inter pocula currat*

Et

*Et crocino nares myrtheus ungat Onyx :  
 Tibia nocturnis succumbat rauca choreis ,  
 Et sint nequitia libera verba tue :  
 Dulciaque ingratos adimant conuiuia somnos ,  
 Publica vicinæ perstrepat aura via .*

Eiusdem consuetudinis non obscura prodit vestigia *Heliodorus Aethiop. lib. 5. Audis enim ut mulieres moræ causa & remissionis à potatione , choream instituerint . Nobis vero tuus error egregiè si volueris conuiuium traduxerit, suauior omni chorea & Tibia futurus .* Idem lib. 3. narrans illa quæ in conuiuiis fuerunt, choreas virginum, Tibicinas, armatam & pyrrichiam saltationem Epheborum, & alia cum quibus lautos & opiparos cibos Theogenes temperauerat, familiare & magis aptum compotationi conuiuium efficiens . In quacunque enim compotatione Tibicina etiam præcinuit modos , qui saltationis vigorem excitarent . Sic *Horatius lib. 1. Epist. 14. ad Villicum suum :*

*Nec vicina subest, vinum præbere, taberna,  
 Quæ possit tibi : nec meretrix Tibicina , cuius  
 Ad strepitum salias terræ grauis .*

*ἱερὴν* hæ Tibiæ appellantur *Polluci* , quæ paruæ erant utræque , & æquales, compotationibus enim conuenit æqualitas . Inter potandum Lusitani ad Tibiam saltarunt, referente *Strabone lib. 3. Et Thracæ ad Tibiam armatos saltare memorat Xenophon in conuiuiis Scuthæ .* Omnia quæ in hac armata saltatione obseruabantur ordine recenset *Athenæus lib. 1. & quomodo in illa corporis motum Tibiæ modis adaptabant, vide Maximum Tyrium Dissert.*

12. Doreſ , qui Siciliam incolebant, ad Ionicas Tibias ſaltare , idem teſtatur Diſſert. 21. Et Careſ non minus in choreis quàm funere Tibiam adhibuiſſe liquet ex *Ariſtophane* in *Ran*iſ Act. 5. ſc. 2.

*Καρικῶν αὐλιμάτων Ὀρίων , χορείων ,*  
*Caricæ Tibiæ modos in funere , & choreis .*

Erat etiam *γῆγγας* ad Tibiam ſaltatio idem cum Tibiæ modulatione nomen habens , ex *Polluce* lib. 4.

## CAPUT XIII.

## TIBIA in Conuiuijs .

**V** Eterum Romanorum epulis fides ac Tibias adhibere mos erat , ſi credimus *Quintiliano* Inſtit. Orat. lib. 1. cap. 14. Ideoque epularum ſolennium fides ac Tibiæ maioribus uſitata , decantantur *Ciceroni* L. III. de Oratore . Viguit autem ille mos frequens, cuius indicia plurimi ſuppeditant auctores . *Plantus* *Moſtellar*. Act. 4. ſc. 2.

*Hic quidem neque conuiuarium ſonitus , itidem ut antehac fuit ,*

*Neque Tibicinam cantantem , neque alium quemquam audio .*

Tibias cum Cithariſ conuiuijs deſtinat *Coint. Smirnaeus* *Dereliſtor*. lib. 5. De conuiuialibus hiſ Tibijs euolue *Athenæum* lib. 15. *Plantu* *Sticum* , *Theophraſti* *Caractères* morum, alioſque . Conſule quoque *Ælianus* Var. hiſt. lib. 7. cap. 2. & *Pafchalium* de Coron. qui lib. 2. cap. 2. tibicines coronatos in conuiuium induci ſolitos perhibet . *Petronius* inter

Trimalcionis delicias, neque has præterijſſe vide-  
 tur, ſi nonnullis interpretum eius fides ſit: *Cir-*  
*cumferebat*, inquit, *AEgyptius puer clibano argen-*  
*teo panem*, atque ipſe etiam *teterrima voce de La-*  
*ſerpiciario mimo canticum extorquet*. Nos ut triſtio-  
 res ad tam viles acceſſimus cibos, ſuadeo, inquit, *Tri-*  
*malcio, cœnemus*, hoc eſt ius cœnæ. Quidam Com-  
 mentatorum *teterrima* in *tenerrima* mutarunt & pro  
 minio etiam *mimo* ſubſtituere: Cui amplius *Gon-*  
*zales ex mimo, mimico* fecit, nimirum ut de Tibia  
 è Laſerpitij cœule perforato confecta, quam puer  
 inflaret, locum interpretaretur. Ita *Lotichius &*  
*Gonzales*, repugnante *Petro Laſena*, qui in Cleom-  
 broto ab his diuerſus eſt. Quippe ſi *AEgyptiacus*  
 puer circumferebat argenteum clibanum, quo pa-  
 cto Tibiam Laſerpitiariam inflare potis erat? ut  
 adeo canticum, quod hic extorquebat, non Tibiæ  
 ſonus, ſed vocalis muſica eſſet, id quod & ex præ-  
 cedentibus, de hiſce pueris, verbis demonſtrat. Non  
 igitur aliquid mutandum putat ex veteri lectione,  
 de *laſerpitio & minio*, vel ſi quid mutandum ſit,  
 pro *laſerpitiario*, quod nihil eſt, recipit & legit,  
 de *laſerpitiato minio*, ut ſit ſenſus, de *argutulo ac fu-*  
*cato labio canticum extorquet*. Cœterum vtut ſit,  
 conuiujs Tibiarum cantum interponebant, ut ani-  
 mos exhilararent, & ad voluptatem atque læticiam  
 vino debitam accenderent. *Xenophon* in *Sympoſio*:  
 Επει δὲ αὐτοῖς ἡ αὐλητρίς μὲν ἤυλησε, ὃ δὲ παῖς ἐκιδάρισε καὶ  
 ἐδόκει μάλα ἀμφοτέρω ἱκανῶς εὐφραίνειν, *Posteaquam*  
*Tibicina, & puer ceciniffent*, illa *Tibia*, hic *citha-*  
*ra*, viderenturque ſatis homines exhilaraſſe. *Scy-*  
tharum

tharum Rex Ismeniam tibicinem bello captum canere iussit inter pocula. Omnibus autem admirantibus & præ voluptate plaudentibus, iureiurando affirmavit, suavius se interdum equum hinnientem audivisse, ex *Plutarc. de fortun. Alexandr. Suide* κῶμος est Tibia, inter ebrios vino diutius durante irritans libidinem & inhonestum faciens conuiuium.

Moris huius cum Tibia epulandi vestigia etiam suggerunt Vetera marmora, quale est perantiquus ille lapis apud *Casaliū* in Splendor. Urb. Rom. c. 18. pag. 320. quem etiam ex vinea quondā Card. de Mōtealto adducit *Schach. Myroth. I. c. 33. pag. 308.* Et eius icon etiam videri potest apud *Oclau. Ferrariū* Re Vestiariar. par. 1. pag. 92. quam ex *Vrsino* ad *Ciacconij* Triclinium subiicit, in quo antiquus Tibiarum in conuiujs vsus videtur elucescere.

Notandum est ad conuiuia olim Tibicines in foro conductos ubi obsonia emebantur. Quod non obscure ex *Theophrasto* elicio, qui in *Notation. Morum: Cumque sibi opsonia emerit, & Tibicinas* (αὐλητρίδας) *conduxerit, ut cuique obuius fuerit factus, absonio illi ostendere & ad ea inuitare.* Conducti autem illi siue Tibicines, siue Tibicinæ, in foro vnà cum coquis, cuius rei testimonium ex *Plauto* dabo, *Aulular. Act. 2. Sc. 4.*

*Postquam obsonauit herus, & conduxit coquos,*

*Tibicinasque hasce ad forum, edixit mihi,*

*Vt dispartirem obsonium hic bisariam.*

Ideoque nonnulli ad Tibiam coquebant, quod de *Tyrrhenis Pollux lib. 4. cap. 7. ἡ τὴν ἀνὰ τὴν πόλιν*

Et Tibicines ad focos memorantur apud *Aristophanem* in *Acharnens.* Act. 3. Sc. 3.

Nec aliam ob causam à *Plauto* plerumque coqui & Tibicinæ coniunguntur. Vt *Aulular.* Act. 3. Sc. 3.

*Ite sane nunc iam intro omnes, & coqui, & Tibicine.*

*Etiā huc introduce, si vis, vel gregem venalium.*

*Coquite, facite, festinate nunc iam quantum libet.* Quippe obseruabis, coquos olim epulas quoq, ad Tibiæ sonum apparasse, quod à *StucKio* relatum, *Antiq. Conu. lib. 3. cap. 20.* Vnde *Eubulus* apud *Athenæum* lib. 9, ait moris fuisse, vt si quid peccasset coquus, Tibicen vapularet. Ita etiam preciosiores dapes mensis inferentes, solenni quadam pompa, Tibicinibus vrebantur, quod annotatum à *Pancirolo* de *Deperd. Tit. 51.* & euidenter confirmat elegans antiqui lapidis schema apud *Oflau. Ferrarium* de *Re Vestiar. par. 1. p. 186.* quod ex *Vrsini* Appendice in *Ciaconij* Triclinium exhibet, quale ex resū vidimus Romæ in Voluminibus Illustissimi Equitis *Caroli Antonij à Puteo.* Vbi expressè in conuiujs fercula præcedente Tibicine à ministris inferri videtur. Nec desunt ex veteribus Autores, apud quos nonnullos cibos præeunte & canente Tibicine inferri ac mensis imponi solitos fuisse legimus. Sic de Accipensere apud Romanos *Macrobius*, vt cum inter alios cibos lautos, & preciosos ille piscis apponendus esset, non nisi à coronatis ministris, cum Tibicinis cantu inferretur. Ita autem *Macrobius* *Saturn. lib. 3. cap. 16.* de Accipensere: *Apud Antiquos in pretio fuisse, ego testimonijs palam faciam: Vel*



eo magis quod gratiam eius video ad epulas quasi postliminio rediisse. Quippe dignatione vestra cum intersum conuiuium sacro, animaduerto hunc piscem à coronatis ministris cum Tibicine inferri. Factumque id Seuero Imperatore cœnante, ad quod auctoritatem eiusdem Macrobij repetam, qui paulò post subiungit: Hæc Sammonicus, qui turpitudinem conuiuij Principis sui (Seueri) laudando notat: prodens venerationem, qua piscis habebatur, ut à coronatis ministris inferretur cum Tibicinis cantu, quasi quadam non deliciarum sed numinis pompa.

Non prætereundum est Tibiam olim & in principio & in medio & in fine conuiuij esse adhibitam. Conuiuij signum illa dari solitum Virgilius videtur indicare Aeneid. 11.

*At non in Venerem segnes, nocturnaq; bella,  
Aut ubi curua choros indixit Tibia Bacchi,  
Expectare dapes & plenæ pocula mensæ,  
Hic amor, hoc studium.*

Et Aristophanes in Vespis.

Αυλητρίς ἐνεφύσησεν οἱ δὲ συμπίθαι

Εἰσὶν —

*Tibicina inflat, ecce conuiue tibi*

*Adfunt . . . . .*

Nec aliud idem innuit in Ranis Act. 2. Sc. 2.

Tuba militibus signum in conuiuijs datum est quando accumberent & surgerent, secundum Aelianum Var. hist. lib. 8. de conuiuijs, quæ Alexander militibus post victum Darium exhibuit.

In fine conuiuij Tibicinæ atque saltatrici, & reliquis spectaculis nō parum temporis datum esse cō-

clu-

cludo ex *Xenophonte*, in cuius *Symposio*, mensis ablatis ac libationibus Præneque absolutis, *Syracusanus* quidam ad commessationem accedit, qui secum & *Tibicinam* egregiam & saltatricem ex earum numero habebat, quæ mira quadam efficiunt, itemque formosum admodum puerum bellè canentem cithara & saltantem. Atque hæc ille miraculi loco exhibendo, pecuniam accipiebat. Isti pueri qui in cœna sic cantabant, symphoniaci appellati. *Macrobius* lib. 2. Saturn. cap. 4. *Delectatus inter cœnam erat pueris Symphoniacis*.

Nonnulli Tibiam in conuiujs admittere noluerunt, quemadmodum *Athenæus* lib. 15. de Platone, apud quem *Socrates* in *Protagora* abiectionum hoc esse dicit hominum, imperitorum atque circumforaneorum. Hi enim cum eam vim atque facultatē non habeant, ut urbana aliqua & eleganti colloctione tempus illud epularis accubationis traducere, & mutuis sermonibus animos suos hilarare possint: eius rei remedium à minis, & ab histrionibus & à vocum fidiumque cantibus petunt, magnis sumptibus conductis. At quas ad epulas boni atque eruditi conuiuæ conuenerint, in eis neque *Tibicinam*, neque *psaltriam* audiri, neque saltatricem spectari ullam: eos verò ablegatis eiusmodi nugis atque ineptijs modestè inter se & hilariter colloqui, neque vnquam deesse ipsis, de quo sermones iucundissimos conferant, etiamsi multam in noctem conuiuium producat. Itaque ex nobili illo apud *Agathonem* conuiuio eijsi *Tibicinam*, & aut sibi aut mulieribus iuberi canere. Vide *Muretum* Var. Lect. lib. 6. cap.

15. & *Dionys. Lambinum* in Corn. Nepot. in Epaminond. *Plutarchus* verò, qui *Sympos.* lib. 6. Problem. 6. Philosophos, Tibicinas, & comœdias in conuiuijs adhibuisse refert, contra *Platonis* testimonium superius allatum, *Xenophontis* auctoritatem adducit lib. 7. Probl. 7. & *Homericanarum* epularum exemplum, nec non alias rationes, quibus probat huiusmodi elegantiam, & oblectationē minimè esse conuiuio exturbandam. *Xenophon* enim qui *Platonis* æmulus fuit, in id conuiuium, in quo & *Socrates* esset, & *Antisthenes* & alij doctrina sapientiaque præstantes viri, non modo *Philippum*, excitandi risus artificem induxit, verum etiam sublati epulis *Syracusanum* illum commensatorem, cum Tibicina, & saltatrice, & formoso puero, qui & ipse cum saltando, tum fidibus canendo, summa eos, qui aderant, voluptate perfunderet. Notandumque pro *Plutarcho* contra *Platonem*, non à solis imperitis & circumforaneis Tibicines adhibitos, cū idem *Xenophon* lib. 7. Exped. *Cyri*, Tibiam memoraret in eo conuiuio, in quo & *Scyrhes* & præstantissima dignitate *Thraces*, & multi *Græcorum* Duces & Præfecti cum Legatis aderant. Præterea concludit *Plutarchus* *Symp.* 7. Probl. 8. nulla ratione licere, etiā si quis vellet, Tibiam à mēsa arcere; nam libationes eam flagitare vnā cum corona, & vbi præani accinens diuinum cultum absquirit, suauī cantu per aures transire, easque iucunda voce perfundere, quæ res tranquillitatem animi efficit, ita vt si quid tristitiæ & curarum mero non sit discussum, id cantilenæ concinnitate suauitateque sopiatur. Caneri

verò debere, ne Tibia modum excedat, nimiosque animo motus adferat, illumque sonorum modulorumque multitudine mollium, in transuersum rapiat.

## C A P V T X I V.

*Ad TIBIAM facta Conciones ad populum, carmina recitata, atque Heroum laudes in conuiujs & funeribus decantata.*

**D**E Caio Graccho memoratur, quod, cum impetu orationis sæpe raperetur extra se, & voce vteretur asperiori, vsus sit famulo quodam qui Phonaſcico instrumento, ita Tibiam illam vocabant, vocem eius moderaretur. Itaque quoties apud populum concionatus est, seruum post se musicæ artis peritum habuit, qui occultè eburnea fistula pronunciationis eius modos formabat; aut nimis remissos excitando, aut plus iusto concitados reuocando; Quia ipsum calor & impetus orationis attentum huiusce temperamenti æstimatorem esse non patiebatur, vt de ipso memorat *Valer. Maximus* lib. 8. cap. 10. Cæterum si audiamus *Gellium* lib. 1. cap. 11. nequaquam sic est vt à vulgo dicitur, canere Tibia solitum, qui ponere eum loquentem staret, varijsque modis tum demulcere animum, actionemque eius, tum intendere; *Quid enim*, ait foret ista re ineptius; si vt *Planipedi saltanti*, ita Graccho concionanti numeros & modos, & frequentamenta quædam varia tibicen incineret. Sed qui hoc com-

compertius memoria tradiderunt, ita referente, Gellio, stetit in circumstantibus dicunt occultitus, qui fistula brevi sensim graviusculum sonum inspiraret ad deprimendum sedandumque impetum vocis eius. Refervescente namque impulsu, & instinctu extraneo, naturalem illam Gracchi vehementiam non indignis opinatur, contra auctoritatem Ciceronis, qui fistulatorem istum utrique rei adhibitum esse à Graccho putat, ut sonis, tum placidis, tum citatis, aut demissam iacentemque orationem eius erigeret, aut ferocientem sævientemque cohiberet. Ita enim Cicero de Orator. lib. 3. Idem Gracchus, quod potes audire, Catule, ex Licinio cliente tuo, literato homine, quem servum sibi ille habuit ad manum, cum eburneola solitus est habere fistula, qui staret post ipsum occultè cum concionaretur, peritum hominem, qui inflaret celeriter enim sonum, quo illum aut remissum excitaret, aut à contentione reuocaret. Nimirum, quoniam in omni voce, fante Tullio, est quiddam medium, sed suum, cuique voci: hinc gradatim ascendere vocem, utile & suave est. Nam à principio clamare, agreste quiddam est: & illud idem ad firmandum, est vocem salutare. Deinde est quiddam contentionis extremum, quod tamen inferius est, quam acutissimus clamor, eò concionatorem, fistula progredi non sinebat, & tamen ab ipsa, contentione reuocabat. Est item contra quiddam in remissione gravissimum, quòque tanquam sonorum gradibus descenditur. Atque, hæc varietas, & hic per omnes sonos vocis cir-

, , sus , ad Tibiam attemperatus , & se tuebatur , & , , actioni afferebat svavitatem : Sed fistulatore , domi relinquendum , sensum autem huius consuetudinis ad forum deferendum svadet apud *Tullium Crassus* , qui huius fistulæ *Gracchi* rationem omnem nondum plane intelligenti *Iulio* exponit . Illi vsui adhibitam Tibiam , concionatoriam nuncupat *Gellius* lib. 1. cap. 11. *Ecce autem pro tibicina Laconica* , Tibiæ quoque illius concionatoriae in mentem venit , quam *C. Graccho* cum populo agente præiisse ac præmonstrasse modulos ferunt . Tonarion dicit *Quintilianus* lib. 1. cap. 10. *Vt uno interim contenti simus exemplo C. Gracchi* , præcipui suorum temporum oratoris , cui concionanti post eum consistens musici , fistula , quam tonarion dicunt , modos quibus deberet intendi , ministrabat . Ideoque hanc talem memorat *Plutarchus* lib. de Cohib. Ira , ad quam musici vocem per tonos varios formare solent : *Casio* quidem *Graccho* , qui & moribus erat austerioribus & in dicendo vehementior , fistula fuit concinnata , quali musici [ ἀρμονίῳ ] vocem paulatim in utramque partem per tonos deducunt , hanc eo orante servus tenens à tergo astabat , tonumque lenem suggerebat . Hinc fortasse Syntonator in Inscriptione quæ *Genue* extat apud *Canonicum Ferro* :

C . . . . . TVSTACTVS  
SVNTONATOR  
REGISTHOLOMEI  
L. VANN L

Hanc mihi *Romam* *Lugduno* in *Gallijs* transmisit  
D. Iaco-



D. Iacobus Spon, Vir in perscrutandis Antiquitatis ruderibus singulari genio præditus. Phonascicum instrumentum, φωνασκικὸν ὄργανον, Tibiam concionatoriam appellat *Plutarch.* in Gracch. Vnde quos *ἡρμῶνους* supra adducto loco dicit, qui vocem ad cantum huius flecterent & formarent, Phonasci Latinis sunt, ut *Suetonio*, & *Sidonio Appollinari* lib. 1. non sub phonasco vocalium meditatam acroama intonat. Cuius mentio in Inscriptione Antiq. apud *Gruterum* pag. 89.

TI. CLAVDIVS  
QVI. MACEDO  
PHONASCVS

*Tertulliano*, musicus monitor, alijs dicitur musicus præceptor, magister cantus & vocis modulator, quippe eius erat, præparare ab imis sonis vocem ad summas, monente *Quintiliano*.

Non solum concionem habenti ad populum modos certos dedit Tibia, sed & ad eandem Poetarum carmina recitata, quæ cantu remoto soluta esse videbantur oratio, maximeque id in quoquo Poëtarum, qui λυρικοὶ Græcis nominantur, quorum carmina, nisi Tibicen accessit, orationi sunt solutæ simillima, quemadmodum de ijs iudicat *Tullius* in Orator. Meminit & huius rei *Cratinas* Comicus, ὅταν Ἀδμήθου μέλος αὐτῇ. Vbi ad Tibiam cecinerit *Admeti* carmen. Vnde ad hunc *Horatii* locum lib. 1. Od. 1.

— si neque Tibias

*Enterpe* cohibet, nec *Polyhymnia*

*Lesbounm refugit tendere barbiton ,*  
*notat Christophorus Landinus: Si muse , quas per*  
*Euterpen, unam ex ijs, designat , non prohibent me à*  
*Tibia , id est à versibus, qui Tibia canuntur . Fami-*  
*liare autem id Lyricis fuit, inter quos Horatius lib.*  
*3. Carm. Od. 4.*

*Descende cælo & dic age Tibia*

*Regina longum Calliope melos .*

Ad alia etiam carmina transijt Tibiæ vsus , ea-  
 nempe quæ Heroas in conuiujs , & alios simul de-  
 mortuos in funere , laudandi gratia canebantur :  
 Quippe non Deorum solùm , sed Heroum etiam  
 laudes aliorumque , qui magni quicquam merue-  
 rant, Romani veteres Tibiarum cantu prosequēbā-  
 tur, vel etiam carminibus ad Tibiam accommoda-  
 tis laudabant . Prius confirmat *Horatius lib. 1.*  
*Od. 12.* antequam ad alios Heroas perueniat:

*Quem virum , aut Heroa, lyra, vel acri*

*Tibia sumis celebrare Clio ?*

*Quem Deum ? cuius resonat iocosa*

*Nomen imago .*

Præter Deos atque Heroas de *Melibæo Virgiliano*  
 idem perhibet *Calphurnius Eclog. 3.*

*Quare age , si qua tibi Melibæi gratia viuit ,*

*Dicat honoratos prædulcis Tibia manes .*

*Et parere decet iussis & grata iubentur,*

*Nempe fuit dignus senior quem carmine Phæbus ,*

*Pan calamus , fidibusque Linus , modulatibus Or-*  
*pheus*

*Concinerent : atque adla viri laudesque sonarent.*  
*Factum hoc præcipuè in conuiujs , vt pueri mo-*  
*destè*

destè cantillarent carmina antiqua in quibus laudes erant Maiorum, & assa voce & cum Tibicine, quemadmodum *Varro* inquit lib. 2. de Vit. P. R. apud *Nonium*. Ab ipsis conuiuiis atque accum-  
bentibus eundem morem obseruatum, mihi testis est *Cicero* lib. 1. *Tuscul.* Quæst. solitos esse, inquit, in epulis conuiuias canere ad Tibicinem de clarorum hominum virtutibus. Idemque lib. 4. *Tuscul.* confirmat ex *Catone*: *Gravissimus author in Originibus* dixit *Cato*, morem apud maiores hunc epularem fuisse, ut deinceps qui accumberent, canerent ad Tibias, clarorum virorum laudes atque virtutes. Quæ eadem à *Tullio* repetuntur in *Bruto*.

Coeterum cur ad Tibias maiores natu Romanorum in conuiuijs egregia superiorum opera carmine comprehensa pangerent, causam addit *Val. Maximus* lib. 2. quò nempe ad ea imitanda iuventutem alacriorem redderent. Et hoc significat euidentius conuiuium in honorem *Herculis* celebratum, in quod Tibias introducit *Heliodorus* *Aethiop.* lib. 4. Idque non minus festis quam profestis diebus factum est, quemadmodum ex *Horatio* discere est, qui lib. 4. *Carm.* Od. 15.

*Nosque & profestis lucibus, & sacris,*

*Inter iocosi munera Liberi,*

*Cum prole matronisque nostris,*

*Rite Deos prius adprecanti,*

*Virtute functos, more patrum, Duces*

*Lydis remisto carmine Tibüs,*

*Troiamque, & Anchisen & Almæ*

*Progeniem Veneris canemus.*

De Divum honore cum Tibiarum cantu atque  
lētitia populari iuncto, quod tamen sine curriculo  
& certatione corporum fieret, loquitur *Cicero* lib.  
2. de Leg.

Nec solum in conuiuijs honoratorum virorum  
laudes carminibus comprehendebant ad Tibiam  
cantatis, sed etiam vbi iusta funeribus eorum sol-  
uerent, Tibiarum vsus frequentissimus, vti suo loco  
vberius exponimus. Hic saltem antiquum illum  
morem, quod nēnia ad laudandos mortuos in fu-  
neribus ad Tibiam caneretur, confirmare placet  
ex *Cicerone* de Leg. qui lib. 2. *Honoratorum Virorū*  
*laudes*, inquit, *in concione memoranto, easque ad cā-*  
*tus ad Tibicinem prosequuntor: Cui nomen Nēnie:*  
*quo vocabulo etiam Greci cantus lugubres nominant.*  
Hęc carmina in funere non Heroum solum, sed &  
omnis generis & ætatis hominum, mortuos laudā-  
di gratia, cantata esse certum est ex *Festo*: *Nēnia*  
*est carmen, quod in funere laudandi gratia cantatur*  
*ad Tibiam.* Canebatur autem Nēnia hæc ad Tibiā  
à muliere in hunc finem conductā, quæ præfica dice-  
batur, de qua pluribus postea commentabimur.  
Hic tantum institutum nostrum erat monuisse lau-  
des Maiorum atque mortuorum ad Tibias canta-  
tas non in conuiuijs solum, in eorum honorem in-  
stitutis, sed & in exsequijs eorum celebrandis. Ita-  
que si ad carmina hæc, à Præfica in laudem mor-  
tuorum ad Tibiam cantata, attendamus, non diffi-  
cilis erit intellectu *Plauti* locus *Trucul. Act. 2. Sc. 6.*

*Sine virtute argutum ciuem habeam pro præfica,*  
*Quæ alios collaudare absentes sese verò non potest.*

Næ-

Nenia etiam de re læta accipi videtur, vt de carminibus quæ ludis Troicis canebantur apud *Varronē* lib. 4. de vita Pop. Rom. *Ibi à muliere quæ optima voce esset, Pergama laudari: deinde Neniam cantari solitam ad Tibias, & fides eorum, qui ludis Troicis cursitassent. Nisi forte hic laudabantur ij, qui ad Troiam occubuissent.*

## CAP V T X V.

## T I B I A in Funeribus, &amp; Luctu.

**M**ortuos ad sepulturam prosequi cum cantu oportere, plurimarum gentium & regionū instituta sanxerunt: Persuasione hac, si audiamus *Macrobiū* lib. 2. in Somn. Scip. cap. 3. qua post corpus animæ ad originem dulcedinis Musicæ, id est, ad cœlum, redire credantur. Ita etiam Tibia nostra, vt flebiles modos funderet, ad Funera & luctum apud Veteres aduocata est:

*Cantabat mæstis Tibia funeribus,*  
vt confitetur *Ouidius* Fast. lib. 6. Ideo ἀνλὸς πένθιμος *Polluci*, & ad Tibicines mitti dicuntur apud *Petronium*, ex lectione *Tornæsij* & *Erhardi*, ij qui desperata valetudine morti sunt proximi. Erat omnium formosissimū *Claudij* funus, apud *Senecam*, vbi *Tibicinum*, *cornicinum*, omnisque generis sonatorum tanta turba, tantus conuentus, vt etiam *Claudius* audire posset. Inde tracta similitudine *Corvū* quēdam, præcedente Tibicine, *Æthiopum* humeris elatum,



tum, tradit *Plinius* lib. 10. cap. 43. In funeribus enim & luctu Tibiarum vsus permagnus fuit, quem optimè exprimit *Nonnus* Dionys. lib. 49. de Tibicinibus Phrygijs, qui circa mortuos luctuosos ore cecinerunt:

Καὶ Κλεόχῃ Βερέκυνθες ὑπὸ σέμει δίζυγες αὐλαὶ  
Φρικτὸν ἐμυκίσαντο Λίβυν γόον 1. c.

*Et Cleochi Berecynthes sub ore gemine Tibiæ,  
Horribilem mugiebant Libycum luctum.*

De his consule *Alexand. Aphrodis.* lib. 1. Probl. 76. *StucKinm* Ant. Conu. lib. 3. cap. 20. *Alexandr. ab Alexandro* lib. 3. ca. 7. *Pinedam* in cap. 3. in *Iob.* vers. 8. & *Aringhum* Rom. Subterr. Tom. 1. lib. 1. cap. 18. aliosque.

Adhibebantur autem Tibiæ in funeribus atque luctu, ut hominum, mortuos lugentium, animi languentes eiusmodi sono excitati, minus dolorem sentirent, qui ijs oblectamenti facile distrahi soleant, quemadmodum suspicatur *Polyd. Vergilius* de Rer. Inuent. lib. 4. cap. 11. Et *Sextus Empiricus* Adu. Mathem. lib. 6. Vnde etiam, inquit, lugentibus modos canunt Tibiæ, quæ ijs luctum leuant. Contra verò apud *Euripedem* in *Alcest.* Tibia in luctu, tanquam lætitiæ instrumentum, omnino prohibetur:

Αὐλῶν δὲ μὴ κατ' αἶσιν, μὴ λύρα κτύπος  
Ἔσω, σελήνας δαΐδεν' ἐκπληρομένας

Οὐ γὰρ τιν' ἄλλαν φίλτερον θάψω νεκρὸν. 1. c.

*Tibiarum verò ne per urbem neque lyre strepitus  
Sit duodecim integris mensibus,*

*Non enim ullum aliud charius cadaver sepeliam.  
Familiarior tamen mos viguit, cum Tibys lugubre*



carmē ad vigilias & cantilenas personare mortuorum, ut corda torpentium excitarentur ad lamenta, ex mente *Paschasij Ratberti* in *Match.* 9. vers. 23. Vnde funereos modos dabant Tibicines. *Sedulius* lib. 3.

*Funereosq; modos tantu lacrymante ferebant*

*Tibicines, plangorq; frequens confuderat aures.*

Et funebres illæ Tibiæ carmen ferale decantabant, de quo *Claudianus* de *Rapt. Proserpin.*

*Si buxos inflare velim, ferale gemiscunt.*

*Cyprianus*, vel quicumque alius auctor libri de *Spectaculis*: *Alter lugubres sonos spiritu Tibiam inflante moderatur.* Quippe threni & lamenta ad Tibiam in funeribus canebantur, quemadmodum in veneratione Divina Hymni, in nuptijs Hymenæi, teste *Isidoro* lib. 2. c. 15. Ita etiam apud *Pollucem*, *τὸν αὐτὸν ἀδύμενοι θρήνοι.* *Didymus*, Elegiam, ait, esse luctuosum carmen ad Tibias decantari solitum. In exequijs *Pertinacis*, ut *Xiphilinus* refert, multi cecinere flebile carmen ad Tibias. Et hoc funebre carmen antiqui Nēniam propriè vocabāt, ut *Quintilianus* lib. 8. cap. 2. Et quamvis Nēnia pro Dea sumatur apud *Arnobium* *Adu. Gent.* lib. 4. in cuius tutela erant, quibus extrema tempora imminebāt, frequentius tamen apud Rōmanos id carmen, quod cum lamentatione extremum atque vltimum mortuo adcanebatur, Nēnia dicebatur, ex *Diomede Grammatico*. Illud conductæ precio mulier, quæ in funere aderat & Præfica dicebatur, ijs quibus propinqui non essent, mortuis exhibebat, referente *Nonio*. Vnde *Lucillius* *Sat.* 22.

*Mercede quæ*

V

Con-

*Conductæ flent alieno in funere Præficæ .*

*Id quod expressit Statius in Epicedio Patris:*

*Vt Pharios aliæ ficta pietate dolores*

*Migdoniosque colunt & non sua funera plorant .*

*Atque idem confirmat vetus Lapis Dempstero in Rosin . lib. 5. cap. 39. laudatus :*

P. ACTILIO. RVFFO. ET. ACTILIAE. BERONI  
CAE. VX. VIXERAT. ANN. XXIV. SED. PVBLI  
MENS. X. ANTE. NATVS. EST. ET. EADEM  
HORA. FVNGOR. ESV. AMBO. MORTVI  
SVNT. ILLE. ACV. ISTA. LANIFICIO. VI  
TAM. AGEBANT. NEC. EX. EORVM. BO  
NIS. PLVS. INVENTVM. EST. QVAM  
QVOD. SVFFICERET. AD. EMENDAM  
PYRAM. ET. PICEM. QVIBVS. CORPORA  
CREMARENTVR. ET. PRAEFICA. CON  
DVCTA. ET. VRNA. EMPTA. ATQVE  
INDVLGENTIA. PONTIFICVM. LOCVS  
DATVS. EST.

Illæ Præficæ , quæ sic ad lamentandum mortuum  
conductæ erant, dederunt cœteris plaugendi modū,  
quod innuit *Festus*, atque in funere nœniam laudâdi  
gratia cecinerunt ad Tibiam . Cuius vocis origi  
nem vt repetat idem *Festus* , esse dicit qui eo verbo  
finem significari putant : quosdam velle Nœniam  
inde dictam , quod voci similior sit querimonix flê  
tium : quosdam autem nœnię dictum nomen ab  
extremi intestini vocabulo ; Græci enim *νέτος* extre  
mum dicunt . Siue quod chordarum vltima *νέτου*  
dicitur , extremam cantionis vocem nœniam ap  
pel-

pellarunt. Græci virum qui munere Præficarum, functus est, προσωδόν vocarunt, cuius mentio apud *Euripedem* in *Phœniss.* vers. 1499. quam vocem, optimè interpretatur *Scholias*; nempe ordinare, planctus, ut idem sit qui apud *Festum* dat cœteris plangendi modum. Non solum funebre carmen cantatum est ad Tibiam ubi exequias celebrabant & iusta funeri soluebant, sed etiam, ut scribit *Lucianus* lib. de *Luct.* ipsæ in luctu iterari solitę pectoris tunsiones, attemperate sunt ad modos Tibiæ.

Apud *Euangelist.* *Mattheum* c. 9. vers. 23. οὐδυνταὶ adfuisse filiæ Principis illius demortuæ leguntur, ubi per ἄλλον θορυβόμενον, ipsæ Præficæ intelligendę. Quem locum ex Talmudicis illustrat *Lighfootus*. *Hor. Hæbraic.* in *Matth.* Quippe solenne id fuit Iudęis, Tibicines adhibere ad luctum mortuorum. A gentilibus Tibicines in funerum curatione, mutnatos fuisse Iudæos, *Ambrosius* lib. 8. in *Lucam* scripsit, & probat *Bartholomæus Mayerus*. *Chytræus* verò & alij hanc consuetudinem à Iudæis ad *Ethnicos* descendisse sentiunt. Quicquid sit, morem hunc antiquissimum fuisse constat; & eò magis, si apophtegma illud sacrum: *Cantauimus vobis Tibijs, & non salastis: lamentauimus, & non plorastis*, huc pertinet, quod *Sculteto* placet lib. 2. *Exercit. Euang.* cap. 55. Ideo *Baba Metsia* cap. 6: in *Misna*, Tibiam vel pro sponso vel pro mortuo esse dicit, eiusque vsum ad nuptias & funus restringit. Consule de ea re *Iosua Arndt* *Miscell. Sacr.* c. 27. Pauperrimus etiam inter *Israëlitas*, vxore mortua, præbere ei non minus quam duas Tibias & vnā

lamentatricem tenebatur; Sed si Idololatra Tibias  
 afferret Sabbatho ad domum ubi aliquis erat mor-  
 tuus, ad Tibias istas non debuit lugere Israëlita, ut  
 ex Talmudicis pluribus probat *Lighfootus*, Ieroso-  
 lymis, cum Ioppe capta, Iosephus occisus dicere-  
 tur, scribit ipse *Ioseph* lib. 3. cap. 15. captæ Iudææ :  
 πλείους μὲν οὖν τῆς αὐλητᾶς, οἱ θρήνων ἐξήρχον αὐτοῖς  
*multos conductos fuisse Tibicines, qui luctum incipe-*  
*rent.* Nec minus apud Græcos de functis αἰσιδὸς θρήνων  
 ἐξήρχε præsto fuisse constat, quod *Homerus* de He-  
 ctoris cadanere allato, alijque. *Appianus* lib. 1. Bell.  
 Ciu. Tibicinum magnam copiam adfuisse funeri  
 Schyllæ testatur. Eam ob causam apud Romanos  
 cum à nimio Tibicinum numero funera grauarentur,  
 nō plures in funere Tibicines esse quam decem,  
 voluere Decemuiui. Vnde in *Fragm. 12. Tabul.* in-  
 ter leges Xuirales etiam hæ sunt, quas *Cicero* lib.  
 2. de Leg. recenset: *Sumptum minuito, tria si volet*  
*reteinia, & vincula purpure, & decem Tibicines ad-*  
*hibeto, hoc plus ne facito.* Quorum doctam expli-  
 cationem qui desiderat, adeat *Ritterbussium* in Do-  
 decal. Classi. 1. cap. 4. & seq. Hoc idem tangit *Oui-*  
*dus* lib. 6. Fastor. de Tibicinibus:

*Adde quod Aedilis, pompa qui funeris irent,*

*Artifices solas iusserat esse decem.*

Adde quod Aedilis, *Gothofredus* correxit, *Editis,*  
 & mox, pro *iusserat*, reponit; *Ius erat.* At priorem  
 lectionem retinet *Sylvius* Comment. in Legg. 12.  
 Tabb. quia Aedilium curæ incumbibat, ut cauerent  
 ne quo alio more quam patrio & legitimo Dij co-  
 lerentur, teste *Livio* pluribus in locis: at hoc pa-  
 trium

trium erat in religione manium .

Huiusmodi Tibias funebres prisciſ temporibus  
 Flamini Diali audire non licuiſſe, *Festus* author eſt;  
*Funebres Tibia dicuntur cum quibus in funere cani-*  
*tur, quas audire Flamini Diali putabant illicitum.*  
 Qui tales funebres Tibias inflarunt, *Siticines* appel-  
 lantur Latinis, quod apud ſitos canerent, hoc eſt  
 vita functos & ſepultos, ſidem *Sicinnia Gellio* lib.  
 20. cap. 3. Græcis *τυμβαδων* nominantur, quemad-  
 modum *Eumenes* apud *Aelianum* Var. Hiſt. l. 12. c. 43.  
 qui patre inope & *Tymbaulo* fuiſſe creditur. *Chryſo-*  
*ſtomus* Orat. 49. refert, *Iſmeniam* ob hoc maxime indi-  
 gnari, quod *siticines* (*τυμβαδων*) appellarentur *Tibici-*  
*nes*; at nequaquam ſuo iudicio rem eſſe indigna-

tione dignam: nihil enim demortuis afferre detri-  
 menti *Siticines*, nec illis eſſe moleſtos. Hanc diſcordiam  
 inter *Tibicines* & *Siticines*, quos monumentarios *cerau-*  
*las* vocat, indicat etiam *Apuleius*, cum apud eum *Anti-*  
*genides* inſignis *Tibicen* indigniſſime tulerit hoſce  
 in *Tibicinum* numero cenſeri, *Florid.* lib. 1. *Is* igitur  
 cum eſſet in *Tibicinio* apprimè nobilis, nihil ſe  
 æquè laborare & animo angere & mente dicebat, quanti  
 quod monumentarij *ceraulæ Tibicines* dicebantur.  
 Notandum autem *Tibias* quas *Siticines* illi infla-  
 bant, à reliquis nonnihil diſſerſas fuiſſe. *Gellius*  
 lib. 20. cap. 2. *Nos autem*, inquit, in *Attei Capitonis*  
*contectaneis* inuenimus, *siticines* appellatos, qui apud  
*ſitos* canere ſoliti eſſent, hoc eſt, vita functos & ſepul-  
 tos, eos habuiſſe proprium genus *Tube* à cæterorum  
 diſſerens. Illam diſſerentiam notat *Galenus* lib. 3. de  
 Sympt. Cauſ. nimirum quod latiffimæ fuerint, quæ

ob materiam, ex qua constabant, purum sonum reddere non potuere, atque viæ, qua spiritus transijt, latitudo sonum efficiebat grauiorem: Porro alij sunt bombosi, bombis latissimarum Tibiarum non absimiles, quales habere solent ij, qui τυμβαδαι, i.e. Siticines, appellantur. Ideo Aristoteles lib. 4. Hist. Anim. tradit eos qui calido vtuntur spiritu talem emittere vocem, qualem siticines & lamentatrices grauiorem sonum inspirant Tibijs. Et hoc idem, satis confirmat Statius:

— Cornu graue mugit adunco

Tibia, cui teneros suetum deducere manes.

Kirchmannus de Fun. Rom. lib. 2. c. 5. Tibias illas cæteris latiores ac longiores fuisse memorat, quales in antiquorum sepulchris exsculptæ videntur, idque probat ex Ouidio lib. 2. Amor. El. 6.

Horrida pro mæstis lanietur pluma capillis

Pro longa resonent carmina vestra tuba.

Erat tamen aliud genus Tibiarum, ζυγρία αὐλοῖς, palmi longitudine, & stridulum atq. acutum, sed luctuosum, sonantes, quibus Cares in luctu utebantur. Querulus Lydij modus ferali Tibia cantatus funeri conueniebat, ex Apuleio lib. 4. Miles. & sonus Zygie Tibie, mutatur in querulum Lydij modum. Ita ex Aristoxeno tradit Plutarchus lib. de Music. primum Olympi funebre Tibia carmen in funere Pythonis Lydio ritu cecinisse. Vnde αὐλὴν πυθικὴν αὐλοῖς πένθος σημαίνει apud Artemidorum lib. 1. Tibiarum autem funebrium inuentores Statius Phrygas videtur assignare lib. 6. Thebaid. cui adstipulatur Pollux lib. 3. vbi addit etiam vsum illum Tibiarum fune-



funebrium à Phrygibus Cares accepisse, vnde illæ mulieres quæ Caricum illud melos ad Tibiam canebant, *Καρίαι θρηνησίδι μελοναί*, dicuntur *Hesychio*.

Cæterū an generalis hic fuerit in omnibus omnino funeribus Tibiarum vsus, adhuc sub iudice lis est. Sunt qui Tibias ad puerorum solum exequias restringunt. Ita *Seruius* in lib. 5. *Aeneid.* Sciendum maioris ætatis funera ad tubam solere proferri, minores verò ad Tibias. Nec aliter *Laclantius Grammaticus* in *Statium*: Iubet religio, ut maioribus mortuis tuba, minoribus Tibia caneretur. Quia hoc de minoribus umbris & teneris manibus asseruisse quodammodo videtur ipse *Statius*, *Thebaid.* lib. 6.

*Cum signum luctus cornu graue mugit adunco*

*Tibia, cui teneros suetum deducere manes*

*Lege Phrygum mæsta. Pelopen monstrasse ferebant*

*Exequiale sacrum carmenque minoribus umbris*

*Vtile . . . . .*

Atque hæc causa fuit, quod parum circumspectè nuper admodum *Oclavius Falconierius* in *Dissert.* de *Pyramide C. Cestij*, euincere conatus sit, figurâ, quæ ibi cernitur Tibias longas in manibus habere, ad *Instaurationem funeris* significandam non pertinere, quemadmodum cum summa verisimilitudine ex alijs ibidem existentibus figuris suspicatus erat Vir eximius mihiq̃ue amicus. Contra quem, sed frustra, prætendit *Falconierius*, Tibias non habuisse locum in sepulcro C. Cestij, quia illarum solum vsus erat in exequijs iuuenum. Verba eius in *Dissertatione*, Italico idomate scripta, ita habent: *Anzi quando voleffe auersi riguardo strettamente all' uso pro-*

proprio delle Tibie in tale occasione, potrebbe opporsi non aver'esse avuto luogo verisimilmente nel mortario di Caio Cestio, imperòche esse s'adoperarono solamente in quelli de' giouani, argumentandosi. ciò da quel verso di Stazio.

Verum enim verò, quemadmodum illis assentiri non possum, qui nimis angustos rei vbiq̃ue vstitissimæ limites adscribunt, quippe *Statius* cum dixit eam teneros deducere manes, neutiquam vsu eius in adultorum funere exclusit, cuius innumera exempla videmus; Ita neque in illorum sententiam transeo, qui solis plebeiorum funeribus tibiam concedunt, inter quos idem *Lactantius Grammaticus*, ideoque *Ovidium* ita cecinisse lib. 5. Trist. El. 1.

*Tibia funeribus conuenit ista meis.*

Tubam verò in funeribus potentiorum admittunt, ex *Propertio* lib. 2. El. 4.

*Nec tuba sit fati vana querela mei.*

Et lib. 4. El. ult.

*Sic mæste cecinere tuba cum subdita nostrum.*

*Detraheret lecto fax inimica caput.*

Eapropter in nobilium funeribus nullas Næcias cantatas esse, vult *Sylvius* Comment. in Legg. 12. Tab. quia exaudiri non possent, Tuba voces obtundente. At huic obiectioni mox satisfiet. Certum est in funere nonnunquam Tubam locum habuisse, de cuius forma vide *Magium* in Miscell. lib. 2. cap. 12. ceterum non ideò excludenda Tibia, cuius frequentior apud autores mentio occurrit, quã tubæ, & ad quam in omnibus funeribus næcia cantata, non in plebeiorum solis, cum illam in *Iul.*

Casa-

Cæsaris funere agnoscat *Suetonius* cap. 84. vbi Tibicines & scenici artifices vestem, quam ex instrumēto triumphorum induerant, detractam sibi atque descissam iniecere flammæ. Facile esset hoc latius pluribûs ostendere, nisi ex ante dictis satis pateret. Quapropter Tibias funeribus quibuscunque, nempe puerorum, senum, diuitum, pauperculorum, plebeiorum, & nobilium adhibitas censeo cum *Kirchmanno*, qui de Fun. Rom. lib. 2. cap. 5. hanc sententiam eodem quò *Magius* Miscell. lib. 1. cap. 13. probat argumento, quod nœniæ ad Tibiam cantatæ sint, communes autem omnibus funeribus nœnias putat. Sanè vero simile est nœniam in omnibus funeribus fuisse, vnde *Cicero* de Clodij funere in Miloniana: *sine cantu, sine Tibia*. Certè vbi defuit Tibia, nullam fuisse nœniam observo ex *Ouidio*, qui lib. 4. Fastor. de Tibicinibus qui Romam reliquerant:

*Exilio mutant Urbem, Tiburque recedunt.*

(*Exilium quodam tempore Tibur erat.*)

*Queritur in scena cava Tibia, queritur aris:*

*Ducit supremos nœnia nulla choros.*

Ad solas itaque Tibias nœnia cantata est, quas omnibus ferme funeribus assignatas, supra satis ostensum est. Sed eos, qui Tubas etiam ad nœnias pertinere existimant, refutat *Gutherius* de Iure Manium lib. 1. cap. 23. Nec Viri docti sententiam sequitur, qui ad Leg. 12, scribit Tubas nœniæ cōuenire si funus publicum esset, in quo quidem Tubæ admistæ ad dignitatem non ad nœniam. Mouetur Vir ille acutissimus *Propertij* effato lib. 4. El. ult.

*Sic mæstæ cecinere tubæ,*

Et *Epicteti* definitione, *quid est tuba? funeris deploratio*. Cæterum, ut opinionem *Gutherij* iam ineam faciam, illa deploratio nihil ad Næniam. Deplo-  
ratus enim idem est ac conclamatus, & Tuba verè  
est funeris conclamatio, cum luctus vltimi pompa  
procedit, quo tempore tubarum maximè strepitus  
excitabatur. Ut adco funebres Tibiæ, non tubæ, ad  
næniam spectarent. Ergo nec Tibiæ ad certa quæ-  
dam funera restringendæ sunt, nec tuba omninò à  
nonnullis excludenda.

## C A P V T X V I.

### T I B I A Nautica.

**I**N nauibus olim atque triremibus adfuit aliquis  
qui nauticum carmen cum modulatione & Ti-  
bia remigibus cecinit. Talem refert *Duris Sami-  
us* apud *Plutarchum*, & cum eo *Athenæus* lib. 12. in  
Alcibiadis navi, ab exilio redeuntis, Chryfogonum  
fuisse, qui Pythicam indutus stolam, ὅλην τὴν τριηρε-  
κὸν, carmen nauticum canebat, & quidem tanta ar-  
te remigum manus dirigebat, ut quum illi remo-  
rum pulsus cum Chryfogoni cantu coniungerent,  
iucundam audientibus redderent harmoniam, id  
quod & annotauit *Cæl. Rhodiginus* lect. Antiq. lib. 9.  
cap. 10. De hac Tibia luculentum est *Maximi Tyrij*  
testimonium *Dissert.* 23. *Quid in Musica bonum est?*  
*harmonia. Vnum aliquid est harmonia, multiplex*  
*vocum discordia. In triremi vnum aliquod est vox*  
*Tibiæ*

*Tibia* [ ἐν τριῖναις ἡ μὲν αὐλὴ, ἐν, ] *multiplex inobedientia*. Et apud eundem Diss. 31. in navi illa Regia, *Tibia fremitusque hominum & stridebat arundo*. Inde facile rationem assequi licet cur ex *Cicerone* lib. 2. de Natur. Deor. ille apud *Actium* pastor, qui navem nunquam ante vidisset, ut procul diuinum ac nouum vehiculum *Argonautarum* è monte conspexit, primò perterritus admiratur tantam molem, quæ labitur frenebunda ex alto, ingenti sonitu præ se undas voluens; deinde dubitat quæ sit ea natura, quam cernit ignotam: Postea iuuenibus visis, auditoque nautico cantu, *Sylvani* melo consimilem cantum ad aures ferri confessus est. *Aristophanes* in *Acharnens*. Act. 2. Sc. 5. inter navales tumultus, quibus plena esset Ciuitas Tibicines recenset, atque inter apparatus nauticum meminit etiam αὐλῶν, κελυσσῶν, νηγλάφων, συρμαμάτων, *Tibiarum, hortationum, carminum naualium, festularum*. νηγλαφοί, Interpretis genus musicæ modulationis esse dicit, quo remiges exhortabantur. Quod idem *Pollux* inter genera cantionum *Tibiarum* retulit, lib. 4. cap. 10. Tibiam autem, quæ ad hunc usum adhibita est, singulari nomine insignitam, τριπικδὺν αὐλὸν *Maximus Tyrius* appellat Dissert. 33. Vnde Tibicen Nauticus, qui Tibiam illam in triremibus inflabat, τριπράυλης dictus apud *Pollucem* lib. 1. cap. 9. & *Athenæum* lib. 12. *Symphoniaci* Latinis dicebantur, ut *Tullio* 1. in *Verrem*: Ab hac prefectus *Antonij* quidā symphoniacos seruos abducebat per iniuriam, quibus se in classe uti vellet dicebat. Cæterum τριπράυλην alium ac diuersum

fuisse ab Hortatore, vide multis probantem *Schefferum* de Re Navali Veter. ubi varia Tibiæ huius apud veteres usum illustrantia adducit, quæ apud ipsum petenda cuius relinquare satius duximus, quam huc alieno studio congesta transferre.

In Italia hodieque nautis in triremibus illud celeusma Tibia præcinitur in eum finem, ut æqualis & cuius occasione pro arbitrio aptus atque respondens sit navis cursus, ne diuerso ac multiplici remorum ictu impediatur. Nec diuersum vel alium huius Musices finem antiqui habuere, quam ut triremis à remigibus impelleretur ad Tibiæ modos, qui diuersas manus pari remigandi studio coniungebant, nam sublata Tibia opus illorum dissolui testatur *Max. Tyrius* Diff. 23. Ita etiam apud eundem Diff. 21. ἡ δ' αὐτὴ ὁ μὲν ἤρεσσον, οἱ δ' ἐμάχοντο : ἐνίκων δὲ αἰρω, ad Tibiæ modos remigabant alij, alij pugnabant; utrique vincebant. Vbi addit alium Tibiæ nauticæ usum, quem confirmat *Asconius Pedianus* in 1. Verr. Possumus intelligere ad hoc symphoniacos seruos capi solere, ut in classe, classicis pugnantibus canant. Priorem verò usum ad remos iusto ordine impellendos illustrat *Euripides* *Iphig. in Tauris*.

Καὶ σὲ μὲν πόντι' ἀργεῖα  
 Πάντη κλίντορος οἶκον ἄξει.  
 Συρίζω δ' ὁ κηροδέτας  
 Κάλαμος οὐρεῖν παγὸς,  
 Κώπαις ἐπιθωύξει. i. c.

*Te vero ò inclyta Argiva*

*Navis*



*Navis quinquaginta remis acta vehet domum  
Modulans verd cera compacta  
Fistula montani Panos  
Impellet sono remos .*

Effecit etiam nautica hæc musica , vt animos remi-  
gum suauī modulatione captos in obliuionem la-  
borum & maiorem tolerantiam deduceret , & tan-  
tos iuberet nescire labores . *Isidorus Orig. lib. 2.  
cap. 16. Siquidem & remiges cantus hortatur , ad tole-  
randos quoque labores musica animum mulcet , & sin-  
gulorum operum fatigationem modulatio vocis solat-  
ur .* Ita etiam *Censorinus cap. 49. Quo facilius supe-  
rent laborem , vel in navis motu à vectore symphonia  
adhibetur .* Atque hoc pacto nautæ cantu supera-  
bant marina discrimina . Excute *Petr. Chrysologum  
serm. 10. Nimirum , vt Fabius lib. 1. cap. 10. Musi-  
cen natura ipsa videtur ad tolerandos facilius labo-  
res , velut muneri nobis dedisse .*

## CAPVT XVII.

*TIBIARVM vis ad commouenda  
Bruta Animalia .*

**E**Cquid mirum si inter homines tanta musicæ  
dominatio est, cum ipsas quoque bestias, nec  
non & serpentes, volucres atque Delphinos ad au-  
ditum suæ modulationis musica prouocauerit , si  
adeamus *Isidorum Orig. lib. 2. cap. 16. cum aues  
quoque , vt lusciniæ & cygni aliæque id genus , can-  
tum veluti quadam disciplina artis exercent ;*  
Non-

Nonnullæ verò vel aues vel terrenæ seu aquatiles belluæ, inuitante cantu in retia sponte decurrant : & pastoralis fistula pastum progressis quietem imperat gregibus ? Nec mirum : inesse enim animæ mundanæ causas musicę, quibus est intenta, prædixit *Macrobius* lib. 2. in *Somn. Scip.* cap. 3. Quid de huiuscemodi exemplis dicendum, apud Autores varios reperiundis, in quibus non fabula sed veritas gloriam procreauit ? Vnde enim bestię sæpe immanes cantu flectuntur ? Cerni fistulis capiuntur ? Pisces in stagno Alexandria crepitu detinentur ? Cygnos hyperboreos citharæ cantus adducit ? Elephantos indicos organica permultos detineri voce compertum ? Fistulis aues allici comprobatum ? Fides delphinis amicitiam hominum per suadere ? Quid ? Cantibus allici disrumpique serpentes, si credimus *Martian. Capell.* lib. 9. Vnde enim, inquam, hæc omnia deducamus, nisi ad musicę suauitatem confugiamus eiusque insignem vini in animas mundanas, quibus illam cognatam Veteres voluere ?

Tibię cantu vsque adeo capiuntur Lybicę Equę, sicut testem habeo *Aelianum* de *Animal* lib. 12. cap. 44. vt huius blandimentis mansuescant & insultare ac lædere desinant, & quocunque eas canticularum blanditiæ inuitauerint, eò pastorem consequuntur : Quum ille insistit, hæ etiam gradum, sistunt ; Et si cantum contentiorem ad Tibiam cantat, tanta voluptate afficiuntur, vt lachrymas tenere non possint. Præterea ex *Enripede* refert, pastores, hymenæos ad Tibiam cantantes, ad venerē equas

equas incitare, atque etiam equos ad ineundas  
 fœminas incendere, additque: *τελῶνθαι μὲν ἵπποισι  
 γάμοι τον τρόπον τοῦτον, καὶ εἶοικεν ἱμέναιον ἄδειν τὸ  
 αὐλημα*, Ad hunc modum equing nuptiæ initiantur, ut  
 nuptiale carmen Tibia præcinat. Ibidemque memo-  
 rat, quod equorum pastores ex Rhododaphne arbore  
 pastoritiam Tibiam excanant, cuius sonoro inflatu  
 armentum deinulcent. Tibia hæc, qua pastores in  
 Equorum utebantur pascuis, ὑποπορφῶδες αὐλὸς di-  
 citur Polluci, ea erat è lauro delibata & emedulla-  
 ta, stridore peracuto atque hinnitum maximè re-  
 ferente, vti Scaliger lib. 1: Poët. cap. 4. Sanè hoc  
 genus animalium Tibiarum cantu insigniter exci-  
 tari, multi prodidere. Solinus cap. 45. Agrigentina  
 etiam regio frequens est equorum sepulchris, quod mu-  
 nus supremorum meritis datum creditur. Voluptatem  
 his inesse, Circi spectacula prodiderunt: quidam enim  
 equorum, cantibus Tibiarum, quidam saltationibus,  
 quidam colorum varietate, nonnulli etiam accensis fa-  
 cibus ad cursus prouocantur. Equos saltare ad Ti-  
 biæ sonum si assuefiant, docet Plinius lib. 8. cap. 42.  
 Equorum docilitas, inquit, tanta est, ut uniuersus  
 Sybaritani exercitus Equitatus ad symphonie cantum  
 moueri videatur. Et hinc illa Sybaritarum strages,  
 à Crotoniatis accepta, de qua Aristoteles, & Athe-  
 neus. Cum enim seirent Crotoniatæ Sybaritarum  
 Equos audito Tibiarum sono, in posteriores pedes  
 se erigere, pedibusque prioribus motus quosdam  
 gestusque exhibere ad numerum saltatorios; Con-  
 gressuri cum illis in pugna, militibus suis inni-  
 scuere Tibicines, quorum melodiam cum audiuis-  
 sent

sent Sybaritarum equi, non solum exsiliuerunt, verum etiam excussis fessioribus confugerunt ad Crotoniataras. Simile refert exemplum *Gasp. Schottus* *Physicæ Curios.* lib. 8,

Cerui etiam Tibijs mulcentur, si fides sit *Porphyr.* lib. 3. de non Nécand. Animal. *χρηλοῦνται μὲν ἑλαφοὺς καὶ οὐλοῖς*. De ijs memorabile exemplum perhibet *Aelianus* *Hist. Animal.* lib. 12. cap. 46. Nimirum apud Tyrrhenos, ceruus, uti & apros, cum retibus & canibus, ut venandi usus ferre solet, tum maxime musices adiumento capi. Quod quidem ipsum, quomodo fiat, porro explicat: Circumiectis retibus & cæteris instrumentis accommodatis ad faciendas bestiis insidias, collocatis, homo ad Tibiam canendi benè peritus (*ἀνὴρ ἀνλῶν τεχνίτης*) quoad fieri potest, omnem cantus contentionem remittit & relaxat, & quidlibet ad canendum suaue præclarè usurpat: Et sensim progrediente illo, in montium vertices & conualles, & densa frutetis loca, atque in omnia lustra ferarum & cubilia, Tibiæ cantus influit. Ac nimirum primò in eorum aures influentis soni insolentia ipsos terret: Deinde cum impotenti voluptate aures tenentur, tunc nullo negotio comprehenduntur, cantusque suauitate delin-  
ti, in eorum quæ procreauerint & domesticarum, sedium oblivione veniunt. Sic igitur Tyrrhenæ bestiæ paulatim tanquam suadæ illecebra ducuntur: Et quasi cantu perstrictæ in laqueos sese inferunt, quibus illaqueatæ comprehenduntur.

Luporum etiam impetum Pythocarem Tibicinè vehementi & concitato Tibiæ sono cohibuisse, au-  
thor

thor est idem *Aelianus* lib. 11. Hist. Anim. cap. 44. Porro, de Elephantis idem memorat *Strabo* lib. 15. quod nos supra de equabus Lybicis. Et illud amplius narrat *Aelianus* lib. 1. de Anim. cap. 11. saltare Elephantum ad numerum, Tibia audita demulceri, cursum tardare ad soni tarditatem, seque remittere ad remissionem Tibiæ: Rursus cum acutè sonans impellit, festinare, & omnia perfectè assequi discere. Mira sunt quæ de Asino scribit *Cardanus* lib. 10. Subtil. ex *Ioanne Africano*, teste oculato, circulatorum quendam in suburbio ciuitatis Chari Aegypti, nomine *Bebelloch*, singulis diebus Veneris (qui festi sunt Mahumetanis) Asinum habuisse, ita instructum, vt ad Tibiam saltaret, & voce in aurem insusurrata supinus sponte concideret, clausis oculis, inflareturque quasi venenum bibisset, nec minis adductum, nec verberibus, vt surgeret; blanditijs verò & spe vehendi formosas mulieres proposita, alacrem surrexisse, vbi verò audisset vehèdas esse aniculas, demissis auribus claudicasse, aliaque similia fecisse, quæ magnæ solertiæ indolem ostentarunt.

Non minus volucrum genus ad se trahunt suaves Tibiæ moduli, cuius rei insigne præbet testimonium homo ille apud *Max. Tyrium* Dissert. 37. qui animalia domi magno studio aluit. Inter alia aues habuit, quæ suauiter matutino tempore canebant, inconditè tamen vt reliquæ solent. Hæ cum quotidie audirent Tibicinem illum, qui artis suæ faceret periculum, respondere voce cœperunt, auresque earum ita ad Tibiam paulatim formauit, vt

Y

quo-

quoties inflare cœpisset , Tibiam voce præeuntem ,  
 vt in choro fieri consuevit, sequerentur omnes. Ma-  
 ximè verò turturem Tibia & saltatione capi credi-  
 tum est . Ideo AEgyptij hominem , saltatione Ti-  
 biarumque cantu gaudentem , notantes , turturem  
 pingebant , teste *Horo Apolline* in Hieroglyphicis  
 lib.2. Hierog. 51.

Ad Aquatilia etiam transijt hæc voluptas, Tibia-  
 rum suauitati debita , quæ inter crustacea Paguros  
 adeo allicit , vt facillimè hac rapiantur , referente  
*Gesnero Hist. Aqu. f. 121. & ante ipsum Aeliano de*  
*Anim. lib.6. cap. 31.* dum enim piscatores latenter  
 calamos inflant & Tibijs ludunt , Paguri vocem &  
 musicæ consensum exaudiētes, suauitate deliniti as-  
 sequuntur ad littora piscatores & in terram vsque  
 descendunt . Sic etiam Pastinacam marinam miri-  
 ficè Tibia delectari, & ita, dum voluptate tota mou-  
 cetur & nihil metuit, capi, ex *Oppiano* narrat *Gre-  
 ninus de Venen. lib.1. cap. 31.* Cui fidem facit *AE-  
 lianus de Animal. lib. 17. cap. 18.* Delphinorum  
 genus quantopere cantu & Tibijs delectetur lucu-  
 lentum affert testimonium *AElianus Hist. Anim. lib.*  
*12. cap. 45.* Mulcentur quippe musica ; gaudent  
 cantibus Tibiarum : vbicunque symphonia est ,  
 gregibus aduentant , quemadmodū de illis *Solinus*  
*cap. 12. & Plinius lib. 11. cap. 37.* Et propter hunc  
 musices amorem hominibus amicū animal esse  
 probat *Sextus Empiricus Adu. Mathemat. lib. 6.* So-  
 piuntur quidem , inquit , infantes numerosum audien-  
 tes susurrum : Et bruta demulcentur à Tibia & fi-  
 stula , & Delphini, vt fertur, Tibiarum delectati mo-  
 dula-



dulatione, adnatare ad eos qui remigant in scaphis.  
Hanc ob causam *ῥοῖαυλος Δελφίς*, Tibiæ amans  
*Delphinus*, Euripedi Electr.

## CAPVT XVIII.

De TIBIIS Mira quedam ab Anti-  
tiquis tradita, naturali ratione  
explicata.

**A**D mira referre & portentis proxima illa dice-  
re licet, quæ credula & superstitiosa antiqui-  
tas pro veris effinxit posterisque obtrudit, quæ ta-  
men, ita simpliciter sumpta, nulla se probabilitate  
commendant. Nonnulla fuere quæ ad Tibiarum  
occultam vim retulerunt, quæ tamen vel planè fa-  
bulosa crediderim; vel ex Tibijs inflatis forsan oc-  
casionem quidem habuisse, verum eo modo, quem  
illi non inuestigarunt, ne attigerunt quidem; vel  
denique ex alijs causis ipsis ignotis explicanda esse.

Fabulosis annumero, Cometam Tibiarum spe-  
cie visam Tibicinibus & arti musicæ malum porten-  
dere, quemadmodum creditum est referente *Plinia*  
*Nat. Hist. lib. 2. cap. 25.* Huic affinis alia erat su-  
perstitio Romanorum, qui crediderunt Lunæ Ecli-  
psin patienti, subueniri posse æris & pelvium tin-  
nitu, & cornuum ac Tubarum clangore, vnde *ara*  
*auxiliaria Lunæ*, dixit *Tibullus*. Quam rem pro-  
pius tangit *Iuvenalis Sat. 6. vers. 439.*

Verborum tanta cadit vis;

*Tot pariter pelues, tot tintinabula dicas  
Pulsari. Iam nemo Tubas, nemo æra fatiget;  
Vna laboranti poterit succurrere Luna.*

Præterea refert *Ælianus* Var. Hist. Lib. 13. cap. 21. si quis Celenis pelli Phrygis Tibia accineret Phrygiam harmoniam, pellem moueri: Sin Apollinis, quietam mutamque videri esse. Cæterum hic naturalis ratio subesse poterat, si consideremus modum, quomodo sonum, qui ad auditum propagatur, fieri commodè explicari potest; De quo constat 1. fieri quodam veluti in centro fluidi diuisionem ex duorum corporum collisione. 2. à centro percussione quaquauersum diffundi sensim motum, quem explicant Philosophi recentiores per motum undulationis conspicuum in aquæ superficie circa proiectum in eam lapidem. Et probatur Experimentis tum chordarum, quæ ad similitum similiter tensarum collisionem etiam sonum edunt, tum vitri, quod ad vocem humanam primo totum tremit, deinde dissilit, tum superficiiei aquæ itidem tremantis ad sonum. Vnde hoc vltimo experimento soluitur etiam illud quod de Tibiæ cantu prodidere, nimirum in Helesina regione fontem vocis dulcedine captum exsultare ad cantus Tibiæ. *Solinus* cap. 5. *In Helesina regione fons aliàs tranquillus & quietus si siletur, si insonant Tibiæ, exsultabundus ad cantus elenatur, & quasi miretur vocis dulcedinem, ultra margines intumescit.* Verum hoc non magis mirum, quàm quod de fonte falso in Basilica, Regni Neapolitani prouincia, scribit *Fulgosus* lib. 1. cap. 6. ad quem si accedas aliquid locutus, turbatur

turbatur alioquin clarus. Nimirum cum certum sit sonum nihil esse præter propagationem motus tremuli in fluido, non inter portenta & naturali ratione carentia referendum est, *pellem ad Phrygiam harmoniam Tibia cantatam moueri*, quippe quæ satis vehementem in medio fluido percussionem efficere poterat, & ita facile motum, supra explicatum, a centro percussionis ad pellem usque propellere, vel, *fontem, aliàs quietum, si insonent Tibiæ, turbari & circa margines intumescere*, cum hunc vocis & sonus vehementioris effectum satis sciant ij, qui in vallibus, vbi moles niuium è montibus cadentium timentur, interfacere sunt assueti. Nam ibi ne quidem loqui aut tussire audent, ne sonus vocis niues commoueat.

Inter prodigia multa facta, antequàm Aegyptus in prouinciæ formam à Romanis redigeretur, memorat *Dio lib. 51.* quod arma in nubibus apparuerint, & sonitus ab alia parte tympanorum, cymbalorum, & *Tibiarũ ac tubarũ voces.* [βοήματα αὐλῶν καὶ σαλπίγγων] Verum quomodo hi sonitus & simulacra alia, quæ inter prodigia solent numerari, nubium naturæ debentur, & quomodo absque portento in cælo apparere ac audiri possint, explicat *Cartesius de Meteor. cap. 7. §. 17.* Huc referendum aliud non à cælo, sed terra, petitum exemplum, quod suppeditat *Felix Faber lib. 2. de Reb. Sueu.* qui refert fontes ac thermas in Germania reperiri in montibus & scopulis, quæ tanto talique sonantiũ aquarum collisione & murmure cadunt, vt qui illic valetudinem curaturi conueniunt, primo thermarum in-

ingressu certum symphonix genus & instrumenta musica se audire sibi imaginentur, tamque assiduo fragore aures illis obtundantur, ut musica initio suauissima, imaginatione diuturna in fastidium & cruciatum abeat: ij verò qui tympanum sibi aut sonorum magis instrumentum imaginati sunt, demum penè insaniunt, ob molestissimum assidue obturbantem strepitum.

Denique nonnulla Tibiarum vi adscripserunt antiqui, quæ tamen illis deberi vix crediderim, sed ab alia causa, aliunde orta, hunc effectum fluxisse: Tale est quod de Nympharum insulis in Lydia dictis memoratur, quas in medium stagnum à continenti procedentes, cantu Tibiarum primò in circumlum moueri, dehinc ad littora reuerti, ipsius vetustatis persuasione compertum prodidit *Martian. Capella* lib. 9. Quas etiam Ludiano ritu *ὀρχήσας* visas esse testatur *Varro*. De iisdem *Plinius* lib. 2. cap. 95. *Sunt &*, inquit, *in Nymphæo parue (insulæ) saltuæres* (*Cl. Salmasius Leg. Saliæres*) quoniam in symphonix cantu ad ictum modulantium pedum mouentur. An hæc vera fuerit causa, ignorare cogor, saltem illas quasi natantes, ad hunc motum aptas, dicit *Seneca Nat. Quæst.* lib. 3. cap. 25. *Sunt enim multi pumicosi & leues, ex quibus quæ constant Insulæ, in Lydia natant.*



## CAPVT XIX.

*De Assa TIBIA, eiusque cum alijs  
instrumentis consonantia,  
symphonia.*

**D**E hoc multiplici Tibiarum apud Veteres usu, quem iam superius multis exposuimus, animaduertendum est, cum non eodem semper modo adhibitum esse. Interdum sola Tibia insonuit, quod *Assam Tibiam* dixere, interdum eadem coniuncta fuit vel cum cantu solo, vel cum cithara, quod *Synaulia* erat, vel cum cantu & pluribus alijs instrumentis, quod *Symphonia*.

Melos in cantibus est bipartitum: vnum quod est *assa* voce, alterum organicum. *Varro* de vita, P. R. lib. 2. apud *Nonium*: *In conuiuijs pueri modestè vt cantillarent carmina antiqua, in quibus laudes erant maiorum aut assa voce aut cum Tibicine.* *Assam* vocem quidam volunt à *Platone* *μεγαστήν* dici lib. 6. de Leg. quippe, qui nullis admistis musicis instrumentis sola voce utebantur, *assa* voce canebant. Non solum autem vox mera veteribus dicebatur *assa*, quæ sine Tibijs, sed etiam *assæ Tibiæ*, quæ sine voce canebant. *Festus*: *Assa Tibia, cantus est Tibiarum sine voce.* Nec aliter *Seruius*: *Assæ Tibiæ, quibus canitur sine chori voce.* Huc referendum illud *Ennij* laudatum *Varroni* lib. 6. de L. L. Apud *Ennium*, *Subulo finitimas propter astatat aquas; Subulo*

*bulo dictus, quod ita dicunt Tibicines Tusci. Rectè pretendit Scaliger hic legi debere: affabat. quippe assum, solum, merum est, vnde affare quoque veteres poetæ dicebantur, cum in vnum solum hominē poema conderent. Assam Tibiam Plutarchus vocat  $\psi\lambda\epsilon\nu$  μέρος Sympos. 7. cap. 8. Puto autem Marsyam illum à Deo castigatum, quia capistro & Tibijs cum os sibi præclusisset, ausus est assa Tibia ( $\psi\lambda\phi$  μέρεϊ) certare cum cithara & voce. Inde etiam Græcis  $\psi\lambda\omicron\kappa\iota\delta\alpha\rho\iota\varsigma\alpha\iota$  dicuntur, cum tantum καθαρίζουσιν vt Athenæo lib. 12. Atque ea ἄφωνα κρούματα nominat Pausanias, quæ erant sine voce.*

Coniuncta est autem non infrequenter Tibia cū cantu solo, quem ad Tibiam adhibitum iucundiorē multò iudicat Xenophon in Sympos. ἢ ὥδῃ ἢ δ' αὖν πρὸς τὸν αὐλόν. Ita Aristoteles Probl. Sect. 19. quaerit, cur solitarias cantilenas suavius audire solemus, si ad Tibiam, aut lyram vnā cantatur, non verò si ad plures Tibias? Scilicet an quia euidentius rem assequitur, cum ad vnā lyram vel Tibiā cantatur, ad plures verò suauitas seruari non possit, cum cantilena offuscetur, totaque penè deleatur? Cum alio aliquo instrumento consonuit interdum Tibia, sic apud Horatium Epod. 19.

*Sonante mistum Tibijs carmen lyra.*

Synaulia Athenæo dicitur lib. 14. lyrae cantus coniunctus cum Tibia: De coniunctione autem Tibiarum cum lyra, quia sepe nos & ipsa vtriusq; συναυλία demulcet. Scilicet ex Ephippo de Tibiarum & lyrae cantu musico refert, cum probè concordant, voluntatem percipi maximam. Postea ex Semo Delio explicat



plicat *Synauliam*, quod fuerit certamen concentus Tibiarum vicissim, ac rythmorum (*ἡ αὖ συμφωνία ἀμοιβαῖος αὐλῶν καὶ ρυθμῶν*) absq; illius sermone, qui voce Tibiæ modos emularetur. Plura etiã instrumēta musica cum *Synaulia* Tibiæ lyræque coniunxerunt. *Horatius* Carm. lib. 4. Od. 1.

*Illic plurima naribus*

*Duces thura, lyræque & Bercynthiæ*

*Delectabere Tibiæ*

*Mistis carminibus, non sine fistula.*

*Theocritus* Epigramma.

Αἷς πρὶ τῶν νυμφῶν διδύμοις αὐλοῖσιν αἶσαι

Αὐτὸ τι μοι; κήρῶν πακτίδι' ἀειράμενος

Ἀρξέω καὶ τι κρέκειν ὃ δὲ βούκαλος ἀμυγα δελεῖ

Δάφνης, κηροδέτω πνέματι μελωόμενος, i. e.

*Vifne, per nymphas, duplicibus tibijs cantare*

*Suaue aliquid mihi? & ego pectidem sumens*

*Incipiam aliquid sonare: bubulens autem simul oblectabit*

*Daphnis, cera compacto spiritu (i.e. fistula) modulans.*

Eleganter Tibiæ pluriumq; instrumentorum cū voce harmoniã consonã describit *Maximus Tyrius* Dissert. 16. Nescio an audieris unquã multa simul instrumenta, Tibiæ sonum, lyre vocem, chori cantum, cumq; his tubam simul fistulamque, & si quæ alia instrumentorum aut nomina aut genera sunt, cum humane vocis concentu unã inter se misceri. Quorum singula cum peculiari fiant arte, tamen ita temperata sunt cum singulis, communem ut efficiant Musam. Quod hic communem ex dissonis Musam vocat, alij consonantiam

tiam dixere, vel etiam symphoniam Latini. Macrobius lib. 2. in Somn. Scip. cap. 1. In quibus ita gravitati acumina consonabant, ut utrumque ad audientis sonum stata dimensione remearet, & ex varijs impulsibus unum sibi consonans nasceretur. Ibi-  
dem symphonias quinque recenset, quæ  
ad Musicam pertinent, quam vel  
flatus humanus intendere, vel  
capere potest humanus  
auditus.





# LIBER TERTIVS.

## CAPVT I.

### DE TIBICINIBVS:



ON possum assentiri *Aldo* minori; qui inter Tubicines & Tibicines nihil differre asseruit. Quippe cum Tibia & Tuba diuersa instrumenta fuerint, ita etiam suum cuique artifice nomen dedere. *Cicero* lib. 2. de Nat. Deor. fides & Tibias eorum causa factas monet, qui illis uti possunt. Itaque qui Tibijs utebatur, Græcis dicebatur αὐλητής, & κεράνη, αὐλητής, ex *Polluce* lib. 4. c. 9. tit. 6. *Seneca* Epist. 87. tibias, & reliqua instrumenta ad supellestem tantum artis refert, nec ad artem ipsam pertinere, sed effectum artis, posse enim artificem esse sine istis, dicit; Nihilominus tamen apud Latinos huiusmodi artifices non ex disciplina, sed ex ipsis potius instrumentis, cœpere vocabula. Nam citharædus ex cithara, vel Tibicen ex Tibia cæterisque sonorum instrumentorum vocabulis nuncupantur, quemadmodum inquit *Boethius* de Music.

lib. 1. cap. 34. Consentit *Charisius* Instit. Grammi.  
 lib. 1. *Tibicen*, *Tibicinis*, *media longa ex Tibia*.  
 Nec aliam nominis originem admittit *Isidorus*  
 Orig. lib. 2. cap. 20. *Hinc & Tibicen, quasi Tibia-*  
*rum cantor*. Et *Varro* de L.L. Lib. 5. *Tibicines à ca-*  
*nendo dicti*. Ideoque *Ouidio* *Tibicines* vocantur,  
*Turba canora*, *Fastor*. lib. 4. Et *Tibicinem* expri-  
 munt alij per hominem canere *Tibijs doctum*. Sic  
*Tacitus* Annal. lib. 14. *Destinatur reus cognomento*  
*Eucerus, natione Alexandrina, canere Tibijs doctus*.  
 Quomodo autem ex duobus alijs, nempe, *Tibia*,  
 & *canere*, hoc *Tibicinis* nomen in vnum coaluerit,  
 fusiùs explicant Grammatici Veteres. Ex *Priscia-*  
*no* lib. 1. sciendum est, quod pleraque nomina, quæ  
 cum verbis sine participijs componuntur, nomina-  
 tivi mutant extremam syllabam in *i*. correptam, vt  
*arma armipotens, homo homicida, cornu corni-*  
*ger, stella stelliger &c. cornu cornicen, tuba tubi-*  
*cen, Tibia Tibicen, pro Tibijcen; Tibia enim, in-*  
*quit, a in i debuit mutare, unde pro duobus ii*  
*brenibus una longa facta est*. Sic ergo *Tibia tibijcen*  
 faciebat, ex quo factum est *Tibicen*. Nec hoc so-  
 lum; Sed etiam aliæ vocales solent ex duabus sylla-  
 bis in vnā longā transire, vt *Priscianus* lib. 4. In-  
 de factum, quod *Tibicen* penultimā producat,  
 contra naturam *cornicinis*, & aliorum. Id quod  
 monet idem *Priscianus* lib. 17. *Sed etiam duo in vñ*  
*coeunt, vt Tibicen pro Tibijcen, unde & solum hoc*  
*ex similiter compositis penultimā productā habet*.  
 Interdū aliter hic *Tibicen* exprimebatur. Ita non  
 solum *Gingeriator*, vel *Gingriator*, *Tibicen* *Sexto Pom-*  
pcio

peio de verb. signif. dicitur, ab eo genere Tibiæ quod alibi exposuimus, sed etiã eidẽ, *Flator, Tibicen*. Vnde *Arnobius* Adu. Gent. lib. 2. *Tuba, Tibia, calamoq; Flatantes*, de Tibicinibus loquens. *Subulo* etiã Tuscẽ tibicen dictus, si audiamus *Festum*. Cum quo idem sentit *Varro* lib. 6. de L. L. *Subulo dictus, quod ita dicunt, Tibicines Tusci*. Non me latet *Tibicinis* nomen semper Tibiarum cantores non denotasse; sed nonnunquam ad alios eadem transijce denominatio. Apud *Sextum Pompeium* in Fragmentis, *Tibicines* etiã hi appellantur, qui Sacerdotes viri speciosi publicẽ sacra faciunt turbatarum Iustrandarum causa. Ex quo loco forsan explicari posset Antiqua illa, sed mutila, inscriptio, quæ *Sacerdotis Tibicinis Albij Verini* meminit, à *Grutero* è *Scaligeri* schedis allata pag. 30.

..... DOMVSQ. DIVI  
NAE. COLON. COPIAE. CLAVD. AVG. LVGD  
TAVROBOLIVM. FECIT. Q. AQVIVS  
ANTONIANVS. PONTIF. PERPETVVS

.....  
EX. VATICINATIONE. PVSONI. IVLIANI  
ARCHIGALLI. INCHOATVM. XII. KAL.  
MAI. CONSVMMATVM. VIII. KAL. MAI.  
L. EGGIO. MARVLO. CN. PARINIO. AE  
LIANO. COS. PRAEEVNTE. AELIO  
CIL. P..... CNS. SACERDOTE. TIBICINE  
ALBIO. VERINO.

Præterea etiã in ædificijs *Tibicines* appellantur *Festo* de Verb. signif. à similitudine Tibijs canentium, qui vt canentes sustineant, ita illi ædificia.

Vnde

Vnde *Vrbem tenui tibicine fultam*, dicit Poeta, & eodem nomine Atlantem nuncupat *Arnobius*, quia cœlum attingere serebatur & fulciri, *Adu. Gent. lib. 2.* Quando *siderum motus*, inquit, aut ratio *capta est genethliaca sciri*? non post *Tentatem Aegyptium*, aut post *Atlantem* (ut quidam ferunt) *gestatorem, baiulum, Tibicinem illum ac destinam cœli*. Eandem ob causam Tibicines etiam sunt textoria fulcra telam sustinentia *Hadr. Iunio*, imo & particulæ quibus versuum hiatus replentur.

Sed ad Tibicines reuertamur, qui Tibijs canebāt, & quorum omnis circa Tibias versabatur scientia, adeo vt, si ex oliua etiam modulatè canentes Tibiæ nascerentur, non dubitet *Tullius lib. 2. de Nat. Deor.* quin esset in oliua Tibicinis quædam scientia. Inter artes enim antiquitatis numeratum est Tibiarum studium, & Tibicines ipsi artifices dicti. *Cicero lib. 3. de Nat. Deor.* *Concedam non modo animantem & sapientem esse mundum, sed fidicinem etiam & Tibicinem, quoniam earum quoque artium homines ex eo procreantur.* Vnde etiam publicè Collegium habuerunt Tibicines Romani, de quo *Valer. Maximus lib. 2. cap. 5.* *Tibicinum quoque Collegium solet in foro vulgi oculos in se conuertere, cum inter publicas priuatasque ferias, actiones, personis recto capite, variaque veste velatis concentus edit.* Huc spectat antiqua Inscriptio, *Smetio visa*, apud *Gruterum pag. 175.*

COLLEGIO. TIBICINVM  
ET. FIDICINVM. ROMANORVM  
QVI. S. P. P. S.



TI. IVLIVS. TYRANNVS  
MVNIS. PERPETVVS. ET  
VLIVS. TYRANNVS. F.

H. C. D. D.

DEDICATVM. K. MART.

RSO. SERVIANO. II. L. FABIO. IVSTO. COS.

Tale etiam erat Collegium Aeneatorum, de quo  
alia exstat Inscriptio :

IMP. CAESARI

L. SEPTIMIO. SE

VERO. PIO. PER

TINACI. AVG

ARAB. ADIAB. PART

MAX. PONT. MAX.

TRIB. POT. VIII. IMP.

XI. COS. BIS. P. P.

COLLEGIVM

AENEATOR

De Collegio Liticinum & Cornicinum, nondum  
edita inscriptio exstat in marmore mihi Romę viso,  
cuius figurā exhibebo, vbi de Cornicine sermo erit:

M. IVLIVS VICTOR EX COLLEGIO  
LITICINVM CORNICINVM.

Hoc Tibicinum Collegium credo Apuleium anno  
tasse per *Tibicinum*, Florid. lib. i. de Antigenide :  
*Is cum esset in Tibicinio apprimē nobilis*, &c. imo &  
de

de Marſya : *Eo* (Hyagni) *genitus Marſyas* , cum in artificio patriſſaret *Tibicinij* , *Phryx* cætera & *Barbarus* . Sodales dicebantur qui eiſdem erant Collegij . Collegia illa Romæ primum inſtituta à Rege *Numa* , ſi credimus *Plutarcho* , qui refert eum , diuiſiſſe multitudinem ſecundum artificio , ut ſuum peculiare corpus haberent *Tibicines* , ſuum *aurifices* , *architecſti* &c. Porro unicuique generi ſuos peculiareſ conuentus & religiones præſcripſiſſe . Quibus autem ita permiſſum erat corpus habere , collegij vel ſocietatis nomine , eorum proprium erat , ad exemplar Reipublicæ habere res communes , arcum communem , & actorem ſive *Syndicum* , per quem , tanquam in Republica , quod cõmuniter agi & fieri oporteret , id ageretur , fieret , &c. Quippe potuere manumittere , legatum capere , & leges ſibi ferre , dummodo ne quid ex publicis legibus corrumpereſſetur , ut ex *Scenola* & *Paulo* annotat *Dempſterus* in *Antiq. Romanis* . Certè de tali *Tibicinum Procuratore* adducam elegantem ex *Grutero* Inſcriptionem , *Panninio* debitam , pag. 41.

DIANAE  
LVCINAE  
INVICTAE  
CN. POMPEIVS  
CN. LIB. BAL-  
BVS. PROCVRAT  
TIBICIN. ROM  
VOTO. SVSCEPTO  
L. M.

Non

Non enim me inoratur quod hic TVBIC. Aldus legat, cum non minus suum Procuratorem Tibicines habuisse extra controuersiam crediderim, ac reliqua huiusmodi Collegia, de quibus idem proditum exstat. Ita PROCVRATOR FABRORVM, apud eundem Gruterū Inscript. Pag. MDXV.

Tibicines diem festum anniuersarium publicè egerunt Idibus Iunijs: quo die illos, qui sacris præcinebant, per urbem vagari feriatos, & ad ædē Mineræ conuenire solenne fuit, ipsasque Minusculas Quinquatrus, quod diem quintum post Idus feriatum haberent, appellarunt. Varro lib. 5. de L. L. *Quinquatrus minusculæ dicte Iuniæ Idus à similitudine maiorum: quod Tibicines tum feriatati per urbem vagantur, et conueniunt ad ædem Mineræ.* A qua sententia non diuersus est Festus Pompeius: *Minuscula Quinquatrus, inquit, appellabantur idus Iuniæ: quod is dies festus erat Tibicinum, qui Mineruam colebant.* Hunc Tibicinum diem festum eodem modo describit Ouidius Fastor. lib. 6.

*Et iam Quinquatrus iubeor narrare minores:*

*Nunc ades ò cæptis flaua Minerua meis.*

*Cur vagus incedit tota Tibicen in urbe?*

*Quid sibi personæ, quid toga longa volunt?*

Plutarchus Idibus Ianuarij festum Tibicinum diem assignat: *Διὰ τὴν ταῖς Ιανουαρίαις εἰδικαῖς περιέναι δέσποτας τοῖς ἀλλήτοις τὴν πόλιν ἐξήτας συναικίας ποροδύτας.* Quē locū omnino ita emendandum cenlet Carolus Neapolis in Ouidium, *Διὰ τὴν ταῖς Ιουνίας εἰδικαῖς.* In nemine enim reperiri tale quid celebratum mense Ianuario. Cæterum Hadrianus Iunius Comment. de

Anno & Mensib. *Idibus Ianuarij* Tibicines festum diem agere multa lasciuia ac licentia, muliebri habitu per urbem grassantes, scribit; sed *Idibus Iunij* Tibicines feriatos per urbem vagantes ad ædem Mineræ conuenire. De posteriori festo addam ego adhuc testimoniū *Censorini* de die Natali c. 12. *Non Tibicinibus, per quos Numina placantur, esset permissum, aut ludos publicè facere, ac vesci in Capitolio, aut Quinquatribus minusculis, id est, Idibus Iunijs, urbem vestitu, quo vellent, personatis temulentisque peruagari.* Quippe Epulandi in publico decantandique ius etiam habuerunt Tibicines, quod, ipsis ab Appio Claudio Cæco ademptum, ut *S. Auel. Victor* de Vir. Illustr. postea occasionem dedit ut & ista licentia redderetur, & anniuersarium festum atque publicæ priuatęque feriæ ipsis concederentur. Rem illam omnem, ut gesta est, enarrat *Valer. Maximus* lib. 2. cap. 5. Quondam enim vetiti in æde Iouis, quod prisco more factitarunt, vesci, Tibur irati se contulerunt. Quorum ministerio Senatus deserta sacra non equo animo ferens, per Legatos à Tiburtinis petijt, ut eos Romanis Templis restituerent. Quos illi in proposito perseverantes, interposita festæ epulationis simulatione, mero & somno sopitos, plaustris in Urbem deuehendos curauerūt: Quibus & honor pristinus restitutus, & huiusce lusus ius est datum, nempe in foro vulgi oculos in se convertere & personis tecto capite variaque veste velatis concentus edere. Ex *Linio* lib. 9. cap. 30. eandem historiam suprà retulimus lib. 2. cap. 7. quā etiam fusè persequitur *Onidius Fastor.* lib. 7.

Temporibus veterum Tibicinis vsus auorum  
 Magnus, & in magno semper honore fuit.  
 Cantabat fanis, cantabat Tibia ludis :  
 Cantabat mæstis Tibia funeribus .  
 Dulcis erat mercede labor ; tempusque secutum est ,  
 Quod subito gratæ frangeret artis opes .  
 Adde quod A Edilis, pompa qui funeris irent ,  
 Artifices solos iusserat esse decem .  
 Exilio mutant urbem, Tiburque recedunt .  
 (Exilium quodam tempore Tibur erat)  
 Queritur in scena cæca Tibia, queritur aris :

Ex mox :

Servus erat quidam quantolibet ordine dignus  
 Tibure; sed longo tempore liber erat .  
 Rure dapes parat ille suo, turbamque canoram  
 Conuocat : Ad festas convenit illa dapes .  
 Postea pergit Ovidius :  
 Allicium somnos tempus, motusque, merumque :  
 Totaque se Tibur turba redire putant .  
 Iamque per Esquilias Romanam intrauerat Urbem,  
 Et manè in medio plaustra fuere foro .  
 Claudius ut posset specie numeroque Senatum  
 Fallere, personis imperat ora tegi ;  
 Admiscetque alios , & ut hunc Tibicina cæcum  
 Augeat, in longis vestibulis ire iubet .  
 Sic reduces bene posse tegi , ne forte notentur  
 Contra college iussa redisse sui .  
 Res placuit; cultuque nouo licet Idibus uti ,  
 Et canere ad veteres verba iocosa modos .  
 Hic variant variorum Lectiones . Quidam legunt:  
 Callidus ut posset . Alij : Cautius ut posset . Sed

*Pigbio* assentitur *Carolus Neapolis*, qui scribit: *Plautius ut posset*. Hic enim collega fuit *Appij Claudij*: quem magis verisimile est operam dedisse, ut *Tibicines* in integrum restituerentur, quàm *Appium Claudium*, qui illos non semel offenderat, quidpiâ illis indulgisse.

*Zeno Citteus*, apud *Plutarchum*; adolescentes ad *Tibicinum* spectaculum acciuit: ut discerent qualem cornua, calami, & si quæ alia proportionis & concentus consortium habent, vocem emittant. In Græcia autem fuisse celeberrimi huius artis magistri, qui magna cum gloria floruerunt. Unde apud *Athenæum* lib. 14. ex *Polybio* lib. 30. exercitus *Romani Imperator Lucius Anitius*, debellâti *Illyrijs*, & Rege cum liberis capto, atque *Romam* abducto, ludis victoriæ causa editis, quovis risu digna multa fecisse ac excogitasse dicitur. Nam accersitis è Græcia clarissimis artificibus, extructaque in circo maxima scena primos induxit *Tibicines* simul omnes, *Theodorum Bæotium*, *Theopompum*, *Hermipum*, *Lyfimachum*, in Græcia celeberrimos. Ex *Strabone* lib. 14. *Magnates Viri illustres* fuerunt *Hegesionax*, Princeps *styli* qui *Asianus* dicitur, cum corrupisset receptam consuetudinem *Atticam*: Tum *Simon Tibicen*, qui & ipse vitiata priorum *Lyricorum* consuetudine, *simodiam* introduxit. Ita etiam Pater *Pindari Lyricorum Principis* erat *Scopelinus Tibicen*, si credimus *Gyrardo de Hist. Poët.* Parem enim summis in alijs artibus viris gloriam assequuti sunt *Tibicines*, quod ex *Epigrammate Incerti Autoris* constat, in *Florileg. Epigr. lib. 3. cap. 8. vbi*

Tele-



Telephanus quidam Tibicen, non minorem laudem Tibijs consequutus esse dicitur, quàm Orpheus cithara, Nestor linguæ suavis sapientia, & compositione verborum Homerus. Quippe in Græcia ars Tibicinum utique magnæ laudi fuit, adeo ut Magistratibus Atheniensium, qui Reipublicæ præfuere numero decem, quinque in Pyræo, totidemque in Vrbe, cura etiam Tibicinum immineret, quod refert *Alexand. ab Alexandro* Gen. Dier. lib. 3. c. 16. Ideoque in Epaminondæ virtutibus commemorabatur, cum scienter Tibijs cantasse. Cæterum non omnibus eadem honesta atque turpia sunt. Nam illa ars ad Romanam consuetudinem leniserat & potius contemnenda. Sic *Corn. Tacitus* lib. 14. de Octavia Messalinæ filia loquens: *An quia, ait, veram progeniem penatibus Cesarum datura sit, malle Pop. R. Tibicinis Aegypti sobolem imperatorio fastigio induci?* Nempe propter Pompeium qui Tibicinis filius credebatur. Sane *Iuvenalis* inter abiectissimæ plebis viliores faciem huiusmodi homines reponit Sat. 3.

*Quondam hi cornicines, & municipalis arene  
Perpetui comites, notæque per oppida buccæ.*

An serui fuerint apud Romanos Tibicines non determinat *Pignorius* Comment. de Seru. saltem non dubitat, quin familiares & vernaculi fuerint, cum præsertim à grege domesticorum, ut ait, *Fistulator amanuensis* Graccho orationem habenti eburneolam fistulam inflaret, ad quam ille vocem & gestum componeret. Cæterum quin illè ex Seruorum ordine fuerit dubitari non potest, cum expressè *Ser-*  
uum

vum illū nominet *Cicero* lib. 3. de Orator. & *Πλάτων*, *Plutarchus* de Cohib. Ira. *Servos* itaque apud Romanos *Tibicines* fuisse, liberè pronunciare licet, cū & idem suadeat *Tibicen Nauticus*, qui *ἑὺχος* est *Demosteni* in Orat. de Corona. Et *Cicero* in Verrem, *Symphoniacos servos in classe* memorat. Inter mancipia & vilioris conditionis homines huiusmodi numerat *Capitolinus* in Vero: Adduxerat secum & *fidicines* & *Tibicines*, *histriones*, *scurrasque*, *mimarios* & *prestigiatores*, & omnia mancipiorum genera, quorum *Syria* & *Alexandria* pascitur voluptate. De Arabico *Tibicine* proverbiū vetus olim increbuit, eum ad canendum obolo conducī, sed ad tacendum tribus. Quippe non ita lauta re fuisse videntur, ex *Martiale* lib. 5. Epigr. 57.

Artes discere vult pecuniosas?

Fac discat *citharædus* aut *choraulus*.

*Tibicines* tamen inferiores fuisse *citharædis*, author est *Cicero* pro *Muræna*: Vt aiunt in Græcis artificibus eos *aulædos* esse, qui *citharædi* fieri non potuerint. Ab alijs, improbis moribus, hoc hominum genus describitur. Ita apud *Plutarchum* in *Pericle*, *Antisthenes*. audiens *Ismeniam* esse *Tibicinem* optimum, at nequam est, ait, non enim si probus esset, *Tibicen* esset. Apud *Gellium* lib. 20. cap. 4. dines quidam *Adolescens*, *Tauri Philosophi* discipulus, *Comædos*, *Tragædos*, & *Tibicines* in delicijs & delectamentis habebat. Id genus autem artifices Græcè appellantur οἱ περὶ τὸν Διδύμου τεχνῖται. Eū *Adolescētem* *Taurus* à sodalitatibus conuictuque hominum scenicorum abducere volens, misit ei verba ex *Aristote-*

stotelis libro exscripta, qui *προβλήματα ἐγκύκλια* inscriptus est: iussitque ut ea quotidie legeret, quæ Latio donata ita sonant: Cur genus id hominū, quos *Dionysiacos*, idest, *Bacchanales* artifices appellamus, improbis esse moribus magna ex parte cōsueverunt? An quia minimè sese studio sapiētiæ dedunt? eò scilicet quod in artibus necessarijs magnā partem ætatis suæ consumunt, vitam plurimū traducunt incontīnēter, partim etiam cum inopia, quod quidem utrumque vitia & gignit & auget.

Nec honestiores apud Romanos Tibicinæ, quæ venales olim in cōuiujs, tanquam ad hastam publicam, proponebantur: & qui maius pretium offerret, solus eis ex libidine fruebatur, quod ex *Athenæo* constat lib. 13. Et apud eundem lib. 14. *Lyfismachus* inquit: At ego nusquam apud me egressam vidi ē tragica scena meretricem, innuens τὴν αὐλητρίδα λαπίαν, *Lamiam Tibicinam*. Nonnulli *Ambubaia*s Tibicinas *Syriaca* lingua putant dici. *Papias* in Onomastico: *Ambubaia* mulieres, *Tibicina* *Syriacæ*. Erant *Ambubaia* mulieres vagæ & viles, quibus nomen ab ebrietate verborum balbutientium inditum esse alij volunt. De illis *Horatius* lib. 1. *Serm.* Sat. 2.

*Ambubaiarum* collegia, *Pharmacopola*,  
Mendici, mimæ, balatrones, hoc genus omne  
Mæstum ac sollicitum est cantoris morte *Tigilli*.

*Suetonius* in *Nerone* cap. 27. *Ambubaiarumque* ministeria. Vocem hanc *Hebraicam* & *Chaldaicam* esse dicit doctissimus *Iosephus Scaliger*, *Tibicinemque* denotare.

De Tibicinibus alia hic tacebo, quę in toto operis huius contextu occurrunt. Hic solum addam, morem antiquum Tibicinibus vsitatum, qui ingressi scenam oscula iactabant, ori prius manu admota, deinde protensa in eos quos adorabant, quod factum à Nerone innuit *Tacitus*, loquens de eo citharædum agente lib. 16. *Annal. Postremo flexus genu, cætum illum manu veneratus. De Tibicine Phædrus lib. 5.*

*In plausus consurrectum est, iactat basia*

*Tibicen . . . . .*

Iactare basia alij explicant, quasi adorare populum, ex veteri Epigrammate :

*Ingressus scenam populum saltator adorat,*

*Et Iuvenale, apud quem Sat. 3.*

*A facie iactare manus,*

idem est quod adorare. In huiuscemodi adoratione, ad populum facta, vtrumq; coniungit *Tacitus*, nempe, & protensas manus, & oscula iacta, *Histor. lib. 1. Nec deerat Otho, protendens manus, adorare vulgum, iacere oscula.*

## C A P V T II.

### *Marsya TIBICINIS Fabula.*

**A** Marsya nonnulli Tibiam aiunt inuentam, inter quos *Eusebius* de præparat. *Euang. lib. 2. c. 4.* sed quo iure ipsum autorem Tibiæ clamitent, suo loco diximus, Nimirum à Minerva abiectas Tibias reperit, quibus superbiens & nimium fidens arti  
sux

suæ ad certamen Apollinem prouocauit, sed superatus stultæ arrogantiaæ pœnas dedit. De illo ita *Ouidius* *Fastor.* lib. 6. ubi de Tibia loquitur:

*Inuentam Satyrus primum miratur: at vsum*

*Nescit & inflatam sensit habere sonum.*

*Et modo dimittit digitos, modo concipit auras;*

*Iamque inter Nymphas arte superbus erat.*

*Prouocat & Phœbum, Phœbo superante pependit*

*Cæsa recesserunt à cute membra sua.*

Quinam autem fuerit ille Marsyas variant inter se Autores. Quidam Hyagnidis, qui primus leges Musicas ad laudes Deorum, quibus in solemnitatibus Græci vsi sunt, accommodauit, filium fuisse volunt, vt *Apuleius Florid.* lib. 1. Cum quo paria prodidit *Nonnus Dionys.* lib. 10.

Μυγδῶνος ἀυλητῆρος ὁ ἴστο βακχος ἀκούει;

Ὁν τέκε θεὸς ὕαγνις, ὃς εἰς κακὸν ἤρισσε φρίβει

Τρητὸν ἐπιτλήων διδουμένῳρον ἀυλὸν Ἀθηνῆς ι. εἰ

*Bacchus putabat se audire Tibicinem Mygdonium;*

*Quem genuit Hyagnis, qui in perniciem suam certauit cum Apolline,*

*Foratilem duplici sonitu Tibiam Minervæ inflans.*

Hyagnidein alij natum Marsya contendunt. Oeagræum Marsyæ Patrem dicit *Hyginus*. Marsyam pro Olympi filio habere videtur *Strabo*, cui accedit *Apollodorus*. Cæterum Olympum discipulum Marsyæ tradit *Tzetzes* 1. Chil. 15. Quò respexit *Ouidius* de Pont. lib. 3. El. 3.

*In Phryga nec Satyrum talis Olympus erat.*

Nimirum quia Olympus Marsyæ discipulus ferebatur, & *Ouidius* erat præceptor amoris. Quicquid de-

num de hoc sit, illud constat, Marsyam quondam esse ausum

*contraria Phæbo Carmina.*

Quemadmodum Statius lib. 5. Sylu. El. 3. Scilicet prouocauit Apollinem certaturum de cantibus, Mida Rege pro iudice electo, vt Fulgēt. lib. 3. Myth. Cæterum quia sola Tibia vsus paria cum Apollinis cithara, cum voce coniuncta, facere non potuit, inferior certamine decessit. Id quod innuit Statius Thebaid. lib. 1. vers. 699.

*Tu Phryga submittis cithare.*

Victum etiam Marsyam cōfiteatur Iuuenalis Sat. 10.

*Scire velim quare toties mihi Næuole tristis*

*Occurras fronte obdusa, cen Marsya victus.*

Præterea Apuleius Florid. lib. 1. aliud stultitiæ maximum specimen de Marsya refert, qui priusquam Tibias occiperet inflare, prius de se & Apolline deliramenta quædam barbarè effutit: laudans sese, quod esset & *coma relacinus & barba squallidus & pectore hirsutus & arte Tibicen & fortuna egenus*, contra Apollinem aduersis virtutibus culpabat. Ideoque prodidit Diodorus Siculus lib. 3. victorem Apollinem contentione nimium exacerbatum viuo pellem detraxisse, & deinde citharam Tibiasque in antrum Bacchi intulisse. Historiam huius certaminis & Marsyæ superati referunt, Philostratus Iunior in Iconibus, Io. Tzetzes Histor. Chil. 1. num. 15. Nonnus Dionys. lib. 1. Archius in Florileg. Epigr. lib. 3. cap. 8. Inter alios Ouidius Metamorph. lib. 6.

— Satyri reminiscitur alter,

*Quem Tritoniaca Latens arundine victum*

*Affe-*



*Affecit pœna. Quid me mihi detrahis? inquit.*

*Ab piget: Ab non est clamabat Tibia tanti!*

*Clamanti cutis est summos direpta per artus.*

Detracta autem pelle, è proximæ ac parulæ pini ramo excoriatus suspensus est, vti pœnam Marস্যæ commemorat *Apollodorus* lib. 1. de Deor. Orig. Quò alludit *Statius* Thebaid lib. 4. vers. 186.

— *Quis non certamina Phœbi*

*Nosset, & illustres Satyro pendente Celenas.*

E pelle autem Marস্যæ vtrem factum esse & in Celænarum ciuitate suspensum, scribit *Herodotus* in Polymnia. Et idem indicat *Claudianus* in Eutrop. lib. 2.

*Hic & Apollinea victus testudine pastor*

*Suspensa memores illustrat pelle Celenas.*

Quippe illud certamen commissum fuisse non procul à Celæne, Phrygiæ vrbe [ quæ antiquato priori nomine in Apamiam transijt à Seleuco Rege postmodum constitutam] iuxta lacum in quo ad vsum Tibiarum optimi calami gignuntur, scriptum reliquit *Strabo* lib. 12. Sic *Solinus* de Celæne, cap. 40. Istic Marস্যas ortus, istic & sepultus: Vnde qui proximat fluvius, Marস্যas dicitur: Nam sacrilegi certaminis factum & audaces in Deum Tibias testatur non procul cum fonte vallis, quæ euentum geste rei signat & ab Apamia decem millibus passuum separata, Aulocrene vsque adhuc dicitur. Idem ante ipsum tradidit *Plinius* lib. 5. cap. 29. Ex eo lacu dicuntur manare fontes Marস্যæ fluminis, cum *Quidius* lib. 6. Metamorph. scribat Marস্যam ab Apolline in fluuium mutatum nomen aquis dedisse;

*Inde petens rapidum ripis declinibus equor ,  
 Marsya nomen habet Phrygię liquidissimus amnis.  
 Non aliud denotat Nasonis dirum in Ibin votum;  
 Nudaq; direpta pateant tua viscera pelle  
 Et Phrygi, cuius nomina flumen habet .*

*Hic annis haud procul à Mæandri fontibus oriens,  
 in Mæandrum cadit , teste Linio lib. 38. fama que ita  
 tenet , inquit , Celenis Marsyam cum Apolline Tibia-  
 rum canu certasse . Ad rem Lucanus Pharsal. lib.3.*

*Lugentdamnatæ Phæbo victore Celene :*

*Qua celer erectis descendens Marsya ripis*

*Errantem Mæandron adit , mistusq; refertur.*

## C A P V T I I I .

*De Rebus quibus vsi TIBICINES,  
 Anulo , Tibiarum & lingularum  
 theca , atque Capistro.*

**I**Nsigne Tibicinum anulus seu gemma fuit . De  
 Anulo nonnulli interpretantur Suetonij locum  
 de symphoniacis Neronis : *Insignes pinguiſſima co-  
 ma & excellentiſſimo cultu pueri , nec ſine anulo lævis .*  
 Quasi dicat ex consuetudine aliorum Musicorum  
 lævas anulis habuisse ornatas . Sanè de Gemma  
 Tibicinum Plinius lib.37. cap.1. *Nec deinde , inquit ,  
 alia , que tradatur , magnopere gemmarum claritas ex-  
 ſtat apud Autores; Præterquam Iſmeniam Choraulem ,  
 multis fulgentibusque uti ſolitum . Iſmeniam illum  
 anulo vſum eſſe non raro legimus , cuius opera callis*

dè fucum fecit Persarum oculis, vt Artaxerxem, ad quem Legatus missus erat, specie tenus salua libertate adoraret. Cum enim Regis adeundi & colloquendi facultas aliter non daretur, quam si eum veneraretur, Ismenias statim atque in conspectum Regis venit anulum sensim digito detractum, clam & nemine animaduertente ad pedes abiecit; quem mox iacentem sustulit: Eoque corporis gestu, quasi venerabundus procubuisset, visus est patrio Persarum mori institutoque paruissè; Cum tamen nihil se indignum aut præter ciuium morè fecisset, quemadmodum eam rem fusius prosequitur *AElianus* lib. 1. Var. Hist. cap. 21. *Plinius* loco supra allato tradit eundem Ismeniam instituisse, vt omnes musicæ artis hac quoque ostentatione censerentur, veluti *Dionysodorus*, inquit, aqualis eius & amulus, vt sic quoque par videretur. Tertius qui eodem tempore fuit inter Musicos, *Nicomachus*, multas gemmas habuisse traditur, sed nulla peritia electas: Sorte quadam his exemplis initio voluminis oblatis aduersus eos, qui sibi hanc ostentationem arrogant, vt palam sit eos Tibicinum gloria tumere.

Habuerè præterea Tibicines cistellam quandam seu vas vbi reponebant atque condebant Tibiarum lingulas, quod *γλωττοκομειον* seu lingularum theca, *Pollucis* lib. 7. cap. 33. Eidem autem lib. 10. cap. 33. *γλωττοκομειον* est *αυλων θήκη*, Tibiarum theca. Sed interdum etiam *Glottocomeium* de vase apud Neotericos inueniri monet. Quia autem pro Tibiarum theca inferuebat, ab earundem lingulis denominatum est, ex *Polluce* ibidem. Etiam *σβήμων*, sibenam, vocari

cari refert. *Hesychio* dicitur ἀνλητήρια & σὺρβη ἀνλητήρια.

Inter res quibus vsi sunt Tibicines, erat etiam φορβεία, seu capistrum ex pelle, quod ori circumligatum est. *Hesychius*, φορβεία ἢ ἀνλητικὴ κομις, Tibicini est capistrum vel oris integumentum. *Suida* non φορβεία sed φορβείον dicitur. Sumptum autem videtur à capistro, quo iumentorum ora includuntur, quippe quod fibula non erat, sed vinculum ex pellibus, quo labra & os constringebantur, relicta rima per quam Tibiarum lingula ori posset immitti. Vnde de *Marfya*, ubi cum *Apolline* certamen iniret, *Plutarchus* *Sympos.* 7. cap. 8. φορβεία καὶ ἀνλῶς ἐπισκεύασαι αὐτὸν, capistro & Tibijs os sibi præcludens. Sed non semper huiuscemodi capistra in vsu fuisse credere cogor, cum in varijs Tibicinibus, qui in sacrificijs conuiuijsque Veterum & passim alibi inflatis buccis conspiciuntur, non appareant. Vnde suspicari licet, illos tantum ori circumligata hac pelle cecinisse in certaminibus musicis, quemadmodum de *Marfya* *Plutarch.* ubi & maiori arte & nisu opus, & debita proportionem spiritus moderandus esset. Forsan & alias vsui fuisse non inficias inero. Saltem hanc coniecturam in certaminibus confirmat *Aristophanes* in *Vespis*:

Κἄν ἀνλητὴς γέδικον νικᾷ, ταύτης ἡμῖν ἐπὶ χεῖρα,

Εν φορβείᾳ τῷσι δικασαῖς ἔξοδον ὕλησ' ἀπείσιν. i. e.

Tum Tibicen, si victor litis abit, grates agit ipsis

Iudicibus; & egressis canit ori circum pelle ligata.

Huius generis habenam, ambientem genas ad carentis robur, conspici in effigie statuae aeneae pedem

altæ,

altæ, quæ duplicem Tibiam decenter perforatam, inflat, refert *Tomasinus* lib. de Donar. eamque è Cl. viri *Iacobi Gaffarelli* Museo sibi à *Rhodio* communicatam. Eius figuram exhibet *Fortunius Licetus* in Gemm. Annular. Antiq. Schemat. 32. quæ ibi videri potest. Talis Tibicen, qui corio hoc, quod φορβεία seu φορβέον nominant, labijs circumposito instructus est, εμπεφορβιωμένος est apud *Aristophanem* in Aulib. Atque in eum modum capistrati Marfyæ figuram subiicimus, quam ex veteri sigillo doctos viros habuisse asserit *Salmasius* exercitat. *Plinian.* in Solin. parte secunda, quemadmodum videri hic potest TABVLAE II. Figura 5.

Ab αὐλητικῇ φορβείᾳ genus etiam ἐπίδεσμός Medici φορβείαν dixere, cuius duæ species, μονομήρης & διμήρης. Posteriolem ita vocarunt quod non solum os, sed etiam frontem comprehendebat vinculo. Cuius formam ex Libro *Sorani* περὶ ἐπίδεσμων etiam subiicit *Salmasius*, qualem ego ipse non ita pridem delineatam vidi in MS. vetustissimo *Sorani*, de varijs obligandi modis, cum nuper Florentiæ in illustri Bibliotheca Medicæ sedulo peruoluerem admirandum illud Chirurgorum Antiquorum Opus, cōgestum à quodam *Niceta* Medico. In quo Volumine, eleganti & vetusto caractere conscripto, non paucæ inueni, quæ curioso animo satisfecerunt, ut aliquādo forsan palam faciam. Habentur autem ibi multa antiquissimorum Medicorum opuscula, & tractatus de partibus Chirurgiæ, ut sunt, præter *Hippocratis*, *Galen*i, *Oribasii* & *Pauli Aeginetæ* iam notos, *Heliodori* de fracturis & ligaturis capita varia.

ria nondū edita. Sunt & alij tractatus non contem-  
nendi, vti, præter *Rusi Ephesij* & *Palladij* opuscula  
iam edita, *Apollonij Citiensis* tract. de articulis siue  
iuncturis, capitum 36. *Soranus* de signis fracturæ, c.  
23. Idem de varijs obligandi modis, c. 59. cum suis  
figuris. Nam alia multa aliorū fragmenta prætereo.  
Bene precabor Viro Eruditissimo *Antonio Maglia-  
bechio*, Celeberrimo Magni Etruriæ Ducis Biblio-  
thecario, qui gloria est non solū Hesperiae suæ, sed  
& totius Eruditi Orbis, quem in sui trahit stuporē,  
quod mihi primus occasionem dederit accuratiū  
hoc Volumen peruoluendi, nam alia taceo, quæ ex  
vasto Eruditionis omnigenæ penu, conatibus meis  
non parum profutura, largo flumine suppeditauit.  
Cæterum ego ad rem reuertar, quia de *ορρβαία* Chi-  
rurgorum alibi agendi locus erit.

Noxij etiam & damnati inter cætera ludibria  
capistrati frænatique trahebantur, vt docet *Gro-  
nouius* lib. 2. Obseruat. cap. 22. Vnde hoc sensu  
quidam nummū illum interpretantur à *Schotto* ex-  
hibitum in notis ad Zenobianum, cuius hic Ecypū  
ex *Gisbert. Cuperi* Obseruat. lib. 1. c. 12. damus  
TABVLAE II. Figura 4.

Cæterum nummum illum *M. Velferi* meliore  
iure ex eoritu explicari posse, quo cantores labia  
& faciem capistris constringebant, ne tumesceret,  
rectè prætendit idem *Cuperus*; adeoque non reum,  
sed Satyrum repræsentare, quoniam reis capistrum  
seu funis ori inferatur, & hic pellicula suprema &  
infima labia ambiat, relicto paruo ad inflandum  
foramine. Nam quod ait *Schottus*, huic nec cor-  
nua



qua nec barbam habere, quæ propria Satyrorum, nihil impedit, confitente *Cupero*, se vidisse in porticu Mazarini statuem Satyri sine cornibus, capillatio modico, manu sinistra fistulam iunctam tenentem, pelle ferina ornatam, quodq; observandum, humanis pedibus.

Insignem capistrati figuram cum Tibijs ori insertis, ex Basi triangulari in Capitolio hic exhibeo, TABVLAE II. Fig. 3. quemadmodum mihi elus delineationem concessit Illustrissimus Eques *Car. Anton. à Puteo*, singulari erga me omnesque alios humanitate præditus, ex insigni illo Antiquitatis Thesauro, qui plurimis Voluminibus apud illum servatur. In hac figura, Leonina pellis Bacchanalia indicat, qua ornatus etiam cernitur Tibicen ille in Dionysiacæ saltatione in hortis Burghesianis, & in Museo *Io. Petr. Bellorij* Romæ tales duos Tibicines vidi cum Leonina pelle, in Tabella figulina quadrata vnum, alterum in basi ænea tripodali, ubi varia alia cernuntur ad Bacchanalia spectantia. Vfus autem huius capistri neutiquam fuit ut fœditatem oris regeret, & hoc tumentes buccas absconderent Tibicines, ne res oculis ingrata esset ut nonnulli autumant; sed ne labrum scinderetur; quem finem adducit *Suidas*. Et quia magno nisu Tibiæ flatu implendæ erant, tali capistro opus habuere, quod genas ambiret ad canentis robur. Præterea immodicum spiritum coërcebat, & attemperabat ut moderatus exiret, suauemque Tibiæ cantum efficeret. Ita vetus *Scholiastes Aristoph.* in *Vespis*, *πορφύρας* exponit *δέρματα τὰ περὶ τὸ σῆμα τῶν*

αὐλητῶν προσδεσμένον, ὅπου ἂν σύμμετρον τὸ πνεῦμα  
 συμπίπτει ἡδῶν τὸν φῶν τοῦ αὐλοῦ πνεῦμα. Cum  
 hoc tamen alium illum usum coniungit *Plutarchus*  
 de Ira, scilicet ut inaequalitatem oris absconderet,  
 ubi de Marfya inquit: *Capistro quodam & integu-*  
*mento* ( φοβῆς καὶ περισκελὶς ) *circa os spiritum, qui ra-*  
*pidè & violenter perrumpebat, coërcuit & vultus*  
*inaequalitatem abscondit.* Sed usus primus ac prae-  
 cipuus fuisse videtur, ut impetum spiritus ex cipe-  
 ret & eum iustè moderaretur. Vnde qui immode-  
 ratè spiritu utebantur in Tibijs inflandis, eos sine  
 capistro flare Græci dicebant. *Sophocles:*

Φυσὴ γὰρ οὐ συμκρούσιν αὐλίσκῳ ἔτι,

Ἀλλ' ἀγρίαι φυσαὶ φοβήσας ἄταρ ἰ. ε.

Non iam ille modicas ore inspirat Tibias;

Sed sine capistro enormibus flat follibus.

Quod *Sophoclis* dictum etiam apud *Dionys. Longi-*  
*num* est cap. 2. Et idem usurpat *Cicero* lib. 2. *Attic.*  
*Epist. 16.* sed *lingulam* ibi male pro capistro ver-  
 tunt nonnulli.



## CAPUT IV.

## De Vestitu TIBICINVM, &amp; Scabello :

**I**N rem vestiariam post absolutissimas *Ost. Ferrarj* lucubrationes inquirere velle, esset actum agere. Ideoque nec multis habitum Mulicorum & citharædicum attingam, quem pluribus explicat in opere nunquam satis laudando *Ferrarius*. Paucis solum ea adiungam, quæ Tibicinum vestitum spectant. Vfos fuisse Tibicines veste ad talos dimissa testatur *Tibullus* lib. 2. El. 8. de Tibicine *Pythio* :

*Pythius in longa carmina veste canit.*

Quam vestem de palla interpretatur *Ferrarius*, quæ proprie erat mulierum, sed inde ad Musicos transijt. *Ovidius* Amor. lib. 1. cap. 8.

*Ipse Deus Vatum palla spectabilis aurea*

*Trahat inauratæ consona fila lyra.*

Non absimile eiusdem testimonium exstat lib. 2. *Metam.*

*Calamis agrestibus insonat ille,*

Et mox :

*Verric humum Tyrio saturata murice palla.*

Erat autem palla ex *Isidoro* lib. 19. c. 25. quadrum pallium muliebris vestis deductum vsque ad vestigia, affixis in ordinem gemmis. Et palla dicta est, *αὐτὸ τὸ ἀμεινον*, i. e. à mobilitate. De *Choraulæ* seu Tibicinis pallio luculentus est locus *Flavij Vopisci* in *Carino* Imperatore : Inscriptum est adhuc in *Choraulæ* pallio *Tyrianthino*, quo ille velut spolio

nobilitatis exultat, Messale nomen & uxoris. Longam togam Tibicinibus attribuire videtur Ovidius lib. 6. Fastor.

*Cur vagus incedit tota Tibicen in urbe?*

*Quid sibi persone quid toga longa volunt?*

Scilicet idibus Ianuarijs, quo die, ex Plutarcho, ex alijs, Idibus Iunijs, permissum erat Tibicinibus per urbem circumire, vestem indutis muliebrem. Ideoque non parum ad rem nostram facit Horatius de Art. Poët.

*Sic priscæ motumq; & luxuriam addidit arti*

*Tibicen, traxitque vagus per pulpita vestem.*

Quod plerique ita interpretantur, Tibicines talarem & longam vestem gessasse, ut gravitatem pre se ferrent, quemadmodum conspiciuntur quatuor illi Tibicines qui coronati longas Tibias, ut in sacrificijs moris erat, inflant in sacrificio solemni, quod in marmore antiquissimo expressum est, cuius delineatio, Casalio à Cl. Equite Cassiano à Puteo transmissa, exstat de Splend. Urb. Rom. part. 3. c. 1. Et similis est statua parva ænea, duas Tibias inflans, in Museo Scipionis Cardinalis Burghesij, cuius delineationem Illustrissimo Car. Anton. à Puteo debeo, qualem hic exhibeo TABVLAE II. Figur. 2.

Tunicam talarem exponit Ferrarius par. 2. de Re Vest. quasi sit palla; sed utrâq; distinguit, & seorsum nominat Suetonius in Caligul. cap. 54. cum palla tunicaque talari profiluit. Talaris vero Tunica apud Isidorum lib. 19. cap. 22. dicitur eò quod ad talos usque descendat, & ad pedes defluat.

Antigenidem Thebanum Musicum primum sim-  
bria-

briatam vestem in commensationibus attulisse & calceis Milesijs vsum fuisse refert *Suidas*. Tibicinum calceamenta *Pollux* κρυπέζια vocat lib. 10. c. 33. Dicta sunt ἀπὸ τοῦ κρούειν, καὶ τῆς πίζας, à pedis plausu & percussione. Quippe in Theatris qui pede pulpitem percutiebant, ut ab omnibus melius crepitus ille intelligeretur, ligneas soleas sub pedibus habebant, interdum & ferreas, ut elarior esset sonus. Factum id, ut cæteris ad canendum præirent & modum signumque canendi darent. Et talis in Veterum Choris Mesochorus dicebatur. *Plinius* lib. 2. Epist. 14. *Hoc infiniti elamores commententur cum Mesochorus signum dedit*. Sic *Sidon. Apollinar.* lib. 1. cap. 2. *Nullus ibi Lyristes, choraules, mesochorus, tympanistria, psalteria canit*. Vnà cum Tibiarum intentione hoc signum calceolo ferreo vel ligneo datum est saltantibus Pantomimis, ut gestum facilius moderarentur ad hunc strepitum compositum, uti *Lucianus* in *Aiace furēte* de Pantomimo saltante prodit. Non rarò autem hoc à Tibicinibus ipsis factum est, qui ad chorum simul flabant & terram pede plaudebant, quemadmodum fides facit idem *Lucianus* de *Laconicis choris* & huiusmodi Tibicine: καὶ ἀναγίγης ἐν μέσῳ καὶ θηται, ὁ παυλὸν καὶ κτυπὼν τῷ ποδὶ. Huiusmodi lignea sandalia Latini appellasse Scabella, quod instar scabellorum essent & ex ligno fierent, pedibusque subijcerentur ut scabella, suspicatur *Cl. Salmasius*. Certè Scabella, vel Scabilla, non infrequenter apud Autores occurrunt. *Arnobius* lib. 7. *Etiamne Symphonij?* Quid efficiunt crepitus



pitus scabillorum? Apertè hæc Scabella non aliter concrepare facit Cicero, quam illos qui Græcis οὐ μὲν ἔστιν ἔστιν, vocabātur. Ita enim ille pro Cælio: Mimi ergo est iam exitus, non fabulæ. In quo cum clausula non inuenitur, fugit aliquis è manibus, deinde scabella concrepant, auleum tollitur. Manifestius scabillorum crepitum cum Tibijs coniungit Suetonius in Calig. cap. 54. Deinde repente magno Tibiarum & scabillorum crepitu, cum palla tunicaque talarum profiluit & desultato cantico abiit. Nihilominus quæ sint scabella apud prædictos autores, quidue denotent, magna inter recentiores contentio est, in eorum explicatione propria occupatos. Carolus Langius legit Scamilla, & credit esse genus instrumenti musici quod ore inflatur, cui subscribit Torrentius ad Suetonium. Quibus forsitan aliquid subsidij accedet ex Glossis Isidori: Scamellum symphoniaci; quæ tamen ita exponit Vossius in Etymol. quoniam vnus symphoniacis modum dabat pulsu scamelli. Atque huius lectionis non obscura indicia prodit Inscriptio Spoletina, si aliàs ad hoc forum pertinere illam verum sit, apud Gruterum pag. 464. in qua: Pref. Fabr. Romæ. Dec. 4. Scamillar. Operæ Veteres à Scena &c. Vbi Decuria quarta, scamillarium, vel scamillarium, corpus aut collegium artificum signat, qui scamilla conficerent, ex mente Val. Chimentellij de Veter. Sellis cap. 29. sed num de scamillis Musicis, an ad sedendum scandendumque compositis, Inscriptio hæc accipienda sit, dubitat. Salmasius in Fl. Vopiscum, vt modo diximus, censet reuera antiquos habuisse scabella

in



in eum vsum parata, quæ pedis pulsu lignea solea vel ferrea sonarent. Sed illum refellit *Rubenius* ex eodem *Statij Interprete* quem ipse allegat in hunc locum, & ad inspirata rotari *Buxa*, qui exponit inspirata buxa, Tibiam vel scabellum, quod in sacris pede sonare consueverunt. Si enim vera scabella erant, quomodo erant inspirata? In defensionem autem *Salmasij* & interpretis illius *Iuvenalis*, quomodo per scabella, quæ Tibicines in sacris pede sonare, ut ait, consueverunt, inspirata buxa exponi possint, non video; nisi quod haud absimili loquendi modo vsus sit *Sidonius Apollinaris*, apud quem lib. 1. cap. 2. *Mesochorus*, qui in choris apud Veteres pedum suppletionem signum canendi dedit, non minus canere dicitur, quam *Lyrites*, choraulæ, tympanistria, & psalteria.

Veram Scabellorum formam videri putat *Rubenius* in statua marmorea, quam de Re Vestiar. lib. 2. cap. 17. exhibet, ex qua talem scabelli figuram adiungo TABVL. III. Fig. 2.

Ad ictum horum scabellorum Tibiarum incitationes moderatæ sunt & vnâ etiam alia instrumenta, ut eodem numero atque tempore omnia simul concinerent. Atque hæc mens fuit *Popisci* in *Carino*: Item & centum *Salpistas* uno crepitu concincentes, & centum *camptaulas*, *choraulas* centum etiam, *Pithaulas* centum. Vbi apparet tot simul Musicos ad vnum crepitum æqualiter concinuisse, qui quide mperpetuum quendam & certum numerum dedit, sed in quo, sine Tibijs, nullo modo distinguere potuit connexio, nimirum ubi finis vel vbi  
ini-

initium, cum vnus & idem vbique semper tenor esset. In quam rem illustris extat apud *Augustinum* locus lib. 4. de Musica: *Quæro ex te, inquit, utrum possint copulati pedes, quos copulari oportet, perpetuum quendam numerum creare, vbi nullus finis appareat: Veluti cum Symphoniaci Scabilla & cymbala pedibus feriantur, certis quidem numeris, & his qui sibi cum aurium voluptate iunguntur, sed tenore perpetuo: Ita ut si Tibias non audias, nullo modo ibi notare possis, quousque procurrat connexio pedum, & vnde rursus ad caput redeatur.*

## CAPVT V.

## TIBIARVM Fabri &amp; Confectores.

**A** Tibicinibus diuersi videtur fuisse Tibiarum Fabri, & lingularum. Horum meminit *Pollux* lib. 7. c. 33. vbi de artibus operarijs agit: αὐλοποιός, γλωττοποιός, Tibiarum, confector lingularum opifex, Tibiarum perforator, Ex quibus totidem artes memorat: αὐλοποιία, γλωττοποιία. Tibiæ confectio, lingularum opificium. Talis fuit *Theodorus* ille, Isocratis Rhetoris pater, de quo *Suidas*: *Isocrates Theodori, Tibiarum fabri* [αὐλοποιός] *Atheniensis Orator.* Accedit etiam de eodem testimonium *Philostrati* in Vita Isocratis: *Pater ipsi Theodorus fuit, quem vocabant Tibiarum fabrum* [αὐλοποιόν.] *Il- lum Theodorum ab hoc victum quæsiuisse opificio, & alios etiam seruos Tibiarum fabros habuisse, docet Dionys. Halicarnassæus de Antiquis Oratorib.*

in Isocrate : Patre autem fuit Theodoro , quodam mediocrium civium , servos Tibiarum fabros [ *δεσφύτας αὐλοπαιδῶν* ] possidente , & victum ab hoc habente opificio . Artificium hoc non infimi subsellij nec pauci lucrī fuit , ut ex eo constat , quod de Theodoro Tibiarum fabro fertur , illum , antea modicæ sortis , tot servos habuisse Tibiarum fabros , ut exinde satis sibi divitiarum comparauerit . Plutarchus in Vita Isocratis : Isocrates Theodori quidem fuit filius Erechthiensis , mediocrium civium , servos Tibiarum fabros possidentis & dinitis facti ab his , ut & choros duceret ( choragus esset ) & instituerit liberos .

## CAPUT VI.

De TIBIARVM à reliquis Instrumentis ,  
quæ oris flatu animantur , differen-  
tia , & primo de Fistula atque  
Pandurio .

**A**Tque ita quæcunque de Tibijs , & rebus omnibus , quæ ad eam pertinere visæ sunt , ex Veterum monumentis haurire licuit , apto ordine digesta exposui . Superest indice digito monstrare in quibus differat Tibia hæc ab alijs reliquis instrumentis , quæ oris spiritu impleta in sonum vocis animantur , superius lib. I. cap. I. inter organa *ἐμπνεύοντα* vel *ἐμπνευστικά* relatis . Pauca solum ex multis delibare placet & ad partes vocare , ne in-

nimiam molem excrescat hoc *πάρεργον*, quod ad maiorem Tibiæ illustrationem promissimus.

Initium dicēd idabit *Fistula*. In quibus apud Veteres illa à Tibia diuersa fuit, plenè & eleganter simul indicat atque ob oculos ponit *Achilles Tati*us de *Clitoph* & *Leucipp*. *Amor*. lib. 8. ita Latio donatus: Porro fistula hæc si ori eam quis admoneat, eadem prorsus quæ *Palladis Tibia*, refert: verùm hic digiti modos temperant, illic os manum imitatur: hic Tibicen foramina omnia, vno duntaxat excepto per quod spiritus exeat, obturat: illic fistulator arundines alias omnes liberas dimittens, vni tantum, quam quidem sonum edere velit, os admouet: qua deinde ommissa, ad aliam atque aliā prout ad suauiolem cantum edendum fieri par est, transilit; eoque pacto circum arundines labra illius identidem feruntur. Aptè hic differentiam inter fistulam, quam Pan inuenerat, & Tibiam *Mineræ* exprimit, ex modo siue arte desumptam, qua ex vtraque sonus elicitur. Tibia, cuius inuentrix *Pallas* ferebatur, vnica arundine constabat; sed pluribus in locis perforata, ideoque opus fuit apto digitorum regimine, vt reliquis omnibus clausis, per vnum aliquod, pro libitu, foramen emissus, rediret inflatus spiritus. Sed in *Fistula*, quam plures arundines componebant, & omnes sine vlllo foramine, nisi quod ex ore spiritum exciperet, debuit idem efficire ea so'um arundine inflata, quam sonum reddere postulauit ratio harmoniæ, mox alijs eodem modo oris spiritu impletis. Quod sane ingens artificium arguit, veteres eadem celeritate atque dexteritate potuisse distan-

tia tubulorum ora labijs percurrere & spiritu implere in fistula, ac in Tibia foramina digitis obturata leui eorum motu aperire vel claudere. Atq. hoc qua ratione fecerint, sibi haud satis constare fatetur *Scaliger* de Art. Poët. lib. 7. cap. 4. Nihilominus certum est fistulę modulamen non alia lege constituisse, quàm tali oris labiorumque per omnes arundines cursu atque recurso, quem quàm promptè exequuti sint, testatur *Claudianus* in Epithal. Pall. & Celer. vers. 34.

— *Platano namque ille sub alta*

*Fusus inequales cera terebat auenas,*

*Menaliosque modos & pastoralia labris*

*Murmura tentabat relegens, orisque recurso*

*Diffimilem tenui variabat arundine ventum.*

Cæterum ut illa omnia melius intelligantur consultum duco paucis repetere *Fistulæ* huius materiam, formam, atque compactionis modum, & quæ alia ad rem nostram dici merentur.

*Fistulæ* Latinis dictæ sunt, quia fissi calami, vel quod vocè emittant, ut placet *Isidoro* lib. 2. c. 20. *Græci* *σὺρρυς* nominant à *sibilo*, *σὺρρυξ* enim non *fistulam* solum sed & *sibilum* denotat, & *σὺρρῖσθαι* seu *σὺρρῖσθαι* *fistula* canere & *sibilare*. Vnde *Martiano Capelle* lib. 19. *sibilatrix enodis fistula*. Et in *Glossis Isidori*, *Fistulator, Sibilo*. Quippe *sibilus* seu *sibilum* proprie dictus est sonus ille quem *fistula* inflata emittit. *Solinus* cap. 33. *Vocem tam sibila ut imitaretur modulor fistularum*. Rem apertè declarat *Calphurnius* *Eclog.* 10.

— *Sed nec resonare canorem*

Dd 2

Fistu-

*Fistula quem fuerat, nec vult contexere carmen.*

*Sed pro carminibus mala sibila dissona reddit.*

*Ouidius lib. 13. Metam.*

*Senserunt toti pastoria sibila montes.*

Pastoria sibila, hoc est, sonos quos pastoritia fistula reddebat. Hinc & Cicero lib. 1. ad Attic. Epist. 13. pastoritiam fistulam pro sibilo posuit, quemadmodum docti viri eum locum explicantes notarunt. *Aristophani* fistula dicitur, *Κόρυξ καλαμῶν*. *Po-  
luci* lib. 4. *Κόρυξ ἐκ καλαμῶν*. Facta enim est e calamo concauo, quem *syringiam* *Theophrastus* vocat. Et cum eo *Plinius* lib. 16. cap. 26. *Calamus* vero alius, inquit, totus concauus, quem *syringiam* vocant, utilissimus fistulis, quoniam nihil est cartilaginis aut carnis. Materia igitur maximè arundinea fuit, ut *Calphurnius* *Eclog. 1.*

*Nec tibi defuerit mea fistula: quam mihi nuper*

*Matura docilis compegit harundine Lydon.*

Aut à cicutis petita, sic idem *Calphurnius* *Eclog. 4.*

— *Lenibus quem saepe cicutis*

*Ludere conantem vetuisti fronte paterna.*

Cicutam verò *Seruius* in *Virgil.* tradit esse interodia calamorum, cui non accedit *Scaliger*. *Sidonius* *Car. 2:* ad hanc fistulae materiam alludit:

*Alta cicuticines liquerunt Menala Panes.*

Nec minus ad fistulam visitatus fuit stupes auenaceus. Vnde *Valer. Flaccus* lib. 4.

*Cum subito Arcadio sonuit caua fistula risu.*

*Imperiumque Patris celerans Cyllenius ales*

*Aduenit: & leni modulatur carmen auena.*

Fistula vnius calami, *Κόρυξ καλαμῶν*, *Hesychio* *κρυξ* appel-



appellatur. Etenim ab initio singulares fuere tubuli, mox bini coherentes. Qui numerus postremò crevit ad septenos vsque, magnitudine omnes inter se impares, sed proportionè certà. In summo quàm inflabantur equales erant, inæquales, sed equaliter, quæ exit spiritus. Vnde disparès describit *Ovidius Metam.* lib. 8.

*Fistula disparibus paulatim surgit auenis.*

Et *Metam.* lib. 2.

— *Dispar septenis fistula cannis*

Vbi & numerum tubulorum indicat, in quo consentit *Virgilius Eclog.* 2.

*Est mihi disparibus septem compacta cicutis*

*Fistula . . . . .*

Totum verò huius connexionis modum, secundum æqualem excessum dispositis calamis, & rationem concentus, qui ex illa proportionè sequebatur, omnibus alijs melius illustrat insignis apud *Achillem Tatinum* lib. 8. locus, quem ideo hic adiungam prout verba Interpretis Latini se habent: *Fistula* pluribus è Tibijs compacta est; quæ singulis ex  
 „ arundinibus constant. Atque arundines ipsæ  
 „ omnes perinde ac Tibia una sonum edunt: inter  
 „ seque ita collocatæ sunt, ut altera alteri ordinatim  
 „ adhæreat. Facies anterior posteriori similis  
 „ habetur. Quoniam autem harundinum aliam,  
 „ alia excedit, illud scire oportet, altero ex capite  
 „ quantò primam secunda superat, tantò secundam  
 „ à tertia superari, cæterasque deinceps proportionem eandem sequi. Ex altero autem capite,  
 „ æquales illas inter se omnes esse: quæ omnium  
 media

media est, ea longiore dimidio minor est. Eo  
 autem ordine dispositæ arundines fuerunt, ut  
 æqualis effici concentus posset. Nam cum acu-  
 tissimus sonus in sublime admodum feratur, gra-  
 uissimus autem contra deprimatur, amboque ex-  
 tremas arundines, alter alteram scilicet, sortiti  
 sint, interiacentes alias, quæ vocum interualla  
 moderarentur, constitui necesse fuit. Illæ enim  
 sonos impares, sed tamen pro rata portione di-  
 stinctos nactæ, acutaque cum grauibus temperā-  
 tes, in causa sunt ut extremæ inter se congruant  
 sic, ut æqualis demum concentus efficiatur. In  
 fistula describenda incipit ille à minimis calamis, &  
 procedit ad maiores. Alij à maioribus progrediun-  
 tur ad minimos, ut *Tibullus* lib. 2. El. 5.

*Fistula cui semper decrescit arundinis ordo,*

*Nam calamus cera iungitur usque minor.*

In hunc modum auenas struere dicit *Ouidius* lib. 1.  
*Metam.* vers. 676. de pastore, qui

*Struclis cantat auenis.*

In illa fistulæ structura cohærebant bini vel plures  
 calami iuncti cera. Linum vel setas quoque in hunc  
 usum addit *Scaliger* in *Art. Poët.* De cera non pauci  
 consentiunt Autores. *Virgilius* *Eclog.* 3.

— *Aut unquam tibi fistula cera*

*Iuncta fuit.*

Apud *Æschylum* *Prometh. Vinc.* κρηόπλαστον δόναξ  
 fistula cerea. Quippe in qua calamos expressè vin-  
 culo ceræ iunctos decantat *Calphurnius* *Eclog.* 4.

— *Calamos & odore vincula ceræ*

*Iungere*

Nec

Nec aliter Eclog. 8.

*Tu calamos aptare labris, coniungere cera.*

Idem Eclog. 10.

— *Nulli fas est inflare cicutas,*

*Quas ego Mœnalyis cera coniungo sub antris.*

Ita enim plures voces reddidit fistula ex pluribus cannis compacta, qualis illa alba cera coniuncta, apud *Theocritum*, nonem vocum, Idyll. 8. *ἐν πρῶτῳ* *ἐν πρῶτῳ*. Quippe totidem cannas etiam Fistulam nonnunquam habuisse obseruo, vti illa est Romæ mihi visa in Tabula parua figulina, quam in Musæo suo seruat *Io. Petr. Bellorius*, & hic exhibeo TABVLAE I. Fig. 3. videndam:

Cum vndecim calamis, quorum sex inæquales & reliqui æquales, Fistula conspicitur in ædibus Farnesianis Romæ, cuius mihi indicium dedit *Franciscus Nazarius*.

Fistula septem cannis compacta visitur in aræ *Cybelis* latere dextro, quam ex ædícula Sancti Michaelis Romæ in Vaticano exhibet *Gruterus* Inscript. pag. 27. tali schemate, ac TABVLAE III. Figur. 3. hic occurrit:

Similis est fistula quæ cum crotalo & duabus Tibijs conspicitur Romæ in Cippo, Via Aurelia in suburbio, vnâ cum inscriptione nondum edita, cuius indicium debeo Eruditissimo amico *Raphaeli Fabretto*. Ex inscriptione illa sequentia solum legi possunt:

DIIS. SANCTIS  
MATRI. DEVM. MAG

NAE

NAE IDI. . DEO JATTI  
MENO..... VS VC

Inuentionem Fistulae Mercurio tribuit *Apollodorus* de Deor. Orig. lib. 3. Alij Fauno siue Pani adscribunt. Quidam ab Idi pastore inuentionis originem deducunt, si consulamus *Isidorum* Orig. lib. 2. cap. 20. *Fistulam*, inquit, *quidam putant à Mercurio inuentam*: alij à *Fanno*, quem *Græci* vocant *Pana*. Nonnulli eam ab Idi pastore *Agrigentino* ex *Sicilia*. Ideo Fauno *Fistula* suspensa, apud *Calphurnium* Eclog. 8.

*Iam mea ruricola dependet fistula Fauno.*  
Atque *Tibull.* lib. 2. El. 5.

*Pendebatque vagi pastoris in arbore votum*  
*Garrula syluestri fistula sacra Deo.*

Eius primus inuentor Pan apud *Virgil.* Bucol. Eclog. 2.

*Pan primus calamos cera coniungere plures*  
*Instituit: Pan curat oues onimque magistros.*  
Vnde pastoribus illa maximè fuit in vñ, & *fistula* nota inmentis, apud *Sil. Ital.* lib. 2. quia Pan Pastoralis Deus. *Propertius* lib. 4. Eclog. 4.

*Syluani ramosa domus: quo dulcis ab æstu*  
*Fistula poturas ire iubebat oues.*

*Horatius* Carm. lib. 4. od. 12.

*Dicunt in tenero gramine pinguium*  
*Custodes onium carmina fistula,*  
*Delectantque Deum, cui pecus & nigri*  
*Colles Arcadiæ placent.*

*Iunius Philargyrus* in Bucolica Virgilij, per *Pana* naturam rerum omnium intelligit, & per *Panis*, pastoralis Dei, cornu, Solem significari & Lunam: per *fistulam*, septem planetas stellas: per *pellem maculosam*, cœli sydera: per *cannam*, ventos &c. Cœterum ex fabulosis Paganorum traditionibus *Pani* Deo inuentio *fistulæ* assignatur, nec, quam inuentioni huic occasionem fingunt, ignoro, ab *Achille Tatio*, præter alios, edoctus, quo teste, lib. 8. de *Clitoph.* & *Leucip.* Amor. fuit quondam tempus, cum *fistula* hæc neque *Tibia* neque *arundo* erat, sed *virgo formosa*, quæ cum sui amore captum *Pana* Deum fugeret, densissimâ in syluam sese recepit. *Pan* verò consecutus puellæ manum iniecit: cumque capillis comprehensam illam tenere se arbitretur, arundinum frondes pro coma apprehendisse comperit, quas puellæ loco è terra enatas aiunt. Has igitur, vtpote quæ amicam sibi suam eripuissent, iræ impotentia deuictus, succidit. Verum, puella, quam sub arundinibus latere putabat, minimè inuenta, facti conscientia commotus, quod amicam letho se dedisse crederet, ingemuit, dissectasque arundines, tanquam virginis membra essent, colligens atque in vnum componens, manibus continere atque ori ad mouere perrexit. Ita dum amatorie lamentatur, ipsisque arundinum sectionibus, quasi puellæ vulneribus, suspirans oscula infert, spiritus calamos intrauit, perque angustias eorum remeans sonum edidit. *Syringam* Nympham illam, *Ladonis* fluvij filiam, vocatam, refert *Ouidius*, qui *Metamorph.* lib. 1. vers. 690. & seq. exponit quo-

modo illa , ardentem à Pane Deo amata , ne virginitatem amitteret , in arundinem fuerit commutata , additque de Pane :

*Panaque , cum prensam sibi iam Syringa putaret ,  
Corpore pro Nymphæ calamos tenuisse palustres :  
Dumque ibi suspirat , motos in arundine ventos  
Effecisse sonum tenuem , similemque querenti :  
Arte nova vocisque Deum dulcedine captum ,  
Hoc mihi consilium tecum dixisse manebit :  
Atque ita disparibus calamis compagine cere  
Inter se iunctis nomen tenuisse puellæ .*

Fabulam illam representare suspicor figuram , quam ex Thermis Vespasiani adducit Boissardus ; nisi quod artifex non satis aptè assidentem sculpsit , cum loco fistulæ pluribus calamis compactæ , simplicem tubam affluerit .

Præterea quia Pan eius inuentor ferebatur , fistulam eiusmodi , quæ plures calamos iunctos & ordine decrescētes habuit , postea nonnulli pandorium vel panduram nuncuparunt , quemadmodum Isidorus : Pandorium ab inuentore vocatum , de quo Virgilius : Pan primus calamos cera coniungere plures instituit . Fuit enim apud gentiles Deus pastoralis , qui primus dispares calamos ad cantum aptauit , & studiosa arte composuit . Cæterum pandorium vel panduram aliter veteres acceperere autores aliter recētiore , bene ita monente Cl. Salmasio in Aug. Rom. Script. Quippe veteres trichordum appellarunt , ut Pollux & Hesychius : Recentiores , ut Isidorus atque Cassiodorus , inter quædam organa recensuerunt . Et sic pandorium vel panduram vocare cœperunt , quæ  
sep-



septem discrimina vocum totidem calamis edidit, fistulam verò, quæ vna tantum arundine constitit. Hoc discrimen probat *Salmasius* testimonio *Martiani Capellæ*: quidam agrestes canori semidei, quorum *Hircipodem pandura*, *Sylvanum arundinis enodis fistula sibilatrix*, *rurestris Faunum Tibia* decuerunt. Cui & addam aliud ex eodem autore petitum lib. 9. *Tibia per Tritonidem nostri comitem & Marsyam Lydum sonuerunt, calamos Maryandini & Aones in laudes inflauere cælestium, Panduram AEgyptios attemptare permisi*. Hic *Anton. Delrio* legit, *pandorium*, ex *Isidoro*: Qui huiusmodi organo cecinit, *pandurizare* dictus est Latinis. Quod usurpat *Aelius Lampridius* in *Heliogabalo*. Græcis *πανδούριον*, *πανδούρα*, & *πιδύρα*, appellatur. *πανδούρα* *Hesychius* interpretatur & *psalterium* & *κύρρα*. E lauro, quæ ad mare nascitur, factum describit *Eustathius*, id quod sumpsisse videtur ab *Atheneo* lib. 4.

## CAPUT VII.

De Tuba, Concha, Buccina, Cornu, Lituo, Tibia utriculari, & Pithaulica, organo, atque hydraule. Eorumque omnium & Tibia discrimine.

Non pauci sine vilo discrimine de Tuba, Tibia, buccina, &c. dixere, quas tamen omnes reapse distinctas apud Veteres fuisse constat. Ut diuersa

Ecce organa

organa illa tractat *Apuleius* lib. 3. Florid. *Siquidem*, inquit, *vox hominis*, & *tuba* rudiore *toruior*, & *Tibia* *questu delectabilior*, & *fistula* *susurro incundior*, & *buccina* *significatu longinquior*. Omnis illa differentia olim inter *Tibiam* atque *Tubam*, clariùs patebit, vbi *Tubarum* formas & species apud *Veteres* obseruatas indiscuero breuissimè. Diuersa illa fuit à *Tibia* non solùm quâ nominis, sed etiam inuentionis originem, imo & quâ formam, materiam, atque vsum.

*Tubæ* nominis ortum à *tubo* siue canali, quem referebat, deduxit *Varro* lib. 4. Pro *tuba salpistæ* nonnulli dixere, nam & *Rhodiginus* lib. 16. cap. 19. genera *Tubarum* *Salpistica* vocari docet. Atque *Turnebus* *Aduers.* lib. 28. cap. 6. ex *Lexico veteri*, *Salpista*, *Tubicen* interpretatur. Fuerunt autem *Tubæ* in summa parte amplæ & concauæ, in infima verò arctæ. Pars illa latior *Tubæ* *αἰσων* dicta est *Græcis*, vti *Suida*. Inquam formam laminæ ad *Tubas* ductæ atque effictæ sint, abunde docet *Iosephus* lib. 3. *Antiquit.* cap. 11. de *Moyse*: *Reperit etiam formam buccinæ ex argento factæ; est autem talis, longitudinem quidem habet paulo minus cubitalem, crassitudine autem est Tibiæ paulo crassior; cuius os tantum patebat, quantum ad inflandum sufficeret; desinebat in extremitate campanula similis; quemadmodum tuba, quæ Alosra vocatur apud Hebræos*. Ex quibus *Iosephi* verbis *Scacchius Myroth.* 3. cap. 55. statuit *Tubam* *Hebræorum* eiusdem omnino formæ fuisse cum *Tuba Romanorum*, quam ex lapidibus & nummis talem tradit, qualis hic videri potest

TABVLAE III. Fig. 5. Tu-

Tubæ formam rectam ab incuruo cornu distinxit  
Ovidius :

*Non Tuba directi, non eris cornua flexi .*

Pari mente Iuvenalis Sat. 2. vers. 117.

*Cornicini , siue hic recto cantauerit ere*  
Aliter tamen de eadem Lucanus lib. 1.

— *Batausque truces, quos ære recuruo*

*Stridentes acuere tubæ .*

Quippe Tuba plerumque ex ære fuit. Virgilius AEn.  
lib. 9.

*At tuba terribilem sonitum procul ære canoro*  
*Increpuit . . . . .*

Ex ossibus etiam simul iunctis atque conglutinati-  
tubam quondam formatam esse censet Passeratius  
in Propert. lib. 4. El. 3.

*Et struxit querulas rauca per ossa tubas .*

Quem reprehendit Fortun. Scacchius in Myroth. 3.  
quasi inter tubam & Tibiam non distinxerit , qui  
antiquitus fieri solitas tubas ex ossibus putat .  
Quod quidem de Tibia verum esse admittit Scac-  
chius præeunte Plutarcho , sed ad tubam ossa minus  
accommodata fuisse . Poetam igitur tubam osseam  
dixisse , propter osseam ligulam, quam tubæ ait ad-  
motam ad sonum edendum , de qua sic loquitur :  
*Ligule circa medium partes constringuntur ac colligan-*  
*tur, & à tubicine ad sonum edendum sic ascriptæ intra*  
*os recipiuntur .* Vtrumque sanè concurrere ad Tu-  
bam asserit Artemidorus lib. 1. cap. 58. (ὕψισται γὰρ  
(ἢ ἐσπινγῆ) εἰς ἐρεὶ καὶ χαλκῷ . Composita est enim  
tuba ex osse & ære .

De Tuba agit Iul. Pollux Onom. lib. 4. cap. 11. &  
cuius

eiusdem discrimina varia annotat *Eustathius* in *Iliad.* 2. cuius sex genera facit : Primam, quam *Minerua* inuenit, quæ etiam *Argiuis* colitur hoc cognomento, *Σάλαρις Αλφειᾶ*. Alteram apud *Ægyptios*, quam *Osiris* reperit, vtunturque ad sacrificia ; Tertiam *Gallicam*, haud nimis magnam, quæ os habeat deformatum in bestias, & canalem ipsum plumbeum, in quem inspirant *Tubicines* : atque eam esse acuti soni, vocari autem ab ipsis *Gallis*, *Carnyx* ; Quartam *Paphlagonicam*, graui mugitu sursum inflandam, cuius os effigiem habet bouis ; Quintam *Medicam*, è calamo Tubum habentem, graui sono ; Sextam *Tyrrhenicam*, cuius inuentores *Tyrrheni*, quæ similis *Tibiæ Phrygiæ*, habens orificium scissum & fractum. Illa forsitan *Tuba* est, cuius inuentionem *Piseo Tyrrheno* tribuit *Plinius* lib.6. cap.56.

*Tuba Tyrrhenum melos* dicitur apud *Hyginum* Fab. 274. quia *Tyrrhenus* *Herculis* filius eam inuenit, qui concha pertusa buccinauit. Priscos enim ante inuentam tubam concha vsos esse extra controuersiam est, quemadmodum etiam ad *Lycophronem* notauit *Merrsius*. Sic *Apuleius* lib.4. *Metam.* *Iam passim maria persultantes Tritonum cateruæ ; hic concha sonaci leniter buccinat.* Quippe *Tritoni*, vt *Deo Marino* & *Neptuni Buccinatori*, tuba attributa est à *Veteribus*, ex concha, id est, cochlea marina, quæ tortilis crescit ab angusta parte, qua inflatur, turbinatim & in anplum definit. Eleganter hæc persequitur *Ouidius* lib.1. *Metam.* vers. 333.

*Cæruleum Tritona vocat conchaque sonaci*

*Inspi*

*Inspirare iubet : fluctusque & flumina signo  
Iam reuocare dato. Caua buccina sumitur illi  
Tortilis in latum, quæ turbine crescit ab imo.*

Quem locum ex opinione veterum interpretandum  
censet *Turnebus* lib. 2. Adu. cap. 21. credentium  
Tritonem, Neptuni Buccinatorem, canoro imma-  
nique clamore aquas increpare, & tanquam auri-  
tas vocare, quæ eius imperio consueuerint parere.  
Idem etiam de *Miseno Virgil.* *Æn.* lib. 6. vers. 171.  
qui caua

*personat æquora concha.*

De hac maris concha *Nonnus* *Dionys.* lib. 17. &  
*Silius Italicus* lib. 14.

*Nec mora terrificis seuæ stridoribus æris  
Per vacuum latè cantu resonante profundum  
Incubnere tubæ, quæis excitus æquore Triton,  
Expauit tornæ certantia murmura conchæ.*

Hinc originem fluxisse credo, cur Tritonas cum  
buccinis fastigio Saturni ædis superposuerint, refe-  
rente *Macrobio* lib. 1. Saturn. cap. 8. Et ex hac  
concha, quæ pro Buccina Tritoni assignata est, aptè  
explico quare *Venus*, quæ apud *Claudianum* Trito-  
ne marino Deo per altum vehi dicitur, alijs indu-  
catur quasi concha vecta, quemadmodum apud  
*Tibullum* lib. 3. El. 3.

*Et faueas concha Cypria vestrâ tua.*

Forſan talis tuba vel buccina marina est, quam  
exprimunt Numismata Bruttiorum adducta à *Golt-  
zio* in Græcia magna Tab. 24. Quæ paulo aliter vi-  
detur in Numism. Valentiz apud eundem Tab. 35.

Fuit ergo buccinæ talis vsus ante tubam, & pri-  
mus



mus Tyrrhenus Herculis filius, apud *Hyginum*, concha pertusa buccinauit, & pagum conuocauit, testatusque est, ita fatente *Hygino*, se mortuum sepulturæ dare. Quod exemplum Romanos seruare tradit, Fab. 324. ut cum aliquis decedit, Tubicines cantent & amici conuocentur, testandi gratia eum neque veneno neque ferro perijsse. Ideoque frequens eius vsus fuit

*Luclificum clangente Tuba,*  
apud *Val. Flaccum* lib. 3. Quæ neque minus consuevit

*inter sacra sonare,*  
ex *Calphurn. Ecl.* 1. Vnde *Suida*: *Σάλπιξ ἱερὰ κινὴ ὄργανον*, *Tuba sacrum instrumentum*, nam sacerdotes ea vsi sunt. Possem alios multos apud Veteres *Tubæ* vsus recensere, si id iam agerem, quorum nonnullos sibi peculiaries habuit, quosdam cum *Tibia* communes. In Triumphis cantabatur fera

*nil nisi pompa Tuba,*  
si credimus *Ouidio* lib. 1. Fastor. Illa eadem apud *Virgil. AEn.* 5.

*Commisso medio canit aggere ludos.*

Quare *terminalis tuba*, *Apuleio* lib. 10. quæ primitias & ludicra certaminum finiret & terminaret, & *Floralis Tuba*, *Iuvenali*, qua *Floralibus* vsi sunt. In bello classicum tuba cantatum quis ignorat? quæ bellicum quondam cecinit in legionibus Romanis, ex *Fabio* lib. 2. cap. 18. aliisque. *Vegetius* lib. 2. cap. 22. *Quoties pugnatur & Tubicines & Cornicines simul canunt.* Cuique turmæ ac manipulo suos fuisse *Tubicines* patet ex *Sallustio*, qui de *Mario*: *Cohor-*



*hortium, turmarum, Legionum Tubicines simul omnes canere iubet. Illud idem clarè satis deprehendo in Inscriptione Gruteriana pag. 544.*

DIIS. MANIBVS  
S A C R V M  
VLPIAE. PYRACCIDI  
CONIVGI. ET  
S I B I  
HILARVS. AVG. LIB  
TVBIC. LEG. V.  
ALAVD. P. FEL.  
VIVVS. FECIT,

*Sed & alia, non minus elegans, nec à Grutero notata, Inscriptio exstat in hortis Quirinalibus, quam mihi communicavit, in Antiquitatis rudieribus inuestigandis diligentissimus, Raphael Fabrettus ;*

D. M.  
P. AELIVS. AVITVS  
T R A I A N O P O L I  
TVBICEN. EQ. SING. AVG  
TVRM. AELI. LVCANI  
NATIONE. THRAX  
V. A. XXXV. MIL. A. XV.  
P. AELIVS. AVRELIVS  
HER. ET. IVLIVS. MAXIMVS  
sic  
DECVRIO. SECVS. HER. OPTIMO  
AMICO. FACIEND. CVRAVER.

Buccina etiam bello signum datum esse constat ex  
Curtio lib. 3. cap. 3. & Virgilio AEn. 6.

— Bello dat signum rancia cruentum

Buccina . . . . .

Sic etiam Claudianus de bello Gildonico vers. 447.

Excitet incestos thymalis buccina somnos.

Quod illustrat in Tabella marmorea Inscriptio,  
apud Gruterum pag. 609.

C. SALLIO. MATERNO. BVCCINATORI.  
LEG. V ALAVDAE. C. SALLIO. ARCI-  
NIO. CAESAR. N TVBIC. C. SALLIO  
SVESSALA. N PRIMONI. CORNICVLAR.  
LEG. III. AVG. C. SALLIO. CAPONIO. COR-  
NIC. OLL. III. SALLIA. EORTVNAT.  
PARENT. INFELICISS. FEC.

Vide Lipsium lib. 5. de Re Milit. Rom. Dial. 10. Ve-  
getius lib. 2. cap. 22. *Classicum* appellatur quod Buccin-  
atores per cornu canunt. Ad vigilias quoque Buc-  
cina signum dedit, teste Lino lib. 7. inde Propert.  
lib. 4. El. 4.

Et iam quarta canit venturam buccina lucem.

Qui buccina cecinere, Græcis dicti sunt *Conarical*,  
vt Dionys. Halicar. sicut Latinis Buccinatores, quod  
quidem Varro à vocis similitudine & cantu dictum  
vult, quia Bou Bou, canunt. Isidorus Buccinam  
a voce, quasi vocinam deriuat, quod Pagani ea vo-  
cabantur. Adhibita quippe ad ciues conuocandos,  
vnde Propertius de Romuli temporibus lib. 4. El. 1.

Buccina rogebat prisca ad verba Quirites.

Inde

Inde tranſijt ad paſtores, qui buccina ex bubulo cornu uſi ſunt ad conuocandos boues. *Columella* lib.6. cap.23. *Id ſemper crepuſculo fieri debet, ut ad ſonum buccinae pecus, ſi quod in ſylua ſubſtiterit, ſepta repetere conſueſcat.* Ita *Propertius* lib.4.El.11.

*Nunc intra muros paſtoris buccina lenti.*

*Cantat . . . . .*

Inter buccinam bellicam & cornu etiam, quo in prælio uſi ſunt, aliquid fuit discriminis. *Valer. Flaccus* lib.6.

*Prælia nunc rauco curant incendare cornu.*

Ut Tubas ita & Cornua pro inuentis Tyrthenorum habet *Athenæus* lib.4. Ab illis *Cornicen* dictus, de quo Inſcriptio ex *Gruter.* pag.1106.

Q. ATILIVS  
R V F V S  
CORNICEN  
P. Q. X.

Appellata autem ſunt Cornua, iuxta *Varronem*, quod olim fierent ex bubulo cornu, quæ poſtea ex ære efficta. Sic *Virgilius* *Aenead.* lib.6.

*Æreæq; aſſenſu conſpirant cornua rauco.*

Et *Statius* *Thebaid.* lib.8.

— Cum iam *Mauortia* contra

*Cornua, iam ſauos fragor æreus excitat enſes.*

Fuere verò reflexa ex ære recuruo, in quem finem *Vegetius* lib.2. cap.8. *Tubicines*, inquit, *Cornicines*, *Buccinatores*: qui vel tuba, vel ære recuruo, vel *Buccina* committere prælium ſolent. Vbi diſtinctè quid

inter singula hæc instrumenta fuerit differentię apparet, vnde *τρογύλη σάλπιξι σαλπίζων*, inflexa tuba canere, apud *Artemidorum*, de Cornu ex ære recuruo accipiendum est, qualia non raro in veterū monumentis occurrunt hac forma, vti TAB. III. Fig. 6. exhibet, ex Columna Traiana num. 56. sed illud Tubæ adiunctum, quod specie hastæ, spicula lata habentis, *Ciacconio* imposuit, ex animaduersione *Io. Petr. Bellorij*, alij vsui inseruiebat, nimirū vt facilius pōdus instrumenti sustinerent, & commodius incinerent, quemadmodum in alijs locis expressiūs videtur, & præcipuē num. 84. Eiusdem rei non obscura vestigia deprehendo in Marmore Antiquo, mihi Romæ viso, cuius delineationem TABVLAE III. Figura 4. refert. Exstat in horto domus quondam *Aduocati Ronconi* è regione S. Isidori Hibernensium, & hominem exhibet cum lituo, ad cuius pedes Cornu inflexum, tale ferē ac in Columna Traiana, cum hac inscriptione:

M. IVLIVS VICTOR  
EX COLLEGIO

LITICINVM CORNICINVM.

Talia inflexa ex ære cornua expressit, me iudice, *Apuleius* lib. 11. *Metam. Ibant & Tibicines dicati magno Serapi: Tibicines qui per obliquum calamus ad aurem porrectum, dextera familiarem templi, Deique modulum frequentabant.* Licet ad aliud genus Tubæ *Scacchius Myroth.* 3. cap. 57. hæc verba *Apuleij* trahat, in quibus duo notat: alterum spectat ad formam magnitudinemque Tubæ, quam expressit in illis verbis: *obliquum calamus ad au-*

tem

rem porrectum. Alterum respicit musicalem harmoniam, ad quam illius tubæ vsus erat, quem ex ijs verbis, *dextera familiarem templi Dei que modulum frequentabant*, talem elicit Scacchius, quasi dextera extendente vel retrahente tubæ canales, musicales sonus ab ea ederentur: in eaque extensione & retractione Tibicines modularentur. Cæterum quamvis ingeniosam explicationem non reiiciam, serius tamen apud me veri fidem merebitur, donec præeuntia antiquorum monumenta tali schemate viderim, quod necdum mihi ex veteribus haurire licuit, licet nostris temporibus illud Tubæ genus exstare atque in vsu esse non ignorem.

Fuit aliud Buccinæ genus incurvum, *Litus* veteribus dictum, ex *Festo*, gracilem edens vocem, quo in bello utebantur. Qui eo canebat *Liticen* dictus est. *Priscianus* lib. 1. *Liticen, Liticinis, ex Lituo, quod est genus Tubæ minoris*. Vnde & soni fuit acutioris, quemadmodum apud *Statium*:

*Et lituis aures circumpulsantur acutis.*

*Lucanus* lib. 1.

— *Stridor lituum clangorque Tubarum.*

Quippe *Scholias* ad *Horatium* notat, Lituum equitum fuisse, ut peditum Tubam. Præterea *Lituis* etiam appellata est virga brevis, in parte, qua robustior erat, incurua, qua sacrificiorum administri vsi sunt. Sed huius litui, qui tanquam insignis auguratus fuit, primus vsus à Romulo fluxisse creditur, qui eo regiones direxit tum cum urbem condidit, cuius figuram non vno loco in *Grutero* contemplamur. Ille Romuli lituus, idest incuruum

& leniter à summo inflexum bacillum, ab eius litui, quo canitur, similitudine nomen inuenit, quod credimus *Ciceroni* lib. 1. de *Diuinat.* Licet dubitet *Gellius* lib. 5. cap. 8. & quæri posse animaduertat, vtrum lituus auguralis à Tuba, quæ lituus appellatur, an tuba à lituo augurum lituus dicta sit, *Vtrumque enim*, inquit, *pari forma & pariter incuruum est.* Sed si, vt quidam putant, tuba, à sonitu, lituus appellata est, necesse concludit ita accipi, vt virga auguralis à tubæ similitudine lituus vocetur. Istiusque vocabuli vsum pro Tuba, ex *Virgilio* confirmat:

*Et lituo pugnæ insignis obibat & hasta.*

Paria atque eadem planè de huius & litui auguralis denominatione habet *Macrobius* Saturn. lib. 6. cap. 8. Ex adunco ære lituum describit *Seneca*, & simul eiusdem materiam cum forma nobis indicat, in *Oedipo*:

*Sonuit reflexo classicum cornu*

*Lituusque adunco stridulos cantus*

*Elisit ære . . . . .*

Transego ad aliud genus organi, Tibiam nempe, quam *utricularem* vel *utriculariam* ex conformationis modo appellare licet. Illam descriptam reperio in epistola ad *Dardanum*, quæ *Hieronymo* vulgo tribuitur: *Antiquis temporibus fuit chorus quoque simplex, pellis cum duabus cicutis æreis, & per primam inspiratur, secunda vocem emittit.* Vbi *Salmasius* ita legendum existimat *antiquis temporibus dorus quoque simplex pellis.* Nam *δορος* Græcis est pellis. Plures postea calami ad vtræ accessere *Naulia* siue *nabilia*, diminutiuum à *nabla*, quæ orga-



ni species est apud *Suidam*, ad huius Tibiæ significationem nonnulli trahunt. Scilicet volunt vocabulum Hebraicum, *Neuel* & *Nauel*, quod in *Esaia* legitur & *Amos*, Græca figura *naulon* formare, cuius diminutivum *naulion*; sed repugnante *Politiano* Miscell. cap. 14. qui hoc vocabulum Hebraicum prætendit, Græcè *psalterium* dictum, Latine *laudatorium*. *Neuel* autem Romanus *Emanuel*, apud *Politian.* Hebraico Commentario in Psalmos, putat esse *utriculariam Tibiam*, videlicet etymon secutus, quod ab *vtre* deduci vocabulum illud apud Hebræos videatur.

Huius Tibiæ forma inde elucet, quod illi ventriculum humanum figuræ similitudine comparent *Anatomici*. *Vsus* autem talis fuit, vt quoties sonus eliciendus esset, deberent *Vtricularij* inflare vtrè & retinere manu calamos & pressum vtre cubito quaterere, ita vt calami vibrarentur ex iactatione assidua. *Virgilius* in *Copa*:

*Copa Syrisca caput Graia redimita mitella,  
Crispum sub crotalo docta mouere latus,  
Ebria formosa saltat lasciuia taberna,  
Ad cubitum raucos excutiens calamos.*

In quem lege doctissimum *Scaligerum*. Tempore quidem posteriori *Mantuanus* Poëta *Tonium*, quendam vtricularium paganum *saccomusa* ludentem eleganter depingit in *Bucolicis*:

*Et cum multiformi Tonius cui Tibia buxo,  
Tandem post epulas & pocula multicolorem  
Ventriculum sumpsit, buccasque inflare rubentes  
Incipiens, oculos aperit: cilijsque lenatis*

*Mul-*

*Multotiesque alto flatu è pulmonibus hausto  
Vtrem implet, cubito vocem dat Tibia presso,  
Nunc huc nunc illuc digito saliente . . .*

Qui huiuscemodi organo usus est, Latinis dicitur *Vtricularius*; quam vocem usurpat in Nerone *Suetonius* cap. 54. *Sub exitu quidem vitæ palam vouerat, si sibi incolumis status permansisset, proditurum se parte Victoriæ ludis etiam hydraulum & choraulam & vtricularium.* Ibi patet vtricularium in ludis iam tum Neronis tempore cecinisse. Græci illos artifices ἀσκαύλης appellauere, vnde etiam Latinis *Ascaules*, pro vtriculario. Sic *Martiali* lib. 10. ep. 3.

— *Credis hoc Prisce*

*Voce ut loquatur Psittacis coturnicis?*

*Et concupiscat esse canus Ascaules.*

*Turnebus* *Aduers.* lib. 11, cap. 25. apud *Vopiscum* in *Carino*, pro *Camptaule*, quam vocem minus visitatam dicit, & à Græcis oriundam ne à Græcis quidem ipsis agnosci, legit *Ascaule*; mihi quidem, inquit, falsa videtur & irreptitia, legendumque *Ascaule*, vt sunt *Vtricularij*. Sed & mox in eadem vita, pergit *Turnebus*, pithaulas legimus; quorum armamentum musicum imitatur, vt quidam censent, dolium, vt illorum vtriculum. Ita aliorum erat rotundius & tumidius, minus tamen: aliorum oblongius & teretius maiusque instrumentum.

*Pithaules* apud veteres is fuit, qui ex αἶθρα, cado ligneo, *Tibiam* inspirat, quam *Pithaulicam* vocat *Diomedes* lib. 3. In cadis enim impares Tibiæ animatæ hominis spiritu, foraminum varietate aut regularum motu sonitum edidere. In quam sententiam

tiam nonnulli trahunt *Senecam*, vbi inquit: *Quomodo cantantis vox per totum cum quadam discentione percurrit ac resonat, & tam leniter mota tamen circuit non sine tactu eius tumultuque quo inclusa est.* Nec defuere qui huc respexisse *Propertium* putauerunt lib. 4. El.6.

----- *carmenque recentibus aris*

*Tibia Mygdonijs libet eburna cadis.*

*Scaliger* de *Pithaulis* olim interpretatus erat hunc versum, sed postea sententiam mutauit. *Beroaldus*, *Cadis*, vino exponit, quod vinum dijs libaretur, vel emendat, *Modis*. Neutrum *Passeratio* placet, qui hic, nec ineptè, tibiam *Phrygiam* significari vult, quia *Mygdones*, *Lydi* & *Phryges* vicini sunt; atque *Cadi*, vrbs *Phrygiæ*, vel, vt alij volunt, *Lydiæ*, vt *Strabo* lib. 12. Cæterum *Pithaulicæ Tibiæ* alij expressius meminere *Varro* apud *Nonium* in *Ramices*: *Prinsquam in Orchestra Pithaules inflet Tibias, domi sua ramices rumpit*. Quippe ijs locus etiam in *Theatro* erat, quod affirmat *Seneca* Ep. 76. de *theatro Neapolitanorum*: *Et hic inquit, ingenti studio, quis sit pithaules bonus, indicatur. Habet tibicen quoque Græcus & præco concursum*. Ideoque *Pithaulas* centum habuisse *Carinum* memorat *Vopiscus*. Sed hic *Pithaulas* paulo aliter interpretatur *Donatus*, & fuisse putat *tibicines* qui *Tibiæ* singulari specie concinuere, ita vt mulcerent aures, & quasi audientes persuaderent, nam *πεισω* est *Latinis* *persuadeo* & in sententiam meam adduco, & *πεισός* *persuasio*.

Fuere etiam *Tibiæ*, quæ alijs organorum gene-

ribus inferuiebant, sed illas, quia extraneis vocibus insonuere peregrinis flatibus completis calamis, ut *Cassiodor.* lib. 1. ep. 45. ait, sciens prætereo, qui condixi me tantum demonstraturum differentiam inter Tibiam, & reliqua Organa pneumatica, quæ spiritu humano excitata sonum edidere. Habuere tamen Veteres Organa, quæ vento animata exprimabant concentum, quoties digitis attingerentur regulæ cum Tibijs concinentes, de quibus elegans extat Epigramma Iuliani Desertoris in Veter. Epigram. lib. 1. cap. 86. Organa illa ætate Iuliani primum nata vult *Bulengerus*, in quibus variæ & impares Tibiæ folliibus inspiratæ, digitis percutientibus varium sonum edidere. Quorum usus hodie ubique ferè viget. Illa denotauit *Manilius*, qui ita, ex emendatione *Scaligeri*, lib. 5.

*Hinc venient vocis dotes, Boreæque sonantis,*

*Garrula, quæ modulis diuersè Tibia format,*

*Et quodcunque manu loquitur, flatuque mouetur.*

His affinia apud Veteres fuere Organa Hydraulica, in usu valde frequenti, & à Ctesibio inuenta, ex *Plinio* lib. 6. cap. 37. Horum artifices *Hydraule* dicti sunt, quorum meminere *Suetonius*, *Sidonius Apollin.* *Petronius*, alijque. Hydraulica verò dicta, quod vento, qui aquæ motu creatur, inflata personant, teste *Vitruvio* lib. 10. cap. 1. & 13.

Atq; hæc hætenus de Tibijs Veterum hisque affinis Organis raptim in chartam conieci, quantum quidem valuit calamus, Antiquitate & Vetus-  
tatis memoria subnixus. Plura fateor, præterij, quæ addi potuissent, ut excresceret Volumen

Sed

sed memor sum aurei illius dicti de Caphesia Tibicine memoriae proditi; qui discipulum suum feriens, quod contentius inflasset Tibias, addidit elogium sanè Diuinum:

Ουκ ἐν τῷ μεγάλῳ δῖ,  
ἀλλ' ἐν τῷ δῖ τὸ μέγα.

*Addenda & emendanda.*

Pag. 8. lin. 13. adde: Ad forum Hebræum nolo me deuoluere, quippe apud quos Tibiæ nominis deriuationem fusè persequitur *Stuckius* de sacrif. pag. 3. & Antiquitatum Conuiu. lib. 3. cap. 20.

Pag. 47. l. 11. adde: Ita etiam hanc inscriptionem ex authographo in vinea Burghesij emendauit *Raphael Fabrettus*, nisi quod pro SACRVM, legat, SACRATVM.

Pag. 4. lin. 1. lege: quæ spiritu implentur. P. 13. l. 27. Plagiaulon. P. 18. l. 8. *Smyrneus*. P. 21. l. 12. pertusas. P. 29. l. 5. *gemine*. P. 31. l. 24. *Petr. Columus*. P. 32. l. 25. *alium clausis alium apertis foraminibus*. P. 45. l. 10. *omnes enim difficile implent bombycas*. P. 46. lin. 12. *Via Appia*. P. 48. l. vlt. Erant etiam aliæ. P. 56. l. 12. *Tibia*. P. 64. l. 10. *edere*. P. 65. l. 20. *quadam Tibicen incineret*. P. 69. l. 10. *lymphaticum*. P. 75. lin. 12. *Syriacæ*. P. 76. l. 27. *infractasq;* P. 83. lin. 24. *Iul. Firmicus* P. 100. lin. 25. *aggredien-*dis. P. 189. l. 23. *obsonia*. P. 180. lin. 24. *transire*. P. 109. lin. 17. *Ægyptij*. P. 200. l. vlt. hunc. P. 210. l. 1. *παρεργον*. Alia, quæ tam in Græco quam Latino textu irreperunt; menda benignus Lector ipse facile corriget.

# I N D E X

## Rerum , & Verborum .

- A** Matorum Tibia . pag. 133. 134.  
 Ambubaix. 75. 197.  
 Anulus Tibicinum. 196. 197.  
 Apertæ Tibiæ, quænam. 32.  
 641  
 Arabicus Tibicen. 75.  
 Armata salratio . 136.  
 Ars , Tibiarum cantus . 52.  
 Artifices Tibicines. 53. 182.  
 Arundo ad Tibias. 18. 19.  
 Ascaules. 232.  
 Asinorū ossa pro Tibijs . 25.  
 Assa Tibia. 175.  
 Atinis luctus . 115.  
 Auena , pro Tibia. 20.  
 Auleticus calamus. 16.  
 αὐλός, Tibia. 8.  
 αὐλός, pro cuspidis parte . 8.  
 Aura Tibialis. 53.  
 in **B**ello Tibiarum vsus  
 apud  
 Amazonas. 101.  
 Lacedæmonios. 991  
 Lydos. 101.  
 Romanos. 101.  
 Berecynthia Tibia. 40.  
 Biforis Tibiæ peculiariis for-  
 ma. 28. 29.  
 βίμβουξ pars Tibiæ. 34.  
 ipsæ Tibiæ. 45.  
 Buccina: 226. 227.  
 Buccinatotes. 225.  
 Buxus pro Tibia. 7. 8. 21. 22.  
**C** Alamos pro Tibijs ex-  
 cendi modus. 19.  
 Calamus à calendo. 19.  
 Calamus pro Tibia . 17. 18.  
 Calcei Tibicinum. 205.  
 Campeaula. 38. 43. 44.  
 Canere , i.e. Tibias inflare,  
52.  
 Capistrati figura . 201.  
 Capistrum Chirurgorū. 1195.  
 Damnatorum. 200.  
 Capistrum Tibicinum . 198.  
 202.  
 Celenina ad Tibiam. 164.  
 Ceraulæ, Tibicines. 41.  
 Cerui Tibijs mulcentur. 168.  
 Ceruina ossa ad Tibias . 24.  
 Choraules. 45. & seq.  
 Cicuta pro Tibia. 20.  
 Collegium Aeneatorum. 183.  
 Liticinum. 183.  
 Tibicinum. 182.  
 Colonomus , i.e. cantus dis-  
 sonus. 71.  
 Cometa Tibiarum specie  
171.  
 Concha pro Tuba. 223.  
 Congionatoria Tibia . 146.  
 Con-



Condylus, digitorum curvatura. 88.

in Consecratione Tibicen. 112.

Coniuviales Tibiæ. 137. & seq.

Coniuvium. 137.

Coquebant ad Tibiam Tyr. rheni. 139.

Coqui. 140.

Cornei paxilli in Tibijs. 32.

Cornicen. 227.

Cornu Tibiæ materia. 23.

Tibiæ pars. 26. 27.

ad sonus gravitatem. 28.

Cornua ex ære recurvo. 227. 228.

Coronati Tibicines. 137.

Corybantes. 83. 114.

Curetes, quinquam. 83. 114.

Quare bacchantes describuntur. 83.

Curva Tibia. 13. 26.

**D**Elphinus Tibiæ amans. 171.

Diaulion. 125.

Discepedinare manus. 58.

**E**Legia luctuosum carmen. 153.

Elymus pars Tibiæ. 35.

ipsa Tibia. 35. 40.

Equi Tibiarum cantu afficiuntur. 166. 167.

**F**abri Tibiarum. 208.

Fabulones. 129.

Fissa Tibia, pro perforata. 30.

Fistula diuersa à Tibia. 210

Vnde dicta. 211.

Quot canis compacta. 215

Fistulæ materia. 212.

Connexionis modus. 213.

214.

Inuentio. 216. 217.

Flagellati ad Tibiam serui. 87.

Flator Tibicen. 51. 181.

Flexores cantus. 43.

Foramen Tibiæ, pro ipsa Tibia. 33.

Foramina Tibiarum. 29. 30.

31.

Φωτῆς 1a. 22.

Funebis Tibia. 152. & seq.

Φυσάλιες. 8.

Γύσπας. Tibia. 36.

Vnde dicta. 37.

Γύσπας. saltationis species

137.

Gingriator, Tibicen. 180.

Ginglarus, parua Tibia. 37.

42.

Glottocomeium. 197.

in Græcia Tibiarum vsus

72. 74.

**H**innulorum ossa, qualia

Tibijs apta. 24.

Hymenæus. 132.

Hydraula. 234.

Hydraulica organa. 234.

**I**nuentes Tibiarum. 94.

& seq.

Iugere, i.e. sonare 52.

**L**Auri ramo Tibia. 221.

Lingulæ Tibiarum.

334.

Ad flectendos sonos . 34.  
64.

Litnus. 229. 230.

Lotinæ Tibiæ. 22. 39.

Lotos, pro Tibia. 7.

Luddus. 128.

Lymphatos reddit Tibia. 80.  
& seq.

**M** Anuum ministerium in  
cantu Tibiarum . 56.

Marsyæ flumen. 195.

Marsyas inuentor Tibiarum.  
11.

Eius cum Apolline certa.  
men. 193. & seq.

Medicorum dignitas apud  
Romanos. 91.

Megaleia. 118.

Melochorus. 207.

Minerva Tibias inuenit , &  
abiecit. 11. 12. 13.

Misturæ Medicamentorum .  
22.

Modi Tibiarum, quot. 67. &  
seq.

Inter Modos & numeros dif-  
ferentia. 66.

Monaulos. 35. 37. 38.

Monumentarij ceraulæ. pag.  
157.

Morbi curati Tibia. 93.

ad Mores corrigendos efficax  
Tibia. 79. 89.

Musica ad sanitatem confert.  
93.

Musicę quot genera : 2. &  
pag. 3.

Mygdonia Tibia . 41.

**N** Abia. 230.  
Nænia ad Tibiam. 150.  
153. 161.

Vnde dicta. 154.

Nautica Tibia . 163.

Nomi musici vnde dicti . 67.

Nuptiæ . 129.

Nuptialis Tibia. 131. 133.

Æolos pars Tibiæ. 34.

**O** Rchumenius lacus. 175.

Organa. 234.

Organicæ Musices genera. 3.

Orgia Bacchi. 12.

Otpei & Amphionis fabu-  
la vnde orta. 80.

Oscula iactabant Tibicines.  
192.

Oscæ Tibiæ. 13.

**P** Aguri Tibiæ cantu ca-  
piuntur. 170.

Pandorium. 218. 219.

Pantomimus. 126.

Pastinaca marina Tibijs de-  
lectatur. 170.

Paxilli cornei Tibiar. fora-  
minibus adaptati. 32.

Eorum forma . 33.

Perforata Tibia. 30.

Pharmacopolæ, circumfora-  
nei. 91.

Phonascus. 39. 147.

Phrygius cantus. 82. 115.

Pithaulæ. 232. 233.

Pithaulica Tibia . 232.

Plagiaulos. 25. 35. 39. 40.

Planipedes. 129.

Præcentio in modis Tibiar.

71.

Præ-

Præfca. 150. 1545  
Procurator Fabrorum. 185.  
Tibicinum. 184.

Pythagorei Tibijs animi fe-  
rociam mollicbant. 79. 85.

**Q**uinquatus minusculæ,  
Tibicinum festum. 185.  
παράυτης. 38.

**S**altatrices. 128.  
Sambuca, materia Ti-  
biz. 23.

Scabella Tibicinum. 205. &  
seq.

Scabellorum crepitus. 206.  
207.

Semiuri Sacerdotes. 82.

Serui an fuerint Tibicines.  
189.

Sicinnistæ. 157.

Siticines. 157.

Sonatores, Tibicines. 59.

Sonus varius Tibiar. 59. &  
seq.

Spondæus modus. 84.

Spondaulæ. 112.

Spondiales. 112.

Stipem colligere. 116.

Stipula pro Tibia. 20.

Subulo, Tibicen. 181.

Symphonia. 65. 178.

Symphoniace Tibiz. 48.

Symphoniaci. 142. 163. 190.

Synaulia. 176. 177.

Syntonor. 146.

**T**heban Tibiarum can-  
tu clari. 74.

Tibiz denominatio & syno-  
nima. 6. 7. 8.

Formæ. 25. & seq.

Inuentor. 10. & seq.

Materia. 15. & seq.

Partes. 29.

Tibiarum modi numerique  
65. & seq.

Tibiarum species & discri-  
mina. 35. & seq. Vti sunt  
Tibiz

Ægyptiz. 41. 36.

Choricæ. 42. 45.

Citharisteriz. 42. 43.

Dextræ & sinistræ. 49.

Eburneæ. 21.

Gingriz. 41.

Longæ. 45. 112.

Magadis. 43.

Miluinæ. 41.

Pares & impares. 48.

Perfectæ. 42. 44.

Phrygiz. 37. 40.

Præcentoriz. 41.

Puellatoriz. 41.

Pueriles. 42.

Pythicz. 42.

Scytaliz. 40. 42.

Serranz. 48. 50.

Spondiacæ. 42. 45.

Thurariæ. 41.

Vasæ. 39. 41.

Virginales. 42.

Vigiles. 42.

Tibiarum vltus apud

Carmannos. 72.

Græcos. 72. 74.

Romanos. 73.

Syros & Arabas. 75.

The anos. 14.

Turæ

Turcas. 75.  
 Tibiarum usus quando coe-  
 pit & quando desijt. 76.  
 earum usus.  
 Ad animos afficiendos. 59.  
 & seq.  
 in Bello. 98.  
 Carminibus recitandis .  
 147.  
 Choreis. 113. 135.  
 Comœdijs. 123. 124.  
 Concionibus . 144  
 Conuiuijs. 137. & seq. 148.  
 Festis publicis . 117.  
 Bacchi. 119.  
 Iunonis. 118.  
 Idæ Matris . 118.  
 Mineræ . 118  
 Funeribus. 151. & seq.  
 Heroum laudibus . 148.  
 Hymnis Deorum . 102.  
 Iudis. 120. 121. 123.  
 Morborum curatione .  
 Comitiali morbo. 93.  
 Dolore ischiadico . 93.  
 94.  
 Mania & rabie. 95.  
 Pestilentia. 95.  
 Tarantulæ moribus .  
 94.  
 Nuptijs. 130. & seq.  
 Regum inauguratione. 96.


Sacrificijs. 104 108. & seq.  
 Saltatione Pantomimi. 126.  
 Ludij 128.  
 Planipedis. 129.  
 Tiremibus . 162. & seq.  
 Tiremibus. 162. & seq.  
 Triumphis . 97.  
 Tibicen vnde dictus. 180.  
 Tibicen, pro sacerdote. 181.  
 Tibicinæ. 161.  
 Tibicines in æde Iouis ve-  
 scabantur. 166.  
 Tibicines in ædificijs. 7. 181.  
 182.  
 Tibicinium, quid. 183.  
 Tibini modi. 65.  
 de Tibijs qui scripserunt. 5.  
 Tonarion, Tibia. 59. 146.  
 Tuba in conuiuijs. 241.  
 Funeribus. 161.  
 Sacrificijs. 122. 224.  
 Vnde dicta. 220.  
 Eius forma & species. 221.  
 Tubicen. 225.  
**V** Estitus Tibicinum. 203.  
 204.  
 Vituli cornu Tibiæ addi-  
 tum. 26.  
 Vox, pro sono Tibiæ. 59.  
 Vfus Tibiarum Varius . 72  
**Z** Ygiæ Tibiæ. 131.

## F I N I S :

*Hic sequuntur Tabule tres cum figuris in ipso Opere  
 explicatis.*

Aol 148-5809







1.



2.



3.



4.



5.







2.



TAB. III.

3




4

M. IVLIVS VICTOR




ITICINVM • CORNICINVM

5.




6.






















B  
13

